

Бембин Тимофей



КӨК ТЕНГСИН КӨВӘҺӘР

БЕМБИН ТИМОФЕЙ

КӨК ТЕҢГСИН КӨВӘҺӘР

РОМАН

Хойрдгч дегтр

ЭЛСТ
ХАЛЬМГ ДЕГТР ЫАРЬАЧ
1989

ББК 84.3 Калм
Б 45

Б $\frac{4702240000-033}{M126(03)-89}$ 25-89

© Калмыцкое книжное издательство, 1989

I ХҮВ

ДЭЭНЭ ҮАЛВД

Негдгч бөлг

Басл күчр, эрчмтэ цаг — толһа эргм, эхн ширгм. Газетмүд оли зүсэр шууглдһа, Петроградас йовсн улс чигн хара бээхш, өврдгнь, өргмж кедгнь харһна, өрклэд яһлалдгнь чигн баһ биш. Сонсад, тодлад бээхнь — икл сүртэ юмн болж. Хаана ормд суусн Керенский харчудын шахлһнд тесж эс чадхларн, күчр зута кевэр, күүкл күүнэ хувц өмсэд зулж. Теңгэ хазг полкст нээлж өөрән бэржэснь ки йовдл болж. Харсх биш теднь хар мөртэ йосинь хамх цокхд, бийсинь көөхд шунж орлцж.

!«Ода юуһарн эдниг Ленин авлад орксн?» — гилдж генералмуд, тиим бишнь чигн шивр-шивр гилднэ. Хазгуд болхла, «төвкүпнэ керг-үүлиг һартаһ автн» гиж дээнд йовх улсиг Советск правительств дуудсар, «байн-нойна һазр кевтән крестьянск комитетмүдин медлд орх» гиж Советмүдин хойрдгч съездин декретд келгдсэр төр кеж хүүвлнэ. «Эңгин крестьян болн эңгин хазг болһна һазр көндөгдх зөв уга» гисн ленинск Декретин үгмүд хазгудын седклләнһ прлцж, ухһинь ээлнэ. «Ода хазг крестьян хойрт йилһм уга, ижл хөвтэ, эдл зөвтэ болжана. Тиигхлэ, мана хоорнд ямр түлклдән бээдв?» — гиж эдн хоорндан күүрлнэ. Шулуһар хәрхән ухалж, өрк-бүләрн, гер-маларн хүүв келднэ.

Болв эднэ гертксиннь бээдл кецү чигн. Одми Каледин Советин йосна өмнэс бослда татсн, Украинэ рада болн наньчн тиим хамг өзднүдлэ үгцэл, Москва, Петроград тал дэврлт кех сана-тажн. Балын амт авчкад, альдасчн нислдэд, бигшлдэд бээдг зөгмүд гихмн, Эрэсэд болсн хү салькнд көөгдж, эмән харсж гүүлдж йовх, тегэд, Теңгэ одмна зурад нээлж тешкэлдж бээсн цаган, йосан мөрэлж, шүдән хэврж, шүлсэн һоожулжах тоот дала болна. Теднэ заагас тонталдад, хаана эркн түшмлнь йовсн Милюков, Гучков, Родзянко ахта, хамгин итклтэ Корнилов, Деникин, Лукомский генералмуднь йилһрж, одмна селвгчнь чигн, нөкднь чигн болж, терүг адһаж, бууляд, магтж көөрүлэд, түкрнэ гинэ.

Эдн бийснь Теңгэ одмна дөңгэр теңкән уга шамдж, шин ээрм

Добровольческ гиж — эрэсэн контрреволюцин цаһан гвардь үүдэнэ. Тегэд Каледин болн энүнэ эргн гражданск дээнэ эк татх дээрэн һарчкһн, шин Советин йосна эрһн хортнд тохрһн өлвклдэд бээцхэнэ. Баячудын көвүдэс кадет, гимназист болһн хамгас негдүлэд, карательн отрядмуд һарһһн, теднинь Чернецов, Семилетов, Греков гидг андд толһалһн, тенд-эндэн шиншлдэд, тенкэн уга чигн.

Ээдрхнэс эрэ эмэн авч һарһн, көл-толһа уга гишн гүүлдж ирһн хойр Новочеркасскд невчк сана авад, төвкһһн болв. Эргндэн хэлэхнь мел урдк кевэрн болж медгднэ: алтн погонтань чигн адрлдна, арднь дахлдж, ам аһахинь гетлдһн хазгуд чигн дарцлдна. Зуг нег үүмүлдгнь — одмн Каледин эдннг баралххар седхнь, харһх зөв өгч уга. Келхэс, «манһдур баһ дунһру хурагдах, тнигэн иртхэ» гиж.

Криштафович Баянов хойр залврин герүр ирнэ. Удһн уга, үүдн делггдэд, хойр талнь хойр хазг зогсад, ценкэрлдэд одв. Мел тер агчмла эрк алхад, цааһас Каледин орж аашна. Цуһар дард гилдэд босад, альх ташв. Одмн меидли, хансар гекэд, уралан һарч йовна. Герл һарад, марзаһад бээдг чирэнь, хойр ээмнь хурагдад, толһань һудыж одһн — бээдлнь дегд дор орж одж. Эн күнд-күнд, балц-балц ишкдлэр йовад, ут столын ирмэгд һанцар дүнгэһн жөөлн креслд күрэд суув. Арһаһан һарһж, хойр-һурв шуукрчкад, түрүн зерглэ харвад авб; цуһар ирһн-угаһинь бүрткжэхнь ил, тегэд «нааран һарцхатн» гисэр дайлад оркв. Энүнэ нөкднр, правительствин члед, нежэдэр, хошадар бослдад, өөдөн һарад, өөрнь суулдв. Хазг цергэ баһ дунһру эклэд бөөл.

Одмн дорасн босад, захас зах күртл цугинь харвн, келжәнэ: — Зергнр, күүкд улс боли минн итклтэ хазгул! — хоолднь юмн тееглгдһн болад, дунь чичрэд, бүтүрһн кевтэ сөөлцкдэд одв. Одмн гүүнэр саналдад, хоолан ясад, невчк төвкһһн болчкад, цаарлв: «Дунһруг секж, керг-төр хүүвлхэс урд ним нег юм келчкхэр: зүсн-зүүл зэнг һарад, одмн правительстватәнән зулад, йосиг Советд өгэд хуурн гижәнэ болад, дораһар шнвр-шнвр гндгчн. Тегэд, тандндан келхм, зергнр: би, хүвдән, Новочеркасскас хааран чигн йовх санан угав. Би эврән, правительств кевэрн чигн, эмтнэ даалһвр эвдж, өгһн йосинь седклэрн керго гиж чадшговидн. Маниг Тенгэ цуг эмтн шиндһн учрар эдннг һартн гихлэ, һарчас биш пань ааль манд уга. Негл юм цуһар тодлтн гиж сурхар, — цуирсар одмн саналдад оркв, — би йос шүүрлдж, энүнэс атхлдһн бээхшив. Эн намд эмтэхн болж, кезэчн бийим авлж йовһн уга билэ. Йосиг һартан авдгм, эврән меиднэт, тним үүмэтэ күчр цагла, цуг Эрэсэн эмнь һарн гижэхлэ, эврәнән тоолж, зовлңгас ээж, билэ гидг үүдн намд уга бээһнь лавта. Үнэн келхнь, талнаһн юуһинь нуухв, йосиг мел ода чигн өгэд, эмэн сулдхж авх билэв, зүг... — цуг эмтнг хэлән бээж, мусхлзад оркв. — Күн намаг медж өгх уга гиж ээхэс биш. Би нааран цевр пертэ, эрүн төртэ ирлэв, терүгән

будаад, буурдад орхх сапан чиги, зөв чиги угав. Хэрнэ тер, зергир. Эврсэн тодлж батлти, наадхстан бас кели йовти. Тингхлэ, биди цуһар, нк-баһ уга, үнн седклэри, күн болһи чадсарн Эврсэний төлэ эмэн эрвлх зөв угавиди. Тегэд дунһруг секжэнэв. Энүнд Эд-рхнэ хазг цергэ элчир ирсн бээх зөвтэ.

Ар зерглэнд дард гисн болла: хэлэхнэ — ирсн хойр босад мег-дэлдэд одв:

— Эн бээнэвиди биди!— гинэд, Криштафович цецгэд авб.

— Биди гнхэс, цергтн ардастн аашдм болхугов, а?— Каледин деерлкжэхнэ ил, терүгэн нуухар чиги седжэхш, тинм чадмг ке-нэр данслсдан байрлсн өцгтэ шуд маасхлзад, миркнж, бүтж бээсн чирэнь тэвгдэд, тиниһэд, герл һарсн болад одв. Криштафо-вич болхла, хажж тусчкад, алмацад, тас юн хэрү өгхэн олж ядад, уснас һарһад, эрг деер хайчкесн залсн кевтэ амари ки хавлад бээнэ.

— Көлэри толһа кеж зүлж йовх эднэс юн церг хээнэтэ?— гисн бөдүвр дун хэцкнэд одв. Цуһар энүн тал эргэд ормалдхнэ — пол-ковник Чернецов инэг-ниэг гинэд, ирсн хойрар наадан кеж, «ним күм» гнж, бийн бардмнсар сенклзэд бээнэ.

— Көлэри толһа кеж, Калединэ сүүдрт багтхар гүүлдж ирсн улс далалм,— болж Криштафович йовулж өгчэнэ.— Та чиги, Чер-нецов, Теггэ хазг биш эсийт?..

Хурсн улс ниргэд, зэрмнэ нам альх ташад, тинм ил, үнн үг-мүд таасж, Чернецов бийнэ ямр кевэр көл, толһа уга гишц гүүж ирснг санж, наадан келджэнэ. Чернецов тас хэрү өгсн уга, дор ормдан наалдж одсар хойр ээмнэ хурагдад, бичкрсн болж одв.

— Тер бийнэ Чернецовти Теггэ хазгудыг чилэж эс йовну? Хаһад, дүүжлэд!..— гинэд, нег күн оли дотрас хээкрэд оркв. Те-ринь гентки хайрсн бомбас чиги тату болсн уга, инэлдэн- шууган даргдад, ниргж бээсн таг болад, эмти кинһэн дотран авчах болж медгднэ. «Чернецовла кен харһж үкдмб?» гнж сүрдснэ дала. «Кен келв, мууха зөргтэ юмб?» болж өврснэ чиги хара биш.

Негл күн энүг таньжана — Санж Баянов. «Хэрти Кануков, мөн!— гнж дотрнэ хээкрсн болв.— Болхнэ, күн үүг таньсн уга. Тингхлэ, Санж, бичэ алд ним юмнг, Чернецовд дораһар келчк, тер йир чамаг хайхн уга. Ода деерэн одмна дарук, шүрүтэ гн-снэ эн болдг өцгтэ. Бичэ алд, Санж, бичэ!»

Санж Баянов нидик Петроград тодлна.

«Хазг цергэ элчирин съезд болжана гисн... терүнд хальмгуд ирсн... Хээж харһх кергтэ теднлэ, анчинэ авх. Эрк биш!..»

Минь тингж ухалад, Санж Баянов хазгуд хээһэд һарна. Зүг олад күрч ирхнэ — герүр орулдг угачн. «Күлэс,— гнж шпнянэ.— Манахс арзалдад, олнас йилһрэд бээхгов!» Гентки теггр дуурхад, һал цэклэд, нк-нк умшта хур орв. Нег кердг болсн юмна дор зогсся Санж Баянов үүднэс нүдэн авхш.

Даруны үүдн секгдэд, салдс хувцта теглг нурhta зузан хар кун, хальмгнь ил, нарад ирв. Ардан эргэд келжэнэ:

— Маниг,— гиж эн келсн соңсгдна,— хаана йоснахи на-ца фронтас дуудад, Петроградт болжах революционн жисэг шулуун дартн гиж авч ирлэ. Зуг мана полк большевикүд дахад, ахлдгудан авч хаяд, ревком шиидсн... Аштнь би нааран ирдгм, таднла харhdгм эн.

— Съезд хазгудыг Учредительн хуртг белдх төр хайлдг болвчн, тедн хоорндан йир арh уга бээсиг күчр илдкв,— болж ондан пегнь келв.

— Тегэд чигн бидн hурвн хальмг съездин зүн энгинь дахдг тер болхугов,— гиж бас нег кун, бөдүвр дуута юмн бээж, келжэнэ.— Зүн энг көдлмшч болн салдс депутатирин Петроградск Советин үлмэд бээхнь алдг уга. Тним эсий?

* * *

Санж Баянов залврин герин ут туршар йовад, полковник Чернецовин ээлдг хора олад күрч ирв. Үүд татад орж тусчкад, тотхад зогсжана: певчк бийән яссн болад, гүүнэр саналдад, төвкнж авчкад, арhuл үүд цокв. Цааһас зөвөр чанһар «болжана!» гисн доңддад одв. Баянов үүдиг эвинь олж бийүрн татад, эрк алхн, мегдәһэд зогсв: — Мендитн эржәнэв, полковникин зергәс!— гижәнэ.— Би, Санж Баянов гидг күмб, адвокат болдв, Ээдрхнәс йовлав. Хальмг улсин асрач генерал Криштафовичин эркн нөкдн болдв.

— Тегэд, хамдан гүүлдж ирвт?— гиж Чернецов сурад, инәмсглсн болад одв, ардан кевтн түшэд, ирсн гиичиг шинжлжәнэ. «Гүүдгглсн уутхн хойр нүдәрнь болхла, шулмта болдг күн: көвәхлэ — көвөх, чивәхлэ — чивөх,— гиж санжана.— Нимгәвр дүд цаһан гим чирәтә. Бәэх бәэдләрнь дүннхлэ, эн, теегин үрн болвчн, теегт йовж, нарн, салькн гихиг үзәд угадан шаху, балһсна болад хуурснь ил. Хар үстә, хавтха хамрта... Чашк өргтә, чавкадхдан дурта болдгнь ил».

Полковникин сурвр кецү гидг өөгч болвчн, Санж Баянов аралдхнн цаһар тесэд, нам төртән эс авсар бәәнэ. «Эсклә болшго. Эн Хар эрлглә,— полковникин нериг тнигж дотран орчулад, нам инәмсгләд авна, эн делкә деер әмд йовна гидг берк»,— гиж ухалад, үнн седкләсн күндлжәхән медүлж, хойр һаран зүркн дее-рән бәрәд келнэ:

— Би танур ирдгм, полковникин зергәс,— Баянов сәәнәр, авта болдгар, тусан халдадгар келс гиж ирлцх үгмүд хәәжәнэ,— итклән медүлхәр, цевр седклән... Танд бийдтн, тана кергдтн... Дунһру деер таниг ховлсн күүг та чигн, талдан улс чигн таньсн, медсн бәәдл һарсн угат.

— Чи меддвчи терүг?— гиж полковник адһж сурад, өндәһэд чыкрәд суув. Баянов хәрү өгсн уга, зуг «ээ» гисәр гекхәс биш.

- Кемб тегэд?
- Хартн Кануков.
- Ке-ен?.. Хальмгий, терчи?..
- Хальмг хазгудас... Бузав күн, багш... Большевик...
- Намий?!

— Петроградт иднийн ташьлдлав. Хазгудын съездт ирсн билэ. Бас хойр хальмг — салдс Василий Хомутников, багш Алексей Саврушев энүнлэ йовла. Нурвулн чигн Советин төлэ нута юм татхасн арашго болж медгдлэ. Таниг му келсэр дүнхлэ, терүнэ ааль давхас биш, баһрсн юмн уга. Ямаран гинэтэ, тана перн-төрэс чигн, ик цолас чигн эмэж, ээж бээхшлм!..

— Үүлнй татна гидг тер! Үкх хулһн минсин сүл зууж наадна гндг — хара келчкһн үг бишлм!

— Хэрнй гинит, полковникин зергэс.

— Минн танас сурхм, Баянов, минь эн хамган кевтнй, иег чигн чимк мисхл алдл уга бичэд, авад ирти гихэр. Альд, яһж кенлэ харһсан, ю соңссан, күүндсэн цугинь... Таасгдхла, тапар нам нөкдөн чигн кенэд бээхв: хальмгуд тускд бийтн хоосм. Сэн селвгч кергтэ. Медгджэни?

Баянов зөвшрсэн медүлчкэд, иим эвртэ күүнд нурһан яһж өгч һархв гинэд, ууцарн үүдиг түлкэд, цухрад һарад одснй тер. Зууран ухалж йовна. «Учр уга, урднй генералын нөкд болж бээсн, ода, иим үүмэтэ цагла, ухалхнй, полковник чигн маншнднй болжана. Тиигчкэд, минн генерал түшдг чигн уга, түлкдг чигн уга хоосн дөз. Үүнэ ижл, үрсн-тарсн генералмуд дала: теднөр Тең тееглж болхмн. Тер учрар теңгрм хэлэһэд, полковникд таасгдж гилэ... Зуг даалһвринь сээнэр, ударулл уга күцэһэд өгчкх кергтэ. Ирсм, келсм таасгдснй — ил. Бичсм таасгдхла, болснй тер».

Санж Баянов бээршлжэх герүрн ирн, дарунь цаас авад бичв: «Хазгудын съездт орлцсн хальмгуд: салдс Василий Хомутников, багшнр Хартн Кануков болн Алексей Саврушев салх болжана. Салдснй үлджэнэ, наадкснй хэржэнэ.

— Станичникудт менд келтн,— гиж Хомутников даалһжана. — Теңгэ хазгудын Хойрдгч полк революцин керг-төрэс суман чигн, эмэн чигн эрвлшго!.. — Бичсэн гүүлгэд умшчкад, Баянов сүл зэцгиг йилһэд, үг болһна дораһар татаслад, онц оньг тусхажахнй ил.

— Бидн бас хара суухшвидн, Василий Алексеевич,— гиж Кануков келн, Саврушев тал занһв.— Теңгэ күцэгч комитет гинэд бүрдэчкһн, ода бээри һазрмудар бас көдлмш кегдженэ. Келхд, Великокняжескд станицин залвр хаагдад, күцэгч комитет сундгдсн, эклэд үүлджэнэ. Бас иег соньн юмн — «Сальск округа серлтэ гисн хальмгудын ницэн» гиж һарсн, түүнэ үүлдэгч багднй намаг орулла. Би эдниг күцэд, генткн «мендвт. манахс!» гинэд орксн, нурвн хазг чочад, шуд иег күн мет дегц эргэд ормалдв.— Аж-

глахь, бузавир болдг өнгтэт. Съездин делегат-хазгуд бояхдан шахут. Би, Санж Баянов, Ээдрхиэс йовнав, адвокат күмб,— болжанав.

— Кен, юнь ямр керг, хальмг болси хөөннь,— гиж салдс келэд, намур өөрдэд, харан өгв.— Василий Алексеевич Хомутников. Теңгэ хазгудын Хойрдгч полкас болдв.

— Тингхлэ, большевик болхуговт?— Би сурж тусчкад, үргсн болад одси, зуг түүгэн медүлшго санаһар деернь немжэнэв:— Тана кех, күцэхти, Василий Алексеевич, мел ил гинит?

— Илэс ил,— гинэд, Хомутников наадк хойр талан хэлэхэд чирмэд авб,— большевикм чигн худл уга. Эн хойр бас. Тним эсий, залус?

— Тним,— гиж Саврушев гекн, намур өөрдэд, харан өгчэнэ.— Алексей Саврушев, багшв. Эн — Хартн Кануков, бас багш. А та, Баянов, кениг дахдвта?

— Бнйтн, залус, кенинь чигн дахдм угав. Хаалһарн бээдв. Ола нааран ирдгм — цуг хальмгудын сэ хээж, теднэ зөв-учринь күргж медүлхэр, харсти-хэлэти гихэр йовлав. Нааһар эс болх бээдл хархла, деер чигн күрх санатав.

— Нэ, кергтн сээнэр күцтхэ, бидн йовх болад бээввидн,— гинэд Кануков харан намд өгв.

— Менд келж хэртн, теңгэхи тееглэхэн негн гитн,— болж Алексей Саврушев гекв.

Хартн Кануков энд йовдгнь, хара төр биш гихэр. Наалкснь чигн эс йовхнь. Мел тедн, Хомутников Саврушев хойр эс болвчн, талдан, шин улс чигн биз, тингхлэ, тним хамгинь илдкж, уцгарнь уга кехд, би танд, полковникни зергэс, хээж олдшго нөкдв гихэр».

Чернецов бичсинь авад умшжана. Үг йир келжэхш, нүднь иктэд-баһдад, чирэнь нег инэмсглэд, нег бүтэд бээсэр дүнхнь йир икэр соньмсжана. Умшчкад, цаасиг өмнэл тэвчкэд суржана:— Шуд соньн түүк мет болж, тодрха деерэн земгэ дигтэ-дарата. Бичэч йовси болвзач?

— Уга, полковникни зергэс.— тана даалһар тедү дүнгэ чинртэ болж намд медгдлэ, тегэд басл чигн чирмэхэд, амтлад... Танд яһж мучһар бичхв?

— Ханжанав, Баянов,— Чернецов йосар таасжахан нуужахмн уга.— Минь эн кевэрн, нигж минн даалһар күнэх болхлачн, намд талдан нөкд тас керго. Эндрэс авн би чамаг өөрэн бэрн гижэнэв. Хальмгудын төриг хартан ав гихэр...

— Би танд цань уга ханжанав,— Баянов саак хойр наран өрчдэн шахад, итклэн герчлжэнэ,— намд бичэ маһдлти гиж сурхар.

— Сэн!— Чернецов босад, нааран-царан йовчинжана. Баяновни өмн ирэд зогсв.— Ола, Баянов, ол тер Канукован!.. Нааран намур авад ир. Эврэн эрк биш күүнднэв!..

Олх болад, көтлэд авч ирх саната харсн Баянов, эс одсн һазр уга, эс сурсн күн уга, арһан барад, альхан сарвалһад, хоосн ирв. Гийгн гихиь, Кануков энүг бас таньж. Энд, хазгуд дунд бээдгнь, хара биш гиж ухалад, бийән хулдхинь медэд, «батын ээж уульдг уга» биший гисн Хартн дор ормасн эрлнэ. Кеер, адунд йовсн үүрүрн ирэд, кесг хонхлань, зэнг ардаснь ирнэ: «Нимгн чирэтэ гүүкэ цаһан залу Кануковиг мел төр кеһэд хээһэд бээдгчн». Гийгн дутмнь Хартн улм батлад, харһлдаг, күүриг цань уга нэрдүлж, көдлмшиг берк болһамжта кевэр кедг болна.

Тер хоорнд «күчр-күчр, күн сүрдм үүл дор-дорасн һарад, нам яахнь медгдхш» гиж, Баянов харар зовна. Эн толһаһан хойр һардсн, шугшн аралдна: «Ухалхнь-ухалхнь уульх дурн күрнэ, зүрхн ишкрнэ, нүдн эргнэ. Яһна йир?!

Мини му хүвэр, полковник Чернецов на-ца гиж адһсн, ик чигн отряд толһалад, Каменскд бээх Тенгэ ревком тарах болж, көгсж одсн, каарч. Тосуд сөрлтлэ харһад, үкдгнь — үкэд, үлдснь ү-дэ уга һарад зулж, полковник бийнь кел бэргдж. Тернь баһ гисн кевтэ, му заян, бултулсн пистул йовсар ревкомин ахлач Подтелковиг хахар седж. Зуг ки хаһад, цаадкнь чашкарн чавчад уһачкж...»

Каледина нээлжэсн хазг полкс үгинь соңсдган уурад, зэрмнь большевикүд дахад, наадкснь, зулдгнь — зулад, хэрдгнь — хэрэд, үк-толһа уга гинэ.

Арһан барсн атаман правительстван хураһад, дунһруг секжэно: — Мана бээдл, зергнр, дегд болж одв, ямр чигн нээлх юмн үлдсн уга. Эмтн маниг дөннх биш, нам йосн хортаи гиж тоолжахнь ил. Чидл манд уга, чилж одв, сөрлт өгдг арһ уга. Үлү һару керг уга, киидән цус асхж биш. Тегэд, би одмна үүлэс буужанав, йосиг өгчәнэв. Тадниг, мини правительствд оржасн зергнриг, нама дахад, бас йоснас буух гиж ицжәнэв. Келх улс бээхлэ, үкс гиһад, ахрар келцхэтн. Цаг бачм, дегд чинвртэ, шахм, бурлданас ирх юмн уга. Келхэс, бурлда-бурлда бээж, Эрэсәни унгднь суусн кеп чигн мартх зөв уга. Хэрнь тер, хээртэ зергнр...

Сүл дунһру хаагдв. Контрреволюционн хазг правительств йоснас бууһад, Советин йосна өмнэс дэкж сөрлцшго шиидвр авб. Толһалжасн йоснасн, одмн сээхн нернәсн хоосн үлдсн, арһан дегд бархларн, Каледин бийән хаж үкснь тер.

Тенгэ контрреволюц күүчгдв. Тенгэ Советск республик гиж һарсн, терүнэ правительствиг хазг Федор Подтелков толһалсн, иль хамгиг эвинь олж дигләд, йосиг кевтнь һартан авчана. Өөдәнүрү уга өлвклджәсн өздигүд — өгтмнь хама? — өмэрлж зулсн, Корниловин ээрмин ардас дахлдад гүүлдсн... теднэ заагт эс мөргөх бурхн уга, экнь йосндан ширгсн өңгтэ Санж Баянов эмкәһән дүүсн, экрн шугшад йовна.

Хальмг улсин элчирин түрүн съездт орх болсн Хохал һарад йовна. Халун — келэд керг уга, хара зөндөн келсн асхрад, һалар кинлгднэ. Болв терүгэр эн төр кеж йовхш. Седкльн: шулуһар балһснд күрч, Иван Михайлович һэрэ эднлэ харһх гисн, басл адһна. «Катя ирсн... багшнр амрдг цаг, — гиж дотрнь төөнрнэ. — Далвн тал һарһснась авн үзэд угав. Яһв гилч? Ондарсн?..»

Гертэсн һарч йовсн Новиков орхар йовсн Жалыковла мел үүдн хоорнд зөрлцэд бээв. — Хохал!.. Күрэд ирвчи?! — гинэд, сарылзад теврэд, тейкән уга байрлжана. Хохал чигн улм шухиж шахлад, маасхлзад байрнь деврэд һарн гисн болна. — Би һэрэд одс гиж һарч йовлав, невчки хот орулж өгхэр.

— Яһла? Юн болла? — Хохал йосар ормаһад, зөвэр чочсн өцгтэ, ю келхинь күләнэ. — Сууни?

— Уга, — Новиков толһаһан зээлэд, мусхлзна, — суух яһла? Биһки шав авсн, эмнлһнд бээнэ, аэх дала юмн уга.

— Тингхлэ, Иван Михайлович, би бас однав, йовн күүндий...

Новиков келж йовна, Хохал нам ам аңһахш, үг болһинь халхас биш. «Цаачн, Хохал, салгудар ямаран күчтэ хуврлт болсинь, болжахинь, бас чигн болхинь чи меджәнчи? — болж Новиков халурхна. — Жилин эклцэр губерnsk Советин съезд болсн, эвртэ-эвртэ шиндврмүд һарһла. Эздүдин салгуд цуг өлг-эдтөһән олна болж, күч-көлсч эмтнэ эдлврт өңгэр өггдтхэ гиж. Салга көдлмшчнр профсоюзд орж негдтхэ гилэ. Би тер профсоюзин халх толһалжана. Тегэд, түрүн кесн-күцэсм им: көдлмшч улсин сә хээж, теднэ көдлмшин болн бээцин таалынь ясрулж, күнд-күчринь гөңгрүлвидн. Көдлмшин өдр нээми часа болв, жалв өсс, зүсн-зүүл ял уга кегдв, бичкдүдиг күнд көдлмшт олзлдг тас уурулгав. Заһсчнрт Эадрхнэ медлин цуг усна аһуд делгү анһх зөв өггдэд, бәрсн заһсинь хулдж авх бат үн һарһсн, тернь земгә өөдөн. Эн хамг көдлмшч, заһсч улсин бээдл-жириһинь зөвэр ясрулв гих кергтэ. Үгин заагт, Хохал, тәди яһжанта?

— Бидн, Иван Михайлович, тинм шүрүтэ хуврлт кеһэд уга-видн, — гиж Жалыков саналдв. — Далвнд хот-хоолын халха профсоюз һарч, тави минһ шаху көдлмшчнр терүнд ордгчн. Үнән келж, ю кедгинь, яһдгинь нам меджәхшив. Нутгар, ээмгүдәр бас, угатһарин комитетмүд һарсн, баячудыг земгә ширжцнүлэд бээнэ. Теднэ шиндврәр бээхтэ эздүдин үлү сав-сацх, хот-хол, эд-тавр, нам үлү һарсн урһц. заһсн күртлнь авад, угатя-яду тоотд тегһн өггднэ. Маңһдүр секгдх съезд ю шиндхнь кемжәнэ. Мана эркин төр — эврә таңһч һарһж авх санатавидн. Эсклэ күүнэ һар хэләж. тер яһж заңһхинь күләж. — зөв өгнү, аль угай? — гиж хүлтхләж тесхд берк. Яһдг-кегдг болвчн эврән үүл-төрән хаһлдг болж аһхар селләвидн.

Келэ. күүндэ йовж, эн хойр больницд күрч ирнэ. Новиков

архул нэг үүд зааглад шаһан, Хохалд наар гинэд докъялна. Хэлэхнь, Һэрэ зөвөр муурсн, чирэнь цээһэд бээж, кевтнэ, хойр нүднэ анята. Эдн э угаһар живэд орлдад одна. Өөрэн ирэд зогсхлань, яһж медснь темдг уга, Һэрэ нүдэн секэд, Новиковиг үзн, байрлад одв.— О, Иван Михалыч!

— Һанцхн би чигн бишв,— болж тернь инэмсгль. Тиигхлэ, Һэрэ невчк келтс гинэд хэлэн: — Хохал!..— гинэд сарвлэж тусчкад, бирчигнэд одв: шавнь өвдснь ил.— Хохал...

— Менд, Һэрэ, яһвч?— гинэд, Хохал өөрнө өвдглэд, һарарн һаринь авад атхв.

— Һэрэчн, үнтэ үүрм, үкэд эмдрүв,— гиж Һэрэ кинь давхцсар шнигж, хоолдан шахж шимлдсэр хэрү өгв,— нэг дэжж нам герэсэн келэд, өдмгм иигэд чилсн болжана гинэд бээвүв. Хэрнь, эмчирт ханнав, тамин амнд йовсим татж авба.

— Тегэд, Һэрэ минь, юула харһвчи?

— Халһнла харһув, Иван Михайлович келсн угайн?— Һэрэ зөвөр гүүнэр саналдчкад, үүртэн келж өгснь эн: — Шин йосн балһснд күч авад, делгү шинрлт, хуврлт һарад йовсн бийнь эмтн шивр-шивр гилдэд, ээсн-чочсн болсн, сүрдхин нааһар бээлднэ. Келдг, төр кедгнь негн: балһснд сонжта улс дала гилднэ, хувцарнь хөлөхлэ— му бор өрмгтэ, энгин салдс, чирэ-зүсэрнь, бээх бээдларнь дүңхлэ— офицер: йовдлнь ондан. Зөрмнь нам тедн дунд Хлюдов, Петерсон эдниг таньсар келлднэ.

Зөнг зөнггэрн болад, саак кевэри санамр бээлдхнь, гентки нэг өрүн таш-ваш гилдэд одсн... Одак бултж, хорһдж йовсн хамг андлуд нүкнэсн һарлдад, негдж авчкад, шивэд бээсн баахн цеггэ эңгиг дарад, советск учрежденьс эклэд күүчнэ. Балһсна цутхлн эднэ болна. Зер-зевнь күцц, чама гиж, өшөһөн авхар аралдж йовх өзднүд цуһар шал согту, «комиссармуд хээхми!» гилдсн балһсна уульнцсар гүүлгдг чигн. Сөөнь өрөл күртл тедн адрж. Һацата кевтэ, эцкинм хуучнь босад, арһан бархларн, нань таньдг сөн эмч бээхш, Бутковиг дуудс гижэнэв. Эцкм хөрэ бээсн бийнь күч өглө, һарад йовлав.

Иван Матвеевич Канава шидр бээнэ, эврэ гертэ. Хаалһан меднэв, тегэд, нэг уульнцас талданар орад, тустан шудрад йопнав. Күн харһхш, нам үзгдхш. Терүгэр нам төр кежөхши. Бутковин гер күртл юмн үлдсн уга— зун ишкмэс ик биш. Гентки машин дүүгсн болад:

— Хей, зогс!— гинэд ик чигн шар офицер машинэс һарэдж буув. Согтунь ил: хойр нүднь зелиж одж. Ээм деернь алтрсн погон гилвкнэ. Бийнь өргн шар тасмта хазг шалврта, хойр келдк йоснь гилв-далв гилдэд бээнэ.— Зогс гинэв!

— Намаг келнтэ?— гиж чочн сүрдсэр суржанав. Чочдгм, би талм зөрүлсн пистулас эһһэд биш, офицерин ээм деер гилвкжэх погонас келтэ, юнгад гихлэ шин йосн балһснд дилсн өдрэс ави погонта улс уга болж одсн...

— Чамаг, чамаг, улан алмс!
— Яһад алмс болж одув, тегэд?

— Ярвадад!— офицер хурдлж ирэд, пистулар намаг толһадад оркв: унж дуусад, эрә гиж торлцув, нүдндм харһурсн болад одв.
— Автн наадкан!..— Ардан эргэд, офицер заклһнла, буута улсас хойрнь һәрәдж бууһад, намаг чичэд түлкэд, машинд суулһв.

Толһам динирэд, цоксн орм дегд өвдэд, нам яахнь медгджә-хш. Машин чигн хар-хар гинэд хурдлад йовна. Невчк сана авад, өөрксән хэләхнь бас минн ижл улс болдг өңгтә, арв шаху улс, цокулснь ил, чирәннь мел цусн, шарх-шав.

Машин шивәһәр орад ирв. Чонжин үүдн хоорид көндлн зогсв.

— Оо, комиссармуд!— гилдсн согту хазгуд хажудан кевтсн бууһан шүүрлдж йовна. Болв маниг бәрсн хазг пистулан татж авн, чаһи гидгәр хәәкрэд: — Бичә көндә!.. Тартн!.. Хаалһ өгтн!.. — болжана. Цуһар цухрлдад, зә һарһж өгхлә, нег ик хазг, нигт чигн сарсхр шар сахлта, барун чикндән унжулсн ик гидг өрәсн спиктә, ик-ик, пуда гиир болсн хойр нудрман деерән чичрүлсн аашна:

— Ас нааран эднән, негәрннь негинь цокад...— гинэд, офицерин өмн ирэд дээвлжәнә.

— Хооран!..— Офицер дэврхин нааһар хазг тал өөрдэд, закж йовна.— Бичә гисиг меддвч-угавч?..

Хазгиг наадкснь хөрэд, эвлэд авад йовж одв. Офицер маниг тууһад, нег үүдәр орулад хаачкв. Терздән төмр термтә ик чигн хорад хөр шаху күн бәәж, деернь бидн немр ирвидн.

Мана ард үүдн хаагдсн болла — цань улм хард-күрд гинэд, төмр чееж, эәһәрннь бодхла, үүср уга ик юмн бәәдлтә, «кенитн чигн һарһигов!» гисәр таг һохлгдад одв. Бидн орж тусчкад, ал-мацад, ормалдад зогсад бәәнәвидн.

— Уралан һартн, үүрмүд!— гиж хол булцгас келсн соцсгдә, таньдг күн болсн болад одв.— Бичә сүрдтн, нааран сууцхатн.

— Мефодьич!— гинэд, сарвлзад гүүж йовнав.

— Би чамаг, һэрә, орж ирлһнләчи танюв,— Мефодьич эмәсн болад, кинлгиннь шуурха ясад, хальчлад бәәнә. Нүдәрннь покж, шуд көкрж одж, чирәдән бас сөрвтә, цуснь хатж одж.— Мана өөрк лавкин хажуһар һарч йовхлам, дотраснь цаһачуд хәргэд һарч ирцхәв. Күн болһн һартан хошад-һурвад шил әрк бәрж. Тедниг дахлди, уулын-шугшсн лавкч үдшәж йовна. Намаг үзэд, эн тас ондарж одә. «Бәртн өөркән, офицерин зергәс, большевик!» — гинэд хәәкржәнә. Зууһач нохас гихм, одакс намаг үзг-үзгәсм үмгдлв.

Сө болв. Нег хорад, шуд деер-дсерән гишн, давслсн мәә-һәс йнлһрх юмн уга. Кийһән авдг аһар уга, басл зовжанавидн, көлсн заядар асхрад бәәнә. Йосар мәәртжәнәвидн. Болшго бо-лад, үүд покжанавидн.

— Кемб? Юн кергтэ?— гисн бөдүн дун үүдн батцас хэцкн-жээнэ.

— Буйн болтха, ус өгхитал

— Усар яахар?

— Ундан хэрүлхэр!

— Большевик бас ундасдвн?

— Адусн эс болхла, авртн гихэр...

— Арһулджа, түрд гижэ, удан зовх үлдсн уга,— гинэд, үүдн батц инэжээнэ.

Өр цээхин өргн дор, цуцрсн, зовсн улс цуһар чигн нөөрт диилгдсн кемлэ, генткн хард-күрд гинэд, үүдн делггдэд одв. Эрки дээр ротмистр Хлюдов зогссн, согтунь ил, бээдлнь дегд сарвасн болсн, дээвлэд бээнэ. Тиигжэһэд, сөөлнкэдсн дууһар хээкржээнэ:

— Нар нежэдэр, улан шулмс!..

Маниг авч һарад, шивэн нег булц тал тууж йовна. Нег сара болсн юмна ца, эмтнэ нүднэс далд һазрт, эрс көөһэд зогсачкв. Цаһачуд бийснь хооран цухрлдад, хөрн-һучн ишкмд зерглэд зогссн, заквр күлэлджээнэ. Тегэд, ротмистр Хлюдов һаран өргэд оркхла, наадкснь бууһан бел кеһэд, манур зөрүлж йовна.

— Үүрмүд! Өөдэн өргтн толһаһан!— гинэд, Мефодьич хээкрсн, өрүни маһарт күнкнэд одв. Мел тер агчмла Хлюдов һарарн сажад орксн «таш-таш-таш» гинэд, генткн бийим чичсн, түлксн болла — яһсан медхшив...

Үднн алднд манахс цаһачудыг көөһэд, балһсан сулдхж. Тегэд, намаг эрэ суг книтэ бээсим олж авад, нааран йовулж, наадксинь дорнь оршаж...

* * *

Пристанская уульнц саак кевэрн, нам ямр чигн хуврлт балһснд ис болсар, урдкарн: шууган-дууган гих юмн уга, хойр талаһарнь гермүд яралдад дүнгэлдэд бээнэ. Хохал кергтэ герэн — арвн зурһадгчиг — өмнклэ адл биш хээж, төр кесн уга, шуудтан ирв. «Гер ормдан, зуг бийнь бээхлэ, болжана»,— гиж Жалыков ухалад, сад дотр, олна нүднэс бултснаһар, далд бээх герүр орв.

Дарунь таньдг үүдндэн күрэд, арһул тоңшулад цокжана. Ца күн ду һарсн болв, йовсн йовдларнь гинглг көлтэ, өндр давхргта болдг өнгтэ.

Үүдн секгдэд, Жалыковин өмн Катя һарад ирв.— Ой, Хохал! — гиж башрдн чочсн күүкн хооран цухрад одв. Тер хоорнд ад-һиж, бийэн чиклх саната, немв: — Хохал Манжиевич!

— Генткн, чочаһад орад ирнэ гидг эн!— болж Хохал инэмсгл-жээнэ, герүр ор гихиг күлэнэ, зуг Катя ода чигн сана авч, төвк-нэд уга, яахан олж эс чадсар үүмсн зогсад бээнэ.— Орж болхий, Екатерина Романовна?

— Ой!— гиж күүкн толһаһан хойр һардна,— боллго яахм билэ! Ортн, ортн...

Эрк алхад орчкад, Хохал зогсад, маасхлэн бээж:

— Му ухан орад бээвш, үүднэс көөнэ болхув...

— Сананд уга күн, гентки на-ца күрч ирхлэ, алмацад,— гиж күүкн чадсарн бийэн харсж йовна,— салькн авч ирв-яһв таниг?

— Салькн аю болад, сана өглго тууһад... нам му жилким шу цокн гивэ,— болж Хохал шогиг йовулж өгчөнэ, уралан һарад сун йовж суржана: — Үгин заагт, Екатерина Романовна, ямаран бээнэт. Кезэ ирлэт? Бийтн ямаран?

— Бийм сэн, ирэд һурв хонад угав, сээтр һаза һарад угав Хохал Манжиевич, мел ирэд бээснтн эний?

— Уга, түрүлэд Иван Михайловичд одлав, дэкэд шавта кевтх һэрэд кесг болув.— Хохал стол деер бээсн зург үзнэ. Энүг, чавас, Маца бийлэһэн авад, хээрлэд йовсиг тодлж, дотран харм төрнэ. — Ирдгм, Хальмг съезд болхд орлцхар...

— Хальмг съезд?— гиж Катя соньмсжана.— Кезэ тертн болхмб?

— Мацһдур, арвила эклхмжн.

— Намаг орулхий?

Жалыков «меджэхшив» гисэр хойр ээмэн холькна. Болв адһж келнэ: — Одхла, орулх эсий? Яһвчн, Яндһа-Мацгин хотл Далви-гас бээнмт, а?

Катя Хохалын өмн цэ тэвб: үстэ, тоста шуд зандрад бээнэ.

— О, жомба!— гиж гиич өвржэнэ.

Катя бийдэн цэ кеһэд авч ирэд тэвн,— жомба уга бээж болхш,— гиж инэмсглнэ,— зэрмдэн нам көгшн эмгнэс чигн дорднав, цэ хээһэд, толһам хамхрад һарн гиһэд одна. Тиигж күн бас цээд ордви?

— Цэ шингн болвчн — хотын дееж,— гиж хара келсн уга болх, а? Түдү дүнгэ күндтэ деерэн авта...

— Нэ, цэ уутн, Хохал Манжиевич, дигтэ асхна цээлэ харһж ирвт.

— Цаһан седклэр йовхла, цээлэ харһна гидг...

— Көвүнтн, Ваня-Маца яһжана?

— Өсэд, мөр довтлх болчкн. Чамаг... Таниг... Екатерина Романовна, сурад һарна: «яһла?» гицэ.

— Мартад угайи? — Катя байрлсар, хойр нүдндн һал шатад герлтэд одна. Болв тер дарунь һал унтрад, герл эрлнэ: «Бичкн мартад уга,— гиж эн дотран санна,— бидн, икчүд, мартжахдан шаху, зүсвр, эс таһьдг улс кевтэ нерэн, өвкэн келлдэд, мууха юмс!»

Эннь Хохалас алдрсн уга, тегэд, бас санжана: «Нег бийд бидн зөвэр өөрдж одсн... зүг би, муульта күн, ам анһаж өглго, мел хооран сааһа йовж, мартлцхд күргж йовналм! Тер хоорид, намаг күлэлдэд бээхм биш, Катяг Далви тал һарһад, холдулад авад йовж одвш. Тиигхлэ... Ода келхнь, дуран медүлхнь яах? Ээ, дэ көөлдж йовад, ялм көөлднэ гидг, тер болж Тархугов. Наадан эс

кехнь... Илднь келж, минн тулад бээдгм бас учрта. Эн ма хойриг, ончн белүсн хойриг эрвлэд, сана зовхас биш, дурлна гидг хэ-виз? Үнсндм?..»

— Цээтн, Хохал Манжиевич, көрэд хуурв,— гиж Катя келжэнэ.— Халулхм болвза?

— Уга, болжана,— Хохал ааһиг авад, нег кииһэр сулдхад оркв.— Ундасж йовлав, нам һээвһэ юмн болвш.

— Мана көгшэс яһжана?— Катя, Амха, Отельдан эднлэ зал-илдата хамгиг сергэж йовдг бээдлтэ.— Намас цуһараднь халун мснд келтн...

— Көгшэснй?— Шидр намаг арсим авхдм күргвэ. Гемэн мезд сурад, эрэ гиж эмэн авч һарув.

— Тедн тинм улснм!— Катя үнн седклэсн байрлж иһэнэ.— Үннэсн, үкдг болвчн, хооран һаршго...

Жалыков Попиковд одж хонх болад йовжана. Катя эцүг һарһад, өрүндэн Хальмг залврн герин үүлдн харһх болад, мсндэн келэд сална.

Манһдуртнь үгцсн ормдан эдн харһад, үүд татад орхла, зузан хар хальмг зогсжаца:

— Альк нутгас?— болжана.

— Яндһа-Мацг,— гиж Хохал хэрү өгэд, Катяг дахулад, цааран орхар седжэнэ.

— Эн бас Яндһайн?— Зузан хар шогляжахнь нл: дегд марзаһад бээнэ.

Катя зогсад, хар залу тал улм өөрдэд, хальмгар сурна:

— Яһна? Яндһа-Мацга биш гихэрий?

Хар залу ормаһад, хахад, юн гихэн олж яджана. Терүнэс үлүһэр Хохал өврсн: «Үүнэ келинь! Кезэнь дасчксмб?» — гиж йосар бахтжана.

Катя түрүлсн, Хохал арднь дахсн, хург кедг ик хора заалһад, орад ирв. Дегд олн күн уга, цуһар зээцэд суулдсн, гүңгр-гүңгр гилдэд, хоорндан ю-бис келад күүндсн бээнэ. Эн хойр теднүр өөрдэд сууһад, бас хара бээжэхш, хөв тускан келэд, шивр-шивр гилджэнэ.

Удсн уга, съезд көдлмшэн эклэд бээв. Толһалжах нимгн шар залу босв, цугинь захас зах күртл бүрткн келжэнэ: — Үүрмүд, оньглыт гиж таднас сурхар, яһйа? Жир шаху элчнр ирхмн билэ. Эврсэн үзжэнэт, зуг өрэлнь бээхиг, һучхн күн ирв. Болв эдн цуг нээмн нутгас болснь айта. Тер учрар, цуглрсн айстан съездэн келад хувхм гихэр. Эс зөвшөржэх, буру гижэх күн бээни?.. Уга. Тингхлэ, һаран өргтн.

Цуһар зөв болв. Күч-көлсч хальмг улсин депутатнрин Советн Негдгч съезд секгдв. Эн һурвн төр хэләһэд, ирлцнгү шпидвр-мүд авб. Хамгин ах төрнь — Советин йос батлх керг. Тегэд, Хальмг теегчг 9 нутгт, 44 ээмгт хувах болцхав. Эддрхнэ губисполкомд бээсн Хальмг секцин ормд күч-көлсч хальмг улсин депутатнрин

Совет бүрдэхэд, теегин туск цуг кeрг-үүлиг кевтнь медж залх зөв терүнэ күцэгч комитетд өггдв.

— Энүгинь хальмгуд эврэ таңһчта болв гиж келхд хату, юңгад гихлэ тег кевэри, Ээдрхнэ медлэ һазр бээсэри, нег уезднь болад үлджэнэ.— Катя «чи юн гиж санжанаач?» гисэр Хохал тал хэлэв.

Хохал шуукрад, хуухан маажн келжэнэ:

— Болв мел хооснд орхнь хол деер гихэр. Яһвчн, ю-күүһэн эврэн медж залн гижэнэ. Сээһэр тоолхла, өмнклэ эдл күүнэ һар хэлэж, тер ю хээрлнэ, яһ гинэ гиж, хумсан зуусн мис кевтэ хулмлаад бээхго...

Пирсти деер Оля орх керм күлэж, Хохал зогсжана. Өөрнь Катя Новиков хойр. Басл чигн ю-бис келэд күүндэд, нег төрөс талдан төр эклэд, болв тер хамгнь эрк биш ямр хуврлт эргнд һарч, ондарж йовхин тускиг көндөж, жирһл улм ясрж, бас чигн тааста болх гиж нээлсэн илдкнэ.

— Чи, Хохал, зэцгэн өгн бэ, арһта болхла, иржэ,— гиж Новиков келжэнэ.

— Иван Михайлович, андһар өгхшив, болв...

— Ода йовхла, оольсар, орм-торм уга одх энтн, Иван Михайлович,— болж Катя Хохалыг бэрүлж өгчэнэ,— нааран биш, иргднь бээсн Далвн тал шаһахш...

— Шаһах биш, тер Далвн гидгт ирэд бээхв, хойрадтн амн үгэн өгчэнэв.

— Юн болж одва?— Катя ормажана.

— Нутга военком болжанав,— Хохал инэмсглэд, бүсэн чанһаһад, өрчэн монталһад, бийнь мегдэхэд одна; ним болхв гижэхнь ил,— зэрмнь нам мел харһад бээнэ гиһэд, намас зулдг эс болхнь...

— Чи, Хохал, ямаран военком болжахмчи?— Новиков илднь суржана.— Заһсна халх болхла, учр ондан...

— Басл келүв, болцхасн уга, чадхч, дамшлт бээнэ гилднэ.

— Дамшлт гини?— Катя йосар алң болжана.

— Талын һазрас зулж ирсн орһдуд, бултул элвэд, хулха-худл кедгнь икдэд, саалин үс кежэх нежэд үкринь чигн һазаһас авад йовж одад бээв. Нам Гелңгэхнэ хурл тонад, Балдн багшиг бийинь алад... нутг кевэри көл, толһа уга гишн бээввидн. Арһан бархларн, ээмгиннь хотн болһнас хошад-һурвад көвүд цуглулад, зер-зев өгэд, сурһад, харслтын отряд гиж бүрдэсн һуч һар цергч болв. Кесг хулхачнр бэрэд, кесгинь үргэхэд эрлһэд көөсн, манур дэкж шидрдгнь уурв. Тегэд, намаг дамшлттач, гиж шахжанм... Нутга депутатирин хург хурснд военком шиидхмн гихлэ, Халвһа Баһудахи — намаг, шарсихн Доржин Минчэг болн дойдахи Манжин Очриг нерэдв. Һар өрглдэн болхла, намд дууһан өгснь оли болж һарв. Оли даалһажх учрар билэ гидг арһ уга болад бээв.

— Тим даалһвр нутг кевэри өгнэ гидг наадна юмн биш,— Новиков Хохалд өөрдэд зогсна,— чамаг иткэд, чамд нээлжэх

болжана. Тиигхлэ, Хохал минь, олна даалһврийг үнлх кергтэ, күндлх...

— Күндтэнь ил,— Катя зөвшэрсэр гекв,— болв зеткртэ?..

— Уга, юн дала зеткр бээдмб?— Хохал һарари сажад оркв. Бийнь шидр болси йовдл санж тодлжана: «Хар өрлэ, усн-цасн уульсн, Кензэ эмгн «Хохал минь! Хохал минь!» гинэ. Тиигн ги-хнй, һанцхи үкринь һазаһаснь авад йовж одж. Отрядаси долаи көвү дахулад, мөр мөрдхлэ, хоорлад, Малзанк һатлад, ца бээси суһаһар орж йовна. «Манахс, саглтн!» гижэнэв. «Юуһинь саглхмб? Мөр дарсаһад, көтлэд авч ирж йовна. Хэрнь, мел дор ормднь бэрх кергтэ!» болж, көвүд халурхж адһна. «Ду тасртн!— болжанав,— буута чигн болх. Гетжэхдэн арашго, хачкхла яһнат? Минь тиигх хоорнд суһа дотрас «таш» гисн болв: сумн гиинэд, деегэр йовад одв. «Терлм, тер! Кевтн доран!» — гиж закжанав. Эврэн дор ормдан унсн, дахсн нөкдирм бас элк түрглэд одв.— Кедүнь медгджэхш. Мөрэрнь бодхла, хойрхи. Наадкснь энд күлэжэси чигн биз? Тедн маниг үзжэнэ, бидн — уга.— Хойр энгрхм, хойр таласнь шахж өгхмн, эсклэ болшго». Тегэд, Доржин Санл һурвн кү дахулад, гүүлдэд йовад одв. Бидн уралан мөлклдж йовнавидн. Суһа дотрас бас нег «таш» гинэд одв. «Көлм, көлм!» гисн Церэкән Санж тоһшлад бээнэ. Мантхра Бадм тер «таш» гисн тал дарандтнь хойр хаһад оркв. Ца хажуд хаси болад одв. «Эинь манахс,— гин,— нама дахтн!— гиж докъялад, бут ташрлад гүүж йовнав. Орад күрч ирхлэ, нег күн, буута, цааран хэлэси. хаси э һарси тал ормаси бээнэ, наадкнь үкр алжана, һарнь мел улан явр цуси. «Хай, бууһан!» гинэд, чочаһад хээкрн, деегэр нег хаһад оркув. Залу бууһан хаяд оркв. Нөкднь өндөһэд босад, тохаца цуста хойр һаран өмнөн бэрсн, ууртан бүтж эмкөһөн зууси бээнэ».

— Көгшэст менд келтн, Хохал Манжиевич, Ваня-Мацаг минн нерн деерэс эрк биш үмстн,— гиж Катя һаран өгв. Жалыков һаринь бэри бээж, нүдэн чирмж, күцэнэв гиж докъялна.

— Намас бас хойр көгшэд халун менд,— Новиков бас һаран өгв.

— Байрта харһий,— гисн Хохал керм талан адһв, үдшэж ирси хойр дайлад үлдв. Кермд күрн гиж йовад, Хохал зогсад, бас дайджана.— Катя, кезэ таниг тосхмб?

— Хойр сар!.. Хойр!..— гинэд, Катя хойр хурһан шовалһад үзүлв. Хохал «медүв» гисэр гекн, хойр һаран негдүлж атхад, толһа деерэн бэрсн, мендэн келэд йовад одв.

* * *

Тең дэки контрреволюцин цутхлнд тохрна. Кесг станиц баячудыннь үгд орад, контрреволюционн бослда кенэ. Көнгшүн үирт аң эргдг мет генерал Краснов нааран гүүж ирж. Эн Керенсклэ холвлдад, Октябрьск революц дархар шулмж, ноолда толһалад,

цергий күүчгдсн, бийнь кел бэргдсн, дэжж тинм юм һарһшго болж амн андһар өгхләнэ, Советин йосн энүг хээрлэд тэвчксмн. Тер үгсн идэд, ичрэн барад, генерал Краснов Теңгэ цергэ одмнь болна. Германия дөң-дамжгар, зер-зевэр күчлж, хазг ээрм бүрдэсн, тернь Тең эргнд Советин йос дарна.

Теңгэ цергэ шин одмн генерал Краснов бийдэн нөкд хээнэ, тегэд, эн кениг чигн һолх санан уга. Ээдрхнэ пролетариатын цоклһнас эрэ эмән авч һарад, суудгарнь усн орсн мет суг киитэ гүүлдж ирсн генерал Криштафович полковник Тундутов хойриг наар гилһнэ. Тер хойрнь цаг түдлго ирнэ, үнн седкләсн одмниг йөрөһэд, итклтэ кевәр дөң-нөкд болхан медүлнэ.

— Ханжанав,— гиж одмн гекэд, ирсн хойриг шинжлсәр хэлән бээж сурпа: — Тадниг өөлүлх седкл намд уга, болв йилһж медхин төлө сурхас биш. Та хойрин ямитн медхәс биш, ямаран үүл даажасити, ямаран төр күцәжәсити би медхшив. Цәәлһэд келит гихәр.

Криштафович Тундутов хойр дард гилдэд бослдад одна.

— Генерал Криштафович, Борис Эммануилович, мел одахн күртл цуг Хальмг улс ахлж йовлав.

— Полковник Данзан Давыдович Тундутов, урднь Цуг Эрэсэн цергин ах командлгч Николай Николаевич Романовин адъютант, хөөннь Хальмг хазг цергэ одмн, ода болхла, генерал Бирюков эрлж одсна хөөн, цуг Ээдрхнэ хазгудын одмнь болжанав.

Красновд Тундутовин өгсн хәрү йир таасгджах өңгтэ чирәнэ тиниһэд, хойр нүднь гиләксн болад, хоолан ясад: — Сән, сән,— гижәнэ.— Бирюковиг би меддг биләв.

— Тегэд, полковник, ямаран дөң күргхән, иһж нөкд болхан келхм болвзат?

— Миинһәр болхла, генералын зергәс,— гичкэд, Тундутов чиклэд,— одмна ах зергәс,— болжана,— невчк чирән геелһэд бээсн Өмн-Дорд үзгә ниццэг шинәс үүдәж, батрах бооца кех кергтә. Теңгәхн, кубаняхн билә эс гихлә, ээдрхнэ хазгуд белн...

— Чик, полковник,— гихәд, Краснов кесг гекэд оркв.

— Зөв гихләтн, одмна ах зергәс,— гиж Тундутов йовулж өгчәнэ,— тана Теңгэ эәрмин иег мөчнь болх дивизь ээдрхнэ хазгудас бүрдәж, терүнд нурһлж хальмгуд авх санатав.

— Хазг дивизь гисн йир сән!— Одмн босад, стол эргэд һарч йовна.— Хальмгуд гисн — бас сән!.. Меднәв, үзж йовлав, итклтә церглдг улс, зөрмг, олмһа!..

Тундутов одмнд таасгдсан меджәнэ, болв бас чигн таасгдж, хол тәолврта, ләәнэ тускд күчр мергн, һавцан энүнд үзүлс гиж санжана. Тер төлэд одмна толһад бээх зуран зах-зухинь сонссан, Хальмг теегәр дамжж дэврх седклинь дөңис гиж шииндэд келнә: — Миинһәр болхла, одмна ах зергәс, тинм дивизь мана кергт нкл тустә. Хальмг тег — Ижл Тең хойрин хоорид у-өргндән лелвәжәх тегн һазр, йир альдаран дэврдг болвчи земгә. Энүгәр довтлхла,

Ар Кавказ өмнөт, Ижлин бахлур, Көк теңгсин көвө бас. Тиигхлэ, хальмгудас бүрдэсн хазг дивизь цань уга кергтэ.

— Чик, полковник!.. Эвр чик!..— Одмн байрлсан нуужахш, бичкн көвүн кевтэ шуд тогльхин нааһар бээнэ. Криштафовичүр эргэд, өргэри Тундутов тал заана: — Генерал, эс соңсвта? Толһа бээнэ, а? Ямр кевэр цугинь тоолад, томжад оркж, а?

Одмн ик хора дотраһарн нааран-цааран йовдннад, зогсхш, уха туңһажахнь ил: нурһан үүрсн, толһаһан мел өргхш, нүгдг-нүгдг гинһэд йовадл бээнэ. Генткн Тундутовни өмн ирэд зогсв: — Ханжана-нав, чамд, полковник. Кесгэс нааран кергтэ селвг, чик тоолвр, сөн зура кенэс чигн соңсад угав. Командир гидг эн — ухалдг, хээдг, олдг!.. Болв нег юм чамас, полковник, сурхар. Уга, чамд даалһ-хар...

Тундутов хойр өскө харһулад, күвжннүләд оркв: — Би соңс-жанав таниг, одмна ах зергэс! Итклдти ханжана-нав. Юн чигн даал-һирити күцэхв!

— Талдан хэрү чамас нам күлэжэсн угав, — болж одмн байр-лад, ормдан одад сууна. — Чамаг, полковник, Берлин ор гихэр. Германия кайзер Вильгельм Хойрдгчт одж бийднь баралх. Энд намд келсн тоотан кевтнь келж өг, селвг сурсн бол, дөң кергтэ ги. Терчн делкән дэ эклхд сүркэ кевэр орлцж, нөкд болсми: дэес-хг юми. Мана керг түүг күчр соньмсахд би нам маһдлжахшив, мөңгн, зер-зев гидгиг шуд асхад хайчкх. Немшир нөкд бола бэ-нэ, болв тиим тодрха, ил, күцц зура бас чигн икэр, илэр өгхүр көтлхнь лавта. Ахрар келхлэ, полковник, чини одлһн, чини кел-вр гидг, минн келсн, минн зуралсн хамг чикиг кайзерт иткүлж, Германи кевэри маниг дөңхүр, кемр маһд, сонж бээсн болхла, терүгән хайхур авч ири гижэнэ. Тиигхлэ, полковник, мана мөри гүүһэдл бээхгов, а?

— Одмна ах зергэс, терти намла тиим төр күүндхий? — гиж Тундутов маһдлжана. — Та болхла, учр ондан, зуг би цуг хазгу-дын нерн деерэс келнэ гидг... Кайзер иткх уга намаг, үнэн икдү-лад, ааль-жиил һарһад, худл келжэнэ гих. Эс келвчн, тиигж сан-хнь лавта.

— Терүгинь би деерән авсув, — генерал Краснов кацкшлад оркна, — тиигчкэд, чи һанцарн одхм бишч, Эрэсэн цуг өмн заха делегац толһалад, уулын улсин, хальмгудын болн цуг хазгудын элчнр дахулад, күн кевэр одхугов! Терчн маһдлх биш, нам эс бахтвас? Яһвчн күүнэ күн биш, күргнь тиим ик шижтэ делегац толһалад, бийинь берк тоомсрлад ирхлэ... Өмн-Деед үзгэ ниицэ амдрүлж йовх чамаг, өсж йовх күргән, тиим күчр чинртэ төр ээм деерән авдг болчксиг үзжэж, һанцхн хадм ахчн кайзер Вильгельм биш, Германи кевэри күндлж, суулһх һазр олж чадхн уга.

— Зогсжаһит, күргн гиснь, тегэд, лавтайи? — Криштафович эс итксэр сурна, эн хойрин өөр бээхән медүлнэ.

— Минн гергм немш принцесса болдми, — гиж Тундутов зө-

вэр өргмжтэ кевэр нөкдтэн цээлнжэнэ,— дегд өөрхи эс болвчн, кайзер Вильгельмин саднь... үй дүнх...

— Кайзерлэ бийлэнь, тегэд, харнж йовлта? — Криштафович шуд динирж одсар бээнэ. Эн соңснь толһа деернь товин сумн хайрснас тату биш болсндан шаху.

— Кесг харһлав.

— Мана күн, Цугарэсэн цергэ ах командлгчин адъютант йовхдан, принцессин толһаһинь эргүлэд, теркэ зуркинь эзлэд орксн болхугов,— гинэд, одми элк хатад инэнэ,— арһта залуһас һарх ааль болхас биш!..

Тегэд, Тундутов делегациарн Берлинд күрэд, кайзер Вильгельм Хойрдгчд баралхад ирсн бийнь чигн, йовсн кергнь чигн сүркэ таасгдсн, дала дөн-дамжг авх болсн, нкл омгта хэрж ирнэ. Одмидан кайзерин келсиг: «Арһта болхла, тер улан шулмсиг али цокти! Мана оньг, дөн гидг маш ик болхд бичэ маһдлти» гисиг шуд цег үг алдл уга күргнэ.

Тер кевэри Краснов одми Тең деер цуг контрреволюционн чидлмүд цуглулад, энд-тендэс гүүлдэд ирэд бээдгнь баһ биш, Санж Баяновин бийнь сахмдсн хэрү гүүж ирвш, тедниг негдүлэд, ардан дахулсн, Аһш тал дэврлт эклнэ.

— Аһшиг авчкад, Данзан Давыдович, чини Ээдрхнэ чикинь мошкхми,— гиж Краснов Тундутовин ээм деер һаран тэвж инэмсгленэ.— Улачудынъ усар тууһад орулхми,— усн дала эсий, Ижл бээх, баһдхла, тенгс өөринь,— харчудынъ хазад-хазад, ааль дэкж татшго болдгар амн үгинь авад, хазгуд дахад һаңхлдад бээдгэр кехми. Тиим эсий?

— Тиим, тиим,— Тундутовин бээдлэр цань уга таасгджахнь мел ил. «Тингхлэ, юн үг?— гиж эн дотран санна.— Намла тесдгнь, намла шүүрлддгнь, тегэд, альд? Данзан Давыдович гилдэд, дүһрлдад эс бээхнь! Баянов эднэ бахлуртнь күрхлэ, базһад-базһад!..»

Теңгэ хазг ээрм Хальмг теегэр шурһад, деед ар үзгэснь орж аашна, Ижл тал шүд хазж йовна. Терүнлэ урлдад гишн, Сарпулин ар захар үүлдж йовсн Деникинэ Добровольческ ээрм бас Хальмг теегүр хурдлсн, Ик Дөрвдэ нутг эзлэд оркна. Нег керг, нег төр эдн күцэсн болад йовсн бийнь, «асхрснас — дола» гидг авъясан хайж йовхш.

Хойрдгч бөлг

Шин һарчах комиссарнатд гиж, нег хора белдсн, тернь земгэ у, сарул юми бээж. Хохал орж ирэд, үүдн хоорнд зогсад хэлэжэнэ. Булд нег ик стол, хажуднь кесг стулмуд яралдсн, ирэд суухиг күлэлдсэр бээнэ. Хохал уралан һарад, столд күрэд, цань суучкад, хойр талан харвна. «Гем уга,— гиж эн санна,— болжаана... Дээнэ комиссарнат бээх, комиссар бас бээх, дэн бийнь чигн, чинхнь, дала хол биш гинэ: хальмг теегиг хойр таласнь хазгуд кел-

көдлгсн, тейгэхнь тер тусарн, ар деед захарнь орж ирсн, Сарнуль талас кубаняхн сахмадсн, Ик Дөрвдэ нутгийг эврэхн кечкж. Хойр зүсн хазгуд хоорндаи негдж, чидлэн хам кехэр чирмэлдж йовхнь ил. Теднэ сүүдр манд тусхнь алдг уга. Кемр кесгнь киинэн дотраи авад, хумсан зуусн мис болад, тагчг бөгдидэд кевтсн болхла, ода толһаһан өрглхнь маһд уга, хорлхан хээх. Тер учрар, дээнэ комиссар Жалыков чамд таварлх үүдн уга. Холас, тодлврин йоралас, Новиковин келсн сангдна: «Чамаг иткэд, чамд эмти нээлжэх болжана. Тингхлэ, Хохал минь, олна даалһвриг үнлх кергтэ, күндлх... Сууж биш!»

Жалыков босад һарна. Нутга күцэгч комитетин ахлад ирэд, тоолвран келнэ: — Буру эс гихлэти, мел эндрин бийднь йовад, ээмг болһнас көвүд цуглулад, харслтын отряд бүрдэнэв.

— Мууха адһмта юмб тернь, — гиж ахлад алц болна.

— Цагнь тиим, — Жалыков су гийэд заасн стул талнь нам өөрдсн уга, зогсн бээж цааранднь келжэнэ, — цагин неквр тиим...

— Цаг чинвртэ, дань уга чинвртэ. Саглв гиж гем уга, цалдн юм бас һарһж болшго. Икэр адһм биш гихэр...

— Адһх бээнэ, адһшго юмн бээнэ, ахлад. Манд адһв гиж йир үлүдшго. Лениниг, түүнэ заасиг: «ямр чигн революц, кемр бийән харсж чадх болхла, зуг тегэд юмна тоод орвас» гисннь мартхм биш.

— Ле-енин? — гиж ахлад күчр өвнэ, эс итксэр Жалыков тал ормана. Хэлэхнь, «чи альдас меднэчи?» гийэд, хээкрсн болад одв.

— Ээ, Владимир Ильичин заавр, — гийэд, Хохал иткүлхэр бийднь терүг келж, цээлһж өгсн Новиков сананднь орна. Катяг тодлна: «Хохал харслтын отряд ээмгтән бүрдэхлэри, Иван Михайлович, мел Ленинэ зааврла ирлцүлж кесн бээжлм!» гисннь сангдна. — Намд, ахлад, мөр һарһж өгти, эмэл... Эндр Баһудт күрэд хонад, отрядан ээмг болһар йовуллав, церглх көвүд авч ирг...

Тегэд, Яндһа-Мацгин долан ээмгэс 33 көвү — көдлмшч, захсч һараснь цуглулсн, нутгтан зөвлм баахн, революционн отряд бүрдэнэ. Бу зүг өрэлднь күртнэ. Терүгэр күн төр кежэхш, юнгад гихлэ комиссар Жалыков келсн: «мана бу, көвүд, хортид йовна, харһж гилэ, бууһан эрк биш авх кергтэ» гисн, кенэ чиги чеежэс һаршго, бат.

Яндһа-Мацга отряд эврэ нутган хэлэж, харсн деерән Кизлөр-Ээдрхн хооридк ик замар бээх комендатурмуд бас хэлән бээдм. Теднэ эжго теггин туршар энд-тенд, һурвн зу һар дууна һазрт, хотхр-бөөрг, элсн-шора болн хулсн-зегсн дотраһар цувлдсн, нег-негнэсн зэрмдән тэвэд-жирэд дуунад бээх маһд аулмуд, орс селэд болн хальмг хотдуд: Старое, Алабуги, Терняк, Бирюзьяк, Боран селән, Харухс селән, Чолун болн Жинжл гийэд, келхд амр болхас биш, хэлэж хархд зөвөр дашката юмс.

Нег өрүн Жалыков көдлмштән ирэд, цевр аһар ортха гийэд,

терз секэд оркхла, терз тус, өмний ирд, ик чиги шар матрос зогсв. Мендлчкэд, ипэмсглэд, өмнөнэ медж, таньж йовси мет гентки чирэцэд харһсидан байрлжана гихм:

— Үр Жалыков?— болжана.

— Жалыков.

— Мел хээж йовси күүһэн олад бээвүв,— гиж гиич байрлжана.
— Орж болхий?

— Терзэр эс орхар бээхлэ, үүдн тенд бээнэ.

Гиич элк хатад инэси, цаарлад, үүд татад орад ирв. Наран өгэд мендлн, келжэнэ:— Когтев, революционн матросмудын отрядын командир болдв, Оляһас ирүв, танла таньлдс гиж.

— Намий?— гиж Жалыков йосар байрлна.— Уралан хартн, үр Когтев, суутн. Соцслав, соцслав, тадниг ирж гиж, зуг күрдг чөлэн уга болад...

— Меднэв зовлцгитн, тегэд чиги ирдгм эн. Нег төр күцэжэх улст ии-негн эс бээхлэ, болшго. Оли эргж, Ижлин көвэд бээж, манас тус уга. Ик юмн энд, тана эргнэр болна гинэ, тиигхлэ, нам, танла зөвчлэд, командованьд келэд, нааран нутга цутхлн тал нархла... Хойр отряд негдхлэрн, хортыг амрашголм!

— Хортн гихэс,— Жалыков саналдна,— мел дор-дорасн һарад, энд буза татад, тенд йос эвдэд, көөлдхлэ бэргдхш, хурдн-хурдн мөртэ, зер-зевнь күцц, хү салькн мет одцхана. Тедниг түкрдгнь, түлкдгнь, теткдгнь баячуд, гелнүд...

— Тедн боллго!— гиж гиич зөвшөрнэ.

— Бийснь энд чикн уга толһас кевтэ эс медси, эс соңссн болад, манахс келдгэр, кечкэд — эс кесн болси, гем уга гелдглэрмүд. Ааль, мекнь теднэ дала, тиигчкэд тедн альд чиги нег ижл, эмтиг меклэд, ээлһэд, эс болхлань, хулдад чиги сээхн эвинь олж, толһаһинь эргүлнэ. Келдгнь негн: «Советин йосн тадниг тарах, үрэх, теснэ гидг берк, эс ноолдхла, юмн болшго».

— Күн эс медх юмн уга, үр Жалыков,— гиж гиич келжэнэ,— һазр тавглснаси авн келсэрнь һаңхад бээдг мужгт гентки тер теңгр кежэси эзэн һээд од гиж келж болжахш. Түүнэс давхла, ке гисинь кехшив, билэ гиж бас чаджахш. Тернь — негн. Хойрдхла, эзндэн күзүцэ өртөнь, ода чиги түүнэ өгсэр көл кежэһнь хара биш. Тиигхлэ, эзнэ келсэр, түүнэ заасар бээнэ гидг тер.

Когтев үгэн төгскэд, бөдүвр хурһднь тус-тустан арзалдси, ик-ик хойр наран өвдг деерэн тэвси-сууна. Эн икл оврта деерэн зөвэр махлыг, күнд болдг, удавр авцта, халун нард шатснь ил, чирэнь күрцтси, үснь шарнхувр күн. Халу дөрхлэри, киилгинь товч тээлэд оркхлань, өрч деернь зүүһэр хатхад зурсн нарна делгү асхржах толянь үзг-үзгүр цацгдси болад одв.

— Нэ, тегэд, Хохал Манжиевич, би йовх болад бээвүв,— Когтев босв, тиигхлэнь, комиссариатын у, сарул хора дүүрсн болад одв.— Танла таньлдсидан, ма хойран хэлэц, тоолвр нег ижл бол-

спд нкэр байрлжана. Менд бээтн, байрта харний,— гинэд, гинч наран өгэд, нархар бээнэ. «Мууха сээхн зацта, тиньгр, делкэ мин гисн күн болхви?» — гиж эн дотран санад, бас үнн седклэсн байрлж, наринь авад, сегсрж бээнэ: — Лавта мана хойр отряд негдхлэ, уга, чидлэн нег кехлэ, манла тесдгнь альд? Тиим эсий, Вячеслав Иванович?

— Тиим, тиим, Хохал Манжиевич,— гиж Когтев бас Хохалыг дахад давтсн, наринь сегсрнэ.— Зуг минн матросмудт мөр ундг дасхх кергтэ, эсклэ нам дөрвн келтэ мал үзэд угань бас йовна заагтнь.

— Дасх, дала күнд юмн уга,— болж Хохал шлэнэ,— баячудыг хазарлдг дасн улс баячудын мөрннь эс эдлж чадх били?

— Хэрнь гинит, Хохал Манжиевич.— Когтев бас нег мендэн келэд йовад одв. Жалыков терзэр ардаснь хэлэн бээж санна: «Иим күчтэ дөн бийнь ирнэ гидг! Зер-зевнь күцц, зөргннь гихлэ — наадад матрос болсн биш тедн, уснд чигн чивдг уга, налд чигн шатдг уга. Теңгст тесдг улс теэгт нег үлү болхугов!»

Кесг болад, кергэр ирсн цаасд хэлэнэд, кезэ, янж күцэхинь темдлэд, кенд, ямр хэрү өгхинь бичэд нарс гижэхнь: гентки үүдн хард-таш делггдэд одв. Хэлэхнь, зүсвр хальмг орж йовна. Эрк алхн, менд-сенд уга нар суржана: — Жалыков гидг та болхуговт?

— Бив.

— Цаатн, Бөкүнт нууриг көвэд бөк-цохан олжана, дөрк-дөрк гихэс...

— Кен?

— Мэцкриг хальмгуд болн Чолуна орсмуд.

— Янал?

Хохал на-ца гүүж нарад, отрядан дахулад, довтлад күрч ирхн — хальмгуд орсмудыг бүслэд авчксн, ю кехэр бээснь нл, хээкрл-дэд, авад нарад бээнэ.

— Зогстн! Түрд гитн! — гиж Жалыков мөрн деерэс буунад, дунднь орад одв.— Янжах улсвт? Кезэнэс авн ах-дү болад бээлдэ бээж, кенэ төлэ, янад ноолдхар бээхмт?! Минь чамд, Иван Кожинов,— гинэд, Хохал өөрхн бээсн нег орсиг заажана,— нег үкртэн өвс хадх талдан наэр угайн? Чамд күн наэр өгсн уга били?

— Би бийдэн бишлм, Хохал,— гиж тернь келжэнэ.

— Кенд, тегэд, хадхар?

— Андрей Глебовд.

— Эн наэр, тегэд, Глебовин мөнйи?

— Медхшив,— гиж Кожинов башрджана,— маниг авч ирэд, хадтн гив, сэн үн өгх болв.

— Чн, Кожинов, эс медхлэ, медсн улсинэр юнгад эс болнач, э? Өэрк Манжан таньхшйчи? Хамдан салга тачк түлкж йовлч? Үүнэ үкр нлх өвсиг булаж авад, Глебовд өгэд, юунд күрхэр?..

— На, залус, бичэ өөлтн,— гиж Кожинов хальмгудт келжэнэ.

— эндү мана, эрлгин үгд орад, тарж йовनावидн. Хохал, чамд хан-жанавидн, эсклэ нам...

— Эврэ, үзж-медж йовсн улс гнһэд, тадниг тэвхэс биш, эс гиж авч одад дүрчкх билэв. Хэлэхм бээж, Глебов ирж һарһж авх-угаһинь.

— Глебовд кергтэ юмс!— гиж Манж хөвөн келжэнэ.— Хохалын келдг үнн. Чи, Яван, намд чидл үзүлэд, мини үкр идх өвс булаж авхар седсичн, икл хажһр. Глебов чамла өврлдж йовсн-угаг меджэхшив, а чи бидн хойр, Яван, мини му бортх дор кедү бөгдилдсн болхв? Тиим юм мартж болдви? Яван, Яван...— Манж һаран сажад, йосар өөлсэр тедүкн һарад зогсв.

— Манж минь,— гиж Иван Кожинов уульцнад, үүриннь өмн одад өвдглжэнэ,— буйн болтха, чамасн суржахм, бичэ өөлич. Гем мана, һэ болтха, теңгр цоктха, тиим юм Яванчн дэкж һарһдм болхнь...

Хальмг Манж орс Иван хойр өмнк кевэрн теврлдэд, хойрули чигн усвксн нүдэн арчад сална. Наадк орсмудан дахулад, Кожинов хэрэд эрлнэ.

— Таднд чигн бээнэ, залус!— Хохал мэнкрихниг керлджэнэ.— Зөвтнь күүндэд, зөвинэр дорнь халһад хуурл уга. Бөкслдхлэ, кен чигн, залу нерндэн, хооран һаршгоlm, бэрлдэд медхэс биш. Ода Яванд келсэн Манж тиигхд келж чадшго бээсмб? Яван ямр чик күүһинь захас меддг болхт, зуг күүнэ үгд орад тарж йовхас биш. «Эвэс тосн һардгиг, эвдрлэс цусн һардгиг» кентн чигн бичэ марттн гихэр. Шматов, Глебов эднд Манж Яван хойр ноолдсн, тедн хооридан му бээсн кергтэ, эсклэ негдхлэрн, үгэн нег кеж авхларн, үгинь соңсх биш, үклинь олхугов. Зөрц хоорнднь цоклдулна гидг тер.

— Үгин заагт, тадн өөрэн бээсн ээмгиннь отряд дуудл уга, маниг на-ца гилһэд йовдгтн юмб?— гиж Жалыков сурна.

— Саак би болхугов,— Манж өрчэн цокжана.— Хохалыг дууд гилэв. Дегд халурххларн, ээмгэ отрядан мартсн деерэн, одак Яваниг бас, һэ болтха, үзсн угав. Яван чигн сохрж одсн өнгтэ, эсклэ «хей, яһжанчи?» гилдл уга бээшгоlm.

* * *

Күч-көлсч хальмг улсин депутатнрин Совет бачм хурасн Хойрдгч съезд деерэн шиидснь: Тундутов, Тюмень, Бадмап Церн, Онкра Бегаль болн нань чигн ик байн, нойна мал-геринь, эдла-хуһинь, өлг-эдинь, сад күртлнь, оln-эмтнэ зөөр гиж зарлад, кевтнь өцгэр авад, оlnа эдлврт өгхми гиснь — һазрин туск ленинск Декретиг эвинь олж, эврэ теегин, эмтнэ пеквр, бээдллэ ирлцүлж күцэлһн болснь зөвтэ. Нег үлү, теднэ мал-гер негдүлэд, коллективн эдл-ахус — коммун, эртүлмүд гиж һарһх болснь дегд айта.

Һазрин халхд, яһдг-кегдг болвчн, эмтн эвэн олж йовна, усна халх одачн сээтр йилһрэд уга. Арвн нээмдгч жилин эклһр заһс-

на халхд эзн болһна эдл-ахуһинь, салг, шаланд, сав-санх, гөлм-урх күртлнь авад, олна эдлврт өгх шиндвр йосар күч авч батрад уга болсар, эзн альднь чиги эзн кевэрн бөөһө.

Буурана салг. Шин залач һэрэн Налж стол һатц сууна, ю-кү тоолсн болад, бичэд бөөнө. Гентки үүдн секгдэд, күн орсн болв.

— Элдэшк?..— Налж босад, стол эргэд һарад ирнэ.— Би чамаг дэжж нааран ирх гиж санжасн угав. Келн бэ...

— Юунас эклхнь медгджэхш,— Элдэшк инэмсглнэ.— Хохал цуһарадтн мөнд келүлвэ. Мана күн, эс меддг бишч, ширд-пирд гиһэд, ширжнүлэд бөөнө. Келхлэ — дала, асхидан харһхм... Ода деерэн наадкан хэлэлч.— Элдэшк хавтхасн һарһад, тинзтэ цаас өгнө.

Налж авад умшн, алң болжахнь ил, келжәнэ: — Хэрнь, чамаг нег уга йовсн уга болх гиж сана билэв. Болв ним ик шижтэ: «Яидһа-Мацга нутгин шишлң элчнь болж, Буурана салгт» ирх гиж кен медлэ?— Цаачи эзн аашна, чамаг үзчкэд, нег үлү, цаасичи үзчкэд, цань уга гидгэр эс байрлхнь, а?..

— Мини ирдгм, Налж, нутг зөвөр чинвртэ бээдлд бөөнө, хотхол йир хэтэр,— гиж Элдэшк саналдад авб,— тегэд, бэрсн занһсйг, кевтнь эс болвчи, өрөл-дөрвнәһинь нутгур йовулжах даалһврта, онц зөвтэ бийчи йовнав. Эврән эс үзжәнчи, нутга ахлачла хамдан нутга дөөнө комиссар Жалыков һар тэвсиг. Тингхлэ, ямаран чинртәнэ эс медгджәни?..

На-ца гисн, амн-хамрари киһән авсн Хавал гүүж ирв.

— Налж, эзн ирсн, чамаг зүн причалд күлэжәнэ, шулудтха гивэ.— Келхән келчкэд, Налжин өөр бас күн бээхиг шинки үзсэр: — Уй, Элдэшк, би чамаг нам онһсн угав, мөнд,— болжана.— Нэ, би гүүнэв, Налж, чи шулуд, эзн, келэд керг уга, хар үүли кевтэ хархлэад-бархлэад, нүдәрн бэрж идн гиһэд бөөнө.

— Чи, яһич?— Налж гинчүр хэләнэ.— Бээхм болвзач?

— Уга, йовнав,— Элдэшк босад, хошан уудлад, бүс һарһв. Терүгән бүслэд, пистул зүүһэд оркв.— Ямаран?

— Иоста юми,— гиж Налж инәжәнэ.

Күрч ирхнь, эзн һаньдглад хээкрэд бөөнө, һарари занһад, нааран-цааран гүүдглад, Хитриковд зөвөр күртжэх өңгтэ. Эзн мөндни хэрү өгсн уга, Элдэшкиг үзн, Налжас суржана: — Эн кемб? Мини салгт ю кежэх күмб?

— Та намаг мууха түргн мартсмта?— гиж Элдэшк мусхлэв.

— Энти нутга шишлң элч, дөөнө комиссарнат илгәж,— Налж Элдэшк тал хэлән, немнэ,— цаасан үзүл.

Элдэшк цаасан һарһад, эзнд өгв. Тернь авад умшн, хэрү өгчкв. — Нутга заавр намд заавр биш,— гижәнэ.— Намла күн салг шинлж бэрсн уга.

— Танд нам Советин йосн бийнь чиги ирлңгү биш кевтэ, а? Нутга күцэгч комитет, дөөнө комиссариат,— Элдэшк бүсэн ясал, пистулан чиклсн болад оркв.— Эврәннь бүрткәч илгәх биш, энү-

гити салг кевэрнь танас авнав гивчи — дурнь. Тиимишь та бас меднэт, ода нег үлү, дээнэ һалв дотр. Би кенд чиги харшлшгов. Мини керг — бэргдси заһсиг бүрткэд, терүнэс нутгт бас күртэх зөвтөв, а тачи намд жалв өгэд, бээх герэр, хот-хоолар теткх зөвтөт.

— Бас юн кергтэ? — Эзи шоодралси үкр кевтэ доран зогсж чаджахш. — Жалв өгх, гер, хот-хол... Баавһа керг угайи?

— Бийти Советин йосна элчв, кемр йос муутхж, ам аңһахла, эс келвэ гивзэт, шуд дор ормдти хаһад унһахв. Мана йоси эрүн, йосан күүнд му келүлшговиди!..

Эзи дегд хордхларн, яахан олж яджахнь ил, хойр талан хулт-хлэжаһад, нам менд келл уга моторкдан сууж авад, гүүлгэд йовж одснь тер. Цуһар чиги — причал деер бээси улс, Хавалын бийишь ээм деерэси күнд аца авч хайси кевтэ гүүнэр шуукрж саңалдцхав. Тер асхиднь хүүвлэд, салг залх комитет бүрдэси, түүнэ толһачнь Һэрэн Налж болв. Эзи нам шаһадган уурв.

Заһсчир чиги, теңгсэ, һолын уга цуһар, бас земгэ сана авлдв. Болв эднэ седкл төвкнүн биш. Урдк «заһсчирин ниицэн» хуурси, шаң ода деерэн эдниг кергтэ хамгарнь теткж чаджахш. Гөлм-урх, сав-саңх, өлг-эд йир хатяр, элхнь — элэд, үрхнь — үрсн, авн гихлэ — мөңгн уга. Шаң дөңнхэр седвчи, бас өгдгнь уга, хаана йоснас күртснь — дала өрн, күзүцэ гинэ. Деернь дэн улм күч гвад, һаллад йовна. Кен, кезэ, альдас авч өгнэ гихв? Заһсчир бийснь арһан хээнэ. Эди хоор-хоорндан негдэд, нурһлж ах-дүүһэрн, элги-садарн, эврэ онц эртүл бүрдэдг болна. Күн болһи хүв туск тэвц тэвэд, мөңгөн хоршулад, кергтэ гөлм-урх, сав-саңх хулдж авад, арһтань теңгсүр ордг болна, арһ татуишь ар эргнэ — һолар, нуур-мудар аңидг чиги. Кемр көдлмшч улс керглгдси саамд талын «күүнэ» улс бас эртүлдэн орулж авдг болна. Теднь, чавас, мөңгн-теңгн угань, тэвцнь — хойр һарнь, хар көлснь чиги. Тегэд чиги эднэр наадан келдж, дөөглдгнь хара биш гинэ. Кесг зута-зута нер өгнэ: «Хаһрха хавтх», «хооси дөз». Болв нег нерн — «хүүрэ тэвц» эднд йосар шингрж. Бийснь бийэн тиигж нерэддг чиги, күн келж өөлхш гинэ.

Тиим эртүл олз-оруһан тэвси тэвциннь кирцәһэр хувадгчи. «Хүүрэ тэвцтән», норһдг юмн угань, хүүрәһэр гишц үлддгчи. Келхд, эртүлд бээх арвн күүнэс тавнь — сав-саңхин, гөлм-урхин эзн болхла, тедн хөрн хувин арвн тавинь авдгчи (таинь — бийсиннь кеснд, арвинь — сав-саңхд, гөлм-урхд гиж), үлдси тавн хувинь — тавн «хүүрэ тэвцтән» болдгчи. Күн жилвтх юмн уга! Нам түүнэс дор юмн бас харһна гинэ, нег үлү, эртүлин өлг-эд болдгнь нег күүнэ, эсклэ хойр күүнэ болхла. Цуг олз-ору теднэ болад хуурдг чиги. Эннь, илднь келхлэ, эс медгчэр, дораһар, угатя, яду улсиг дажрж, теднэ цусинь, көлсинь уулһи. Болв, йосар хэлэхлэ, цуһар хоорндан үгцэд, зөвтән багтад, нег эртүл болси, захас эдл зөвтэ, алькарн болвчи теңгш чиги, зуг олзнь тал-талдан болхас

биш, юцгад гихлэ тэвцнь эдл биш. Терүг меддг болвчи, бичэ гндг арһ уга: Ода деерэн аралдад гишн тесх кергтэ болжана. Иим чиньвртэ, түрү-зүдү цагт бэрсн захснь орн-нутгт, оln-эмтнд эрк биш кергтэ. Дэкэд, яду болвчи олврта, геснь цадхлн...

* * *

Ээмгин Советин ахлач, хөөннь нутга дээнэ комиссар Хохал Жалыков эврәннь медсэрн, чидл күрсэрн, чадсарн келһ, күцәһә төр — Советин йосан болн энүнэ диг-дара харлһна төр — нигж, цуг хальмгинд тохрж, йосна шиж зүүв. Өргэр авад, уцглад хэләхлә, өдгә кемд, цуг Эрәсә кевәри дээнэ аюлла харһж, захас зах күртлән бүклдән эврәннь алдр революцин диилвр харсж, нег мөслж ноолджах кемд, эн төр цуг орн-нутгин эрки төрнь болсн, үүнәс давх, чинрлгдх хамг нань уга болжахнь лавта.

Нутга цутхлн Далви кел-көдлэд, йовһи мөртә уга мел сольвлад бээнә. Дээнә комиссар Хохал Жалыков болхла, нам кезә күүн кевтәһәр унтсан мартж йовна. Наснь харһжах хөрн һурвта, хөрн дөрвтә көвүд хотн, ээмг болһнас адһсн, эдниг эк-эцкнь, элгн-сәднь, ах-дүнх үдшәж йовх — цуһар нирглдсн, шууглдсн йовна.

Йовх көвүд цувад зергләд орксн, эднә өмн комиссар Жалыков зогсжана. Захас зах күртл цугинь харвн, экләд келжәнә:— Үүрмүд!— гиснь киити аһарт жиңсн болад одв.— Тәди, тәви зун хөри тәви ядһа-мацгахн, түрүн Хальмг революционн полк болхмт. Биди, тана эәж-аавир, ахир-дүүир, оли мана периг ичәл уга, орн-нутган залу кевәр хортдас харсж, улан залата хальмгин нер һарһад ирхт гиж тәдидән ицжәнәвидн. Полк мөри цөргә болхмн, тер учрар эврәннь мөртә, эмәлтә-хазартаһан ирсити уралаи һарлт!— Зерглән эвдрәд, эид-тендәснь өмөрән һарлдад зогслад бээнә.— Өрәлти йовһи болж һарчана. Учр уга, үүрмүд, мөри угань мөртә болх, мес угань местә болх, күцәһәд өгнәвидн.— Комиссар зергләнә өмнәһәр нааран-цааран йовдһнад, басл чиги бүрткжәх өңгтә, тегәд, тал дундаһар зогсад:— Смирна-а! — гиһәд командлад оркв.— Нежәдәр, даран-дарандтан тоолцжалт!..

— Негн, хойр гилдәд, цаарлад йовна, тәви зу һарад, удсн уга сүүлдкнь 527 болв.

Маһндуртинь эдн дөрвн әңг болж хувагдсн, әңг болһи онц толһачта, Әәлрх хәләһәд хатрулад һарснь тер.

Арласнь хәләһәд зогсжаһад, комиссар Жалыков өөрән бәәси Көгтев тал эргн:— Йовад одцхав,— гиж гүүнәр саналдв. Терүнднь, ил эс келдг болвчи, «йовдгнь — йовад одв, яһна йир?» гисн сурвр эрки орм ээлжәхнь ил.

— Көвүд әвртә!— Көгтев Хохалын ээминь цокад авб.— Бер тегш цуһар! Захас хәәж олдшго матрос!..

— Яахм билә, захсчир!.. Уцг-дәңгнь захсчир!..

— Та, Хохал Маһжневич, партьд юцгад эс орнта?

Жалыков чочад, ормаһад одна.— Ямаран парть келнэ?

— Большевикүдин... Лениһа...— гһәд Когтев лавһа, — таниг тнигж чочх, сүрдх гиж, һа болтха, медси угав.

— Тним юм генткн сурхла, чочх биш, күн...— Жалыков хуухан маажна.— Намаг, үр Когтев, авхий?

— Таннг эс авхла, Хохал Манжиевич, тегәд, ксннг орулж авхмб? Намаг, оли жил эн партьд бәәх күүг, үүнәнә төлә үзхиг, үзшгог чигн тегштнә үзсн, итктн гихәр. Нам зөв гихләти, иткл даавр өгнәв. Баһар меднәв, бас чигн хәлэх кергтә гисн седкл намд тас уга. Кежәх кергтн, ямр итклтә, шунһа кевәр, арднә орж, әрүн седкләсн күцәдгтн, бийинтн бәәх бәәдл, үннә төлә, шин йәс-һа, угатя-ядуһнн төлә үкхәсн чигн эс әәдг зөргтн маһдлх нег учр үүдәхш, алмацх сана намд орулхш. Мана орс улс келдм: «шовуг нисләрнә меддг» гиж. Тана нислт гидг, хәәртә Хохал Манжиевич, йоста большевикнн нислт!..

— Тним болхла, үр Когтев, үкл намд уга!— Жалыков мел ондарад, хойр нүдннә һал падрсн болад одв.— Кесг санад, ухалад йовсн бийнә келхдәи әмәдг биләв. Селвгдтн ханжана, итклдтн нег үлү...

— Таһа ижл, бас иткж, нәәлж болх дүңгә әмтн десртн ола-хий, Хохал Манжиевич?

— Та ю келжәхмта, үр Когтев?— Хохалын хойр нүднә дәкн гилвкәд одна.— Адг-ядхдан арви күн бәәнә, намас даву итклтә, седвәртә болхас, тас тату биш.— Бийнә хурһ даржана: — Пүрвә, Далвн, Элдәшк, Эрднә-Һәрә, Санһж, Эрднә...

— Болжана, болжана,— Когтев инәмсгләд, «тним, тним» гисәр кесг гекәд оркн.

— Теднә төлә би, үр Когтев, кенд чигн, ямаран чигн андһәр өгч чадхв!

— Иткжәнәв, Хохал Манжиевич, иткжәнәв. Зуг келхәр бәәхм талдан, тнигж сүрдгм онц учрта. Яндһа-Мацга нутга партийн ячейк бүрдәх кергтә, тертн нег күүнәс, хойр-һурвнас болдм биш. Политотделд күүндәд, зөв авчклав, ода мел керг тана...

— Намий?— Хохал эс итксәр Когтев тал хәләнә.

— Асхлад тер үүрмүдән цуглултн, би һурвн матрос дахулж ирнәв, бас большевикүд, тегәд хүүвлхм, шнидхм...

Когтев «байрта харһий» гисәр һарән өргчкәд, йовад одв. Хохал энүнә арласнә хәләнәд, кесгтән һәәхәд, өврсәр бәәнә. «Эн матрост эс таасгдх юмн уга,— гиж дотран санна.— Дардасн дал-ээмнә, синвгр сәәхн цогцнә, шул хад чолунас бүклднә чавһад кесн мет эс адһсн болсн, хол-хол бат ишкдлнә хаалһарн тустан йовхас биш, харшлт харһв чигн хажишгонә ил. Болд гидг большевик!..»

Асһи шндр комиссарнатд Жалыков өөрхн үүрмүдтәнән хурсн, матросмүд ирхинә күләлджәнә: ю-бис келәд, күүндәд, кесг хамгиг сергәнәд, инәхднә — инәлдсн сууна. Удсн уга, үүдн секгдәд,

Когтев түрүлсн, арднь һурвн матрос дахлдсн орад ирн. Цуһар нег-негидән һаран өгэд, чаһ-чаһар атхад, сегсрэд, халунар менидлжәнә.

— Дөрвхн большевик прсэр хора дүүрэд, баһджана,— гиһад, Когтев шоглсн, энд-тендән хэләжәнә,— тегэд, мел бээсәрн большевик болчкхларн, бидн яахмб?

— Яахмб гисн? Яндһа-Мацг ямаран өргн, багтах!— гиж Жалыков шогинь йовулж өгв.

— Чик, мана то өсх дутман, зерглән өргжх дутман партин керг-төр батрад, нернь, чинринь, иилчнь улм өөдлэд, һанцхн Яндһа-Мацгт биш, Эрәсәдән багтл уга, цуг делкэд келн болхнь алдг уга,— Когтев хоолан ясад, уралан һарч йовна, столын захд күрэд зогсв.— Тегэд, хээртә үүрмүд, тана түрүн хургинг эклхмн гихәр. Бидн, дөрвц матрос — большевикүд, үнн седкләсн, ах-дүүһинәр тадил иткл даавран өгхәр бәэнәвидн. Нууяр уга, Хохал Жалыковиг бидн сәәнәр меднәвидн, энүплә өдр болһн харһнавидн, төр мана негн. Тадниг, наадксинь гихәр, баһар үзж, медж йовлавидн. Боля одахн болсн бәрлдәнд тадн зөрж эс орлцсн болхла, бидн әмд үлднә гидг альд? Түүнәс үлү иткл керг уга. Маниг харсхин төлә әмән эс әрвлснәс нань яах бээсмт? Һанцхн тер йовдл тадн шин йоснд ямр дуртан, үүнә хортнд үнн дургон ил герчнь гихәр...

Күн болһна толһад тер сө толгдһа. Санмәр уга бәәсн матросмуд унтж одж. Кенәс саглхв? Кеер хонж, кец дерлж йовх цөн бандит эднәс бийснь үктлән зулна. Нань кел зөрх эдиүр, зер-зевнь күцц, зөргнь берк улсур?

Хар өрлә Хохалын терз күн цокна. Өсрж босад, «кемб?» гинә. «Матросмуд бәәдг гериг дала мөртә улс бүсләд авчкж» болна.

Жалыков на-ца отрядан босхад, довтлад ирхлә, нөөрмү кевәрнь матросмудыг күлсн, авад һархар бәәдг болна. Таш-ваш халлад, дэврэд орхла, бандитир сүрдәд зулсн, үксн һурвак, шавта дөрвән хаяд, көл-толһа уга одна. Эднь, хоша бәәх Чолуна бәәхтә хамгнь, кувц Глебовиг дахад, терүнә үгд орад, тейж йовхнь ил.

— Нә, тегэд, үүрмүд, бидн, дөрвн большевик, тадил иткл даавран өгәл, Российск Коммунистическ партин зергләнд орүлж авчанавидн. Эндрәс авн цуһар коммунист гисн периг әрүн кевәр хадһлж, партин заасн хаалһар уралан, нег мөсяж, Советни йосан батлж, энүнә аль чигн хортнлань эәхән эс медж ноолдж, герлтә иргчин төлә шунхт гиж бидн ицжәнәвидн. Тадһас, иутга түрүн арвн һурвн коммунистәс, ингәд партин Яндһа-Мацга ячейк бүрджәнә. Эн шиндвр мана цеггә политотделд батлгдх зөптә. Маһ-дурин бийднь йовад, терүг күцәж ирнәв. Ода цуһараһитн үнн седкләсн, йостә ах-дүүһинәр йөрәжәнәвидн.— Когтев түрүләд Хохалын һаринь атхад теврнә. Наадксинь бас тер мет йөрәнә. Цуһар чигн теврлдәд, һар-һаран атхлдад, сегсрлдәд, байрнь эднә шул палыград һарн гиһад бәәнә.

— Командир, сеглэтр шийдх кергтэлм,— гиж матросмудын нөгн келжэнэ.

— Э гинич!— Когтев мацнаһан цокад авб.— Мартж йовжэ. Байр икдэд, шууглдад... Яахм билэ? Большевикүдин партъд бүкл нег организац үүднэ гидг — хара төр биш!..

Жалыков босв: — Энүнд Түрвэ Котвыковиг суцхх кергтэ билэ. Мана заагт эн хамгин тоомсрта, медрлтэ деерэн алькинъ чиги бер тегш меддг күн. Зуг хуучта. Үзэ бээж, үүрэн эс эрвлхлэ, биди кемб? Тер учрар мини селвг — Очра Нарниг шийдхмн. Келхэсн — аэдг уга, кехэс — хооран хардг уга шулун-шудрмг үр.

«Зөв!.. Чик!.. Болжана!..»

Тегэд, цуг арви һурви шин коммунистнр харан өргв. «Мел нег дууһар», — гиж Когтев келжэнэ. «Ой, би эврэн бас өргэд суужв», — болж Очра Нарн эмэв.

— Учр уга, үр Очиров, — Когтев харинь атхв. — Эүтн өөдэн чинртэ даалһвр, эрүн иткл. Үни седклэсн йөрөжэнэв, күцмжтэ йовти.

— Ханжанав, — Очра Нарн босв. — Чидсэри шуннав, чидлэн эрвлхшив.

* * *

Хохал ирсн почт йилһжэнэ. Газетмүдинь онцлад, дэкэд хэлэс гижэнэ. Деерэс ирж йовх дала тиизтэ нег бичг авад умшжана. «Дээнэ һалв теегэр орж йовхас келтэ таңһчин комиссариат шийдвр һарһсидан Яндһа-Мацгин үлгүрэр нутг болһн эврэ бээрн зертэ-зевтэ чидл бүрдэж, терүгэн сотня кемжэнд күргтхэ» гиж заажана. Тедниг толһалх дээнэ медрлтэ, дамшлтта, сурһульта эмт дундасн эс олхла, хатаринь ил, нам хальмг келтэ талын чиги келн-улсар командир кех зөв өгчэнэ. «Сотня гисн хазг цергэ кемжэһэр эскалрон, ядхдан дөрви-тави взвод, баһ гихдэн 100—150 күн, — гиж Жалыков ухалжана. — Тиигхлэ, мини 33 баатр деер бас чиги дуудх кергтэ, зуг тэвнэс татуһар сотнь бүрдэж болшго.

— Нэ, Ээдрхнэ «Коммунист» ю бичжэнэ? — гинэд, Жалыков газет авад, секэд хэлэсн болжала — нег ормд торад бээв. — Хэлэ, мапа Елецкий, Хальмг теегин дээнэ комиссар бичжэнэ. «Күч-көлсч хальмгуд зертэ-зевтэ көдлмшч, крестьян улсин зерглэнд — хоосн амар биш. цаасн деер биш, эврэ бийэрн лавта орсиг биди ода үзжэһэвчдн. Улана хальмг мөрн церг һарчана, ард үлдсн эк, эцкнъ идх сүл умш күртлэн цуглулад харсачиртан өгчэнэ...» — Тернь худл уга. Улан цергин зерглэнд эмт авси йовдл кесг невр төр күцэхиг: арсмч-дерсмч хамгас һуйр, буудяһинь, байн-бээхтэ тоотас мөрд, маһна мал, көлги-күчн күртлнь авхиг некв. Тегэд, эн газет онц орм эзлх зөвтэ, — гинэд, Хохал столынъ нег хорад дүрв.

Гентки Когтев орад ирв, мануртад, шарһ парн гихм, шуд герл һарад бээнэ: — Хохал Манжиевич! Бас нег үни седклэсн таниг, Эрэсэи Коммунистическ партин член Жалыковиг, мини дээч үүриг

йөрөх зөв суржана!— Матрос стол хатцас Хохалыг теврэд үмснэ.— Политотдел цуһараһити батлад, ячейкити тоод бас авчкв. Минн гүүһэд йовдгм — байрта зэңг шулуһар күргж келхэр...

Жалыков босад, бүсән, киилгән ясад, мегдәсн болад одв:— Ханжана, үр Когтев!.. Коммунистическ партин членд, большевикүдин зергләнд орулж авсн, тиим, сүркә гидг әрүн итклиг, даалһ-приг цань уга кевәр үнлж, хээрлж, әмд йовж, нам деернь сүүдр тусхашгов!..

— Чик, Хохал!..— Когтев келж тусчкад, хорад, әмәсн болад одна.— Бичә һундти, «чи» гичкүв.

— Юн һундл бәәдмб? Минниһәр болхнь, нег-негән «чи» гисн нам деер, а? Эсклә «үр Когтев», «Хохал Манжиевич» гилдәд... Гингтлән бидн зергүд биш...

— Чик, Хохал!.. Нерм — Слава... Тегәд, әндрәс авн Слава, Хохал болхмн...

— Болхмн, Слава,— Жалыков сарвләж, һаран өгнә.

— Болхмн, Хохал,— Когтев һаринь атхад, сөгсрәд авна.— Нә, йовх болад бәәвүв, керг бәәнә...

Жалыковин байрнь бульглад, дотраснь шуд цальград асхри алдад бәәнә. Сун гихлә — суугдхш, хааран болвчи йовх дурн күрәд, кәтлсн болад, зуг альдаран одхан, кенд келж, байрари хувалцхан олж яджана. «Гентки Хохал маңнаһан цокна,— Катяг мартвчи?»

Мел дарунь гилтә, Жалыков меддг гериннь үүд татад орад прхлә, Катя Агаша берги хойрули зөвәр ормалдсн тосв. Хохал мендләд, хувцан тәәләд, уралан һарад суув.

— Хохал Манжиевич, юн болв?— гиж Катя суржана, хойр нүднь Жалыковиг бурһудсн болад бәәнә.

— Талн яһжанта, ормалдад? Күн байрлад, түүгәри хувалцхар гүүһэд йовхла...

— Бидн чамаг адһсн болад йовхлачи, нам әәчкүвидн,— гиж сана авсар Агаша берги шуукрв.— Катя ики холас үзп, келжәнә: «Хәләһит, Хохал аашна,— нег юмн болсн бәәдлтә, дегд кәлнь һәзрт күрл уга гишн йовна. Яһсн гижәнтә? Юн болсн? Хара йовдл бишнь лавта».

— Акад улсвта, Агаша берги?— Жалыков босад, хойр һаран өмнән теләд инәнә.— Наарти хойрули, хойр халхасм үмсти, йөрәти намаг!

— Келхичи юуһинь! Яһад әдлгәд бәәнәч?— гиж Агаша берги шүрүлкнә.— Күн үүнд киинән дотран авад, яһсинь, юн болсинь медхәр үкжәхнь...

— Йөрәти намаг, Коммунистическ партин член, большевик Жалыковиг!

— Үнәрйи, Хохал Манжиевич?— гин, Катя гүүж ирәд, Жалыковиг үмсәд авна.— Үни седкләри йөрәжәнәв, үзмжтә, кесити күшц, келсити тоомсрта йовти!

— Ханжанав.

— Би бас чамаг йөрөж, нерн-төрчн нег үлү өөдлж, байрта, бяхта йов гижәнәв,— Агаша бергн Хохалын хойр халхинь сели үмснә. Болв урдаснь келчкхәр: караглад тардм болвзач! Бичә маниг март, орад һарча. Нааран һарч ирснәс авн кедү болжанчи? Шаһаһад угалмч!.. Энд-тенд үзгднәч, йовһар гүүсн, эсклә мөрәр довтлсн... Адһж йовһа, кергнь бачм гһәд, бидн чамаг сәәһәр тоолнавидн, зуг чи мана тускар ю ухалжахицн меджәхшвидн. Бийцн, Хохал минь, ол келдм угав. Хәрнь, тер...

— Та, Агаша бергн, намд киидән өөлжәнәт,— Хохал зөвәр хар күртәд, эмәжәхнь ил,— бийтн, нааран һарч ирснәсн авн, ууж — хот уга, уштж — нөр уга гишң бәәнәв. Шин көдлмш, әмт цергт авх, идх хот, унх мөрн күртләрнь тедниг теткх төр күчр күнд, оралцта болж өгәд, деернь дор-дорас банд һарад, хулха-худл эл-нәд...

— Терүгичн, Хохал минь, медә бәәнәвидн, болвчн... — Агаша бергн ардан эргәд, Катяд келнә,— цә тәнхнчн, Катюша... — Күүкн үг угаһар «нә» гһәд кивн, цааран орж одна. Әмгн ардаснь өргәрн занһчкад шимлднә: — Күләһәд бәәнәлм, зовад... Терүг ме-дшго яһлачи?..

— Ода невчк сулдсн болув гихәс, Агаша бергн, минн цол гил-гтн, хустг шатснас чигн түргн, ширд-пирд... — Көдлмш үлм ша-тад бәәхәс биш баһрхш, баһрш чигн уга, илднь келхлә. Гүүж нрдгм, байртан көтлгдәд, тадн тал түрүлдгм эн.

— Ханжанавидн, Хохал, олас маниг доталсндчн...

Жалыков йовад одв. Катя ардаснь терзәр хәләсн логсжана. Өөрнь Агаша бергн зергләд оркв.— Йир таасгдна намд,— гһәд, Хохалын ардас өргәрн занһна,— үннч, үүрсг, шулвн-шудрмг, чал-мг, зүсн-зүркинь чигн му биш, келн-амнь гихлә, келәд керг уга. Ухата, седвәртә, түргн сүвтә. Залу болчкад — залу! Чамд, Катю-ша, таасгдни?

Катян чирәнә улан явр болад, тулад: ю келхән олж ядәд, дүрл-нав гиж келхдән эмәһәд, дургов гиж худл келшгонь ил, башрдсн бәәнә.

— Инм нертә, төртә, үзлтә залу кенд әс таасгдх билә?— гиж әмгн эврәһән келн бәәнә.— Баһ-бичкн цагм бәәсн болшу, үр Жа-лыковиг үкв чигн алдхм уга биләв!

Катя хәрү өгхш, әмгн тал хәләһәд, «пиш» хаһрад инәхәс биш: — Яах билтә, Агаша бергн, күчәр бийдән дурлулх бәәсмт-яһсмт?

— «Күчәр» гиснь юн үгви?— Әмгн терзәс хооран һарад, те-дүкн олад сууна.— Зулад, бултад бәәсн күүг кеп хәәдмб? Нег үлү, кергнь күзүцә, цагнь цань уга бачм күн?

— Тегәд, яһтха намаг гихәр?

— Яһтха, яһтха,— гһәд әмгн доран уурлсн болна,— яахинь би альдас меддмб?.. Болв чинн ода бәәх бәәдлчн, күүкн, намд

мел таасгдхш. Тадн нег төр, нег керг күцэж йовх улс болжанат. Урднь гихлтэ, чи «Хохал, Хохал» гинэд, амнаси авдг уга билэч, ода... бултхин нааһар бээнэч. Терчи хажһр. Дурлси болхла, дуран өгчкси болхла, дурнаси күн ичдв? Зулдв? Хэрнь, улм шатад бээхгов? Өөрнь йов, нөкд бол, деңн...

— Дахад гүүхви?

— Гүүх, төр күцэх хойрчи, күүкн, тал-талдан юмн. Би чини зовлңгиг медэ бээнэв: тер ам анһаж өгл уга генүлнэ. Кемр Хохал дуран илдкси болхнь, чи өөрнь нисэд бээх билэч. Болв түүг медхичи, дурна тускар ухалдг зав уга йовхинь.

* * *

Бачм сунһуг Ээдрхиэс ирнэ. Нутга дээнэ комиссар Жалыковиг нөкдтөһөн шулуи болдгар иртхэ гижэнэ.

— Намаг басйи?

— Ээ, чамаг бас,— Хохал босад, Элдэшкур хэлэн бээж, наад бэрсэр иһэнэ,— мууха эс иткжэхмчи?

— Кемжэнэ, чамаг дуудхас биш, намаг күн керглдг уга били.

Жалыков үг-күр угаһар сунһуг өгнэ:— Умш, тегэд шулуһар бедр. Арһта болхла, цэ чанулчк. Би ардасчи ирнэв. Дашад кел, негхи час манд бээнэ. Түүнэс уддг арһ уга.

Элдэшк адһад йовад одна. Арднь Хохал бийнь бедриэ. Авх ю-күүһэн бас нег дигләд. батлхинь — батлад дүрси, үкс гинэд һарна. Гер эргэд, сотня көвүд бээси һазрур ирнэ. Хэлэхнь, цуһар көв-тускан кеси, сахньлдси бээнэ. Зэрмнь бу, зер-зевэн, эмэл-хаза-ран ясжана, зэрмнь мөрдэн арчси-түрчси, дел, сүл күртлнь самлси, хара суух күн уга. Тернь комиссарт йир таасгдна. Эн нег эмэл бээси деер сууна, цуһар кежэсэн хооран сааһад, ю келхинь күлэлднэ:— Элдэшк биди хойр минь ода балһс оржанавиди, шулуи ирти гиж. Сурхар бээхм — саг бээти, диг-дараһан бичэ эвдти. Мини ормд негдгч взводын командир Басига Увш үлджэнэ. Угинь сопсти, нүдн-амн, нөкд болти. Медгджэни?

— Юңгад эс медгдх билэ?— гиж Адуч келнэ.— Санаһан бичэ зов, йов, төрэн күцэ, маннадан нар урһаж ир...

Оляһас асхар һарси керм сөөни дууси гүүһэд, өрлэ балһсид ирж зогсв. Хохал Элдэшк хойр земгэ гидгэр амрад үнтж авси, үкс буулдад, пирсти деер нөвчк цэ-мэ үүси болад, удхш, Облунинск талви тал күрч ирнэ. Хальмг ЦИК-д болн военкоматд хэр улс дала болна, таньдг, меддг күн харһдг угачи. Хойрули тедүки зогсад, болх сүүр эклхиг күлэлдси бээхинь, гентки ар нурһнаси хойраһинь күн теврэд, деернь нурад дүүжглдси болад одна.

— Оо, хэлэһит эдниг, яндһа-мацгихниг!..

— Хээртэ Иван Михайлович, хэлэлдэн угаһар таниһэн тап-жапанавиди,— гиж, Жалыков келж йовна.

Новиков инэхэд, эн хойрин өмнө харад, түрүлэд Хохалд, даруны Элдэшкид харан өгэд мөндлөн.

Минь төр агчмла ик хоран үүдн секгдэд, күлэлджэсн улс эклэд орад бээв.

— Цаатн, көвүд, цаһачуд орж аашна гинэд, көл-көдлэд, нутг болһнар сотнь һарһх болсн.—Новиков шимлдж йовна.

— Һарһх болад гини?—Хохал Новиков тал ормаж хэлэнэ.—Манд бээнэ, 150 күн, зертэ-зевтэ, белн...

— Таднд юн учр?—болж Новиков хойр үүриннь ээмннь цокна.—Хэрнь, тенд күн керго гилдэд, шатлдад бээв. Талдан нутгудар сотнь һарһх болсн, толһалх улс угачн, тегэд хальмг келтэ улс дуудвш. Танахнд туссн болхла, таньдг улс, меддг һазр,—Новиков саналдна.—Ода яахв, көвүд, парть од гиснднь одхас биш...

— Иван Михайлович,—гиж Жалыков чикнднь келнэ,—маниг йөрөж чаджапат: өмнтн Коммунистическ партин хойр члсн зогсжана.

— Намий?—Новиков Хохалыг татж авад, үмсэд оркна. Даруны Элдэшкин халхинь шовжгнулад авна.—Зэңг гндг эн! Ай, иим арһта, чадмг залус бээдви? Үнн седклэсн, Иван Михайловичтн, тадниг йөрөһэд, йосндан та хойрт бахтж, байртан өрггдж, нисэд һархин нааһар бээнэв.

Эн һурвн орад сууна. Удсн уга, кесг улс, таһичин толһачир болдг өңгтэ, һарч ирв, деер зерглэд суув. Баахн залу босв: сээхн чигн зүстэ-зүрктэ, шовһр шар, орс татврта, ухата болдг өңгтэ күн. «Энтн, Иван Михайлович, манахна, Яндһа-Мацга,—гиж Жалыков арһул келжэнэ,—Константин Дмитриевич Никитин».

— Хальмгий?

— Өз-бийнь,—Жалыков хоолдан шахад тагчгар келнэ,—энтн Казаньд ах сурһульд йовад, революционн жисэнд орлцсндан туугдад, нааран ирж, полицин хэлэврт бээсн большевик.

Үр Никитин сүүриг секв:—Цаг бачм, төр мана дегд эрки, учр тийм болсар үгиг ахрар, товчта болдгар келхм гиж таднас, үүрмүд, суржана. Тегэд, түрүн үгиг таһичин дээнэ комиссар Масловд өгчэнэв,—гив.

Маслов босад, сүүриг толһалжах Никитин тал хансар гекчкэд, дор ормасн келэд бээв:—Үүрмүд! Тадн меднэт, ямр адһмта кевэр ахр цагин эргцд Негдгч революционн Хальмг полк бүрдэгдсиг. Мел даруны хойрдгч болн һурвдгч полкс бүрдэх даалһвр ирлэ. Мана һурвн полк, тегэд, негдэд, мөрн цергэ Хальмг бригад болх гижэсн, дахлдн талдан заквр ирв: Хальмг полксиг улм өргжүлэд, дивизь кетн гисн. Кеж болхм билэ. Кеж чадх бчлэвидн. Зуг бээдл дегд ондарад, муурад, тийм даалһвр күцэгдшго болв. Цаһачуд Хальмг теегиг һурвн таласнь—ар, деед, өмн деед үзгэснь шахад, бүслхин нааһар ирсн, ээмшг өдр ирвэс улм немэд, цаг

цань уга нэрдэд йовна. Деникин Краснов хойр дегдлэд бээдгнэ — Аһш тал аралдж, Ижлд күрэд, ээлхэр седжэхнэ ил. Тиигхлэ, хаалһднэ бээх Хальмг теегиг тедн яһж амрадмб?

XI-ч Улан Ээрм икл түрү бээдлд туссн йовна. Эн Ар Кавказд зөвэр цоклтла харһсн, цаһачудын шахлһнд тесж ядад, сана авч тулж, чидлэн хураж, сөрлт өгхэр седсн болж өгл уга хооран цухрад, ода мана теегэр, теңс көвөн нутгудар орж аашна. Дулан хувцн, гесндэн идх хот уга, гемтэнь, шавтань дала гинэ, даарад, көрэд, үкхнэ — үкэд, эмднэ басл муулян эдлж йовна гинэ. Тедниг тосж, харсж, эм аврх көдлмш, тегэд, үүрмүд, яндһа-мацгахи деер тусн гижэнэ. Теднд юн эс кергтэ болх? Бийстн хот-хол, бээх гер, көлгн-күчн, арһсн-түлэн, өвсн-тоосн, дулан хувцн... ахрар келхлэ, кергтэд орхнэ керг уга гисинэ тоолсн амр. Таһчин дээнэ комиссариат үр Жалыков, танд, нутга күч-көлсчирт икэр нээлжэнэ, аль чигн тоотыг арднэ орж күцэх гиж ицжэнэ.

Тернэ тер. Наадк чигн нутгуд бас зөвэр чинвртэ бээдлд туссн учрар нутг болһн сотнэ — бийэн харсх эврэ церг бүрдэтхэ гиж закдсн бээнэ. Зуг тедниг һардж, толһалдг улс хатяр болсар бидн балһснас эмт сурсн — хальмг келтэ, манахсла хамдан өсж, көдлж йовснаснэ кесг кү өгв. Теднэ зарминэ нутга дээнэ комиссар болн бээрн сотнэ бүрдэж командлтха гиһэд йовулжаһавидн. Тегэд, кен, альдаран йовхинэ тодлж автн...— Маслов кесг нер умшна, одх нутгудынэ заана.

— Таниг, Иван Михайлович, Баһ Дөрвд тал йовулх болжана, — гиж Жалыков шимлджэнэ.— Ода деерэн хамгин кавжрта нутг: Аһшин иргд бээх, тиигхлэ, дуртанэ чигн, дургонэ бас, цуһар танаһ дэврн гижэнэ.

— Учр уга, Хохал,— болж Новиков саналдв,— энүгичн би эркн партийн даалһвр гиж тоолжанаһ. Тер учрар одхшив, чадшгов гидг үлү. Бидн, Хохал минэ, хамгин чинвртэ гисиг күцэх дутман чинртэ болх зөвтэвидн. Үнэн келхлэ, танаһн тал һархар седлэв. Юн гиж келж болһнач? Тенд военком бээнэ, талдан кү йовулхнэ, нам чадх угадан шаху гивэ. Хэрнэ, үр Жалыков, чини үн улм өсэд йовна, би улм байрлад бээнэв. Тернэ — негдвэр. Хойрдхла, чини ормд чигн күн жилөтх юмн уга гиһэд, ода келчквш.

Масловин дару кесг күн үг келв. Цуһар чигн жаһрта гисн дамжг сурна, сонсад суухнэ — цуһар зөвтэ, цуһар учрта. Аштнэ нутга комиссариатмуд көдлмшэн улм чаһаж, үкс гиж шамдж, сотнэс бүрдэж, диг-дара ясрулж, ээмшг баһ болдгар хамг тоотыг күцэж, орн-нутгин, оһн-эмтнэ сэ хээж харсдг болх кергтэ гисн шиидвр авгна.

Уг сүүлднэ, сүүр төгсөм цацу Маслов босад: «Йовх улс эндрин бийднэ торвр угаһар одх зөвтэ,— гинэ.— Тер төлэд цуһар нанур иртн. Үр Жалыков, нөкдтэһэн бас иртн».

Таһчин дээнэ комиссариат заквр һарһсан күн болһнд онц ат-

хулна.—Иткл цаасн уга тадниг кен керглж күүнддмб?—гнж Маслов заана.—Ирн бийэри нутга ахлад баралхад, альд, юн, илж бээхинь йилхэд, сотньта болж автн. Эсклэ һанцар юундан нигн күч-күрч чадшгот. Сотнян бүрдэхэд, күцэхэд авхла, үр Жалыковда эдл терүнэ командириг дахулчкад йовад бээхт...

—Кениг гинтэ?—Жалыков ормаһад одна.

Маслов маасхлад, Элдэшк тал заана:—Эндрэс авн Яндһа-Мацга нутга сотня командир үр Надбитов. Ямаран эвртэ залу, нүднй һал асад, шатад бээнм!.. Би таниг, үүрмүд, йөрөжәнэв, сәәнэр, итклтэ кевэр церглх гнж ицжәнэв. Байрта харһий!..

—Байрта,—гилдэд цуһар һарна.

Һурвдгч бөлг

XII-ч Ээрмин начдив Мейер Кизляриг хаяд, штабан дахулад эрлнэ. Цаһачуд амрад одна, үкс гнж балһсиг ээлнэ. Саак XI-ч Ээрмд сана авдг зав уга болһа. Арһан бархларн, командарм Левандовский цухрлһан бичэ зогсатн, Ээдрх хэлэхэт үрвтн гнж, ээрмдән закла. Диг-дараһан алдад уга, невчк арһта гисн, негдгч болн хойрдгч дивизин онц эңгст, Кочергинэ, Вороновин, Сабельниковин болн Кочубейин полкст онц заквр өггднэ: хамгин ард йовж, цуг ээрмән хортна дэврлтэс харж, хэлэж йовтн гисн...

Тегэд, нежэдэр, хошадар, бичкн-ик уга багар цувлдсн, нурһлж йовһар, көлгтән чигн, ээрмнь темэ, мөр унсн, эн зах уга үтдан сунсн Хальмг теегэр орж аашна: эцэд, хойр бөкнь нуһрад унж одсн, киитн салькнд киисхин нааһар дээвлсн, шар атн деер хойр матрос сундлсн, чикн-нүр уга чимк махлаһан чикн болһн деерән селгэдэр тэвж селвсн, ахр хар бушлатнь алькиннь чигн эс дарсн, басл яахан эс олж, бөгдилдж йовна. Болв эднэ күслнь негн: минь эн шора салькн хойрас талдан юмн уга, шордаврла харһулм теегэс эмдэр мөлтрж, шулуун гидгэр Көк теңгст, Ижлд күрхэр мөрэдсн:—Уралаһ, удл уга Ээдрхн!—гнж канкшһна.

XI-ч Ээрм дахад, цаһачудас зулсн эмтн күчр зер-цоохр: ик зунь угатьнр, уйдг, урлдг болн нань чигн эрдмтэ улс, тедн дунд уулыхн, келн-келэри йилһрсн, тер алдна балһсн, селэхдхн улан цергчнрин өрк-бүлмүд бичкн өлг-эдтэхән арви миңһн ацан, арднь зүсн-зүүл церг: Хар теңгсэ болн Балтийск матросмуд отрядарн, Таманск дивизин эңгс, китдирин, латышмудын, мадыарсн батальод, шахтерск отрядмуд үрвлднэ.

Хальмг тег... Хааран хэлэвчн, мел делгүдән делвэхэд нүдн торх нег модн шовахш. Цасн уга хар цодла, һазр таг болад көрч одсн, чолунас дор үрглжлэд борлад—буурлдаһас талдан урһмл тас медгдхш. Зуг урлдана мөрд кевтэ нег-негнэсн түрүлхэр адһсн хамхулмуд долдалад, ард-ардасн көөлдсн йовна. Күн, мөрн уга ундан хэрүлм усна юмн, һолнь һээд одг, бичкн һорьк чигн харһхш. Хая-хаяд худгуд харһна—шавхгдж одсн, хоосн. Түрүн

ирень уулдад, усинь чилэхэд, цаарлсн... Ардаснь нрснд уух биш, хот кех биш, аман норһдг шүлм уга болж генүлнэ. Басл му заян!

Сөөһөр хэлэхнь, энд һал, тенд һал, эң зах уга түүмр болж үзгднэ. Эмтн шуд харһсан шатана: арһсн, хамхул, кенчр, цаасн күртл. Арһан бархларн, нам тергән хамхлад, һалд өгнэ. Эсгхлэ, теснэ гндг берк. Киитн — модн хуһрм, шуурһн-шора цасн хойр хутхлдсн, шугшад, ууляд, өшрсн олн чонмуд мет авч идэд бээнэ. Салькн үзүртэ бийнь шуд өрчөр орад, нурһар һарна. Иим кецү бээдлд, халун хот биш бүлэлх усн уга улст, һалас даву эрки юмн уга. Көлчөснь — негн, көлчөхэс урд чонмуд шаргад, мей дэврх бээдлтэ, өөдөн, теңгр хэлэж уульдсн, тендэс зөв сурсар нирглднэ.

Зогсад амрдг чигн арһ уга. Киитн сөөһөр, салькн, шуурһн дотр, доран, зогссн һазртаң көрч одх юмн биш. Тегэд, Балтикин матросмуд түрүлсн, Кронштадтыг харслһнд эврән үзүлсн «Гангут», «Аврора» болн нань чигн нер туурсн кермсин баатрмуд түрүһөр түрү кеж йовхш, уралан шудрсн, эднэ арднь басл чигн эмн-дән күрч дахлдсн хар тенгснхн йовна.

— Учр уга. «Гангут», — гиж «Аврорин» матрос үүрән хөрж йовна, — улм чаңһр, толһаһан өрг, сальк өр!..

— Сальк өрн гихлэ, «Аврора», сана терчн авхулхшлм...

Гентки шовһр ората ишкэ гер борлад, толһан ташуд ор һан-цар бөгдсн болад бээнэ.

— Үзжәнчи, «Гангут»? — гинэд, «Аврорин» дуи чаңһрад одв.

— Бүлэдэд, невчк амрч авхм, тегэд цааран үрвхм...

Немр, дула хээлдэд, герүр гүүһэд орхла, һулмтын унтрж одсн, салькн уга гихэс биш. киитнь һазаһас тату гиж болшго гер дотр некэ девлэр хучсн эмгн кевтнэ: халу дөрчөхн ил, чирәнһ улан түүмр болсн, түүрчэд, шудн уга амарн бөлвэлэд хээкрсн бээнэ, юн гижэхнь медгдхш.

— «Гангут», хустган өглч, — гиж «Аврора» келн, һулмтын өмн йовһн сууһад, арһс зерглэд, һал өгв. Тулһ деер бээх хар хээсиг невчк зээлсн болад, ус кеһэд буслһжана. — Эврсэн цэ уухм, эмгнд цэ өгхм... Көлсн һарад тэвгдхлэ, гөңгрэл, эдгэд чигн бээх, а? — гинэ. — Цээһэсн, «Гангут», һарһ, өдмгән һалур өөрдүл, невчк девтх...

— Таманцнр эмгиг үзчкэд, тас ардан хэлэл уга одвш, — болж, тернь дорван уудлад, ю-кү һарһж йовна. — шүд сүмсн уга одвш!

— Ээлдж йовна, халун гем гинэд, наадна юмн бишлм, — гиж, «Аврора» келжәнэ, — чи ма хойрт халун гем юмб?

— Халунд авгддг угав, киитид даргддг угав гихэрий?

— Тиим, тиим, «Гангут»! Уснд эс чивдг, һалд эс шатдг...

Тегэд, хойр матрос агтахн хар цээг халуһар сорад үүлдсн, көлс һарһад, йосар дуладад авчксн, гемтэ эмгнд күчөр гишн бас үүлһжана.

— Иигж күн эцдви? — гиж «Аврора» өврсн, — чирәнһ чини нурмас бичкн, хурняснь гихлэ, һазак хаалһ мет...

— Цэ уусн эмгн тэвгдэд, чирэднй нам цусн орсн, түүрчж, бүтж, дагжжаснь төвкнэд, уутхн, эрэ секгдсн болсн, харань хэрэд бээсн хойр нүдэрн унтрн гижэх шам кевтэ голц-голц гиж хэлэхэд, шүдн уга амарн маасхлэж инэхэд, гекэдл бээнэ: ханжахнь, эм аврыт гижэхнй алдг уга.

— Энчи «Гангут», халун гемэс биш, харһнад, даарад заратржаж. Хэлэһич, мел талдан күн... Хойр-хурви өдр хэлэсн болну...

— Чи үлдхэр бээдм болвзач? Бичэ һэрһл, «Аврора»...

Тернь хэрү өгсн уга, зуг «яһна?» гисэр үр талан хэлэхэд мусхлэхас биш.— Бас нег цэ чанхм. Эврсэн уухм, эмгнд өгхм, тегэд...

Матросмуд цээг болһад оркв. Эмгн тагчг хэлэхэд кевтнэ. «Гангут» хату өдмг үүлэд, ааһта цээд тэвэд бээнэ, удсн уга эмгнд бэрүлж йовна. Тернь авн, хансар гекэд, дала юм келнэ, өндөһэд, өгсн хотыг ун, иджэнэ. Урсхин нааһар жөөлдсн өдмгиг үүмүлжл бээһэд зальгчкна, ардаснь цээһэр туулһад оркнэ.

Хоосн гесндэн өлг авсн, дуладсн эмгн хэлэхэ бээтл ондарад, босж йовна. Дериннь дорас бортх девлэн татж өмсэд, деегэрнь деес бүслэд орксн, һалын өөр сөгдсн көвүдиг дораһар шинжлэд бээнэ, йовхар бедржэхинь меджэнэ. «Көөркс, эднэ хувцинь,— гиж, сана зовсн эмгн яахан, яһж дөң болхан олж яджана,— йир гиинг... Күлт болснь йир ахр, күүнэ нурһ хальчлна гишго. Өргн-өргн хар шалврнь шуһрцгарн шуд сальк хавлад, үлэгдсн жилк гихм...»

Эмгн өндлээд, хавтхасн түлкүр һарһад, халалсн хар авдран жицнүлэд секнэ. Дотраснь цемгн һадрта хурсх үч һарһад, «Аврорт» өгчэнэ, цааһаснь эвтэки девл авад, «Гангутд» бэрүлжэнэ. Лала юм келэд, инэхэд, хойр һарарн селн зацһад зааһад, таднд өгчэнэв, өмстн, хээмсм, дулан йовтн гижэхнй ил. Заагарнь хойр һаран зүркидэн шахад, икэр хансан бас медүлэд йовна.

«Аврора» үчиг өмсэд, захинь босхад орксн. «Гангут» девлтэ, байртан эрэ тесжэнэ, хойрули һарад йовн гижэнэ, бас хаплдад, теңкэн уга. «Аврора» дорван секэд, бээсн нег өдмгэн, бички цээһэн эмгнд өгнэ.— Чиһиһэр теслцэд, күрч үзхм,— гиж үүртэн келнэ.— Эсклэ маниг йовж одхла, эмгн саак кевэрн.. Иим сээхн седклтэ күүг һундаж болшго.

Хойр матрос эмгнд мөндөн келэд йовад одцхана. Эмгн арднй һарарн дайлад, пульмсан арчад үлднэ: — Менд, байрта йовтн, хээмсм,— гиж йөрөһэд, зальврна,— теңгр, бурхн хээрлти, көөрксиг. Иим цаһан седклтэ, делкэ мини гисн улс муула, түрүлэ харһх зөв уга. А хээрхн, бурхн-багшин гегэн минь, эрж, сурж бээхм танасн — эн хойриг хэлэж, харж йовтан...

Ик өндрт оршго, болв маштг чигн биш, шулун-шудрмг, баахн залу, хальмг күнь ил, гииглг тиим йовдлар Ээдрхнэ шивэ эргэд одв. Хомутников доран таг зогсад: «Одак — Кануков!.. Мөн!.. Би эс таньх, эндүрх зөв угав, ардаснь, нурһнасьн хэлэсн бийнь!» —

гнж санна. Тегэд, дор ормасн сарвлзад гүн йовж:— Хартн!— гнхэд хээкрэд оркв.— Хартн!.. Кануков!..

Залу зогсад, ардан эргн, тосад гүүж йовна. Эн хойр зөрлцн, теврлдэд, нег-негэн базһад, үмгэд,— нигэд нег харһхм бээжлм!— болж Кануков байрлна.

Хомутников невчк хооран цухрад хэлэн:— Зогс, зогс, Хартн, чи цергт йовх кевтэлмч, а?— гинэ.

— Би яһсмб, тиигтлэн, цергт одшго?

— Уга, чамаг, Хартн, багш күүг сурһ-сундл гих кергтэ, харчудтан за, күүкдтнь...

— Хортаи дархла, үр Хомутников, Советин йосан харсад, батлж авхла, сурһадл бээхгов, зуг ода деерэн, эврэн меджәнэч...

— Тернь тер,— гнж Хомутников саналджана,— зөв, зөв... Тегэд, хама йовнач? Ю кенэч?

— Негдгч Царицынск мөрн цергэ полкд йовнав, улан цергч хальмгудын талмшньв. Бас ю-күүһинь зааһад сурһнав.

— Бидн Петроградт харһснас авн... Одак нег хальмгла харһсн...— Хомутников кесг давсн хамгиг сергэж, тодлж йовх бээдлтэ, тагчгрж одв.

— Баяновиг келнчи?..— Кануковин чирэд сүүдр туссн болад одв.— Бас нег харһув, эмэн эрэ авч һарув. Полковник Чернецовд намаг бэрүлж өгэд, таран гивш. Хэрнь, Федор Подтелковин үлдэс полковник эс үксн болхла, намаг тер алдна гндг берк...

— Ода яһж йовнчи, Хартн? Энд юмб?

— Хальмг дээнэ комиссариат орж йовнав, намаг некж, икэр керглжэдгчн...

— Намаг бас...

— Тиигхлэ,— Кануков байрлад одна,— йовн күүндий. Би хүвэн келчкүв, ода чини селгән, кел, тодрха кевэр, юучн алдл уга Петроградас экл...

Хомутников үүмэд, юунас авн, яһж эклхән олж яджана. Кануков энүг адһажаш. Кесг юм сергәһэд оркснь ил, шуукрчкад, келжәнэ.— Бийчн, Хартн, Советмүдин Цугәрәсэн һурвдгч съездин көдлмшт орлцад, үр Лениниг бийинь үзэд, келсинь соңсад... Басл сүркэ омг, өргмж тернь өгв. Дарунь маниг, зун кү цуглулад, цуһар большевикүд, агитатор болх партийн даалһвр өгэд, цээлһврин көдлмш кетн гнж, Теңгә область орулв. Тиигн гихнь, теңд кулакүд негдж авчкад, бослда келдэд, көл-толһа уга бээлдж. Большевик хазгудас «Үгэрн болн кергәрн» гндг революционн отряд бүрдәсн, терүнэ командири дарукд би сунһгдв. Тер хоорнд контрреволюц улм һалзурад, бослдан улм өргжэд, областин икүүднь түүмрлсн, нег үлү Брест-Литовск бооца эвдэд, дээсрхэд орж ирсн германск церглэ авлцад, күчр ээмшг үүдәсн, дегд чиниргэ болж одв.

Теңгә республикин правительствин толһач үр Подтелков шанһа зөөриг — мөңгн болн нань чигн үнтэ хамгиг эрк биш харсхнн

төлө цаг түдлгө Новочеркасскас Ростовур авч һарх заквр өгв. Түүгинь күцэх төр мана отрядын өмн төвгдв.

Поезд көндрэд һарв. Эн цаарлх дутман йовдлнь улм чанһрад, хурдлад, хойр рельсин нийлдвч болһнд хәнкнэд, «адһх кергтэ, адһх!» гиж цокад, өлвкөдл йовна. Кушевка станцд күрч ирвидн. Хэлэхнь, эвд бээдлтэ улс, хувц-хунрнь алг-цоохр, цуһар согту болчкад, бу, зер-зевән зөрүлчкск, ор дарад хээкрлдск, шууглдск гүүлдэд аашна. «Анархистир! Алх-булхас, авхас талдан юм меддм биш,— гиж мана командир келжәнә.— Белн болти!.. Ха гилһнлә, хаһадл бээти!..»

Үзг болһнас, үүдәр, терзәр, нам вагона деерәс тедн тал зөрүлск бу, пулемет хамг белн бээхиг үзчкәд, тедн тулад зогсад, мел ондарж одцхав.

— Хазгуд, тадн яһжанта? Эврәксән, көдлмшч, крестьян улсин үрдиг хахарий?— болж томһ сахлта, ут үстә нк чигн шар матрос хээкржәнә, бийнь пистуларн наадск болад хаяд, хавлад бәәнә. — Үңгити, хазгуд, эвәр кехмн болвза? Зөөриг хойр эңгләд, негнь мана болтха, наадкинь — тана, тегәд, тус-тустан хөвәрн болһа, а?

— Олна зөөрәс мисхл чигн күүнд өгшговидн!— гиж нк уурта кевәр Пономарев келәд, нам тал хэләһәд закжана.— Үр Хомутников, минн командар хатн, сум бичә эрвлтн!..

Бидн пулеметмудын амиг иигән-тиигән кеһәд зөрүләд, бел кеһәд оркск — хахла, шуд сольвад хадхан нл герчлжәнәвидн. Тер хоорнд мана нег взвод бууһан бел кеһәд, чавгинь татад зөрүлчскн һәрәдлдәд бун, дэврхәр седжәнә. Одак шальшж, дала юм келжәскн шар матрос ондарад, чирәнь көк үмскн болж одв. Шууглдан номһрад, анархистир амндан ус балһсар бээлднә, нег толһаач талан, нег манур ормалдск, яахан олж ядад хултхлзлдна.

Гентин шар матрос пистулан бүсдән хавчулн, хойр һаран деерән өргәд, элк хатад инәнә. Хахла хатн, би нам бүрушах седкл угав гисн бээдлтә, бийнь толһаһан нээхләд: — Ой, ой, хазгудасн авчатн, ахнр-дүүнрәск,— болж цань уга өврсәр инәнә,— шог һарһад, невчк наадлс гисн, шуд деедин орнур илгәхәр седлдәд... Иигж халдхар седскн орхнь, хазгуд, инәдн-наадн кергтә, би-ду... Гарма яһла?

Түүгинь гетжәскн кевтә гарма эңгсәд, келәд-дуләд одв. Шар матрос шаһа болһнан цокад, өсрәд-тогляр, эргскн болад, захлад, зааград һарч йовнә. Нөкдирнь, дала юм ләәләд авчксар канкшлж, хээкрлджәскнь альд?— арһул, нежәдәр-хошадәр ардаснь дахлдад, эрлснь тер.

Комиссариатд күрч ирхнь — күн дала: орсмуд чигн, хальмгуд орлдад-һарлдад, мел сольвлдад бәәнә. Кануков Хомутников хойр кергәр йовх цергә улс болад, бәәскн әмтнд зөвән келәд, орад одв. Хойраһинь суулһад эклв: — Таниг, үр Кануков, үр Хомутников, сурж авдгидн учрта. Хойр насна хальмг көвүд, 1020 кү цергт авск, авгаснь эндү-хажһр дор-дорасн һарад, дуту-дунд дала болв.

Хамгин ик эндүн — полк бүрдэх кeргиг хальмг биш, теднэ заң-бээр, авг-бэрц, бээдл-жирһл эс меддг улст даалһсн — теднь аль чигн юмг эврәһәри, болсарнь кеж-күцәж бээснь хальмгудт таасгдл уга, теднэ седкл-уханла ирлцл уга, түүнәс кәлтә тархдан күрәд...

— Полкин һардврт, тегәд, хальмг уга бээсмб? — гиж Хомутников соньмсн.

— Уга, зуг комиссарнь Манжин Шуурһч гһәд, кәлтә-амта, шулун-шудрмг залу...

— Комиссарнь хальмг гисн баһ биш, — гиж Кануков эврәһән кәлв.

— Тернь тер, — военком гекәд зөвшәржәнә, — зуг һанцхн модн һалд өр болхш гһәд, алькдан чигн күч күрч ядад, һанцардад... Командирмүд хальмгар меддг уга, цeргчнр — орсар хоосн... Нег-негән эс меднә гидгәс үлү юмн бээхий? Кәлж — зовлиган медүлж чадшго, сурж — кeргтә юман авч чадшго. Тиигчкәд, полкиг Цаһан Амнас цааран, Шин Балһсна алдар нег орс селәнд авч одад хайчксн кеер, тег дунд, аюдан бәәх улст юмб?.. Кәлж-кәлж, үүрмүд, полкд йоста эзн уга. Тегәд, бидн Реввоенсоветәр дамжулад сурлавидн: дэәнә дамшлтта, цeргә диг-дара меддг, сурһульта, эрдм-тә хальмгуд өгтн гиж. Эндрәс авн үр Кануков Хальмг цeргә әңгсн бүрдәһәчнь болн һардачнь болжанат, та, үр Хомутников, Хальмг негдгч полкин командирт. Эн төртн, үүрмүд, Реввоенсоветд кәләд, күүндәд, зөв авчксн төр. Ода медгджәни, яһад тад-ниг дуудулсь?..

Кануков Хомутников хойр дард гилдәд бослдад одна, военком суутн гһәд докъялад суулһна. Зөвәр тулжаһад, цааранднь кәлнә: — Бас чигн хойр полк бүрдәх төр тәвгдсн бәәнә. Тиигхләри, заагарнь зааврмуд сольгдад бас генүлнә. Хальмг дивизь кехми гилдәд чигн одна. Ода Хальмг бригад бүрдәх болсн бәәнәвидн. Юн гиж нерәдгдсн төр уга. Төр мана талдан. Энд-тенд цeргл-жәх улсиг цугинь цуглулад, үр Кануковин һарт өгхлә, эн эднд ю-күүһинь зааһад, дасхад, дэәнә кәлд йовх хальмг цeргә әңгсүр йовулжах... А үр Хомутников болхла, эврә полкан, эрәснь невчк сулдсиг чанһаж, диг-дараһинь ясж, йоста цeргә бээдл өгч үзтн. Хәрнь тер, үүрмүд. Мел ода йовтн, полкд күртн, кәдлмшән цаг түдлго эклтн. Сән аш тадид мөрәджәнәв. Полкд Хальмг таһнчин дэәнә комиссариатын халун менд кәлтн.

Кануков Хомутников хойр бослднә, военком эн хойрин һаринь атхад, үүдн күртл үдшәнә.

Һарад ирхлә, үүдн хоорнд секгдхинь күләсәр Когтев Жалыков хойр зөгсжәдгчн. Һарч йовх хойр орхар йовх хойрла мөрглдн гишц чирәцәд харһна. Гентки Когтевин нүднь икдәд, ормасн бослад одна: — Эй, салдс! — гһәд, Хомутниковин барун эәм деернь һаран тәвсн болла — шуд күүзүдәд, теврж үмснә. — Харһна гидг чһл..

Хомутников башрдад, кенинь, юуһинь меджэхш, йосар али болжана: — Би таниг, үр, таньжахшив,— гинэ.

— Чи, салдс, ялжахмчи, а?— гинэд матрос өөлхэр селжэнэ. Жалыковур эргэд, хэлэһич гисэр Хомутников тал заана.— Намаг үклэс татж авсн, эмим харссн күн эс таньна гидг!..

Хомутников хойр талан хавчхлзад, эс меджэхэн, эс таньжахан герчлнэ. Когтев инэнэд, толһаһан зээлэд таасжахш:— Петроград мартвчи? Үвлин бээшнгүр дэврсиг?.. Шар баавһа намаг хахар йовсиг, чи...

— Аа, матрос!!— болж Хомутников инэнэд, Когтевиг теврэд, бийүрн шахна, Кануковд келж йовна:— Хартн, эн матросчн Цаг зуурин правительствиг бэрэд, министрмүдинь казамдлсн күн!..

— Ода, салдс, яһж йовначи?— гиж Когтев соньмсна.

— Хальмг Негдгч полк толһалхар йовж йовнав,— гинэд Хомутников Кануковур заана,— таньлдти, Хартн Кануков, Хальмг цергэ энгсн бүрдэлэчнь боли һардачнь...

Кануков Когтев хойр һар-һаран атхад таньлдна. Когтев Жалыковур заана:— Хохал Манжневич Жалыков, Яндһа-Мацга нутга дээнэ комиссар.

Хохал түрүлэд Хомутниковд, дарунь Кануковд һаран өгэд:— Таднла таньлдсн намд ик байр,— гинэ.— Би таниг, үр Кануков, таньнав.

— Намий?

— Одахн «Әәдрхнэ угатыр» газетд Негдгч царшынск полкд йовх улан цергч хальмгудын нерн деерэс бичсн бичгити умшлав.

— Барлгдла,— гиж Кануков зөвшөрв.— Ода нааран ирсн, харһад үзлцэ бээхвиди эсий?

— Ханжана, чамд, салдс, тиигхд нам ханх зав болсн угалм,— гиж Когтев ипэв. Тегэд, эдн бүлэнэр мендлэд салцхав.

* * *

Шин Балһснд күрх Кануков Хомутников хойр пирстид ирсн, Аһш орх керм күлэжэнэ. «Төрүнд суужл авхла, удшгот, зуухн тэвхн дууна терти, полкдан ирэд, бууһад бээхд» гиж дээнэ комиссар келснь күн болһнд сангдснь лавта.

Ижл гихлэ, эн-зах уга үрглж усн болад, тентл көвэнь мел үзгдхш, холдан тенгрлэ негдсн, жирлһн болж чичрнэ. Һол бийнь, икэр цуцрсн юмн кевтэ ачрхад, энклэд, һолан цокад бээнэ.

— Тенгэс хол ик һол бээж, Ижлчн,— гиж Хомутников келжэнэ,— хэлэһич, тенгсэс чигн тату биш.

— Темэн мөр хойриг күн дүнцүлдви?— Кануков үр талан ормаһад хэлэнэ,— наадад Ижл болжахш. Эичн цуг Эрэсэн туршар усан тууж, әмтнэ унднь чигн болад, ут хаалһнь чигн болад, келн болһна өргмжнь, бахмжнь, тежэлнь болад, тедниг хоорнднь негдүлэд, ах-дү кеһэд йовдгнь алдг уга.

Удсн уга, хойр үүриг керм авад һарв. Урсхул өрж йовх юмн;

басл чирдэж, муудан орж йовж йовна. Негт эн хамран өргэд һэрэдхин нааһар болад, сенкәһэд одна, зуг дарунь доргшан унад, булһхин нааһар дольга үмкэд, деегәрнь көөс цахрад, усн цацгдад одна. Тер хамгиг һээхж суусн хойр ю-бис келэд, күүндсн болж йовла; гентки Кануков саахи харһен матросин тускиг сергәжәнә, тегэд, үүрән келич гиж сурна. Василий Хомутников тагчг, энд-тендән һээхсн болж, соньмсж, харвжл йовла; тингн гихнь, кесг хамгиг сергәж тодлж йовсн кевтә, гентки келв: — Басл күчр цаг билә. Тенгс талас шүрүн чигн киити сальки үлөһэд, үзүртә бийнь, нам салдсин шорас тату биш. Хар-хар үүлн нүүһэд, хархлзад-бархлзад, һазр элкдхин нааһар бәәнә. Салькар һолын усн туугдад, Нева улм өсэд, көөс цахрад, ууртан бүтж занһсн — шуд тесж ялжана. Болв терүгәрнь төр эс кесәр «Аврора» ирэд зогчкһсн, манхаһад, Николаевск тагтын тус харулд бәэх салдс мст белн.

Октябри 24 болчкв. Өмн өдрнь цуг цөргә әнгүдәр комиссармуд йовулгдсн, Дәәнә-революционн комитет тедниг кеп чиги би-чә көндәтхә гиж закла. Тер бийнь энд-тенд түлкдән хара биш. Керенский «Көдлмшч хаалһ» газет хаахар типограф тал броне-викүд илгәж. Зуг улан гвардейцир теднинь шидрдүлж уга. «Тегэд, эндр һарсн газет — эн! — гиж цань уга байрлсар һээхжәнәв. — Үг, мөр болһнь бослдхур дуудж: «Цаг зуурин правительствиг хольв цокти! Цуг йосиг — Советмүдт!» гиж омг немнә.

Сө. Харһу сө. Киити. Нева чигн адрад, хад чолун эргән хамх цокад һархин нааһар һаньдглад, көөс цахрад бәәнә. Улан гвардейцир болн революционн салдсмуд Үвлин бәәшигһи өөрк ик талвициг бүсләд авчкһсн көрә һазр деер кевтәднә. Намла зергләд, матрос кевтнә. Ахрхи бушлат альдасн чиги хальчлдг уга кевтә басл эвинь олж, энд-тендән дарна, болв ахр хорма сүнж өгшгонь пл. Тер хоорид намд келн бәәнә: — Салдс, а салдс... Ленин... Владимир Ильич иигж келж: «Күләж болшго! Кемр тер агчм алдхла, цуһар чигн геедрихь пл! Ударлтыг тууж, манд тәвж өгшго. Тегэд — зуг уралаң! Нег чигн ишкмд хсорлхм биш!» гиж. Манһдур эклх заквр күләх болжанавидн, үр. Мел белн кевәрн, нег мөслсн. Манһдур! Манһдур! Ямараң, а?..

Күүкд улсин батальон, күн худл гихм, кесг-кесг нер туурсн полксас чигн давжана. Үвлә бәәшигһи эрки харсачнь болсн хойр батальон улм адрж, аралдж хана, сумнь гиншәд, гиншәд, деегәр чиги одна, болв тусад шавтадгһь, нам күүнә әмнд хорлдгһь бас хара биш.

Бәәшигһи дотрнь, терүнә дала сала-шидмһсн болсн хамгар яахан олж эс чадсн, эн сүрдәд, толһань эргәд, зүркинь бәргдл уга бәэх баахи-баахи юнкермүд чигн, махнд туугдж йовх хөд гихм, нааран-цаарай хурлзһа гинә.

Өөрнь болхла, ик-ик булһар креслд булһи бөгдилдсн министрмүд чингтә далвагһан хагсаж суух гексмүд кевтә зәрмнь дөрһи

мөчэн негдүлж чимкрэд, хатмл цогцнь улм агчсн: «яһна йир?» гиж хөвөн күлэлдж чичрлддгчн.

Болв мел үкэд, тарад одх саанан кенднь чигн уга. «Харнь, тенгр маниг хэлэхэд, кен-негнь альдас болвчн довтлж ирэд, харсад авх,— гиж нээлсн, дотрнь бичкн өгн болж, ивр-ивр гинэд шимдгчн.— Дала цергтэ дадмг генералмуд арһлх эснй? Мана төлэ эс болвчн, йоснанинь төлэ. Большевикудин көлин тавг дор орхдан теднэ кень дурта болх?»

Минь ним тоолвр министр болһна седклинь ээлсн, кезэ күчхинь баслчн күлэхлэ — ирдг угачн, хэлэн гиж — нүднь оцнажадгчн.

— Александр Федорович яһвчн арһлх,— болж негнь келнэ,— церг тал одлус, адһахар, шулудтн гихэр...

— Керенский?— гинэд, наадк негнь элк хатад инэнэ,— мана арһ биш, эврәһән хээнэ гидг тер. Хар әмән ахлулад, манигән большевикудт хайж өгчкэд, жирд одна гидг тер. А та түүнәс дөн ирх гинэд...

Генткн Нева талас «луг» гисн болад, тенгсә тов мөнһ ил, шуд һазр өрггдэд, хәрү буусн болад одв. Үвлә бээшнгин эрсмүд догдлад, терз-үүднә шилмүд кү тусад, шаргад... Онһрха болһар кинти салькн өгтмлэд, күрд-таш-пиш гилдэд... Хотна нохас мет пулеметмуд яргад, халдан чаһһрад, келэд керг уга.

Дарунь ор дарад: — Ура-а-а! — гисн болад, хээкрсн-шуугсн хамг цуг эргниг дарад, Нева шуд эргәсн һарад, Үвлә бээшнгүр дэврэд аашхас дорар хөрлт, сөрлт гидгиг медж йовх баэдл уга. Тегэд, министрмүдин нээлт савигин көөсн кевтә хаһрад, бийснй «болсарн — болг» гисәр бөгдилдэд суулдж.

Улан гвардейцнр, матросмуд болн салдснр нег мөслж йуралан шудрсн, Үвлә бээшн харсачириг хомин цокад, хашаһар орад күрч ирсн тенгсин дольган кевтә ард-ардасн көөлдэд, улм өсэд, өргжэд йовна.

Гүүһэд орж ирн, одак зсргләд кевтсн матросан үзжәнәз — өз бийәри. Ик чигн пистуларн дайлсн, нама дахтн гисәр, дууджана. Бийнь Үвлә бээшнгин ик үүдәр гүүһэд орн гиж йовна. Зүг нег шар баавһа хажугас хахар бу өргсиг үзжәхмн уга. Хас гихлэ, матрост тусхм, тегэд, хурдлж ирэд, хундгарн шаргчна һаринь худрн цокад оркув. Кишвә баавһа бууһан алдад сарсаһад одв.

Матрос үзчкэд маасхлзжана: — Ханжанав, үр! Наар, нама дах!— гинэд, бээшнгүр орж одв. Үкс гинэд, ардаснь дахллув. Хэләхнь — нүдн хальтрм: дотркнь мел алтн болдг өңгтә, гилв-далв гинэд, дөрә болһнь — цаһан хад чолун, нам күн ишкнә гишго...

Хажуһарм хойр талаһар хойр әңгрсн һолар усн турглдг метәр салдснр чигн, матросмуд чигн адһсн гүүлдэд, өөдләд бәәнхәнә. «Би яһад аман ацһаһад зогсжана?» — гиж сани, бас гүүж йовнав: «Хүүвлдг хора» гиж бичәтә үүдәр орад ирхлэ, күн дала. Төһндг матросм пистуларн дайлсн хээкржәнә.

— Министрмүдтн яһла?

— Бидн таднд орж өгчәнәвидн, үүрмүд,— гһәд, нег өвгн эрә босад, чичри-дагжад, хойр һаран әәмсәр ниткрн бәәж келжәнә.

— Орж өгхлә, сән болхугов,— матрос хойр талан селн хулт-хлзад, кү хәәжәхнй ил,— а министрмүдтн, тегәд, яһла? Хааран орж бултла?..

— Министрмүд гиснтн, үр матрос, биднвидн...

— Тадний?— гиж цань уга өврсәр матрос мусхлэна. Минь ним-ним, зүсн-зүркн чигн уга, сүр-сүмсн чигн уга, зүүлхдән күрсн зүгдгүд, чоңкилдәд, чимкрәд, агчж одсн цогцта, ним, дегд әвд бәәдлтә юмс министрмүд болж, Әрәсәг кевәрнй залжасн гиж, кен санж йовла? Көл, һар, толһа күртлнй чичрлдәд-дагжлдад, йир зута!..

Матросин уханд болхла, үүнә бульглж, буслжах эрвн зүркид хортнй — хортн болх зөвтә билә. Чидлтә! Омгта! Зөргтә! «Тьфу! — гиж доран үстә кевс деер нульмчкад, матрос уурлсар нег министрүр өөрдәд, өмнй зогссн, чирм-чирм гижәх нүднй хәлән бәәж келнә: — Минь эн, нуснй унжсн, нульмснй һоожсн, чавас гим чөткрәс тним дала, күчр му бидн үзж йовсмби, тегәд? Цогц хорха гихәс талдан дүңцүл нам олдхш. Үнрин мууһинй һарһхас ондан үнтә ю үүнәс күләхв?! Тьфу! — гиж бас нег нульмчкад, матрос нистулан гертнй дүрнә.

Би болхла, Хартн, матросас чигн давуһар өврсн, нам толһам эргәд, хойр чикм шуугсн болна: күнд шааврар толһадулсн мет бәәнәв. Наадна юмн бишнй ил. Цуг Әрәсәг медж залж бәәсн улснй эңгин матрос ирәд, нүдн ирмтл, нохаһас дор кечкнә гидг — толһадм багтхш.

Тер хоорид нег күн күрәд ирв, матросла гүңгс гһәд күүндсн болла, келжәнә: — Нә, министрмүдин зергәс, Үвлә бәәшид залрснтн болжана, үвләх һазртн тадна талдан...

Матрос хажудан кесг улан гвардейцнр дахулсн Цаг зуурин правительствиг тууһад һарв. Би шуд аман аңһаһад бәәһәд бәәвв: — Вай-вай гихәс, талдан ю келхв?— гиж шагшрад, толһаһарн нәәхлнәв.— Хан күн хазар уга, нойн күн ногт уга гидг мел худл бәәсинй тавлад ода медүв. Ямаран хазар, ногт нань кергтәви?..

Генткн: — Бургудуков, хәләжә наадксан!— гһәд, хальмгар күн хәәкрәд оркв. Чочн тусчкад, тер дун һарсн тал гүүһәд күрәд ирхлә, буута хазг кесг юнкермүд манжана.

— Хальмгвчи?— болжанав.

— Хальмг.

— Бас хальмгуд йовни?

— 67 күн нег полкд, «Күч-көлсч улснй зөв харслһн» тидг нсртә бәәнәвидн.

— Одак хәәкрсн кемб?

— Мана командир, Сергей Николаевич Павлов, платовск хальмг.

— Тегэд, яһва терчи?

— Цаарандтн йовж одла, эдниг,— Бургудуков юнкермүд тал заажана,— хээһэд бэржэнэвидн...

Минь тиигж матрос Когтев бидн хойр харһсн...

— Хойр уул харһдг уга, хойр күн кезэчн харһдг гиснд худл уга бээсинь эндр бас нег батлж медүв,— гиж Кануков ашлвр кезэнэ.— Ханжанав, Василий Алексеевич, соньн келврт. Ода невчк унтж авйа, эскла, полкд ирж гилэ, ма хойрт дурндан унтад кевтнэ гидг маһд.

— Тиим, Хартн, тиим,— Хомутников кесг гекэд оркв,— комиссарин келэр болхла, полк гисн — хоосн нерн болхдан шаху. Зулладад, тарлдад гинһэд оркснь, ам алдад келсн үг болх гиж санжахшив. Тиигхлэ, кедлмш күзүцәнэ ил. Өрүн күртл, керм Шин Балһсид иртл, бидн унтад авчкхла... Нэ, йовий,— гинһэд Хомутников босв.

* * *

«Аврора» «Гапгут» хойр, негнь девлтэ, наадкнь үчтэ, невчк амрад авчксн деерән земгэ өлг авсн шүрүһәрн чаһрлджл йовла, зуг хаалһ алдад, харһуд хааран йовхан олж ядад, нег ик баг улс күцж ирнэ. Сурлда, күүндэ йовтл, нег полкин үлдл болж тернь һарна. Командирмүдән яһсинь күн медхш: хаалһдан үксн, аль гемьсн, эсгхлэ зулад, төөрэд эрлснь темдг угачн. Йир эктолһа уга, күн болһн аюдан келнэ, кедгнь — нег үлү, сансарн. Болв йовх үзгнь — негн, күрх һазрнь — Эдэрхн, тиигхлэ, хойр үр эднлэ хамцад, уралан адһна.

Өр шарлхин өргн дор, альхна эрән сээтр йилһрж үзгдэд уга бээхнь, эдн нег бички хотар — Улан Хоолар орж ирнэ. Хэлэхнь — күн дала, һазр хотам, энд-тенд һалмуд шатад, эмтн дарцлдад, дегд өвөрц, юн болжах, яһжахнь медгдхш. Салдсир, матросмуд, хазгуд — йир олн зүсн, цуһар семрлдж одсн, күн болһн хээкрсн бээнэ.

Тиигн гихнь, гер болһар изолятор кесн, халун гемтэ улсар чикэтэ чигн. Даарч, көрч йовх улс дуладхар седж, орхар хээхләнэ, тиим, бичэ үзгдтхэ гидг хальдврта гемтэ улсла харһулж болшгонь — негдвэр, хойрдхла, тас зэ угаһас келтэ түлклджэснь эн болна.

Түлклджәнэ гихэс, гер болһна үүдн хоорнд пулемет тэвчксн, хахар белн чигн. Теднэ өмннь нег бички өвгэрг күн шил козлдур һатцасн шилвксн, хээкрн гиж сөөлнқэдэд бээсн, хойр һарарн дегц дайлад, цааран йовтн гисн:— Үүрмүд!.. Дүүнр!.. Соңсит намаг, буйна төлөд эрж-сурж таднаси бээнэв,— болад, келэд-кевиэд бээнэ.— Хол йовтн эн гермүдэс, элитн хальдврта гемтэ улсар дүүрн. Би эврән бас гемтэв, болсарн болг гихэс талдан үүл уга. А талд, хээмсм, Эдэрхнд күртн! Бийсэн революциннь төлө хадһлж үзтн! Андн Деникиниг али цоктн!..

Эмчин келсн эмтнэ шууганд дарглад, келдсн, даарсн олн

улс терүгәрнь нам керг кежәхш, му келдгнь — теңкән уга, зәрмиь шуд пүднь цәәж одсн, дәврхән хәәнә. Тиигхлә, дегд хөрлтәс давл-
лад ирхләнь, пулеметмуд яр-яр гилдәд, сумн деегәрнь шиигәд-
пиигәд одхла, һалзурж дәвржәсн әмтн хооран шамргдад хурдлж
ирәд, эргд цокулад, туугдад йовад оддг дольган мет.

— «Аврора»,— гиж «Гангут» үүрән түлкнә,— толһал эн әмтиг,
әсклә эврән үзжәнәч юн болжахинь...

— Бий?— болж тернь өврнә.— Командирмуд уга болхий? Ке-
мб гихв?

— «Аврора» гихләчн, болад бәәх...

Тернь, өөрән бәәсн хазгин һарас жолаһинь татж авн, мөрн
деернь мордад оркв. Үчән тәәлэд, «Гангутд» бәрүлжәнә, тегәд,
бескозыркан ясад, әмтнә өмн һарад, әмчлә зергләд зогсн:

— Соңс, мини команд!— гиһәд, хәәкрәд оркв, бийнь дөрә ишк-
ләд, әмәл деер босад одя.— Үүрмүд; ахир-дүүнр! Әмч үн келжәнә,
мана төлә, әрвләд, харм төрәд иигжәнә. Минниһәр болхла, үүрмүд,
йовхм, цаг үрәхм биш, Әәдрхид күрхм...

— Энчн юн дәәсн билә?— гиһәд, нег күн хәәкрәд авб.

— Чамд кен иим зөв өглә?— болж бас негнь өрклв.

— Революц намд зөв өглә!.. Аштиь терүг күргсн «Аврора»
өглә!..— гиһәд, матрос бескозыркан ясад оркв. Кесгнь алтар бич-
гдсн алдр кермин нериг умшчкад,— «Аврорас» бәәжлм энчн!—
гиж санснь ил.— Тиигж сурх, маһдлх, үүрмүд, тана зөв. Би өөл-
жәхшиь. Сурхар бәәхм — чикәр меддтн келсим. Иим күчр, үүмә-
тә цагла иигж әк-зах уга йовна гидг — хажһр. Хәләхнт, кедү күн
хурсан!..

— Командл, «Аврора», юн дала юм келәд бәәнәч!— гиһәд
«Гангут» хәәкржәнә.

— Болтха!..

— Болг!..

«Аврора» әмч тал эргәд:

— Бидн танд, хәәртә доктор, икәр ханжанавидн,— гиһәд, тол-
һаһан өкәлһв,— йовनावидн... Танд нөкд болхм бәәж, зуг кедг
арһ уга.

— Учр уга, үр матрос,— болж әмч бас хансар гекв.

— Үүрмүд!— «Аврора» хәәкрәд орксн — доңһдад одв.— Зогс,
зергләд! Әәдрхн тал, үралан!

Әмтн шууглдсн болад, хухр-хухр гилдәд одв.

— Күрч чадшговидн!

— Хаалһдан үкхвидн!

— Йовад эдлж йовхар, доран үксн деер!

— Болжана, үлү үг, үүрмүд, мана хортн!— гиж «Аврора» хәә-
рәд оркв.— Зергләд зогстн гиж закжанав! Цуһар бәәсәри Әәдрхид
күрч үзхм! Әмчин келсн: «Бийсән, үүрмүд, революциннь төлә
хадһлж үзти!» гисн — әвртә чик тоолвр. Бидн цаһачүдлә бас чи-
ги һар бәрлдх улсвидн. Тер учрар бийән әрвлх, хадһлх кергтә:

Хортан дарх — негн, эрүн мана кергин төлэ эмнэсн хайцсн үүр-мүдин өшэ авх — хойр, эврсэн нигж, зовлц-түрүлэ харһж, өлсж, даарч, келдж йовсан бэрж авх — нурвн. Тегэд, мел арһ угатн үлдтн, наадкстн — зерглэд зогстн!

— Мөртэ матросиг йовһн салдс яһж көөлддмб? — гиж негнь хээкржэнэ. — Дөрвн кел хойр келд күцгдшголм!

— Худл келжэнэч, үр! — «Аврора» хурһарн завдад авб. — Чи ма хойрт, ах-дү хойрт, булалдх юмн уга. Керг мана негн: хортан дарх, хар мөртэ дээг төгсөх, менд-мендцн герүрн орж ирх. Маниг герткс күлэлдэд, кезэ ирнэ гилдэд, ямаран зовжадг болх? Тиигхлэ, теднэнь төлэ бас бийсэн эрвлх кергтэ, үүрмүд. Хаалһдан мөртэ йовһн хойр селвлцэд йовдгар кехмн. Хошаһад час болад, келэн амраһад йовхла, болх эсий?

— Үнэрий, үр командир? — гиж улан цергч маһдлв.

— Революционн «Аврорин» матрос худл келдм биш! — гинһэд, матрос мөрнэс бууһад, жолаг эзн хазгтнь бэрүлэд оркв.

Хазг на-ца гитл, мөрн деерэн һарчкскн хээкржэнэ: — Үүрмүд! Командир — мана күн! Энүг даххла, бидн Эддрхнд биш, элкэрн һазр шүргсн цаһачудыг чилэхвидн! Уралан, көвүд!..

Тегэд, зерглэһэн диглж авад йовад одсн улсин ардас эмч хэлэһэд: — Хаалһтн, хээмсм, цаһан болтха! — гиж йөрөнэ. — Бидн иигэд хөвөн эдлн гижэнэвидн, кедг арһ уга, цаган күлэхэс биш. Тадн, хээмсм, мана өшөг хортнас авит...

Ар нурһнась, тег талас дала улс харлад, өөрдэд аашхиг эмч үзжэхш. Энүнэ тоолвр, ухань йовж одсн улст, теднэ маһдуркднь нерэдгдсн «хаалһдан, көөркс, яһна?», «ямаран кевэр, кень, яһж күрнэ йир?» гиж, оньгинь ээлсн бээнэ.

XI-ч Эармин түрүнь — Лагаһар, Шин Баһудар, Боран селәһәр орж ирнэ. Эднэ тиим түрү бээдлинь невчк болвчн гөңглс гиж, Хохал Жалыков урдаснь өмн заха Баһуда ээмг орж, хотн, селәдт «этапн пункт» гиж һарһад, шишлн эмт белдсн, йир туслв. Гемтэ, шавта йовхднь, муурсн-дандсн болн даарсн-көрсиднь түрүн эмнлһ кеж, халун хот өгч, бээх гермүдэр тетксн — теет, үвлэр; үүлэн эдлж йовсн улст теңгрин жирһл болжахнь ил. Зуг алькнь чигн баһдад, күн дегд олдн күрч өглго шахр, яду болж генүлэд зована.

Зурмт селәнд Жалыков ирсн, энүнэ медэтэ, тоомсрта гисн хойр-нурвн көгшәслә харһад зөвчлсн, селәнә деед захинь сулдхад, әмтинь дорд зах тал нүүлһх болна. «Энтн цаг зуур юмн, — гиж комиссар эвлнә. — Тадн элгн-садарн багтад бээж үзтн. Тедн цусан асхад, даарад-көрәд, мана төлэ зовлц эдлж йовх улс, невчк амрх, эмнүлх зөвтә, эсклә, эврсән меджәнәт, яһж чидл хураж, хортнла ноолдж диилхмб?»

Селәнә өрәлинь тиигж сулдхад, гер болһниг арчулад, зегсн-хулсн болсн хамг делгүләд, нам теднә мөрд идх өвсн күртл бел келһж йовна. Гентки хэләхнь — кесг мөртә улс толһа давад ирв.

•Акад юмб?—гиж Жалыков ухална.—Өмн бийэс нүүнэд-нүгшэд ирд бээсн учрта, медгджэнэ, ар бийэс дала улс гидг... Эднчн хортна өмнэс байрлад тосж йовх баячуд болвза, кулакуд?»—Эн инстулан герэснь харһад, хавтхлад оркна. Бийнь хашур орад, үүднэ заагар хэлэхэд, кенинь йилһж авх саната ширтнэ... Хэлэхнь, Когтев йовна, терүгэн таньна, тер учрар хаша дотрас һарад. тосад зогсна.

—Оо, маниг нутга дээнэ комиссар бийнь тосжана,—гиж, матрос келж йовна,—нэ, менд, Хохал Манжиевич, гиичнр тосж ав.—Ээдрхнэ медлин Дээнэ-революционн комитетин ахлач, XI-ч Ээрмин Реввоенсоветин член Сергей Миронович Киров болн...

Өөрнь йовсн залу мөрн деерэс бууһад, көлнь унтрсн ишкдлэр хойр талан дээвлэд өөрдн, Жалыковд һаран өгв:—Киров, Сергей Миронович. Би таниг, үр Жалыков, меднэв,—гиич келн, матрос тал «голс» гинэд оркв,—үр Когтев тана тускар келэ-келэ йовж, чиким цээлһв.

—Нутга военком Жалыков,—гиж Хохал гиичин һаринь күндлж атхв.—Эамгин өмн захас ардарлж йовнав. Селэн, хотн болһнд чадс-чидсэрн, эвэрнь «этапн пунктс» харһад белдэд йовнав, итклтэ улст даалһад, хэлэжэти гинэд. Эндр нааран ирсн, селэнэ өрөлинь сулдхад белдчкүв, маңһдуртан Бөрт Харухс селэн хойр үлдх...

—Сэн, сэн,—гиж Киров байрлад одв,—орад хэлэхмн бээж.

Хохал түрүлсн, арднь Киров Когтев хойр дахлдсн, орад ирв. Земгэ сарул, цевр гер. Пол деернь зөвөр жөөллэд зегс, хулс делгсн—гем уга. Терүнэс һарад, кесг гермүд даран-дарандтнь Киров хэлэв. Цугинь таасв.

—Санснас хол деер,—гиж Киров ашлвр кев,—болжана.

—Сергей Миронович, нег акад цаас үзүв штабдан,—гиж Когтев келнэ.—XII-ч Ээрмин Реввоенсоветд түүнэ члень Кузнецов начштаб Северинов хойр зэнглжэнэ: «Салу-салу йовх улсиг Чолун деер бэрэд, баг кеһэд, Лаган тал, Батлукур йовулад бээти гиж. Теднэс онц энгс кеһэд, Батлук цааранднь Хар Базр орулх зааврта. Таманск дивизин начальник Батурин цеггэрн Ээдрхн тал йовхар бээсинь зогсаһад, диг-дараһинь яс, белд гиж закж. XI-ч Ээрмин тускд мана өгсн заавриг теднэ командирмүд эрк биш, цаг түдлго кевтнь күцэх төриг фронтын өмн тэвж некти».

Киров гүүнэр саналдад, тагчг зогсжаһад келнэ:

—Ода ирж толһаһан цокна гидг тер. Бийсиннь негдгч дивизь Кизлярт бээтл, деернь XI-ч Ээрм цухрад орж ирсн, йисн бронепоездтәһән, зун вагон буудята, зер-зевнь, хот-хоолнь, хувц-хунрнь дала цагт чидлэн негдүлэд дэврсн болхнь цаһачудыг зогсах биш, харһад көөх бээснь алдг уга билэ.

Ээдрхнэ бээдл улм муурад, күчр үүмэтэ болж одв. Хот-хол дегд хатяр болсн, нег үлү өдмг йир ядурсн йовдл басл чинврдүлжэнэ. Иим болдгнь, Каспийск-Кавказск фронтын һардвр алькиннь

чигн медл уга ики ард, холд суулдчад, ээмшгтэ юмн уга гилдэд, өөдөн худлахар зэнглэ бээж, йосар хорлдгнь эн. Тегэд, тер хард-вр көөгдэд, фронтын Реввоенсоветиг үр Мехоношин толһалсн, юуһинь чигн нуух санан уга, илднь, Ленинд бийднь «Бээсн өдмг чилв, харһилт эклн гижәнэ. Эн Каскавфронтод сөөһән халдашго» гиж зэнглв. Дарунь гишн эн партин ЦК-д, ВЦИК-д болн Республикин Реввоенсоветд сунһуг илгэсндән Ээдрхнэ политическ бээдлнь күчр күнд, юңгад гихлэ аль биш хортдуд цаһачудас, эсер-мүдэс болн меньшевикүдэс хамцад, хот-хол ода деерән хатярд-сиг олзлад, серл тату хамгинь үгдән орулж, Советин йосна өмнэс босхур зад татжана гиж бичв.

Өөдөн зэнглснэс нааһар басл кесг эв-арһ болн күч олзлж, тер тоот хортна өмнэс көдлмш кегдсн бийнь болж өгсн уга. 1919 жилин мартын 10 өдр Ээдрхнд Советин йосиг авч хайх болсн босл-дан эклв. Цаһачуд, цуг наадк ижллэһән негдэд, харһнжах бээд-лэр көл кеж, терүгэр шалтглж, «Большевикүд уга Советин төлэ», «Сулдан өдмг хулдхин төлэ» гиж дуудвр кеһэд, амт хутхад, толһа-нинь эргүлв.

Ээдрхнэ медлин Дээнэ-революционн комитет үр Кировин бо-лн Каспийск-Кавказск фронтын Реввоенсовет үр Мехоношин ах-лачта күчр гидг нег мөслгч, күчтэ шүрүтэ цоклһ үүдэж, терүнд өсх, өргжх цаг чигн, учр чигн өгл уга, мел дор ормднь гишн дар-снь эн. Манһдуртнь үр Ленинд: «Бослдаг уга келһн төгсж йовна. Өрүһэр зулад һарч йовх бандсла онц халдан болв», — гиж зэнгл-гдв.

Энд-тенд бултсн, алдрсн тоотыг олад, чөлмэд, балһснд төвк-нүн бээдл үүдснэ хөөн мартын 13-д Каскавфронтын командовань өөдөн сунһуг йовулсндан: «Цаһачудын бослт үлдл угаһар даргдв, — гиж бичв, — ээрм болн флот мел негн мет Советин йосан харс-хар босв».

Энүгэри Каспийск-Кавказск фронт гидг уурад, үүнэ медлд бээсн цергинь хойр эңглэд, өрөлинь Х-ч Ээрмд, наадкинь шинэс үүдэгджэх XI-ч Ээрмд өгв. Көк теңгсин флотиль бас шин Ээрмин медлд орв.

* * *

Ленинэ тоолварар болхла, хамгин ик ээмшгтэнь Колчак чигн. Тер учрар Дорд үзгин фронтур партин арһта гисн чидл, орн-нут-гин эркн гисн зөөр харм угаһар йовулгдна. Тегэд, эн фронт сөрү дэврлт кеһэд, Колчакин нег ээрминь салвлад, күүчгдхднь күргэд, Уфа балһс эзлнэ. Дорд үзгин фронтд бас чигн эркн даалһвр өггд-нэ — хортна ээрмин үлдлинь хог таслад, дэврлтөн улм өргжүлэд, Урал Сивр хойриг сулдхти гиж.

Колчакд дөң болхар седж, көөрч йовх нөкдинь му бээдл ясуулс гиж, Деникин бачм заквр өгнэ; генерал Улагай корпусари Манц һолас авн экләд, Аһшин зам көөһэд, Ремонти—Приютн —

Цацар дамжад, Тихорецк—Анш хоорондк төмр хаалһ эзлх болна; Кутепов Покровский хойр генералын багмуд Сал хол тал нарч анхмчл.

Цаһачуд цуг фронтар дэврлт кенэ. X-ч Ээрм күнд бэрлдэнд орлцж, зөвөр нарула харһж, Манцас Сал тал цухрж йовдгчн. Тер хоорид цаһачуд Анш авхар йовх цуг цергэн негдүлэд, Кавказск Ээрм гиж нерэдэд, командлгчнь генерал Врангель болна. Эн ээрмднь һурви Кубанск, нег Теңгэ хазгудын корпус орсн улм чаңһрж, Аншур дэврж йовдгчн.

Терск-Дагестанск эргнэ цергин командлгч генерал Эрдели эрк биш Ээдрх авх болна. Тер учрар Кизлярск Ижлин бахлурт күрхэр гейерал Драценко онц нег ик отряд толһалси, терүнднь һурви миңни күн, зер-зевнь күцц, хот-хоолнь тав, хувц-хуирнь дигтэ, халуи гем харһилт хойрас келтэ муудан орсн XI-ч Ээрмин үлдлгг уга кехэр аралдад йовна гинэ. Эднэ санань, далаһар удж, цаг үрөшгө бээдлтэ чигн, Яндһа-Мацга нутгин өмн захар орж аашна гинэ.

Таңһчин военком нээмн насна хальмгуд — хөртөһөс авн хөрн нээмтэ күртл цергт авх заквр харһна. Комиссар Жалыков адһна: цаһачуд орж ирхэс урд өмн заха Баһуда ээмгэ залусиг түрүлж дуудс гиж, цаг түдлгө довтлад харна. Кер һалзнь чигн, цаг чинвртэ, бээдл ээмшгтэ болсар ээнь адһж йовхиг медсэр, бийнь улм чаңһрад, хатрл гүүдл хойриг семрэд йовна.

Хамгин өмн захд хойр бички хотн үлдв. Теңд күрч хонхар Жалыков адһси, кер һалзнь чигн эзнэ седкл дахси — урдк кевэрн. «Гем уга,— гиж комиссар санна,— һурвхи хонг дотр 587 күн военкоматур йовулув, 600 күргнэв, үлдси арви һурвинь эн хойрас авнав».

Болв өөрдх дутман товс лугшад, мел хажуднь болси болад, һазр чичрүлэд бээнэ. Хортн хол биш күрч ирснь ил. «Учр уга, эднэс өмн, иртлнь, би кергэн күцөһэд, манһдурин бийднь хэрэд эрлхв,— болж, Хохал санад, кеерин гүүдлинь улм чаңһаж өгнэ,— адһсм сэн болв, эсклэ иим залусиг цаһачуд авад, эврөһөн кехлэ, ямр болх бээсн?»

Хохал хотна захд ирн, мөрэн татад арһулдв. Эсгхлэ, хотар гүүлгэд орхла, кен, ю санна гихв? Кер һалзн совр-совр гинэд, йовдл хатрл хойрин хоорндаһар йовна. Тегэд, нег элэдхи гериг һаза ирэд буув. Хашаһинь түлкэд орхла, цань өвгөрг күн бээснь үлгдв. Өөрдэд одж йовна, шинжлнэ: угатя биш, бээдлнь, хувц-хуирнь талдан. Хаша-хаацнь, гернь чигн тер хамгин герч болжаһнь ил. Мендлэд, эзн бийнь, өрк-бүлнь, мал-гернь ямр бээхиг сурад келнэ:

— Көгшн ах, би Жалыков гидг күмб, нутгас йовлав, военком болдв ..

— Военком болдгичн келвр угаһар медүв,— гиж эзн хэрү өгв, — хадг, чавчдг хамг шаргулси...

— Тана дөң кергтэ, көгшн ах. Хөртэ, хөрн нээмтэ көвүд, залус, кен-кен бээхинь келж, өгхити.

Эзн хэрү өгсн уга, зөвэр тагчг бээжәһэд, дотран тоолжахнь ил, келнэ:

— Йисн күн бээх зөвтэ, теңгсэс һарч ирсн, зуг гертән бээлдх-угань?

— Кениг болвчн гүүлгэд, теднән наар гилххити...

Удсн уга, түрүнь ирлдэд бээв. Ю-кү келэд күүндэд, негнь Хохалыг таньдг болж һарв, тиигжәхнь, бас ирлдв, нәәмн күн болв. Хохал келнэ:— Дүүнр, цаатн цаһачуд орж аашна, угатынрин йосна унгднь суунавидн гиж, уршглж йовна. Тиим болшгонь маһд уга, болв дав деер теднэ чидл эн алднд невчк үлүркж өгэд, эврә, угатя, көдлмшч улсиннь йосан эркн харсх керг учрв. Тана насна улс цергт авх, Улан Цергт авх заквр бәәнә, минн ирдг тер. Сурхар бээхм: эндрин бийднь, сө дүлэд йовтн, Далвн ортн, военкоматд одтн, намаг йовулва гитн. Та, ах нааһарн, эврәксән толһалтн,— гиж Хохал бийинь таньдг залуд даалһна.— Тана дарук хот орнав, өрүндән хэрү һарнав.

Залус, көвүд мөндән келэд, хәрж одцхав, адһж бедрәд, йопх болцхав. Эзн келжәнә:— Дү көвүн, мөричн сөөчкүв, көлстә бээжлм, зогсжаг тиигэд, цә у...

Сарн түрүлсн, Хохал арднь дахсн, герүр орж йовна. Генткн «луг» гиһэд, һазр догдлад, өрггдэд, буусн болад, терз, үүдн уга чичрәд одв. Дарунь бас нег «луг» гиһэд, даран-дарандтнь кесг саамлад оркв, шуд гер кевәрн хольврн алдад бәәнә.

— Өөрдэд күрч ирж кевтәм,— гиж эзн шуукрна,— хәэрхн, яһна йир маниг?

— Хол биш,— болж Хохал энүлэ зөвшәрнә.

Цә ууһад, герин эзнд, гергиднь ханлт өргэд, Жалыков йовхар босв. Эзн дахлци босад келнә:— Хамдан йовхм, тергәр. Чинн мөри амрг, нег үлү, хэрү һарх болхлаци. Дарук хотн юмн уга, һурхн дууна. Чамд кергтә долан күн бээх зөвтә, нань уга.

— Болжана,— гиж Хохал түрүлв, байрлжахнь ил, юңгад гихлә санснас нам давад чигн одх бээдлтә. Ардаснь эзн һарч ирв. Сара эргэд, цань тергид уята мөрән зүүв. Тегэд, эн хойр зерглсн, гүүлгэд һарв. Ю-бис күүндсн болж йовла — мел дарунь гишн хотар орад күрч ирв. Тергн нег герин һаза зогсв.

— Чн үүнд бээжә, Хохал, би орад, эзиг дуудад авад ирсв,— гиһэд, Сарн орж одна. «Мууха сээхн седклтә күмб,»— гиж Хохал ухалад, тергн деерәс бууһад, өөрн зогсн, хойр талан хот һәәхнә. Тиигжәхнь, Сарн хажудан нег залу дахулсн һарад ирв. Терн земгә оврта, һар-көлн бөдүн-хадун, зөвәр чидлтә болдг күн, дөчнә алдан наста... Ирәд, мөндлхәр һаран өгн, Хохалыг теврәд, күзүдэд оркв. Сарн сарсхлэж гүүһэд, Жалыковин пистул, чашк, ханжал хамгиг авад, тергн деер хаяд бәәнә. Хавтх болһнинь гүвәд негжәд келнә:— Нә, болж, тәв өөркән, Гендн, ода энчн эәмшг

уга. Чидл болдг хамгинь чнлэн авад, тергн деер хайчкув, ха-ха-ха...

— Сээхн харарм орж ирвш,— гиж Сарц элж хатна.— Цаачн, үр Жалыков, цаһачуд орад аашна. Улан комиссар бэрэд, учрта кесэр хартнь атхулад өгсн күн хоосн харх уга эсий, а?.. Нэ, Генди, көтл өөркөн, өрүн күртл сарад хаахм. Өрүндэн, тенгр өгхлэ, цаһачуд орад ирх...

— Иим, ичрэн барсн, нлг чирэдэн наасн, аратас му шинжтэ лемн гиж, таниг кен медлэ,— болж Жалыков аралдна,— арһулд жатн, хортн гидгтн — өдр, сөөнн... Тедниг манахс харһад көөхлэ, тосгэн кевөрнь цеврлэд авхла, тегэд, яахар?..

Хохалыг харһу сарад орулад хааһад, һазаһаснь һохлад оркна:— Нэ, йовий, Генди,— гиж Сарц келжэнэ,— жирһхм!.. Гергндэн кел, бээсэн харһ гил.. Тенгр өгнэ гидг эн!..— Гентки бас нег «луг» гинэд, һазр чичрүлэд оркв, дарандтнь һурв дэки хав.— Хэлэ, сонсжанчи? Аашнавидн гинэд, эһән өгэ йовна. Тедн орж ирхлэ, тегэд, ма хойрас күндтэ күн нань бээхий?..

Чинхнь, йовлдад одна. Хохал сараг эргүлэд шинжлнэ: му хаята батар кесн, онһрха биш, нам шууда чигн уга болдг өцгтэ, шалдарнь ямр зузан. «Кедг арһ уга, амрч авс, чидл чигн кергтэ болад бээх,»— гиж санад, нег булнднь эрс түшэд, сун уитна. Акад юмб? Серхнь: «Хохал!.. Хохал!.. Хохал!..» гисн болад бээнэ. «Кемб?» гинэ. Дарунь үүдн секгдэд одна. «Би — Отельдамб, үкс ги, нүлхм!»

Тегэд, эн хойр Сарцгин мөрнд сундлж авад, гүүлж йовна. Удсн уга, Сарцгинд ирэд, һазань бээсн кер һалзана Хохал унсн, эһнэг Отельдан көлглсн, довтлад харна. Зөвөр уудад һарчкад, чин невчк арһулдна.

— Би Эрктнэс ирж йовнав, кергэр одлав,— болж Отельдан келж йовна.— Зууран хонс гинэд, эн хотнд зогсхла, бээсн герүрм Генди гидг залу ирв, эркнь байдсн, немр хээж йовж. Нег шил эрк бээсинь авад һарчаһад келжэнэ: «Баянком Жалыков ирсиг Сарц бидн хойр бэрэд, сарад дүрчксн бээнэвидн. Өрүндэн цаһачуд орж ирхлэ, энүг автн гинэд, бэрүлэд өгхлэ... Тегэд, Генднэн кен болхинь хэлэжэтн!» — гичкэд, йовж одв. Дэрк, дэрк, дотрм түүмр өгчкэд һарсн кевтэ махмудм ирвлзэд, көл-һарм, толһам тус-тус-ган шатсн болад, чикм шуугад йовна. Залу йовад одв.

Невчки зуур эрэ тесж бээһэд, эс медсэр: «Одак ирсн, Генди эс гивтэ, тана өөр бээдг күүний?» — гижэнэв. «Эн хажуд, һурви гер һатц бээнэ,» — болж, деед үзгүр эзн заав. Кесг болсна хөөн келжэнэв: «Унтн гихлэ, нөөрм күрх бээдл уга, йовад меднэв, дарук хотнд одж хоннав. Яһвчн һурви дууна хасгдх». Ханлтан өргэд, мөндэн келэд һари, Генднэ тал гүүвв. Терзэр хэлэхнь: гер дотр одак хойр уулджана, һарарн занһлдад, көөрлджл бээхнь ил. Үүдинь һазаһаснь таг кеһэд һохлчкад, чамур гүүдгм эн...

Һал мергн үдлэ Хохал Жалыков Чолуһар орж ирнэ. Мөрнь көшэд, көлсөндэн хар хулһн болад, бээсн бийнь гихлэ, сахл ур-

һад, шора-тооснд даргдад борлад, борзнтад бээсн, цань уга цу-
ирсн, нөр-хол тату, өлн кевэрн мөрн цөргэ дивизин штаб орад
һарна. Төнд XI-чин командлгч Распопов, Реввоенсоветин члөд
Киров, Мехоношин, Куйбышев эдн ирснлэ харһна.

— Одак төртн, үүрмүд, күцж одв гиж сантн! — болж Сергей
Миронович шуд хээкрхин нааһар байрлад, Жалыковин өмнөс
тосж ирэд, һаринь авад атхв. — Керг ямаран, Хохал Манжиевич?

— Дала сэн биш, үр Киров.

— Үүрмүд, таньлдтн, — гиж Киров наадкстан Хохалыг заа-
на, — саахн мини келжэсн күүнтн бийнь ирв. Таньлдтн: Яндһа-
Мацга нутга дээнэ комиссар, үр Жалыков.

Цуһар ирлдэд, һаран өгэд мөндлэд, нөрэн келцхэв.

— Ода альдас? — болж Киров суржана.

— Сергей Миронович, — гиж, Жалыков келж тусчкад, чикрж
йовна, — Үр Киров, би минь ода Баһудас ирэд бээсм эн. Сөөни
дуусн, өрэл өдр йовад, эрэ ирүв. Төнд хортн өөрдэд күрч ирсн,
товин ээд һазр догдлад, терз, үүдн чичрэд — нөр уга. Хортна өр-
гн дораснь гишн көвүд, залус цуглулад, 595 кү цөргт авбув. Төдн
военкоматд ирчкн, диглгджэх зөвтө. Ода йовад, Ээдрх орулнав.

— Уга, Хохал Манжиевич, — гиж Киров Жалыковин ээм дее-
рнь һаран тэвнэ, — талдан, күчр гидг эрки, бачм төр бээнэ. Танас
ондан күн терүг күцэж чадшго.

— Би сонсжана, Сергей Миронович.

— Реввоенсовет кеситн, күцэситн берк кевэр таасад, таниг
күндтэ революционн селмэр ачлжана, — гинэд, Киров цаһан мөң-
гэр өңглэд, деернь Жалыковин нөр тэвсн пистул зүүлһнэ. Наад-
кснь энүг йөрөһэд, һаринь атхна.

— Ханжанав, таднд, үүрмүд! Улм итклтэ кевэр цөрглхв гиж
андһаран өгчөнөв!

— Төр ним, Хохал Манжиевич, — Киров улм өөрдэд зогсна, —
ода мел дорасн Лагань орх болад бээвт. Цаһачуд өөрдэд күрч
ирсн учрар төндэс зөр-зөвиг, хот-хоолыг, хувц-хунриг йир яһад
болвчи авч һарх кергтэ. Хаалһ негн — теңгс...

— Йир юн чигн хортнд күртдго болдгар кеж үзтн, — гиж ко-
мандлгч немв. — Сергей Мироныч келсэр болхла. таниг чадх
күн гинэ.

— Йовж күцэх зөв суржана, —

— Йовтн, сэн ашта йовтн!..

Төгэд, түрүн революционн ачлвр зүүж омгшсн комиссар Жа-
лыков Лага орад һарна.

Дөрвдгч бөлг

Ээдрхн талас Лага ордг хаалһ Тавн хошун деерэс хойр энгрнэ.
Болв хойраһарнь чигн Лаганд күрч болхиг Жалыков мөднэ. Не-
гнь — деегэр, Боран селәһэр дэврэд, тустан гишн оддгнь — эрв-

жон уга ахр. Энүг теегин хаалһ гиж келцхэнэ. Наадкнь — дора-
нар одлгнь, мацга хаалһ гидгнь — бичкн эргцтэ болсн деерэн
кесг батлһта болна. Тер бийнь Хохал нам агчмд чиги маһдлж,
лмацсн уга, кер һалзнан зүн талан татсн болла — тернь мацга
хаалһар һанхад, Бөргт, Зурмт хэлэлһэд авад һарад бээв. «Асх-
лад, оратж күрн гйжэнэв. Гертэн хонад, өрлэ босхла, Эркн Амн,
Машн, Шорцгар дамжад, Лаганд үд күртл күрх зөвтэв, эсклэ...
— болж, Жалыков тоолж йовна.— Тер төлэд кер һалзнан амрах
кергта. Хэрнь, бат юмн, чидлтэ, чиирг...— Эц өкэс гһһэд, мөрнөинь
көлстэ күзүг илн ташад, таалхин нааһар йовна.— Минн кер һал-
зн меднэ цагин нэрниг, кергин эркниг. Галдан мөрн көшэд, муу-
рад, көлвэдэд кевтх билэ. Учр уга, кер һалзн ма хойран цаг ирх,
таварлдад, талталдад бээхвндн, ода деерэн арһ уга, адһл керг-
тэ, шулудх... Генткн Жалыков мацнаһан цокад, сана авсар, бүсдк
герэснь пистулан һарһад хэлэнэ, деернь мөнглэд бичсиг умшна:
«Комиссар Х. М. Жалыковд — зөрмг төлөднь, РВС-с».— Һөөһө
юмн болва, пистулан булагдсн намд. Болв энүг булагдснд орхнь
үксн деер!..

Өгтм парна күчид өгрэд, шатад, өнгөн гееж шарлад борлсн
Һазр, Хохалын нүднд ондарсн, энүнэ хэлэцинь сергәһэд, дотр-
кинь уудулсн болад одна. Тиигн гихнь, сала-шидмсн болсн һол-
муд эклсн, эднэ көвө көөһэд, делгүдэн урһсн хулсн, зегсн холас
харлн көкрэд, серү татад, басл айта болж, седкл аадрулна.

Тер хоорнд кер һалзн таньдг батлһар авад ирв. Энүнэ цань
Ик Малзна бичкн гермүд эрэ үзгдэд, аашх асхна харһу дахж
байсллдад, «удл уга бидити нам харгдш чиги угавидн» гисэр бээ-
лднэ. Тентл һарчкад, Хохал мөрән татад зогсаһад бууна. Энд-
тсндэн хэлэн бээж, кесг хамгиг сергәнэ: «Энүнэ көвэд, минь үүнд,
Мацала түрүн харһсн; ик чиги саз бэрэд, толһаһарнь шин тань-
лац гилчлсн; Булһашт хойр баахн-баахн саз өгсн... Эн хойр ода
хойрули уга биший!»— гиж дотрнь хээкрсн болад одв. Хохал гүү-
нэр татад саналдхлань, зүркнь менрэд, хатурад, үзүринь зүүһэр
шаасн мет хатхлв. Тусарн илэд, ниткрсн болжаһад, цааранднь
һарад йовснь тер.

Арһул үүд татад, Хохал орад ирхлэ, аакнь пурһан өгэд, цаа-
ран хэлэсн, ачдан цээһин деежинь кежэнэ:

— Наар, хотан уучкад, унтхм, сээхн зүүд зүүдлхм...

— Уга, ээж,— гиж ца хораһас ачнь жицижэнэ,— тууль келх
болсн бээимт...

— Э-э, мартжанав,— болж эмгн аман бэрж йовна,— Отельдан
лав чамд менд авч ирж, баажачн келүлж...

— Кезэ?— Ваня-Маца ца хораһас гүүж һарн, эцкән үзэл, чиш-
кн хээкрэд: — Баажа-а!..— гһһэд, хурдлж ирэд, күзүдэд теврэд,
шуд наалдж одв.

Өлзэ ардан эргэд хэлэн:

— Хохал минь, кезэнь, яһж орж ирвчи?— гисн бас босад гүү-

Иэд мөндлө. Хохал көвүһөн төврэд, экэн көтлэд, орм-ормднь суу-
лһн: — Нэ, ямаран бээлднтэ? — болна.

— Маднд юн болла?.. Чи бийчн ямаран йовичи? — гиж экнь
сурна. — Эцэд, хойр нүднчн онһахин на болж. Яһвчи, Хохал минь,
бийчн тас угайи?

— Уга, — Хохал маасхлзад инэнэ, — аак ю болвчн келнэлэ...

— Баажа, удан бээхвтэ?

— Хоннав, өрүндэн йовнав, эртхн...

Тегэд, эн һурвн цээһэн ууһад, невчк ю-кү күүндсн болжаһад,
унтх болна.

— Би баажала, — гиж Ваня-Маца келлэ унтхан урдаснь кел-
чкв, — ээжлэ манһдур...

— Яһсн аммб эннь, — гиж ээжнь ачан таалад, толһаһинь үнр-
члэд өкөрлнэ, — унт, унт, баажалаһан...

— Хохал, — гиж геитки экнь ондарсн болад одв, көвүнүрн өөр-
дэд сурна: — Цаачн цаһачуд орж аашна гилддмб?.. Оһтрһу ду
һарсн кевтэ лугшад, һазр чичрэд одна...

— Үннинь келхлэ, аак, хол биш.

— Чи, тегэд, тедниг амдж йовхчн юмб?

— Уга, би Лаганас цааран давшгов, — болж Хохал күчр са-
намрлсар келнэ, — теднти Эртнэс сээтр һарлдад уга. Би хэрүд-
тэн орад һарнав, та хойриг бийлэһэн авад йовнав. Хэринь, ю-күү-
һэн белдн бээтн...

Ики эртхн, барн бүрүлэ, Өлзэ босад, цэ чанна. Хохалнь бос-
чксн, көвүһөн илэд, хучад, манһаһаснь үмсчкэд, цэ ууж авн, йо-
вад одв.

— А хээрхн, көгшн чагчв минь, ээж-аавин сакусм минь, һазр
деер хэлэсн һанцхн көвүһим хэлэж харж йовтан, хээрхн... — ги-
һэд, Өлзэ зальврад үлднэ.

Үдин өмнхн гүүлгэд күрч ирхнь, Лаганд зөвөр үүмэтэ бээлд-
нэ. Эн эргнэ харслт һарджах Батлук, цаһачуд орж аашх үзг-
батлхас биш, талдан керг-төрт, келхд, үлү дала зер-зев, хувц-
хунр, хот-хол авч һархд оньган нам өгч уга. Тингж гиж, энүг гем-
шэж чигн болшго, юнгад гихлэ хортн дегд өөрдэд күрч ирсн бээ-
нэ. Дөң чигн эн болж чадшго. «Кергнь үүнэ негн — хортыг сөр-
гэд, арһта болхла, алн цокх, арһ уга болхла, бичэ һарад зултха,
бэржэтхэ, — гиж Жалыков санна. — Тер хамгиг авч һарх керг чи-
ни! Чамд үр Киров даалһла. Яһж, юуһар, кезэ кеж-күцэхэн ухал,
адһ!.. Көлгн-күчн гихлэ, угадан шаху. Бээсинь түрж-зүдж йовх
ХI-ч Ээрмд гиһэд цуглулад авчксн... Һанцхн үлдсн эсвнь — усар
авч һарх кергтэ. Ачх, зөөх эмтн, дала сав-санх кергтэ. Альдас
авдмб? Яһдмб?.. Яһдмб гисн?.. Йов, үкс ги, эмтнд кел, медүл!..»

Өөрэн аэмгин ахлач дахулсн комиссар Жалыков заһсч болһна
герэр орад, зөв-учран күргнэ, цаг күчр болсинь нуухш: нөкд бол-
ти гинэ, чидлэн бичэ эрвлхинь сурна. Өөрхн бээсн хальмг хотдар
бас йовна, залу, күүкд улс йилһм уга, цугинь дуудна. Манһдур-

ни арв хар эрйүшк көөһэд авч ирсн, теднл өлг-эдиг ачжах улс гихлэ, сольвлддж, көдлмш шуд буслад бээнэ. Тиигдгнь, тиим амр цугларад, шунад бээдгнь — захсчнр, нурһлж Хохалыг таньдг болж харв. Эс таньдгнь соңсж йовж. «Мана күн! Заһсч захсчдан дөң эс болхла, тер кемб?» — гиж негнь зөвөр чанһар, Жалыков соңсдг болдгар келж йовна. «Заһсч захсчдан гисн — хажһр, Соңсетин йоснаннь төлө бидн ингж эмндэн күрчәнэвидн, — гихэр седсн бийнь, Хохал тотхад зогсна. — Ай, үкс гихэд кег, хөөннь, эвэрнь цөөлһэд бээхгов, ода деерән үг көөлдж биш!»

Эрйүшк болһниг диглэд, итклтэ, таньдг улсар ахлдг тэвэд даалһад, түрүн белн болсарнь йовулад бээнэ.

— Чонжд күрэд, ардксан күлэтн, — гиж Жалыков цуг эн багши одмн болсн һэрән Налжд заажана. — Тенд негдж авчкад, жилкән өрглдэд жингэд одтн. Шин Салгт Ижл болын бахлура дөңч участк бээдмн, түүнэ штабиг үр Поллевин толһална. Тер күүнд күргэд өгхлэтн, төртн күцжәнэ. Намас менд келтн. Нэ, Налж, адһ... Соңсжанчи, лугшулад бээхинь?..

— Хохал, мууха муурсмта? Шанатн хавчгдад, шатад, харлад... — Налж эрйүшкэс бууж ирэд, һаран өгэд, мендәи келжәнэ. — Байрта харһий!.. Болвчи, бийән хэлэж йовхнта, Хохал.

— Учр уга, Налж, — гиж Жалыков маасхлзад, чирмэд оркна. — Менд йов, байрта харһий! Би тадниг көвө көөһэд, нигән һарһнав. Эсклэ, эн кевәри теңгсүр орсити эс үзхлэ, яһва-кегвэ гихэд, зовад йовхм алдг уга.

Хойр үр һаран бас нежэд чанһ-чанһар атхад сална. Налж эрйүшкдән күри, ут чис авад наадксан дуудад түлкж йовна, тернь эс адһсар, нам ачрхсар эрә-эрә көндрэд, усиг чеежәри түлкэд... Удсн уга, усна гүүнд күрснь ил, жилксән өргсн болла гүүдлнь чанһрад, өлвклдэд, дольгана болн салькна шүрүнд дөгсөр, земгә хурдлж йовцхана. Хохал чигн теднэс ард үлдх санан уга: кер һалзһан дэвж өгсн, деернь хавтаһад, земгә серглң йовна.

Санмср уга йовсн Хохалын нүднд генткн харлсн болад, үрглжлэд, дала баран үзгджәнэ. «Одак одсн эрвнцснь лавта! — Жалыковин дотрнь «кирд» гисн — саак зүркнь менрэд, хатурад, халкнь ирвлзэд татгдад одна. — Юн болад одсмб?.. Яһсмб?.. Кен эдниг?..»

Дор ормасн «чу» гихэд, кер һалзһниг чанһаһад дөпөд орксн — халж одсн мөрн нисэд одв: Хохалын хойр чикнид салькн уулыншугшад, яһлалсн болад йовна, зуг терүгәр эн төр кеж йовхш. Довтлад күрэд ирхлэ, — му заян! — салькн һазаһан һарсн учрар болын усн туугдад, теңгсүр хурдлад татгдад йовж одсн ачлһта эрвнцс хээрдэд, таг зогсж.

— Хэәрнь ямаран? Холый? — гиж Жалыков көвөһәс хээкрнэ.

— Цааранднь меджәхшив, эн ори зун ишкмәс үлү уга, — болж түрүн эрвнцәс нег залу келэд бууж йовна. Хохал тер хоорнд

эрвнц болһнд уята пучалкс үзэд оркв.— Яахнь нам медгдхш, Хохал...

— Яах гисн?— Жалыков мөрнэсн бууһад, амһагинь һарһад тушчкв.— Эрвнциг гииглхлэ, һарх эсий? Тииглхлэ, цуг пучалксиг көөһэд авч иртн...

Тегэд, түрүн эрвнцин ачлһиг арвн онһид ачад оркхла, эрвнц өрггдэд көвэд бээв. Энүг түлкэд, гүн уснд күргчкэд, пучалксас хэрү ачлһинь ачсн эрвнц урдк кевэрн зөвөр сууһад одв, болв эрй-элэд, дольга дахад көвсн, жахрлх керг учрв.

Генткн «луг» гиһэд, һазр өрггдэд, буусн болад одв. Цуһар чо-чи тусад ормалдсн, тер үзгүр ардан хэлэв. «Лаганд!» — гиж оли дотрас нөгнь келв.

— Адһх кергтэ, залус!— болж Жалыков шамдажана.

— Адһж болжана, Хохал Манжиевич, зуг дөң угаһар...— Налж цааранднь үг келсн уга, санандан орсиг алдгар келчкүв гн-сэр башрдад, таг болж одв.

— Дөң авч иртл, салькн эргэд, усн күрч ирх,— гиж Хохал келэд,— яахв, бээсэрн гүжрх болад бээввидн, манахс... Өөрхн хотн чигн уга, одад әмт авч ирхм бээж.

— Эн алдндтн хурл бээхәс биш...

— Нам, хурлд бәргдсн хурлыг мартжв!— Жалыков уснас һарч йовна, ардан эргэд келнэ:— Налж, ингэд үкс гитн, би довтлад, дөң авч ирнэв, зуг адһтн, манахс!..

Кесгтән амрад, ноһа идсн кер һалэн дор ормасн хурдлад, шовун мет нисэд йовна. Деернь суух комиссар Жалыков чеежәр адһад, нам ю чигн үзж, онһһж йовхш. Энүнә тоолвр, хэләц хамгнь цуһар өмннь үзгджәх хурлд туссн: «зөв, учран келхлэ, эс медхий?» гисн, «медл уга яах билэ? Иим цагт билэ гихйи?» болж, толһаднь төөһрнә.

Хурлын өндр кирлцә деер Хамба лам залрсн, наадкснь, багш, зурхач, әмч болснь өөрнь, дораһар зогссн, тедүкид гелцгүд, гелцмүд, манжнр бичкн-бичкн багар онцлдсн, хөв тускаш күүндсн бээлднә.

— Хәләһит, ламин зергәс,— гиж нег гелц хурһарн өмнк толһа тал заана. Тенднь утдан сунад хурдлсн мөрн өкәһэд, дел деернь кевтхин нааһар йовх күн хойр негдэд, негл моһлицг болсн, арднь һарсн тоосн толһан ут зо деегәр цоонград будрхад йовна. Лам кесгтән гердэд һәәхсн болжаһад, үрвэд босна.

— Мууха һәәһә гүүдлтә мөрмб!— гиж бахтсар келэд, бас нег тиигән харвад авна.— Дееркнь чигн залу болчкад — залу кевтә, мөрн деер шуд шигдж одж!

Удсн уга, тер шүрүһәрн ирэд, хурлын үүдн хоорнд кер һалэна жола татад орксн халж одсн мөрн-доран цегләд, өмн хойр көлән деер өргэд, ар хойрарн биилсн болад одв.

— Одак Жалыков гилг!— болж зурхач ламдан шимлдв.

— Мендвт, ламин зергэс!— гиж Жалыков Хамбала онц мөндлн.— Цуһар чигн мөндвт!..

— Бурхна заасар, теңгрин өгсэр, иигэд, бээлднэвидн,— болж лам хэрү өгчөнө.— Чи, Хохал, мууха адһсн йовхмчи? Мөрнчн шуд аһичран татад...

— Ламин зергэс, бачм дөң кергтэ, таднас цуһараһастн, Советни йосна нерн деерэс суржана, ик-баһ угаһастн...

— Юн болва? Яһва?— гиж Хамба соньмсжана.

— Тана тус цөн эрвнц хээрдэд, ик уснд күрч яджана. Теднэ ачлһинь буулһад, ачлцх улс кергтэ. Цаг бачм, дегд адһмта. Тегэд, тадниг нөкд болтн гихэр.

— Манигий?— хурла багш өрчөн цокв.

— Таниг!.. Хэлэхнтн, тэвн залу бээнэт, адг-ядхдан!.. Зун һар!.. Ацаһинь буулһх биш эрвнциг бийһинь чигн өргэд авч одад, талдан һазрт тэвхговт!..

— Юн гинэ?

— Эптн эрүл болхий?

— Бас чигн ю келнэ, соңслт?

— Ардаһарнь усн орж йовһа гидг эн!

— Нэ, ламин зергэс, цаг адһмта, үкс гитн...

— Кен? Бийи?— болж Хамба лам дэһн өрчөн цокна.— Толһачн, көвүн, халун биший?— Гелнүд «һош-һош» гилдэд инэлджөнө, Хохалын махмуднь «дал-дал» гинэд, чичрэд одв.

— Та бас, ламин зергэс,— Жалыков бийән эрә бэрэд, уул азад, мөрнэһинь күзү илэд, невчк төвкнв,— эднән дахулад йовтн гиж суржана, эврән эс ачдг болвчн өөрнь барап болхт...

— Эднчн бас, көвүн минь, хар көдлмш кеж, һаран будх зөв уга, теңгр сә кешго, бурхн таасшго...

— Хар көдлмш кеһэд, харчудын олсн мөңг бәрхлэ, ламин зергэс, һартн будгдхший? Идхлэ— амнтн хажихший? Бурхнтн яһж таасад, теңгртн юңгад тесэд бэәнэ?

— Болшго юм бичэ кел, киидән килнц авдм биш, зокшго!.. А эн улсчн, боянком, эрлг-номин элчнр биш, эрднь-номин, теңгр-бурхна элчнр, цевр бээх, килнц кешго эмтн. Эврән медж йов, цаадкстан кел.— Хамба лам улан торһн лавшгтнь буру, бузр юмн наалдсар бирчиж сажад, дарунь хойр һаран семрн илж цеврлсэр иһэг-иһэг гинэд бэәнэ: наад бәржэхнь ил. Цуг бээх бээдлнь: «Яһвчи? Хоос эс дахвчи?» гиж хээкрсн болна. Лам дөөглсэр шагшрч-кад, хурлурн орхар эргв.

— Зогс!..— гиж Хохал хээкрэд, ташмгарн хүрүлэд ораһад орк-сн— ламин ээмнь һал асад хорсад одна.— Мана күүндвр, ламин зергэс, төгсэд уга, күңц соңсчктн гихэр таниг!..— Хохал дегд уурлад, хорнь буслад, хажһр һарһсан меджәнэ, болв терүгән хэрү авдг арһ угань ил, цаг чигн шахжана, тегэд, болсарн болг гиж санна. Тер айстан, үэхлэ үзг, пистулан герэснь һарһад, хавтхлад оркна. Дөрә ишклж босад келнэ:— Ламин зергэс, зөвтнь келэд

күүндэд, үгдэн багтх гиж йовсн, тадниг цаг бачм болсиг, керг эркин медх гисн ки болж харв. Тер учрар Советин йосна нерн деерэс закжанав: минь ода, цуг бээсн көлгөн зүүтн, хурл кевэри нама дахтн, адһтн. Эн закврт эс багтсн күн, лам, манж гиж йилһшгов, дээнэ цага законла харһн гижэнэ. Медгдвн?

Даруны гишн хурла хөрн тергн Хохалыг дахад, хатрулад харв. Күрч ирхлэ, эрвинцин улс бийснь хойриг ик уснд күргчкисн бээж. Хохал бийнь, гелнүд чигн, Налжин хардврт орж, ачхинь — ачад, буулһхинь — буулһад, шал усн болсн бийснь сө дүлэд көдлсн, цуг эрвинцин ик уснд орулсн, теднь жилкэн өргэд йовлад одв. Эдн ардаснь кесгтэн хэлэлдэд зогсжаһад, дэжж тиним юмн учршго гиж күн болһн итксн, хэрх болад бедржэнэ.

Дээнэ комиссар Жалыков Хамба ламур өөрдэд келнэ: — Цуһарадтн икэр ханжанав бачм дөң болсндтн. Танас бийэстн, ламин зерг, гемэн суржанав, тэвж өгхитн эржэнэв. Азд, алядан тесж ядад, таднд чидл үзүлж дөөглхэр седж тингсн угав. Мел теругинь медит...

Лам ам аһнаж үг келсн уга, дурго болсар комиссар тал нүдэрн сольвчкад, менд бэ чигн гисн уга, тагчгар тергндэн сууһад йовад одв. Жалыков зөвөр болжаһад, бас нег теңгс тал харвчкад, холдад, эрэ-эрэ үзгдэд геедри гиж йовх савмудын бара авчкад, «ода торшго!» гиж байрлсн, мордад харв. Кеерин йовдн гүүдглсн болсн, земгэ эрвн юмн болв сайг мөрнөһэс чигн тату биш живсн, оһцар йовсн мет жөөлн. «Лам темим тэвж өгсн уга, — гиж эн санж йовна, — һээд одг! Кергэн күцэсм, үр Кировин даалһвр күцэсм — тернь эрки!»

* * *

Лага авсн цаһачуд омглад, улм ардагшлж, уралап шурһад, Яндһа-Мацга өрөлинь эзлсн, Драценко генералын баг гиһад, баһ биш, бүкл Терск хазг дивизь, деернь мел уулын улсас бүрдсн Ширванск, Апишеронск болн Самурск полкс, эдниг хальмгуд кеняһань йилһш, цугинь «серкшмүд» гинэ, теднь шуд шилвклдэд, өлкөдлдэд, зууһачдан тесж яджах хотна нохас кевтэ өөдөн-үрү уга өлвклдэд бээнэ. Күчр аврлт уга чигн, ярзаһад инэсн болжаһад, яһлалулад, элкиг эвкүлэд оркдг элмрмүд чигн.

Нутга талдан өрөлдн — улачуд, XI-ч Ээрмин үлдл бээрлсн, бас дала амр биш. Эдниг, кир-хурдан дарглад, харһнад, көлдхэсн нань, хар үүлтэ хортн — бөөснд шимүлсн, халун гемин ширглэ харһж тарж йовх улсиг, тиним зеткр ик балһснд учрашгон төлэд Ээдрхн тал шидрдүллго, өминь церг тэвэд, пулеметмуд зөрүлэд, эрэ гиж зогсаснь лавта. Тер учрар тиним дала улсиг кергтэ хамгарнь дуту уга теткх төр яндһа-мацгаһна эрки керг болв.

Тер саамд «цугинь — ээрмин төлө!» гисн дуудвр эрки болж, ээрмиг идх махн, заһсар, түлх арһсн, хулсар, мөрдтнь өгх өвсөр, бийснь зөөх күртл, мел нутга хальмгудын ээм деер ачгдв. Эдр

болһн тавн миһн тергн, тавн миһн жолачта һарна гидг!— кел-
хд амр болхас биш. Яндһа-мацга нутгн дүнгә нутгт күчр юмн эс
болхий?

Яндг-кегдг болвчн хэләмж, асрмж му бишәс кәлтә түрж-зүдж
йовсн ээрмихн амрад, гөмтөнъ — эдгәд, муурснъ — ясрад. одаи
эмтнә мууд күрчәсн ширг невчк номһрад, эмтн сана авлдад ирв.
Тиигхлә, негл хортн үлдәд бәэв — цаһачуд.

Комиссар Жалыков Харухс селән тал ирсн, цөргә госпиталин
тетквр ясулх төрәр, йовхар бәэхнъ, гөнткн буута салдс орад
ирнә.

— Үр военком,— гинә,— нег кү бәрж авсн, бийнъ сонжта бөл-
дг күн, хортна талас ирв... Таниг таньдв гинә, кергтән гинә.

— Авад ирлт.

Удсн уга, үүдн секгдәд, Балдра Аала орад ирнә: һартан ха-
зар бәрсн, ормаһад, эмәсәр хавчхләд, зөвәр сүрдж йовхнъ пл.

— Аала?..— гинәд, Хохал алиц болад одна.— Мендвгә, һаһцх?..
Яһж йовита?..

Төрнъ башрдад, келн гихлә, үг һарч өгл уга, уснас һарһад
хайсн заһсн мет гилиһәд, аман секәд-хаһһад, басл, чавас, түр-
жәнә. Төгәд, зөвәр болжаһад келнә: — Хохал, батр, хәәмнъ, ааки-
чн цаһачуд...

— Цокви?

— Уга.

— Бәрви?

— Уга.

— Яһва төгәд?!

— Хаһад алчквә!— гинәд, Аала ду төвәд уульһһад одв.— Дә-
рк, дәрк, тиим үүср уга юмс бәәдвн?..

Жалыков аралдад, хойр нудрман шүүсн дусм дүнгәр атхсн
хәрү эргәд, эрст маңнаһан шаһад зөгссн бәәнә, хойр эәмнъ, далнъ
бичк-бичкәр чичрсн болад... Аала чигн үг келжәхш, энүг авч ир-
сн салдс чигн ду һархш, нег-негн талан хәләсн гилилдәд бәәнә.

— Белн болжати, зууран орад авад йовнав гисн, намаг күлән
гиж же болсн болхм, намд саак цаг күртл уга... Наһцх, көвүм
яһва?

— Көвүнчн Эркн Амнд...

— Юңгәд?

— Амха Отельдан хойр көвүһичн авч һарсн, һурвули Ковлац
бултсн... Намаг, төгәд, йовулдгнъ эн...

— Нә, суути нааран, һаһцх, келж өгтн,— гинәд Хохал стул
төвж өгнә,— ю чигн бичә үрәтн, кевтнъ келтн...

Аала сууһад, басл хату үүл гихәс, гүүнәр саналдчкәд эклнә:
— Хортн, хортн гивчн, хог тасрмриг тиим гиж, кенә чигн уханд
уга. Ирх, идх-уух авх, көлгн-күч керглх гисн... Цөргтән залус ав-
хар седсн — уга. Сән өлг-әд, мөңг-теңг хәәхлә — бас тер. Тиигх-
ләрн, хара бәәжәхшлм: цокх, гүвдх, деегәр хах... Авдрин зүүл-

тэ юмнд амр-заян уга. Негнь ирэд, булһчж-булһчж һархла, тал-
дап негнь ирнэ. Сүүлднь нам гериннь үүдиг секчкэд, авдр-юман
делгчкэд, эврсэн эсклэ хулсн-зегснд, эсклэ хотхр-пүкид бултдг
болвиди.

Өлзэ, хээрхи, сээни орнд төртхэ, му ачтаһан йовлдх бола
бээж, удадж. Гентки һаза мөртэ улс ирэд, буулджах болна. Тииг-
хла,— йорнь татсм-яһсм?— ачан ардк терзэрн һарһад, «гү, Отель-
данд од, түүнэ өөрэс бичэ һар, ээжчн эврэн олад ирхв»,— гинэ.
Көвүн гүүһэд йовад одна. Дарунь дала улс хэргэд орж ирлднэ,
хамгин өмн Хамба лам йовдгчн.

— Ю аэжэнэв, геңгэ, энти юн болжана?— гиж йосар үргсн
Өлзэ сурна, хара эс ирж йовхинь медэ бээнэ.

— Эн апицер, ик ахлач, чамла кергтэв гинэ, намар амдачан
кеж йовна,— болад, келсм мел үнн гисэр, Хамба хойр һаран мөр-
гүлин йосар өрчдэн шахна.

Офицер уралан һарад сууна, Өлзэ тал зааһад, наар гинэд
докъялна. Нег хазг сарвлзад шүүрэд, ханцнасьн көтлхэр седнэ.
Өлзэ ханцан татж ави, бийнь өөрдэд зогсна. Офицер кесг юм
келнэ, Хамба орчулна.

— Көвүнчн альдв?

— Медхшив.

— Яһад эс меднэч?

— Чини эк чамаг альд йовхичн, ю кежэхичн меджэхий?

— Меднэ,— гиж офицер гекэд, марзаһад инэнэ, хавтхасн тэмк
һарһад, һал кенэ.— Чини көвүнэ ижлиг чилэ гилэ, большевикү-
диг уңгарнь уга ке гилэ.

— Чидлчн, тегэд, күрхий?

— Чи, Өлзэ, аман тат,— Хамба лам хойр һаран саак кевэри
бэрэ,— нооста чирэтэ ноха серкш хойриг иткж болдви?

— Ноосн угаһинь бас иткдг арһ уга болж одвш,— гинэд, Өл-
зэ Хамба тал шилвкэд одна.

Офицер босад, бийэн ясад, элд-тендэн хэлэнэ — күүнд кергтэ
юмн угань ил, тегэд, үзгджэсн хамгиг һолсар бирчинэ: — Көвүнь
яхв гиж, шидр ирэд одхтан? Одак дала зер-зевиг, өлг-эдиг хаа-
ран авч одхв гиж?

— Юм келсн уга, хонад йовж одхас биш.

— Маниг гүвдхэр, мана цус уухар адһж йовсн болхугов,—
гиж Хамба эврэнэн келж йовна,— көвүнэн яһсинь эс соңслчи?

— Тегэд, көвүнд эс күрч ядхларн, геңгэ, намас өшэнэн ав-
харий?

— Аман тат?— Лам шүрүлкэд, нүднь цэнклэсн болад одв. Тииг-
гх хоориднь офицер һоснаһнь түрэнэс эвтэки чиги ташмг татж
авад, эмгиг ораһад авб. Өлзэ чишкэд, мошкрад одв, ээман илэд,
буру хандсн, тагчгар нульмсан арчад бээнэ. Офицер кесг үг келэд
оркв, лам зөвшэржэхнь ил, гекдгнь теңкэн уга.— Ачан альдаран
келэчи?— гинэ.

Өлзэ шуд доран эргэд, хойр нүднй шилвкэд: — Ода, гецгэ, чидл күрситн терви? — гинэ. — Уга!.. Уганын үзжэхшта?..

— Яһла?

— Эцкнй авад йовж одла.

— Худл! — гинэд, офицер хээкрэд, көлөрн доран тавшад оркн, бас нег Өлзэг ораһад авб. Тернь һацад, нам шугшжахш. Тиигхлэ, офицер хордн уурлад, ташмгарн хүрүлэд, бас нег цокх хоориднй Өлзэ бешин амнд кевтсн төмр шилэвр шүүрч авад, элмринг толһадсн — тернь боодгта хулсн кевтэ утдан сунад унж. Сүрдсн Хамба ламиг «дэрг!» гитлнй, өөрнй бээсн бас нег офицер пистулан татж авад, Өлзэг хаһад уһааж. Цокулсн офицер амд чигн, болв толһань цоорха гинэ, күн болх-угань маһд чигн...

— Хохал, тегэд, көвүһән яахар?

— Санам, һаңцх, ода чигн одад авх билэв, зуг...

— Чамд болшго, зеткр... һааран авч ирх болхла, би чигн күцэсв, а?

— Амха Отельдан хойриг бас үлдэж болшго.

— Ёурвляһинй чигн дахулад ирсв. Санаһан бичэ зов, би юкүүһинй цугинй шинжлэд, медэд авчкув. Цаһачуд хаалһ амдад бээхэс биш, йир хажихш. Хулсн, зегснэс үктлэн зулна.

— Намий? — гинэд, Жалыков сергсн болад одв. — Тегэд, мана сслэнд кедү цаһачуд бээх бээдлтэ?

— Деед захин нээми гер ээлсн, арвадар, арвн тавадар орсн — зун күн гинэ. Йисдгчднй — Ожһанад, одак офицер хойр нөкдтөһән билэ.

— Хулсн, зегснэс үктлэн зулна гинтэ? Тернь йир сән!.. Эркн Амнд церг бээдви?

— Уга, — гиж Аала толһаһан зээлв, — тиим баахн-баахн селэдт тедичн бээрлхш, хая-хаяд одцхана.

— Та, һаңцх, амрад суужатн. Хот авч ирх, идтн, уутн, бичэ эмэтн. Кевтх болхла, тер орн болсн деер кевтн, намаг бичэ күлэтн. Асхн күртл цаг дала, — гинэд, Жалыков йовад одв. Удсн уга, үүдн секгдэд, баахн шар орс күүкн орад ирв. Мендлэд, хальмг келнй усн, невкн книтн мах тэвэд оркв, бийнй һарч одв.

Өлсэд, цуцрад ирсн Аала хотынй идэд, цээһинй ууһад, ут наст бол гиж йөрөһэд, күүкнд икэр хансн кевтнэ. Даруһн гишц нөөрт авлгдад, сарсаһад одна. Үүдн жаагсн болла, Аала өсрэд босад, пүдән нухн йовж хэлэхнй — Хохал бээнэ. Нань күн уга. Кедү цаг давснй, удаһ болсн-угань энүнд медгдхш: — Үкснэс дорар очв, — гинэ.

— Учр уга, — болж Хохал келсн, бийнй талдаһ юмнд авлгдсн бээхнй ил, хэлэцнй холдсн бээнэ.

Босад, һар-көлән тинилһсн болжахнй, одак шар күүкн дэкн орад ирв, бас цэ авсн, өдмг бэрсн йовна.

— Оо, көгшэ босчкжлм, — гиж дунь ценжәнэ, — таниг халуһар цэ уутха гинэд...

— Ханжанав чамд,— Аала үнн седклэсн гекэд авна,— мууха сээхн хальмг келтэ юмбчи?

— Яах билэ?— болж күүкн инэнэ, Хохал тагчг чиицсн бээнэ.— Хальмг күн хальмгар келснд юн өврмж бээдмб?

— А-ай?— гиж Аала алң болна.— Тегэд, чи хальмг болжахмчи? Бээдлчн дегд ондан...

— Эити, наһцх, Элдэшкин гергнь, нернь — Даша...

— Хэрньла,— Аала нам байрлад одна,— би эндүршгоlm! Сонслав, сонслав, Элдэшк орс күүк авч гиж... Болв, келэрчн болхла, чамаг хальмг биш гиж келхд хату. Тедү дүнгэ сээхн, төв, сонж уга...

Асхн шидр серү орулчкад, сээтр харнһурад уга бээтл, нутга сотьниг дахулсн комиссар Жалыков доргшан-өмөрән хэләһэд авал һарв. Энүнлэ зерглэд, сотня командир Элдэшк Аала хойр йовна.

— Амбуһар цеб гинэд һатлад, хулснднь орж авх кергтэ,— гиж Жалыков келжэнэ. Аала тал эргэд: — Та, наһцх, Амбуһас тус-тан Эрки Ам орти, һурвлахинь дахулад авад иртн. Деерти кү өгхви?

— Бэг, Хохал, хойр сул мөр көтлэд йовнав,— болжана.

— Суржахм, танас, саг йовит, шууган-дууган уга болдгар...

— Юн шууган-дууган бээдмб?

— Бидн таниг нааран иртл, энд эвинь олчкнавидн,— гиж Жалыков Элдэшк тал эргнэ.— Тавлад, нөөртән орсн зергүдиг татад-татад босхад бээхмн. Тиим эсий, командир?

— Тиим гихэс, харул уга болхла...

— Наһцхин келэр болхла, харул-марул угачи,— Жалыков Аала тал заана,— болвчн йир саглх кергтэ. Арһта болхла, нег чигн э һарһхмн биш. Тер төлэд шинжлх кергтэ, ажглх. Харул бээхлэ, штаб болсиднь, офицермүд бээх гер манд эс бөлхнь...

Аала хойр мөр көтлсн, тус өмөрлэд, Эрки Амна хаалһас зөвэр холаһар, совг-совг хатрулад йовад одв. Даруны сотнь кевэри мөрд хэлэх цөн кү үлдэчкэд, йовһар селә орад һарв. Дорд захлнь ирчкэд, зогсад чиицхнь, йир сонжта юмн медглхш, хая-хаяд похас хуцна, нань э-чимән уга.

— Деед захин йисн гер биший,— гиж Жалыков бас нег батлжана,— эндү һарх зөв уга. Гер болһнд арвн күн. Болх эсий? Хаша-хаацинь сээнэр хэләтн, һазә кевтсн улс чигн харһад бээх. Лавта ээмшг уга болхла, арһул орад, бу, зер-зевинь авчктн, тивг-чкэд... Би штаб бээсиднь, Ожһанад однав. Намд, Элдэшк, дөрвн кү дөң аль, болх.

— Бас чигн автн.

— Уга, болжана,— гиж келн, Жалыков картузан дарж өмсэд, дөрвн нөхдән дахулад һарв. Наадкснь бас баг-багарн цувад, олх-одх гериннь түс ирэд, хашан иргд зогсчксн, басл чигн нәрдүлж, заг-зуугар ширтсн бээлднэ.

Жалыков ачлвр пистулан татж авад, толһаһарн «йовнй» ги-

Һад, заһад оркв. Бийнь хашан үүдиг арһул секәд орн, энд-тендән хултхлзәд хэлән йовж, саран иргд күрәд зогсв: йир ямр чиги сонж уга. Гентки ханцнась нег нөкднь татад, терги тал заана. Халәхнь, тонһалһси тергнә дор буута хазг сун унтси бәәнә. Тергәд, Хохал эврәктән «бәәжәтн» гиж докъя өгчкәд, бийнь живәд, хазгин өмн одад зогсна. Пистуларн түлкәд, серүлхән хәәнә. Терпи нүдән секн, сарвлзәд, босхар седнә.

— Су, ки һардг болвзач, хачкхв!— Жалыков хазгин чирәд пистулан күргн гисн бәәнә. Ардан дайлад, нөкдирән дуудна. Теднь ирәд, хазгин бууһинь авад, терг ташрлад, энд-тендән хәләлднә.— Герт кедү күн бәәнә?

— Һу... һурви офицер унтж кевтнә.

— Бас харул альд зогсна?

— Нань уга.

— Сиинә үүдн сулуй?

— Сиинә чиги, герин чиги, хойрули сул.

— Харулта бәәх улст юн әәмшг?— болж Жалыков келнә.— Нә, хойрти үлдәд, энд-тендән хэлән бәәтн, хойрти — нама дахтн...

Герүр орад ирхлә, негнь наадк хорад ялдаси сүркләд унтад кевтнә. Хохал нөкдтән өргәри заана: «өөркән ав» гижәхнь ил. Бийнь ца хораһур орна, халәхнь, сүүкнлдәд бәәнә. Орна кәлд өлгәтә бүстнь йовх пистулмудынь авчкад, Жалыков закна:— Бостн, зергүд! Тер хойрнь өсрж босн, би талинь зөрүлси пистул боли бүүта кү үзчкәд, дотр киилг, шалврта кевәри һаран өрглднә.

— Хувцан өмсх зөв өгхитн,— гиж негнь эрхин нааһар сурна.

— Шулун болдгар өмстн, зуг ааль-жинл угаһар. Медгджәни?

Һурви офицер мел даруи хувцан өмсәд, бүс-юман зүүлдәд оркв. Зер-зев уга гихәс биш саак кевәри. Зуг дала шаргад, шавшад бәәдг хамгнь уга болсар әвд бәәдл һарси боллдад: омгнь шантрси, халәцнь унтрси, сүүлән таслулси керәс гихм, һордаллад бәәнә.

Әдниг һаза һарһад, харулчланы негдүләд оркси — наадк гермүдәс бас тууһад авч ирлдәд, зергләнть улм немәд бәәнә. Тер хоорнд терг зүүһәд, зер-зевинь боли өлг-әдинь ачад, мәрдинь цугинь келкж авад, биисинь тууһад һарч йовхнь — эрә-эрә гегәрәд, альхна эрән үзгдәд ирв.

Амбуһар орад ирхлә, хулсна захд Амха, Отельдан, Аала һурви тосжана, өөрнь Ваня-Маца байрлси альх ташад, өсрәд бәәнә. Эцкән үзи, хурдлад гүүһәд аашна: — Баажә, а эәж яһва? Юцгад эс ирвә?— гиж холас хәәкрси, жиннәд йовна. Эцкинь бүлк зальгси мет хоолднь юмн тееглгдәд, хаһад-цаһад, алмацад одна:

Жалыков Элдәшкд келнә: — Әдниг хулснур өөрдүлл уга түстнь һатлһад туутн. Ардан харслт тәвәд, хэлән йовтн.— Мөрнәс бууһад, көвүһән деернь мордүлад, бийнь хажүднь дахси көгшәс тал ирнә. Амха Отельдан хойрла меидләд, Аалаһас сурна: — Та яһнта, наһцх? Хәрит, аль дахнт?

— Үрвэд хэрнэв.

— Ханжанав танд, көгшн наһцх,— Хохал Аалаг теврнэ,— цаг бачм, адһх кергтэ. Кесн зөвитн кезэчн мартхм угав.

Аала мендэн келэд, хазаран бэрсн герүрн үрвв. Хохал мөрн деерэн мордад, көвүһэн өмнэн авад көндрэд һарв. Амха Отельдан хойр ардаснь дахв.

* * *

Чолунд күрл уга, түүнэ на, дууна шахуд бээсн кошар тал зааһад, Жалыков сотня командир Элдэшкд закна:— Эдниг,— цаһачуд тал заана,— кошарт орулад, таг кеһэд хаатн. Харул тэвтн, батар хэлэтн, негнь чигн салх зөв уга. Эврсэн амрч автн. Көвүд нөр-хол уга, цуцрснь ил. Үдин хөөн таварн амрад, бийән невчк ясад, арчад-турчад авчкад, тегэд хэлэвр кехм...

Жалыков көвүһән, хойр өвгиг дахулад, селә орад һарна. Ири бийәри Дашаг дуудна. Тернь удхш, гүүһэд күрч ирнэ.

— Сән йовж ирвта, Хохал Манжиевич?

— Ирвэ.

— Эльдар яһв?

— Эльдарчн тер кошарт үлдвэ.

— Юңгад?— гиһэд, Дашан дунь чичрсн болад одв.

— Чи, Даша, яһжахмчи?— болад, Жалыков инәнэ.— Эльдарчн элвг зу һар цаһачуд кел бэрсн, хөд кевтэ теднән тууж ирэд, ода тер үзгджәсн кошарт орулжана. Удл уга ирх...

— Цаһачуд гинтэ? Зу һар гинтэ?— Даша мел эс иткжәхнь ил.— Мууха олн юмб?

— Эврән үзхч, Даша минь, эврән!— гиж Жалыков инәмсгліә.— Невчкн цә олдхий манд?

— Белн цә бәәнэ, авад ирсүв,— гиһэд, Даша һарад одв. Удсн уга, халунь ил, бүркәтә бийәснь ур һарад йовна, цә авад ирв. Өөрнь нежәд зүсм өдмг, невчкн шарсн заһсн йовна. Тер хамган стол деер оркн, цәэд давс тәвэд, хөөнэв, аль үкрәв, хорһ хаяд, самрад, басл арһлад амтлжана. Заагарнь Ваня-Мацаг дораһар кесг саамлад ажглі бәәж:— Хохал Манжиевич,— гинэ,— көвүһән дахулж ирж кевтәмт, Ваня-Мацаг...

— Та намаг меддвтә?— гиж, көвүн өврнэ.

— О, чамаг эс меддг күн, Ваня-Маца, мана салгт уга билә,— Даша көвүн тал өөрдәд, толһаһинь илнэ.— Бидн баажалачн хамдан көдлдг, ода хамдан церглжәнәвидн. Сотня командир эс үзвчи, Ваня-Маца?

Көвүн тагчгар гекв. Даша цааранднь цәэлһж келнә:— Терчн баажанчн эркн үүрнь, а мини залум...

— Бидн, Даша, невчк өлг авчкад, цуһар унтнавидн,— Нөр уга деерән цуцрсн, сарсалдад одхвидн. Чамас сурхм, үдлә намаг серүлич. Бичә март...— гиж Жалыков берд сана брүлв.

— Нә,— гиһэд, Даша һарч йовад, зогсад, ардан эргэд, Амха

~~Оотельдан хойрт келнэ: — Тади, көгшэс, цэелнэ халун дээрнэ, нэр
бол уга уутн...~~

Үүдн Дашан ард хаагдад одв. Оотельдан босад, стулан авад, Хохал тал өөрдж йовна: — Одакчи, Хохал, Элдэшкин гергн болж ю харви? Мууха үүсрт уга хальмг келтэ юмб!..

— Якуша Явана күүкн, — гиж Хохал инэмсглэд, деернь немнэ: Келнь күүчр...

— Эцкэн дурасн болжана, — Амха бас эднүр өөрдж йовна, — Якуша Яван, дэрк, дэрк, ямаран берк келдг билэ. Тиим хальмг ховр...

Яндһа-Мацга сотнь яралдад оркси, эднэ өмннь, тал дундаһар, хортнас булаж авси дала зер-зев овалгдси, тер дотр хурви пулемет йилһрнэ. Цааһарнь цаһачудын кел бэргдси эскадрон, подпоручик Яхонтов толһачта, чимкүлси бүрүс кевтэ бөгдилдси, һазрур ширтлдэд, толһаһан йир өргхш. Нутга сотниг түрүн бәрсн динилврләнй йөрәхәр бәэх комиссар Жалыков, мөри цергә Доладгч динизин военком Сергуни, комбриг Сабельников, полкин командир Абраменко, дээч матросмудын командир Когтев ахта зерглси, сотня цергч болһн омгта, өргмжтэ бээхинь, өлвклдэд бээдг цаһачуд кедү дүнгә зутрсар бээхинь һээхжәнә.

Комиссар Жалыков кер һалзнарн уралан һарад одв. Минь тер дэгчмла Элдәшк: — Смирна-а! — гиһэд, командллад оркв, сотнь, мөрднь чигн, бийснь нег үлү, менрси болад одв. Тегәд, Элдәшк зергләнәс йилһрэд һарн, хатрулад, Жалыковин өмн ирэд зогсв.

— Үр военком, Яндһа-Мацга нутга сотнь хэләврт белн! Командир Падбитов...

— Хәэртә үүрмүд! — гиси Жалыковын ценнси дун тенгрт хадглад одв. — Би тадинд, зөргтә гихлэ, зөргтә, омгта гихлэ, омгта дүүиртән Советин йоснаннь төлө үнн седкләси, итклтә кевәр церглж, хортн ямр чидлтә, зертә-зевтә гиж әл уга, эмәл уга, нег мөс-лж поолдад, тедниг дорацулдг улан цергчнриг йөрәж, ханлт өргжәпәв.

— Ура-а! — гиһэд сотнь хәәкрси, ца-цааһан күңкнәд, теегин толһа, хотхр болһнар нисәд, цаарлад йовад одв. — Ура-а!.. Ура-а!..

Жалыков зогсти гиһэд, һаран өргв: — Үүрмүд, хэләти, кениг дарж, кел бәрсән! — болна. — Хот-хувцнь тав, зер-зевнь күцц, эдниг һазадын кесг орн-нутгуд юуһарнь чигн дуту уга теткж, манур тукрси, ода эднь тана өмн һудилдси, бөкнь унси темәд мет бәәлд-хинь хәләһит! Күүнә һазр, уснд күргн болж, мана йосиг хольвлж, хар мөртә хаана йос, диг-дара бүрдәхәр өлвклдж ирси эдн та-дһа һарла, өчкүлдүрк малч, заһсч харчудын цоклтла харһж, нигж тархвидн гиж ухалж йовси болхий? Эдитн көгшдүдт, күүкд улст, бичкдүдт чидл үзүлж өлкәдхәс биш, йоста залусла, тадһа ижллә харһхларн, тас ондарад, сүүрнь даргдад оддгнь ил, юңгад гихлэ күүнә һазр, усн гидг — күүнәһән үзүлдгнь алдг уга: хулси-зегснь чигн хадг, толһа-хотхрнь чигн толһаднь суудгнь лавта. Тегәд,

хээртэ үүрмүд, түрүн бэрсн диилврлэти йөрөж, улм тахшж, улм мергшж, үүнэсн чигн үлү диилвр делдж йовти гихэр.

— Ура-а!.. Ура-а!.. Ура-а!..

Дарунь воейком Сергуини комбриг Сабельников хойр келв. Эдн шин үүдсн сотня зөрг чидвр хойрар бахтж, йосн цөргэ бүкл эскадрон кел бэрнэ гидг хара биш йовдлынь темдглж, хортыг цоклһнд бу, чашкас нань мек-тах бас кергтэ гиж, хэрнь, тер тус-кд сотнь маднд земгэ үлгүр үзүлв гилдв.

Байр өргмж хойрнь берклсн, басл чигн хортнла нег мөслж ноолдх болсн сотня кесг-саамлж «Ура-а!» гиж хээкрэд, эврэ Советин йосан эн мет, энүнэс чигн давуһар харсхан илдкж, андһар-лад тарлдв. Йөрөж ирсн улс Жалыковла хамдан йовлдж одв. Когтев Элдәшкүр ирэд, һаринь чанһ кевәр атхад сегсрн: — Балтийск матросин халун йөрэл чамд! — гинэ. — Нег чигн бууһин э угаһар, мел тагчгар, кенд чигн медүллго бүкл эскадрон кел бэрнэ гидг!..

— Мини ач энүндти, үр Когтев, ядухн, — гиж Элдәшк мусхлз-жана, — комиссар бийнь һардж күцэлэ...

— Сотня командир кемб? — болад, Когтев Элдәшкин ээминь ташад авна. — Үр Надбитов, баһ наста большевик!..

— Ханжана, танд, болв талдан нег юм келхэр, — Элдәшк невчк эмәсәр хултхлзсн болад одв.

— Кел, кел, бичэ эмә...

— Эн бәргдсн эскадрона толһачирас комиссар бийнь сурлһа авхар седжәнэ. Бээс гижәһэд, авч ир гивә.

— Автха, — гиж Когтев эс керглсәр келнэ, — бас чигн ю-кү медхәр седжәдг биз.

— Эднэ негнь комиссарин экинь хаж. Мана күн эдниг нүүр-цүлэд, кенинь олж авхар седжәнэ.

— Хаж гинчи?.. Тиим болхла. Хохалчи цугинь чигн эс хачк-хнь... Тегэд, мел ода авч одхарий? — Элдәшк тагчгар гекэд орив.

— Би минь үүнэсн Жалыковүр однав, чи болхла, авч ир одаксаи...

— Когтев эврәннь бат ишкдләр хол-хол алхлад йовад одв.

Күрч ирхлә, Жалыков стол һатц сууна: хойр һарарн толһаһан бэрсн, күчр тоолврт авлгдсн дүрстэ бәәнэ. Когтев өөринь ирэд, сун: — Нэ, ода ямр зура, зуржачи, Хохал Манжиевич? — гинэ. — Кө-вүнчи яһва? Таньлдхм бәэж...

— Даша Надбитова авад йовж одла. Кесгтән иршго.

— Күләнэв, намд адһх юми уга.

Тер хоорнд үүдн секгдэд, Элдәшк үзгдв:

— Орж болхий?

— Ор, ор, үр Надбитов, — гинэд, Когтев босад одв. — Юуһинь сурад йовна?

Тингхлә, подпоручик, прапорщик, вахмистр һурви́г өмнән туу-һад, ардаснь Элдәшк бийнь орж ирв. Дахлдж йовсн цөргчирт «өөрән бәэжәти» гисәр занһад, үүдиг хааһад оркв.

— Жалыков босад, эн авч ирсн хурвиг хэлэхэд орки — нүднй
наал асад, шилвкэд одв. Подпоручик Яхонтовин хоолднь тер хэлэц
шуд тееглсн болад, захнь уутрьсар, кинь давхцсн болад бээнэ.

— Би нутга дээнэ комиссар Жалыков гидг күмб,— гиж Хохал келжэнэ.— Ик Малэнд бээсн эким тадн хаж алжт.— Кентн хала? Чийн?!— гинэд Жалыков вахмистриг заана.

— Уга, теңгр герч!— вахмистр кирслэд мөргж өгнэ.

Жалыков эднүр өөрдэд, прапорщикин өмн ирэд зогсна.

— Чийн?!

— Уга, экэрн аандһар төвжэнэв, би бишив.

— Тийгхлэ, подпоручик Яхонтов болжана, а?— гиж дегд сонжта жөөлнэр Жалыков сурв. Когтев «тиим жөөлнэ ца ямр хату болна гихв?» гиж саглсн босад, өөрнй ирэд зогсв.

— Би бас бишив, офицерин үг,— болж Яхонтов канкшлжана, — мана командир поручик...

— Худл келжэнэт, офицерин зергэс!— Жалыков аралдад, инс-тулан авх хоориднь Когтев һараснь татад, ки шүүрүлэд оркв.

— Хохал Манжиевич, яахар?— гижэнэ.— Хахарйи? Подпоручик Яхонтовиг дурахарий?

— Матросин зергэс, би хасн уга билэв!— Подпоручик уульхин нааһар бээнэ, өргнь хавшад, шүднь таш-таш гинэд, һарнь чичрэд бээнэ.— Юнгад эс иткнэт?

— Кениг иткхмб? Танигий?— Жалыков бирчинэд, хооран һарна, болв нүдэрн Яхонтовиг бэрж иди алдад бээлэ.— Юн болсинь, яһсинь намаг медхш гинэдий?

— Би хасн угав, худл болхла, бурхн намаг засг...

— Кен, тегэд, хала?

— Поручик бийнь...

— Уга, Яхонтов, тиим биш!— Жалыков кесг саамлад нээхли, аралдсн болад, өөрдэд зогсв. Подпоручикин ээмнь хурагдад, дөрвн мөчэн негдүлхин нааһар болад, чимкрэд, чичрэд бээнэ.— Хамба лам поручик хойриг дахж, манад ирлэтэ?

— Ирлэ.

— Поручик минн экэс сурлһа авли?

— Авла.

— Ташмгар цокли?

— Цокла.

— Терүг бас цокхар хүрүлх хоориднь минн эк төмр шилэвр шүүрч авад толһадли?

— Толһадла.

— Поручик эми-шир уга уихла, кен, тегэд, хала?

— Би бишив, һэ болтха...

— Һурви прснэс негнь унж одсн, наадкнь — лам, тийгхлэ, Һурвдгчнь та эс болжанта?— Когтев Жалыковур өөрдэд, ээм дее-рнь һаран тэвиэ.— Медгджэнэ, Хохал Манжиевич, кень-юнь. Ре-

волюционн зарһ геминь йилһэд өгх, ода эдничи Ээдрх орулхмн. Болжана нигэд.. Экиннь өшөг эднэс болм кевэр аввч, бас чигн авхч!..

* * *

Боран селэн гинһэд, тер нийлдвчд бээрлсн, теегэ чигн болх, теңсинд чигн тоолгдх баахн орс-хальмг селэн, ода мел ондарж одсн, дегд оли күн хурсар шорһлжна ова мет болсн, авр-авр гинһэд, ноолдан-шууган уга бийнь хара зөндэн нир-нир гисн болад бээнэ. Энүн деер мөрн цергэ бүкл бригад, дөрвн полк зогссн, күн мөрд хойрин нигтд, зер-зевин элвгт шуд һазр хотам.

Косточкин байна модн герт, ик хораднь, стол һатц генерал Бабиев сууна, делгэтэ картас нүдэн авхш. Өөрнь эргэд зогссн нөкдирнь, кесг офицермүд, штабист полковник ахта, бас тер картур ширтлдсн, күн болһна хэлэц генералын хурһ дахж гүүдглэд, картын ямр ормар хатхж, кенд, ямаран заквр өгхинь күлэлдсн бээнэ.

— Полковник Малешук, товс сумар дутх угайи?— гиж Бабиев сурца.— Эклсн хөөннь ки сулдхад керг уга, эс келлэч гивзэт...

— Генералын зергэс, эндр асхлад, эсклэ маңһдур эрк биш товин сум авч ирх зөвтэ.

Генткн үүдн секгдэд одв. Цуһар ормалдад, «кемб? юмб?» гих хоорнд нег күн шаһаһад, дайлад оркв.

— Намаг дууджана,— гисн полковник Малешук адһад һарад одв.

— Мууха бачм юмб тернь?— гиж генерал Бабиев эс таассар доран, татхлзад одв.— Кен-ян уга дурндан...

Дарунь полковник хэрү орж ирн, үүдн хоорндас: — Зергүд, му зэнг!..— Цуһар шуд һалылдад, цааранднь ю келнэч гилдсэр күлэлджэнэ.— Ик Малэнд бээсн эскадрон кевэрн уга болж одж!..

— Һазрин шуурхаһар орсн болхий?— гиж генерал хөкрлсн, шилвкж наадксан хэлэнэ, ю келхинь күлэнэ. Зуг теднь шааврар толһадулсн кевтэ чирм-чирм гилдхэс биш, э-чимэн уга, тенж одсар бээлднэ.

— Акад юмб гихэс, талдан үг олдхш,— полковник Малешук хойр һаран селн үмгэд, яахан олж яджана.— Мел асхн шидр подпоручик Яхонтов ирэд, шавта командирэн яһжахинь сурад одла, юн чигн гем уга гилэ.

— Яхонтовтн, полковник, ямаран күн?— Бабиев өөрдэд, хэрү үг күлэжэхнь медгджэнэ.— Эскадрониг эврэн дахулад, большевикүдин болсн уга болхий?

— Уга, генерал, уга!.. Йир ю чигн санж болхмн, зуг тер биш, генерал. Тертн тедниг гихлэ, шуд хорнь буслад, арань тачкнад оддм...

Генерал Бабиев гүүнэр саналдна:— Мел медгджэхш, юн бол-

снь, яһснь. Нег күл, арви гийә, учр ондан. Бүкл эскадрон уга болж одна гидг!..

Гентки герин эзи Косточкин үүдәр шаһана. Зергүд үзхләрн, холас шарвадад, марзахдан белн йовдг, тосвксн билчхр ик чирәнь ормасн болад, өөкидән булхж одсн хойр нүднь бүлтәлдсн болад, йир күчр кевәр әәж, сүрдснь чирәднь бичәтә.

— Сергей Иванович, та яахар?— гиж Бабиев сурна.

— Зәңг келхәр, тана дах зергәс.

— Ортн, келтн...

Косточкин орж ирн, мөргхин нааһар өкәһәд мендлнә, певчк уралан ишкәд келнә: — Дала цаһачуд, тапахсиг болжахугов, үк-мр Жалыков кел бәрәд, Чолунур тууж ирж. Зу һар күн гинә, заа-гтнь һурви офицер йовдгчн. Жалыков сотъндан ик хәләвр кеж, әмт хураһад, дорасн босшгоһар келж көөрүләд, магтад, ниргүләд бәәж.

Генерал Малешук тал эргәд одна.— Яхонтовтн, полковник, Яндһа-Чолунд улачудла уйдвран һарһж суудгчн...

Полковник бийән давслсар төр кехш, Косточкин тал өөрдәд, арһул сурна: — Кенәс сонсвта? Иткж болхмйи?

— Итклтә күн, тана зергәс, мини нәәжм, бийнь Чолунас...

— Тертн альд бәәнә?— гиж полковник сонъмсв.— Дуудад авад прхнт...

Генерал «бәг» гисәр дайлад оркв:— Яахар?

— Ямр бәәдлд, яһж бәргдснь медгджәхш, тәәлвртә тууль...

— Тууль болхасн, полковник, мууль болснь алдг уга. Тәәл-принь медх күн дәврх кергтә!— Бабиевин нүднь һал асад одна.— Сум авч ирхиг, полковник, күләхмн биш. Бәәсәри хасн бийнь зөвлхвидн. Диилвр бәрсн улс көөрлдәд, диинрлдж одсн деернь гентки цокх кергтә!.. Дөрви полкан дөрвләһинь, полковник, цаг түдлго босхтн!.. Асхн күртл Яндһа Чолу эс авхлатн, яһдгчн!..

Цаһачуд өмнән церг бәәхиг медсн бийнь икәр төртән авч йов-хш. Оларн сүрдәхәр, омгарн дархар өлвклдсн, мөрн цергән мөр-пәснь салһад, нигт зерглә кеж йовһдулсн, арзаллад аашна. Сум-юм йир эрвлхш, холас хасн, шудрлдадл йовна. Эднә өмннь вла-чудын һанцхн һучн доладгч полк гихәс, терүнә хойрхн рота болн хойр эскадрон, бәәсн бийнь хортыг селәнүр шидрдүлсн уга. Цаһа-чуд ик оштрмд туугдж ирәд, эргд цокгдад, хооран шармгдад оддг дольган мет туугдад одв. Үксн, шавтсн хамгнь дольга дахж ирәд, терүг хәрү һархла, үлдсн чолуд кевтә тонталдад бәәв.

Дәкж цаһачуд дәврсн уга. Болв сө дүләд тов-мовап зөөһәд өөрдүләд, белдвр кеж авчкад, өр цәәв-үгай гилһнлә экләд хасн бүкл хойр частан ки сулдхл уга бәәв. Һазр гихлә, хаһрлт болһ-ид чичрәд, хольврх эсгхлә цумрх хойрин нааһар, басл кецү. Хад-ган уурулад уга бәәж, хортн йовһн цергән тал дүндаһар нүүрцү-ләд орүлсн, мөрн цергән хойр захар довтлулсн, күчтә шүрүтә дө-прлт кеһәд, манахсиг зөвәр шаһад муурдулад, хойр әңгләд, хоо-

ридаһарнь шурһж йовна. Болв мел тер даруны немр церг илгәһәд, дөң өгсн манахс омглад, күч авад, цаһачудыг хәрү көөһәд, эврә орман эзләд оркв.

Тиим күчтә бәрлдән Яндһа Чолунд болжахас кәлтә өөрнь, тавхн дууһад бәәх Далвн эәмшглә харһжахнь ил. Тер учрар Иж-лин бахлур харслһна штабин закврар нутга күцәгч комитет цүг эңгстәһән, тер тоод дәәнә комиссариат бас, цаарлад, хөр һар дууна бәәх Баст арл деер одж бүүрлх болв. Эн кәдлмш Яндһа-Мацага сотня хәләврт, терүнә дөнгәр күцәгдх болв.

Көвүнъ, хойр өвгн деернь, Хохалд зөвәр саалтг болх бәәдл һарад бәәв. «Яндмб? — гиж эн хумсан зуусн, басл чигн толһаһан чингдтлнь ухалсн сууна. — Харшлжана гиж келж болшго, зүг... Хааран кедмб? Кенд даалһдмб?..»

Генткн Жалыков дор ормасн өсрәд босн, гүүһәд һарна. Дарук хорад Дашала бәәсн көвүһән, хойр өвгиг адһаһад дахулсн йовна. Тегәд, эдн Агаша бергнә герәр цүврлдсн орж ирнә. Теднь таварн цә ууж сууж.

— Гиичнр күләж бәәлтә? — болж, Хохал үүдн хооридас цен-нж йовна.

— Ой, Ваня-Маца, көгшәс, — гиж байрлсн Катя босж гүүһәд, көвүг өкәрләд, көгшәслә мендлнә.

— Уралан һартн, суутн, — эзн эмгн босад, зә һарһж йовна. — Катя, цә ке...

— Цәәһәс урд би дегд адһмта йовнав, келчкхәр, — гиж Хохал зөрәд эклчкәд, тулад, хуух күртлән улаһад одв. — Цаатн дән өөрдәд күрч ирсн, зөвәр эәмшгтә. Тер учрар, Катя, чамд үүнд үлдж болшго. Бәәс гижәһәд, кәлгн ирх. Хош-хорәһан ав, эн һурвиг дахул, Баст арл орх зөвтәч...

— Эндртән болшго, керг...

— Эичн, Катя минь, сурвр биш, йосна заквр!.. — Хохал күүкн тал хойр нүдән өгәд ширтәд хәлән бәәж, немнә: — Иигж, кәд-кәдлсн адһмта, на-ца гих санан намд уга билә. Күн кевтәһәр, әмтнә йосар кехәр седсн — болжахн: цаг шаһад, бахлурлад... Авъяс, зокал хәләдг цол уга. Ахрар кәлхлә, эн әмтнә нүднд, көвүнәһн өөр чамд, Катя минь, цань уга дуртаһан медүлж, хамцад, нег өрк-бүл болый гиж, дуричн суржана. Хәлә, биичн цергә күн болжана, ода өөрчн бәәнәв, маңһдур яахан эврән меджәхшив. Зөв эс гивчн, бичә Ваня-Мацаг хай, хәләж йов. Намд нань даалһм иткл-тә күн уга...

— Юңгад зөв эс өгчәхмб, а? — гиж эзн эмгн орлцад, Амха Отельдан хойрур хәләнә. — Акад улс, эн цага улс! Эн хойр нег-негндән дурта бийснь, терүгән келж, илдкж ядад, тус-тустан зовад... — Эмгн уралан ишкәд, Хохалын һаринь авад кәтлсн, Катяд күрәд, бас һаринь авад, эн хойриг татад, хоориднь шахлдулад оркна. — Минь нигәд йовтн!..

Ваня-Маца гүүж ирәд, эн хойрин дунднь орад, шухиһәд, шахл-

дид одна. Көвүнэ толһаһинь илхэр седсн Катян һар Хохалын һар хойр Ваня-Мацан толһа деер харһад, хамцад одна.

Һаза «хард-таш» гисн болад одв. Хохал терз тал одад хэлэн: Тергн күрч ирв,— гинэ.— Манахс, невчк үкс гитн. Катя ю-күү-һэн цуглуул, дала юм бичэ ав. Агаша бергн, та яһнта?

— Яһна гисн?

Эднлэ йовнта?

— Уга,— гиж келсинь эмгн хооран саав.— Би кенэсн, юунаси олж зулхв? Ташр бийсинь тедниг ээлһсв...

— Та, Агаша бергн, бичэ теднд шүрүлктн,— болж, Хохал эв-лж цөөлһжэнэ.— Кецу му заята улс, цаһачуд гидгтн, кеннг чигн орлх, кенэс чигн эмэх улс биш...

* * *

Ээдрхиг авч, Ижл һолын бахлуриг ээлж, теңгст күрхэр шүд хизж йовх генерал Драценко Яндһа-Мацгт торад, яахан олж ядад, цокулад, йосар муудан оржахнь, Терско-Дагестанск эргнэ цер-гнн командлгч генерал Эрдели терүгән хэрү һарад зулх гиж саг-лад, деер-деернь нөмр чидл йовулад, эрк биш балһсиг ав гиж бакна. Дөн-дамжг авсн Драценко, алькарн чигн дуту уга теткгд-сн, улм аралдж, уралан шурһж, шүд «мөлкөд болвчн Ээдрхнд күрх кергтә!» гиж, дала цергән түлкдг чигн. Тегэд, чидлэс чидл давад, болшго болад, харслт бәржэсн улан цергчнр тесж эс чадх-ларн, хооран цухрал, Чолу Далвн, Жийжл өгөд, Башлуд күрч торлцад батрна.

Ээдрхнэ ээмшг улм икднэ, хортн далхн дуунад бээдг болна. Балһсн деер өдр болһн бомб хаяд, хамхрад, шатад бээдгнь дөгд чигн. Иим күчр, күнд кемд балһсна дээнэ-революционн комитет болн үүнэ ахлачнь үр Киров. Ээдрхиг сүл күртлнь харстн гисн Владимир Ильич Ленинэ дуудварар омгшулгдсн цуг күч-көлсч эм-тиг цаһачудын өмнэс нөг мөслж босхлһнур, энкр балһсан эрлг хортнас эрк биш хальчлхур зөрүлв. Тегэд, Башлу эргнд цаһана цергиг бәржэх һурвн полкд дөн болтха гиж, йовһн цергә коман-дн курс цугтан, көдлмшчнрин батальон, Онц даалһврта отряд, товин дивизион, теңгсчнрин, заһсчнрин, студентрин болн нань чи-гн кесг отрядмуд йовулгдв.

Шин Салг теңгс көвөд негн гижэх эдл-аху: ик болчкад, заһс-на халхар ю чигн кедг. Цаһан, хар уга заһсиг цуг зүсэр эд-бод ке-дг, түрс, консерв күртл белддг, кесг минһн күн көдлдг, эн-зах уга юмн. Ташр энд Ижл һолын бахлур харслһна штаб бээдг учрар чшнрнь улм өсв. Тегэд, энүг харж хэлэх төр Яндһа-Мацга сотньд даалһгдсн — амр бишнь ил.

Жалыковас нань эн эргниг сээнэр меддг күн уга. Штабин начальник үр Поплевинэ медлд бээж; Шин Салг—Башлу хоорнд, талданар келхлэ, усна болн йовһн церг хойрин хоорнд залһлда бәрж, зуг терүнэ зааврар Жалыков керг күцэнэ. Хаалһнь орали-

та, эргидэн усн, хулсн, зегсн, тийгчкэд, зүсн-зүүл эрлгүд хортц өөрдэд ирчксэр омгшлдад, эсрлэд, ааль-жиил харна гихэс, негдж авчкад, зертэ-зевтэ өлвклдэд бээдгнх зута. Болв Жалыковд харшлт уга, басл чигн эвинь олад, чадмгар даалгдсн хамгиг цагтнх күцэж, залллдаг йир тохнян, бат кевэр бэржэнэ.

Хохалыг штабур дуудулж. Жалыков үкс гиж ирэд, үүдн хоорнд мегдэхэд одна. Начштаба бичжэсн цаасан хооран кечкэд келнэ: — Хохал Манжиевич, уралан нарад, су нааран, көлөн дар...

Поплевин босад, бүсэн чанһан йовж, Хохалла зерглэд сууна. — Ода деерэн нег төр күцэх кергтэ, Манжиевич. Цаачн, Далвн талас, цаһачуд өрүндэн дэврхэр бээдгчн. Яахар шүд хазжахи нь медгдженэ: Шин Салгиг эврәһән кех, Ижлд күрч авх, флот ээлх сәната. Когтевин матросмуд, Поповин отряд гиһэд, харслт земгә бат, тосхар белн... Болв нег юм чамла зөвчлхэр. Тедниг үүнэс холд, санмсер уга йовтлнь, генткн сөрэд, али цокхла яһна?..

Жалыковин нүднх герл нарад гилвкэд одна: — Болжана, — гиж, эн чанһрна. — Шахр һазрт, келхд, уутхн һатлһнд, шахад цокхла!..

Сөөнх өрәлиин алдид, цуг хамг төвкнэд, эвән олсн кемлә Яндһа-Мацга сотнх на-ца гиһэд, мөрдән унсн, хойр тергнд хойр пулемет ачсн, Жалыковиг дахад, деегшлэд харна. Энүнэ хойр талнь сотня командир Элдәшк болн дарукнь Доржин Минчә зерглсн, гүнгр-гүнгр гиһэд, күүндсн йовна.

Өр цээхэс эртхн бээтл, сотнх «һахатын үзүрт» күрч ирв. Комиссар Жалыковин зақвар мөрдиг цөн күн авад, бултулхар йовж одцхав. Йовһдсн сотнхиг хойр әнглэд, ик зууһинь Жалыков бийнь, командирин дарук Доржин Минчәтә толһалад, ца көвэд һарх болжана. Баһ зууһинь Элдәшк авад, на көвэд үлджәнэ.

— Пулеметмудыг тергтәһинь нежәдәр хувахм, — гиж Жалыков келжәнэ, — зуг, Элдәшк минь, цань уга гидгәр далдлх кергтә. Кемр тедн маниг, эсклә тадниг урдаснь медж гилә... бийән өгшгө.

— Терги зөвәр мууд орх, — гиж, Минчә хөвән келж йовна. — Эсклә усн деер пулемет торч өгшгө...

— Тегәд тергнлә чирлдж йовнм, — Хохал Минчән келсиг Элдәшкд цээлһжәнэ. — Тергиг, бийсэн бас, цань уга гидгәр далдлх кергтә. Бас нег батлад үгцж авий. Тедн мана өөгәр уснд орсн бийнь Минчә бидн хойр тас ә һаршговидн. Тадн гихлә, тавлад, өөрән ирн-иртлнь, бас бичә бийән медүлтн...

— Хоорндан орулж авчкад, хавсрад өгхмн гихәрий?

— Мел чик, Элдәшк минь, — гиһэд, Хохал түрүлсн, арднх Минчә наадксн дахулсн һатлһар орад, улсн уга, тер көвән хулсн-зегсн дотр геедрж одв. Элдәшк эврәксән бас эвинь олад, хойр әнглэд, земгә кевәр белдэд авчксн улм арднх орж бүрткэд диглэд бәәнэ.

Тер хоорнд зөвәр гегәрэд, нари һарх болж йовна. Бөкүн баһрх биш, улм цемсн, ик-ик бийснь, иегөг тагчгар дархнь, тер орм...

днь хойр ирж сууна. Басл мууд, һа болмрмуд, оржана, зуг тесхэс биш, талдан кедг арһ уга.

Зөвэр болсна хөөн генткн хол биш бээх толһа давад, дала мөртө улс орж йовна. «Ядхдан эскадрон, үлү эс болвас»,— гиж санад, Жалыков арһул хулсна захд һарад, Элдәшкд дайлна, «аашна» гинэ. Тернь «медүв» гисэр бас докъялна.

Цаһачуд, хэлэхнь, зөвэр чанһар ирж йовна. «Маниг токарад уга бээтл, унтад бәрхәр сарвлж эс йовхий? — гиж Жалыков сана.— Кен, альд, яһж токархинь хэлэхгов!» Өмн йовх офицер энд-тендән ормаж, оньһх, саглх седкл мел уга, хатрулж ирсн кевәрн һатлһар гүүлгэд орад бээв. Наадкснь бас сахмадсн, дутх санан уга. Отряд земгә багар, ард-ардасн дахлдсн һатлж йовна. Элдәшк һараһ тагчг өргчксн, белн, бас чигн өөрдж өгхинь күлэжәнэ.

Офицер, үүнә ардк зерглән уснас һарн гиж йовхнь, Элдәшк заһһад орксн, пулемет авч идәд, хальгад одв, онц-онц хасн э негдәд, эргид «таш-пиш» гисн, хортн деер асхржах сумн мөндр мет. Санмср уга йовсн элмрмуд сүрдәд, үкдгнь — үкәд, эс үкснь— хэврһшләд, хәрү зулж һархан хәәсн, бальчгт улмдж кәл алдад, мөлтрн гиснь Хохал эднә «хажла» харһж, хадсн хулсн кевтә утдан сунад унладад йовна. Удсн уга, үксн әмтнә, мәрдин цуснд һатлһн улан-явр болсн, уснась уух биш, зүркдж хэләхд күчр, дегд жигшүртә.

— Зун тәвн өздн йовсн бээж,— гиж Элдәшк Жалыковд зәңглжәнэ,— зу һарнь цалгдж. Әмдинь яахмб?

— Яахмб гисн?— Жалыков Элдәшк тал ормаһад одна.— Үксн цуглуулг, күн, мөри угаг булг. Шавтаһинь, зер-зевинь түүж автн, йовултн. Хойран тер толһа тал йовуллч, нүдән бичә ав ги хаалһас. Эднәннь ардас дөң чигн илтәх. Бас тер кевәрнь кех кертә. Би ода йовнав, зәңг күргнәв. Ода цуглуулч көвүдән...

Тегәд, сотнь зергләд орксн, Жалыков өмннь зогсад орксн, кен-негән хэләлдж, хамдан байрлжахнь ил.

— Үүрмүд!— гинәд, Жалыковин дун цәннәд одв.— Үнн седкләсн таднд, үргж-әәхиг эс мелдг, итклтә гисн ахир-дүүнртән, Сопетин йосна нерн деерәс бәрсн диилврләтн йөрәж, хаһлт өргжәнәв.

«Ура-а!.. Ура-а!.. Ура-а!..» гилдәд хәәкрсн, ца-цааһан күңкнәд, хулсн-зегсәр дүүрән болад нисәд одв.

Жалыковин кер һалзн чигн эзнә седкллә боли өргмжлә авлцсн, гүүдлнь улм чанһрад, хурдлх деерән һарчксн салькнас тату биш. Эн штабур ирн, гүүж орад, Поплевинд цугинь келж өгчәнә. Тернь сонсн бээж маасхлзад, гекхәс биш, үг келхш, таасжахань, байрлжахнь ил. Босад, Жалыковиг төврж йовна.— Ханжана, Хохал Мянжиевич, сән зәңгдчн,— гинә.— Бүкл эскадрон уга кенә гидг!.. Иим әвртә көвүд бәәдви!..

— Үр начштаба, зөв гихлэтн, бас нег эрки төр күцэхм бээж. Кемр кеж гилэ, ашыь күчр болх зөвтэ.

— Юмб, тегэд?

— Хойр-хурви гиигн катер өгхлэтн, тедн деер бичкн товс тэвж авчкад, гүүлгэд, холас холур орад, Далвнд күргх билэв. Сан-мср уга, дурндаи бээх цаһачуд дунд генткн товс лугшад, күрд-таш болад одхла...

— Деернь матросмуд «ура-а!» гилдэд деврэд орхла...

— Көл-толһа уга һарад зулхнь алдг уга!— гиж Жалыков аш-лвр кежэнэ.— Нутга цутхлң сулдхж гисн нернь ямаран?

— Терчн, Хохал Манжиевич, Башлу алднд болжах бэрлдэнд бас туслх зөвтэ,— болж Поплевин зөвшәржэнэ.— Зүг энүг генткн болдгар кеж үзх кергтэ.

— Генткн боллго яахмб? Эн һолмудар, чимк-чимк, нәрхи-нәрхи, онһцас талдаи сав йовх гиж кенэ толһад?.. А би, үр начштаба, күргхв Далвнд!..

— Һурви катер болхий?— Жалыков тагчгар гекэд орки.— Тингхлэ, Когтевин отряд белн, дахулад йовад бэ. Хортн санамр бээхнь алдг уга. Бүкл эскадрон йовулад, маниг-тарачкн болж эс таварлжахнь...

Бичкн Һурви катер, хошад гиигн товта, хулсн-зегсн дундаһар хурдлад йовна. Өмнк деернь Жалыков Когтев хойр зерглсн, баси чигн энд-тендэн харвсн, ю-кү шинжлсн, гүнгр-гүнгр гилдэд күүндсн йовна.

— Капитан,— гинэд Жалыков залж йовх баахи залуд келнэ.— удл уга эн һол хойр тал-салх. Бидн барун ам-татхм. Хулсн тал шахлдж йов, гүн...

— Та, ах, лоциг эвр меддг кевтэнт,— болж капитан өврнэ, Жалыковур кесг саамлад хэләһэд оркна.

— Лоц гиснчн, дү көвүн, юмб?

— Лоция?— Капитан эс итксәр Хохал тал ормана.— Усна хаалһ болхугов!..

— Эн хаалһичн, капитан, экиннь геснэс медж һарлав, эндү учрх зөв уга, цуһар мел үндм!— Жалыков мацнаһан ташад авна.

Тегэд, нари суухин өргн дор, өдрин гегән тасрад уга, эргнч хамг төвкиж йовх кемлэ, Далви́гн ардк һолар хурдлад, Һурви катер урлдсн, кен-негнэсн ахлхар адһсн һарад ирнэ. Штаб бээсн герин секэтэ терзэр нег офицер шаһан, ардан эргэд келжэнэ:—

Капитан, капитан, хэләһит, Гусейнов мөрән кетлүлчкэд, бийнь кермәр гүүлгж аашхинь!..

Капитан терзүр өөрдэд харвн, ца бээсн цергчкрт келна:— Зер-гүд, хэләһит, поручик Гусейнов улачулын унгднь сууһад, кермәрцэ гүүлгж ирсн!..— Байрлсн цаһачуд хәәкрлдэд, урлдж йовх бичк-лүд кевтэ нег-негән көөлдэд, усна көвә орад гүүлдв.— Жалыковас өшәһән авх билэв гиж аралджасндан поручик күрнэ, гилдгн эн!

Тер хоорнд катермуд салат, негнь селэнэ тал дуидаһар, наадк хойрнь хойр захар туслцж ирэд зогсв, «луг-луг» гисн болад одв. Гүүлдж йовси цаһачуд дунд сумд хаһрад, һазр өрггдэд буусн болад, утан тоосн хойр эргниг бүркэд, халһн гидг улм давад ирв. Цаһачуд кесгнь борталдад кевтнэ, тотхад, юн болсинь, яһсинь медх, иилһх хоорнд катер болһнас матросмуд һэрэдлдэд бун, хаж йовна, «ура-а!» гиж сүрэлксн гүүлдэд аашна. Товсин халһн баһрх биш, улм чаһрад йовна. Цаһачуд — байр-бахнь альд? — сүр сүмсн уга тарвалдад һарад зулж йовна. Тер тоотыг үзсн капитанд чигн суудл альд? Өөрк офицерэн дахулад гүүж һарн, мөрн деер һарсн болла — Яндһа Чолуна хаалһар ялмнас дорар одв. Эднэ ардаснь мөртө йовһн уга мөргн, зальврн шугшлдсн, басл эмндэн күрч гүүлдж йовна.

Жалыков Котев хойр матросмудтаһан Далвнгар орж ирхлэ, цаһачудас негн чигн үлдж уга. Улан кенчрэр туг кеһэд, нутга совет бээсн гер деер делскчкэд, хортна хайсн эер-эсвинь авад, хот-хоолынь эмтнд тараж өгчкэд, хэрү хаалһдан орна.

Тавдгч бөлг

Башлу деер хойр халх мөрглдсн, басл мөткэлджэнэ, бөк-цохан минь энд олхар нег мөслснь лавта. Ээдрхнэс далхн дуунад бээх цаһачуд «дала юмн үлдсн уга, ода нег сээнэр дэврхлэ, балһсар оржанавидн!» гисн, болв санань салькнас дордсн, күцгдж өгл уга йосар мууднь күрчэнэ. Улачуд чигн улм доран батрсн, ар нурһиднь Ээдрхн, тенгснь бээх учрар «хооран цухрдг һазр манд уга, үкхлэ — доран!» гисн, таг чихтхлсн, көндрх зура уга.

Иим чинвртэ, беркл нэрн кемлэ, Киров нааран ирнэ. Мөрн цөргэ 7-ч дивизин начальник Борович, военком Сергуинн, комбриг Сабельников эднлэ штабд бээнэ, ик чигн карт деер цуһар өкэлдсн, кевтхин нааһар элkdж, басл нэрдүлж шинжлжэнэ.

— Драценко Бабиев хойрин ухань медгджэнэ, — гиж начдив Борович Кировд келжэнэ. — Башлуг уухнар эргэд, хойр цуурин коорндаһар ар нурһнась цокхар йовна. Тенд харслт цевчк гөцгн...

— Гөцгн гисн? — Киров зөвөр ормаһад одв.

— Билэ гих кергтэ, — болж Борович бийән чиклв. — Тиигән лөвөр чидл йовулгдсн, нэһинь олж далдлсн бээпэвидн.

— Цаһачуд медхший?

— Цокулхларн медэд бээхгов, — гиж Борович немв. — Тегэд, Сергей Мироныч, бидн күлэжэнэвидн. Тедн дэврхнь алдг уга, минь үнгэр, мана келжэсэр. Сансарнь эс болхла, сөрлт дегд чанһрхла, арһнь уга, ардасн дөң сүрх, адһлдх... Тиигхлэнь, талдан ормсар, үнгэр, үнгэр, — гийһэд карт деер хатхж йовна, — бидн эклэд дэврхлэ, тесж чадх уга, хортн һарад зулх.

— Маниг харслдхас биш, дэврх гиж теднэ толһад уга, — гиж военком начдивән дөңжэнэ, — генткн чочаһад цокхла...

— Чидл баг биший?— болж, Киров батлж йовна.

— Уга,— Борович зөвөр итклтэ кевэр нээхлэд авб,— курсант-нр, кедлмшчнрин болн тенгсчнрин батальод, онц даалһврта отряд, тедн деер бүкл полк йовһн церг белн болчксн, докъя күлэжэнэ.

— А танахс яахмб?— Киров Борович тал хэлэнэ.

— Манахсин керг талдан, дэврж йовх йовһн цергин ар нурһ-нас генткн довтлад, нурад орх зөвтэ, тиигхлэ...

— Дэкн генткний?— Киров инэнэ.

— Сергей Мироныч, генткн гидгтн мана эркн нөкд,— гиж Сабельников күүрт орлцв.— Эн чочад, сүрдх дутман сэн! Көл-толһа уга оддгар кехлэ...

— Зура сэн, зуг күцхлэ,— гиж Киров эс маһдлдг болвчн, батлж йовна.— Бас чигн диглэд, даралад нэрдүлтн. Цаг ямаран?

— Мана тоолврар болхла, ирсн зэңгэр бас маһдур өрүһэр, эртхн,— болж Борович келжэнэ.— Цаг одачн бээнэ. Күн болһн орм-ормарн йовтн, алькиньчн батлтн, белдтн...

Киров Борович хойр үлдсн, төрнь төгсэд уга, келэд, күүндэд бээхнь ца-цааһасн улм һарад, чилхэн медхш. Үүдн арһул секгдсн болад одв. Хэлэхнь, Жалыков орж ирэд, мендлэд зогсв.

— Менд, үр Жалыков, менд,— гиж Борович байрлад, хойр һаран өмнэн телэд адһаж йовна:— Көл шулуһар, флотын зэңг ямаран? Сэний?— гинэ.

— Сэн, начдив!

— Намий?— Киров бас Жалыковур адһад, һаран өгч йовна.— Келн бээтн зэңгэсн!..

Жалыков һоснаннь түрәһэс һарһад, Боровичд цаас өгв. Тернь авад умшн:— Сергей Мироныч, хэләһит!— гинэд, шуд хээкрэд одна.— Эдитн бүкл эскадрон каалсн деерән нутга цутхлң Далвн сулдхж!..

— Үнэрий!— Киров эс итксэр ормаһад, Боровичин өөрнь ирэд зогсна. Тернь һартк цаасан өгнэ.

— Хойраднь чигн Хохал Манжиевичин ачнь берк гиж Поплевин бичжэнэ.

Киров умшчкад, цаасиг Боровичд өгв. Жалыковин һаринь атхад,— ханжанаб,— гинэ,— олмһа болчкад, зөрмг төлөдчн. Хэрнь, балтиец келэд бээхлэ, үүрән магтад, певчк немүлж чигн бээх гиж санжалав, ода эврән медж иткжэнэв. Иоста большевик гидг эн!.. Балтиец, «Аврора» яһж йовна? Харһнта?

— Бидн, Сергей Миронович, сүл кергиг хамдан күцэлэвидн. Тегэд, Далвнгийг түүнэ отряд сулдхвш. Бийнь гем зовлң уга.

— Намас балтийцд халун менд келтн, ханлт өргтн, эвр таасув терүг, иткжл болх күн...— Киров телүкн бээсн стул деер сун, наар, өөрм су гисэр Хохалыг дуудв.— Бас нег күүндх керг бээнэ. Кезэ харһдмб гиж, төр кеж йовлав, сэн күн — санаһар гинэд, бийнь ирэд бээвш. Үнний, үр Жалыков, гелцгүд дажрад бээдгтн? Цаасн орж ирсн бээнэ.

— Дажрна гисн худл,— Жалыков босхар седв, Киров харарн докъялад босхсн уга,— ор һанцх кедлглэв.

— Күчэрий?

— Күчэр, Сергей Миронович.

— Тиигхлэрн, цокжлмт, «гүвджәһэд зарва» гижәнм...

— Тедитн, Сергей Миронович, бийәрм наад бәржәх кевтә «бидн хар кедлмш кех зөв угавидн, нүл» гилдэд, дала юм келэд, аальтхар седвш...

— Тер бийнь цоксн — хажһр, зөвтнь күүндх бәэсн, эвлх, сурх...

— Болхшлм, Сергей Миронович, басл келүв...

— Баһар келсн болжанат, үр Жалыков!

— Үнән келхлә, эвлэд суудг цол уга билә. Цаһачудын товс лугшдг улм өөрдэд...

— Болвчн, кедү дүңгә адһмта, бачмдвчн, большевик Жалыков тиигх зөв уга билә! Эмтнд чидл үзүлнә гидг, цокна-гүвднә гидг...

— Тегэд, Сергей Миронович, теднә зөв бәэсмб? А Советин йоснд үзгджәх эәмшг яахмб? Зөвтә-зөв угаһинь тоолад суудг цол уга болад, революцин керг ахлулсн...

— Ахлулсн чик, хажһр уга,— Киров Жалыковин эәм деернь һаран тәвнә,— зуг чидл үзүлхмн биш. Бидн хойр, үр Жалыков, сапсарн бәэх Сергей Хохал хойр бишвидн, большевикүдин партин, Советин йосна элчнрвидн! Мана келсәр, мана кесәр эмтн партин тускар, йосна тускар ашлвр кехнь алдг уга. Советин йосн гидгнь хаана йоснас юуһарн ондамб — йилһл уга, бас гүвджәһэд зарна, дажрна гихм болжана. Шахрдад, цань арһ уга болад, яахв гихлэрн тиигсн гиж, кен келх? Хортнд болхла, тиим алдг мана, хәәж олдшго учр, «хәләһит, яһжахины!» гилдэд, хәәкрлдж авад һарх. Бидн, үр Жалыков, тана керг-үүлитн, итклитн таасनावидн, өөдән үилнәвидн. Болв әмтнлә ташмгар маляджаһад күүндж, революцин керг, төр күцәнә гидг, харсдг мел хажһр. Тертн, хәәртә үр, әрүн керг, тегэд, түүг әрүнәр харсдг болх кергтә. Эсклә мана кесн хажһр, эндүн мунь мана революцд, Советин йоснд, мана партьд тусж, мууһан хальдан гижәнә. Минь энүг кезә чигн, альд чигн мартад керг уга. Тиим эсий, комиссар Жалыков?— Киров үүнә нүдн тал ширтәд, ю санж тоолжахинь нүдәрнь медж, йилһх дүңгәр бәәнә.

— Тиим, Сергей Миронович!— Хохал Кировин хәләцәс нүдән хажүгһай кесн уга. Ташр «лавта тиим» гисәр дахулад медүлэд, — мел чик!— гив.

— Тиигхлә, комиссар Жалыков, ас һаран!— Киров Хохалын һаринь авад, чаңн гидгәр атхв,— Бичә өөлтн...

— Уга, юн ө бәәдмб?— Жалыков босна.— Зөв үгд зүркн хапна, зөв махлад толһа ханна гидгәр, зөв үгдтн, сурһмждтн хапжана. Сергей Миронович. Альд йовбчн, ю кевчн мартхм угав...

Жалыков менд келэд йовад одв. Ардаснь хәләжәһэд, Киров

келжэнэ:— Иир таасгдна, үр Жалыков. Ухата, тоолврта, олмна, а зөргн... Иимнь элвг болх дутман...

Цергч орж ирв:— Үр начдив!— гиж үүдн хоорндас келжэнэ.— Цаһачуд Башлун ардаһар дэврж йовна, хойр нууриин хоорндаһар...

— Тер биший, Сергей Мироныч!— Борович байрлад, Киров тал адһж эргв.— Манаһар һарад эс бээви?..

Тегэд, урдаснь бел кесн зураһар һардвр кеж, улан цергхин хортна дэврлтиг сөргэд зогсан, товсар, пулеметмудар халһан улм чацһаж, цаһачудын толһа деер хорһлжн төмр хойрар нигт хур орулж асхв. Тиигжәһэд, бийснь босад, дэврэд орж йовна, уралад хээкрснь дүүрән болад, эргнд донһдад, дегд сүртә. Дэврэд, тарачкхар седж, шудрж йовсн цаһачуд алмацад, арһ уга, харслт барх болад бээв: кевтлдәд халджана.

Дэврлт кежәх йовһн цергин ар нурһнас генткн кәдлсн хү салыкн мет мөри цергә 37-ч болн 38-ч хойр полк чашкан өргәд довтлад орж ирсн, цаһачуд сүр-сүмсән алдад һарад зулсн, Яндһа-Чолу хәләһэд, күцгдл уга гишң одв. Болв көөж йовх хойр полк хортнд сана өгл уга, тенд батрх биш, зогсх чөлә өгл уга эдниг цааранднь көөсн, үксн, шавтсан хаяд, ү-дә уга үүмлдсн, әмднь Боран селә темцәд зулснь тер.

Доладгч дивизин штабд полксин болн цуг наадк отрядмудын командирмүд болн комиссармуд хурсн, Киров, Борович, Сергуниин һурвна һардврт селвлцж, болсн бәрлдәнә аш диглж, цааранднь юкех-яхинь диглж батлж авчана. Бәрсн диилврин өргмж, терүнә өгсн омг, бах күн болһна нүднд гилвкж, харлад шатад бәәсн чирәднь байрар ончрж, басл йилһрнә.

— Хәэртә үүрмүд,— гинәд Киров босв.— Энд мана бәрсн диилвриг ВЦИК онц темдгләд, ик гидгәр чинрлжәх төләдән 37-ч болн 38-ч полксиг күндтә революционн Улан Тугмудар ачлв. Оли цергчир болн командирмүд Улан Туг орденәр ачлгджана. Тер тоод ода үүнд суух мана үүрмүд Сергуниин, Сабельников, Абраменко болн нань чигн олмна зөргәри ончрсн улс зааж болхмн. Тегәд, урдаснь цуһараһинь үнн седкләсн, Советин йосна, большевистск партин нерн деерәс йөрәчкхәр.

Штабд бәәх улс цуһар ниргүләд альх ташв. Минь тер агчмла һазаһас партин Әәдрхнә губкомин ахлач Колесникова орад ирв:— Мендвт, үүрмүд!— гинә.— Би тана сүүрт үлүдх угайи?

— Уга, Надежда Николаевна,— гинәд, Киров тосад, көтләд авч ирәд, өөрән суулһв.— Бәрлдәнә аш диглжәнәвиди.— Цааранднь келжәнә:— Мана диилвр гидгтн, үүрмүд, политическ чинртә. Зер-зевнь күцц, хот-хувцнь дуту уга хортыг, академическ медрл-тә генералмудыг, андрсн Антанттаһинь ташртнь, эврә йосан, Советән харсхар нег мөслсн бат ухата, өөдән серлтә, дигтә-дарата бидн болхла, алн цокж чадхан делкәд үзүлж, медүлж, эврән бийдән иткүлжәхмдн үнн.

Эдэрхиг авх биш, эрэ эмтэ зулж харси генералмуд, Драценко, Бабиев эдн шарх-шаван дололдад, кесгтэн кевтхнь алдг уга. Тингж генткн али цокулж көөгдх гиж теднэ кень ухалж йовси болх? Аһшиг ави бийэри генерал Деникин «московск» заавр өгсн — нурви ээрм Москва тал дэврг гисн темдгтэ. Тер зааврар болхла, Врангелин Кавказск ээрм Аһшас Саратов, Пенза, Владимир дамжад, Москвад күрх зөвтэ билэ. Ода Врангель келжэхнь: «Эдэрхиг авч, Ижлин бахлур ээлх төриг Эрдели генералын цөрг эс күцэтл, тернь мана Көк теңгсин флотильд холд күрх ари өгх билэ, — цааранднь ар үзгүр дэврнэ гидг күцэгдх угадан шаху». Тер учрар Кавказск ээрмин ээрм энгсинь доргшан өмөрлүлж, Эдэрх авлһнд орлцулх кергтэ гиж, Врангель Деникинд сөлүглж. Тингхлэ, үүрмүд, Ижлин бахлурас келтэ ноолдлһн улм чаһирхас биш, сулджахш. Теднд чигн, мадинд чигн эдлдэн чинврлж, күчр өөдөн политическ чинр зүүжэнэ. Хэрнь тер, үүрмүд... — Командирмүд, комиссармуд дегц босад, харлдад бээв. Наза күн болһн белн тохата мөрн деерэн харси болла үзг-үзгэри довтлад, йовад одихав.

Колесникова босад, Кировин өмннь ирэд зогсв. Тернь сүүвдэд ави келнэ: — Надежда Николаевна, буру эс гихлэти, назаран на-
рад, цөвр аһар киилин күүндий...

Эн хойр көтрлдси нарад ирнэ. Герин сүүдрт хураси модн деер зерглэд сууна: — Нэ, юн болва? Эдэрхид яһва? — гиж Киров ад-
һана. — Тана ирлһн хара биш...

— Уга, Сергей Миронович, — тадниг яһжана гийэд... Мана йовулси коммунистическ боли көдлмшч батальод ямр кевэр ноолджахинь медхэр...

— Эврэн эс соңсвта? Минийһэр болхнь му биш. Цаһачуд цадтлан цокулси... Зуг тер хамгар, Надежда Николаевна, дэкад күүндий. Ода Эдэрхнэ зэнг келти, бичэ нуути. Таниг седклим икэр эвдх гиж санжахшив...

— Намий? — Колесникова хурагдси болад, бийнь атыһад, нүднь догшрхси болад одв. — Эвдл уга, Сергей Миронович, болшго. — Кировин чирэнь мел доран ондарад, хумхарси болж одв. — Мехоношин йовжана, талдан назр оруулжана.

Киров өвдгэн цокад авна: — Эх, харм!.. Сээхн нег-негэн медж көдлжэлэвидн!..

— Таниг, Сергей Миронович, бас талдан назрур йовулжана, Иисдгч Ээрмүр...

— Мууха юмсви! — Киров наран сажад оркв. — Кенэ толһад, кезэнь, яһад тиим юмн орад бээдви?

— Келхлэ, бас чигн...

— Келти, Надежда Николаевна!

— Ставкас Троцкий нарта сунһуг ирси...

— Тегэд?..

— Чидл тату болсар, дегд энд-тенд, эк зах уга болсар фронтын зерглэ чиклхин төлэ...

— Яахм гижэнэ?

— Балһсиг цааранднь харсна гидг берк, нүүлһти гиж...

— Тегэд, балһсиг Деникинд эврсэн өгхмб?!— Киров босад, иег һарарн наадкан цокад авна.— Тиигхин төлө бидн үүнд цусан уулдад, арһта гисэн алулад, шавтулад... А Кавказ яахмб? А флот?..

— Сергей Миронович, бидн тер сунһугитн авчкад, бас итксн угавидн. Маниг зөрц бударулжах гинэд, Мехоношин фронтур дуудсн... Тиим заквр деерэс ирсн бээдгчн!

— Уга, Надежда Николаевна, тиим сунһуг бээх зөв уга. Иткжэхшив!..

— Бээнэ, Сергей Миронович, би эврэн нүдэрн умшув.

— Иир яһдг болвчн, Надежда Николаевна,— Кировин хэлэцнь эсго догшрхад, дунь чанһрад одв.— Ээдрхиг өгх заквриг бидн күцэхмн биш. Терүг ЦК-д, Ленинд медүлл уга илгэсн болжана. Ставк, Троцкий болн үүнэ нөкднр басл аальлж, мек һарһжана. Түрүлэд манас бүкл дивизь булаһад авчкла. Ода балһсиг цаһачудт өгчктн гинэд... Уга, тиим амр юмн альд? Ээдрхнэ төлө, Надежда Николаевна, эмэн, цаган эрвлл уга ноолдхмн!..

— Ода деерэн, иим чинвртэ кемлэ, Сергей Миронович, та балһсид эрк биш кергтэт. Энд керг-үүл ясрад, хортыг хооран көөсн...

Колесникова Киров хойр адһсн Ээдрх орад һарна. Иир бийэрн Сергей Миронович балһсна партийн организацд, көдлмшч класст болн XI-ч Ээрмин Реввоенсоветд түшж, Троцкийн өгсн заавриг хажһр гиж өөдөн күргэд бурушана. Хэрүнь удхш. Владимир Ильич Ленин бийнь: «Ээдрхиг сүл күртлнь харсх кергтэ»,— гиж заана.

Балһсна партийн конференц болсн деер Киров цуг хамгиг нуувр, немр угаһар бээсн кевэрнь илдкж келэд, ю кех, яах күртлнь цээлһнэ. Үүнэ келсн халун үгнь күн болһна зүркид төөнрж, толһаднь тодлвр болад үлднэ. «Ээдрхнэ медлд ор һанцхн коммунист үлддг болвчн, Ижл һолын бахлур советин билэ, советин бээнэ, советин бээх чигн» гиснь Ленинэ илгэсн сунһугин хэрүнь, эн эргнэ большевикүдин эмн андһарнь болад, эдниг эңкр Советиннь төлө, эврэ һазр-уснаннь төлө улм зөрж, улм нег мөслиж ноолдад, хортан дархур омгшулж дуудв.

* * *

Ижлин бахлур, Көк теңгсин көвө гидгитн эврәһән кеһэд, «дарунь улачудыг дарчкнав!» гиж, дарһхнь болж, өгтмлж ирсн Драценко генерал өргәри өгүлэд, эрә эмтэ зулж һарад, Ээдрхнэс зөвөр холжад одсн бийнь деерэн бээх Деникин Эрдели хойрт өгсн амн үгән идсн төлөдән, келсндән эс күрсндән, цергиннь өрәлинь геесндән хордж, хорта моһа кевтэ хойр талан шиикнэд, хоран кенд күргхән олж ялад, шилвкөдл, өлкөдөдл бээнэ.

Чидлнь күрснь — бээрн улс болна, Яидһа-Мацгин өмн заха

хальмгуд. Эднэ мууднь цаһачуд басл гидгэр оржана: дээлэд, даж-
рад, зоваһад, һазань шовасн өвртө, өвр уга хамгинь чигн амра-
хш, авч одад, алад идсэрн олз кеһэд бээхлө, юн керг! Биисинь
эдлгэд, цокад, гүвдэд зовахас нань хахар, чавчхар гүүлдэд, ууран,
уйдвран эднэр һарһна. Үлдл цергнь нигэд, кедү дүнгэ күчр юм
татад бээсн бийнь, генерал Драценко сохрас дор — үзхш. Хэрнь,
ил зөв эс өгвчн, хөрхш. «Шулуһар шарх-шаван эдгэж, чидл ху-
раг, дэки дэврхд кергтэ болх» гиж, эн санад, эс медсн, эс соцссн
болад бээнэ.

Хальмг тег, Ижлин бахлур тенгс көвө хойрас бишһкинь, цаһа-
на һарт бээх учрар чинвр өдр ирвэс улм икдэд, ээмшг өсэд, бээ-
дл улм нэрдэд, эмтн кинһэн дотран гишн авчана. Ар захар, Аһ-
шин алдар дээнэ гүргү чанһрад, басл күчр бэрлдэн болж, хойр
халх басл нег-негнэинь мууд орж мөткэлджэх кем. Барон Вран-
гель болхла, йир яһад чигн Ижлд күрч, Аһшиг авхар үкж йовх
элмр, цергэн түкрдг бийнь: «Хазгуд минь! Хагсу кедэ хальмг тее-
гэр хан-һард мет нисэд ирсн тадн, адһтн, Аһшиг шулуһар ээлтн,
ээж болсн эңкр Ижлдэн күртн, күчтэ эмтэхи усарнь күлгүдэн
услтн!» — гинэ.

Иим күчр бээдл олэлж, теегиг кевтнь гишн цаһачуд ээлсэр
омг авч, контрреволюционн үндстэ тоот өндэлдэж, нүкнэсн һарсн,
дораһар эмт хутхад, «хазг Хальмг танһч» кехми гиж, полковник
Тундутовин күсл бүтхд нөкд болжацхана. Келсинь соцсхла, харц-
һу улсин толһань эргх биш, тасрад унхдан чигн арашго: «Эврө,
эмнднь күртсн дала һазрта, малта-гертэ болна гидг... эврө келн-
эмтнэ танһчта болна гидг... орс-дерслэ эдл зөвтө, хөвтэ бээнэ ги-
дг дурна...»

«Үни болхв эннь, аль худлв?» гиж алмацж, хамг заасн тоотд
күрхин кергт, хазг болад чигн одх дүнгэ бээх улсиг, тертн ки
юмн, мек гиж иткүлх төр большевикүдин өмн һарсн, күцэнэ гидг
амр биш. Ташр эврө Советин йосан харстн, түүнэстн үлү туста,
кергтэ, эрки таднд нань уга гиж, чик хаалһднь эдниг орулж, орс
көдлмшчнрлэ ни-негинь батлх кергтэ болв. Хоосн ухр амнд багт-
хш гиһэд, хоосар келсн кедү дүнгэ тодрха, сээхн болвчн, баһд-
жана, хот болж өгчэхш». Эмтн эрк биш иткдг болдгар, заавринь
авч, дахдг болдгар, нег мисхлд, агчмд чигн алмацшго, тиим, үниг
чик, лавта бат, шүрүтэ чигн, цаһан ашта иткл кергтэ бээсн, кү-
рэд ирв!

Владимир Ильич Ленин бийнь хальмг улсур кесн Дуудвр ду-
лан герл хойрарн делгү теткж, һазрин көрсн-даарсинь көөж шин-
рүлэд, ноһарулад оркдг хавр мет Хальмг-теегэр шуугад орад ирв.
Энүнэ цань уга тодрха, ил, төв үгмүд «Хальмг ахнр-дүүир!» ги-
һэд эклсн кевэрн улм янзрад, улм кеерэд, цаарлх дутман үннэри
күн болһна седкл, зүрк ээлж, толһаднь орж, умшсинь чигн, соц-
ссинь чиги тегш авлм күчтэнь, чинртэнь лавта.

Жалыковиг на-ца Хальмг ЦИК дуудулна. Адһад, Ээлрки тал

күрч ирхнй, кесг үзж, медж йовсн улс харһна. Тедн заагт шин таньлмуд Кануков Хомутников хойр бас бээнэ. Цуһаралань мөндлэд, ю-бис келх хоорнд кесг күн һазаһас орад ирв. Хэлэхнй: Киров, Колесникова, Мехоношин һурви, наадкснй таньгджахш.

Мел дарунь селвлцэн эклэд бээв. Ахлгч Кировд үг өгчэнэ. Сергей Миронович босад, хурсн үлсиг захас зах күртлнй харвн, үгән эклв: — Хэартэ үүрмүд, — һартан бәржәсн цаһан цаасиг өмнән өргәд чичрүлжәнэ. — Әәдрхнэ дээнэ-революционн комитетин болн партин губкомин нерн деерәс би тадниг ним күчтә селмтә болсндтн халунар йөрәжәнэв. Эн юмб гихлэ? — Үр Ленин бийнй хальмг улсур кесн Дуудвр. Энтн цаһачудын үлдәс, хазгудын чашкас хурц, теднә түмн цөргәс шүрүтә, юнгад гихлэ мел үнн, үннәс бөкнй уга биший. Болв энүг күн болһнд күргж, медүлж, мана партин, Советин йосна нерн деерәс келгдсн әрүн үг живр зүүһәд, хотнас хотнур, әәмгәс әәмгүр, нутгас нутгур нисәд оддгар кәх кергтә. Амр төр биш, үүрмүд, болв үр Ленинә Дуудвриг әмтид эс күргхлэ, улм күнд болхнй алдг уга.

Хальмгудт Владимир Ильич келжәнэ: «Хаана йосн тадниг кезә чигн шуд мухлаһан кевтә зардг билә...» Тернй лавта, юнгад гихлэ революцин өмн хальмг залуг арвхн һурви арслнгар хулдж авч болхм билә...

Хальмгудт Владимир Ильич келжәнэ: «Тана әдлврт бәәх һазр мел хасгдад йовла...» Тернй бас лавта, юнгад гихлэ сүл тәвн жилин эргд хальмгудын һазрас күсдундур сай шаху арвна хасгдв.

Дуудврт нег чигн үлү үг, күцәгдшго нәәлмж уга. Әкнәсн сүл күртлән: мел үнн төләдән иткмжтә болчкад, бат. Хамгин әрки гисн төр чиринй чигн, нилчинй чигн: күцц зааж болшго, энд-тенд; талын һазрар тарагдсн хальмг улсиг негдүлж, бийсиннй танһч һарһх төриг Советск правительств Цугхальмгин күч-көлсч улсин съезд халһх зөвтә гиж, терүнд даалһжана. Тернй юмб гихлэ? — Хальмгуд бийсти әврә хөв-жирһлән медж залтн, кезәнәс һааран күсл кеж йовсндан күртн гижәхнй ил.

Дуудвр күчр тодрха: «Хальмг ахир-дүүнр! Цугхальмгин съезд хурахас урд тана һазрин ик зууһинй цаһана бандас сулдхх кергтә болжана...

Цуһар Улан Цергин зергләнд орти. Цуһар Деникинә цаһан болн хазг бандын өмнәс бости! Цуһар әврә Советин йосан харстн!» — гиж дууджана.

Тегәд, үүрмүд, эн, берк гидг, өөдән политическ чинртә ленинск документыг әрк биш хальмг болһнд күргж медүлх кергтәг келчкләв. Зүг бас нег батлхар: йир сагар, болһаж, нәрнәр арднй орж эс күцәхлэ, яахинй, юн болхинй нама уга, бийсти дегд сәәхн меджәнәт. Хортн заагт йовж, теднә дунднй цәәлһврин көдлмш кенә гидг, ахрар келхлэ, амр биш. Тадн әмт йовулхларн, теднән сәәнәр шалһж-шүүтн. Дуудвриг батар далдлж, хортна һарт оршго болдгар эвинй олти, арһлтн. Өгх сурвр, келх үг бәәни?

— Бээнэ, Сергей Миронович,— гинэд Жалыков босв.— Эп документин чинриг чиннүрдж чигн болшго, кемжэлж чигн болшго. Кеер хонад, кец дерлэд нүүнэд-нүгшэд йовдг хальмг бийэн ахир-дүүнр гиж күндлсиг, сөөһинь хээж, бээдл-жирһлинь ясрулхар бээх эрүн седклиг медл уга бээшго. «Бийэн гисн чамасн би юу-һан хармлхв?» гиж дуулдгнь эн болхугов. Зуг энүг кевэрнь, юу-һинь чигн алдж гел уга күн болһнд күргх — мана төр. Тер төлэд, Сергей Миронович, хойр-селвг өгхэр. Негнь — Дуудвриг эрк биш хальмг келнд буулһх кергтэ, умшхла, хальмг болһна уханднь унглад орад йовдг болдгар... Хойрдхла, кенчр деер барлхнь, тор-һн нимгн болх дутман сэн, далдлхд амр. Кен медхв? Мөрнө делд, санһад чигн гүрх учрад бээх?

Жалыков суув. Киров босад, наадкхаснь суржана: — Бас кен, ю цемхэр?— Күн үг келжэхш.— Тиигхлэ, үүрмүд, Жалыковин сел-вг зөвтэ гиж санжана. Үкс гиж күцәнэд, эндрин бийднь таднд өгч үзнэвиди...

Кануков Хомутников хойриг дахулад, Хохал Жалыков Ижлин көвөнөр ирнэ. Тенгэ хойр кермэр нааран ирдг болвчи, керглж Иж-лиг һээхсн бээдл уга, юнгад гихлэ һолын өргинь, эн зах уга болдгинь, цаадк көвөн гиж келмэр һазр эс үзгддгэр күчр кевэр өврчэнэ.

— Хартн, хэлэһич,— гиж Хомутников һарарн өмнөн заана,— тенгсэс юуһарн тату, а?

— Һод тенгслэ негдхлэрн, иигэд делвөнэд бээхгов,— болж цаадкнь келжәнэ.

— Уга,— Жалыков үгднь орлцв,— тенгс күртл өрөл өдр керг-тэ, үүндтн...

— Мел Ижл гихэрий?— Кануков Хохал тал «голс» гинэд оркв.

Жалыков маасхлзад, зөвшэлсэр гекэд оркв: — Ижл мөрн һол!.. Ик бийэрн...

— Хартн Бадиевич,— гиж Жалыков энүг тер хамг тоолвраснь салһх саната,— келхитэ, яндһа-мацгахн яһжана?

— Ямаран яндһа-мацгахн?

— Полк болхугов,— Хомутников үр талан хэләнэд, өргэри заһһна.— Яһжаначи?

— Полк гем уга, көвүд бийснь — күн магтж ханшго. Коман-дир мана чаһ, чадмг, шамдһа... ширжцнүлэд бээнэ.

— Болжл ода,— гиж Хомутников хөрнө,— намаг келхнь дуту бээсмб?

— Би тиигтлән худл келжәни?— Кануков эклэд дуулна:

Хальмгин негдгч полкиг

Хомутников командир толһална, ээ...

Хомутников командир толһалвчи,

Хээкрэд орхд омгта, ээ...

— Ду һарһчкж кевтәмт?— гиж ода Жалыков өврнө.

— Дун цегн биш, дала,— Хомутников үр талан заана,— бий-

иннь, Харти Бадиевич политкомиссар Манжин Шуурһч хойрин ааль...

— Василий Алексеевич, илднь келхлэ, дууг көвүд бийснь һарһна, Шуурһч биди хойр ю-күүһинь ясад, газетд барһнавиди,— болж Кануков келнэ.

— Газетд гинтэ?— Жалыков ормаһад одна.— Газет бээни?

— Бээнэ,— гиж Кануков гекнэ,— «Улан хальмг» гинһэд, эврэ келэр һарһнавиди. Илгэж болжаңа...

— Мел урдаснь ханжанав,— Жалыков келсэн дахулад гекэд оркна,— шуд мини нернд, алдг угаһар илгэжэти, көвүдт, намаг нурһлж таньдгнь ил, менд келти, гер-малнь цагин дүңгэр торлцад бээнэ гити.

Эди Хальмг ЦИКүр хэрү ирнэ. Кергтэ хамган авад, үр Лени-пэ Дуудвриг күн болһнд күргж цээлһж өгх болж нег мөслсн хальмг большевикүд, тоолврнь батрсн, хэлэцнь хурцдсн, чидлинь немсн, Киров эдилэ халунар мөндлж, энкр партин даалһвриг эрк биш күцэхдэн итксн, йовн гижәнэ.

* * *

Орж аашх цаһачудас зулж һарсн йосна халх энгс боли онц эмти чиги эврэ нутган темцэд, хэрү ирж йовцхана. Теднэ заагт, көдглж одсн тергидэн, өмнк кевәри багтад суулдсн, дөрвн кевәри, Отельдан Амха хойр, Екатерина Романовна Ваня-Мацатаһан, Далвңгар орж аашна. Хаша-хаац хамхрхнь хамхрад, шатхнь шатад, гермүдин үүднь делгэтэ, терзнь онһалдад, дегд кецү бээдлтэ.

— Басл кедгәрнь кеж, кудж-кудж һарч,— гиж Амха шагшрна.— Хорти гиж, наадад келсн үг бишлм. Хорта төлөднь, хар мөртө, хар үүлтэ төлөднь тингж нерэдсн болхгов.

— Иим аврлт уга юмс эмтинь хээрлсн гинһэдий?— болж, Екатерина Романовна Амхан келсиг йовулж өгнэ.

— Бичэ кел,— гиж Амха энүлэ зөвшәрнэ,— нернь цаһан болхас биш, кергнь, төрнь хар...

Эднэ үгд орлцл уга тагчг жола бәрж йовсн Отельдан ардан эргэд одна.— Катенька, яахмб?— гинэ.— Эмгнэг орхмб, аль...

— Агаша бергнэг орхмн, эсклэ терти маниг күләнэ бээж, көшсн эс болвас...

— Баажа бас тенд бээх, а?— гиж Ваня-Маца эврәһән келэд, хөөт экүри хэләнэ. Тернь ю келхән, яахан олж ядад алмацад одна. Уга гихд — хату, бээнэ гихлэ, альд, ю кеж йовхнь — темдг уга.

Амха энүнд некд болс гиж, хоолан ясад келнэ:

— Би, хүвдән, баажачи уга болх гиж санжанав, юңгад гихлэ цөргэ күүнэ керг ода деерән, көвүн, дегд эрки болчкад, эвр чанһ, нәри... Йов, тиим юм ке гихлэ, уга гидг арһ уга. Эврән баажаһан меднэч, эрчмдэд, шатад бээдгинь...

Төргн һазань ирэд зогсм цацу, соңсн бийәри, эзн эмгн гүү-

Нэд нарч аашна: — Күрэд ирвш!.. Күрэд!.. — гиж йовна. — Хэлэн гиж, хойр нүдм онхадан күрсн...

Екатерина Романовна һэрэдж бун, эмгиг күзүдэд теврв: — Мендвт, Агаша бергн! Ямаран бээвтэ? Яһжавта?

— Намд юн болла, эмтнэ дүңгэр бээвүв. Тадн яһж йовж ирвтэ?

— Бас эмтнэ дүңгэр...

Цуһар герүр орна. Белн цэ бээснэс уулдад, невчк амрч авчкад, Амха Отельдан хойр хэрх боллдад, ирсн тергэрн һарад йовснь тер. Эдниг үдшэчкэд, Катя Ваня-Маца хойр орж ирв.

Эрк алхад орн, Катя келж йовна: — Маниг, Агаша бергн, күн хээсн угайн? Юңгад эс келнтэ?

— Зэңгинь соңсад бээхэс, үзсн угав. Генткн нег таш-ваш болад, таварлжасн цаһачуд тарвалдад зулад, негн чигн үлдл уга одв. Тегэд, эмтнэ келэр болхнь, Хохал тедниг тарасн, нам зэрмнь бийинь үзсэр келлдэд бээв. Селэн сулдсна хөөн нааран ирэд уга. Соңсгдхш. Эармлэ йовдв, Ээдрхнд йовдв, зуг эн алдар шидрдснь медгдхш...

Асхн болад, орндан орцхасн бээнэ. Удсн уга Ваня-Маца унтж одв, сүүкнэд, нөөртэн авлгдв. Катя чигн, Агаша бергн нег үлү, эс көндөх төр уга, келэдл бээхнь чилхш, мел ца-цааһасн нарч ирэд, улм күүрнь давад йовна.

— Нөр сергэд хуурв, нам хааран одснь медгдхш, — гиж Агаша бергн эвшэсн, хуухан маажна.

— Школ мана яһж? Одгдсн угайн?

— Хажуһарнь нег һарсн — хаша-хаацнь өмнк кевэрн, цань юн болсн-яһсннь орж хэлэсн угав. Хазгуд бээнэ гилэ, юуһинь тедн амрах билэ...

— Манһдур одж хэлэнэв, кемр хамхрха-эвдрхэ бээхлэ, шулун гидгэр ясулж, бичкдүдиг сурһх кергтэ. Болжана... — Генткн тоң-тоң гисн болад одв. Катя өсрж босн: — Агаша бергн, соңсвта? — гинэ. — Хохал!.. — Бийнь орна келд өлгөтэ бүшмүдэн шүүрч авад, өмсн йовж, үүднүр адһна.

— Сагл, кенинь сур, — гиж эмгн хөрнэ, бас ю-күн соңсгдхм болвза гисн, чикэн өгн йовна.

Катя үүднд күрн, гүүнэр саналдад, невчк төвкисн болчкад, арһул: — Кемб? — гинэ.

— Катенька, бив!..

— Хохал!.. Хохал минь!.. — гиж, кесг давтн бээж, чаңһ һохиг тээлэд, үүдиг делгэд оркна. Бийнь уралан үкс һэрэдэд, залуһан күзүдэд дүүжлгдсн, халхднь халхан шахад, заагарнь үмсэд чигн йовна. Тегэд, мел тер кевэрн эдн герүр орна.

— Нэ, болж, Катенька, — гиж, Хохал хөрн йовж, далынь, толһаһинь харһсарнь илж, бас чигн бийүрн шахна.

— Яһжапта? Шам юңгад эс шатанта? — болж эмгн цааһас дууһан өгч йовна.

— Ой, би байрлхларн, һам... — гинэд, Катя дунь эмэсн болад,

бешт күрэд, хустг олж авад шатаһад, стол деер бэесн шамд һал орулад оркв.

— Нэ, цуһарн чигн мендвт,— болж Хохал Агаша бергнд энүгән нерэджәхнй ил, уралан һарад, столд күрэд сууна. Удсн уга, эмгн далвлэж ирэд, тосад босж йовх Хохалыг мацнаһаснй үмсэд авб.

— Муурад, хатад харлад,— гиж Агаша бергн келжәнә,— яһвчи нигтлән, Хохал?

— Герл муухн болад тиигж медгджәнә,— Хохал эмгн тал хэләһэд инәмсглнә,— маңһдур, өдрәр хэләхлә, тегэд...

— Өдр, сө гисн йилһм бээни? Өңгчн муухн, өргчн шоваһад, шаначн хавчгдад... Өдрин герл чигн эн хамгичн ясшго...

— Өңг му гини?— болж Хохал шоглх саната босад, хэләһит гисәр өрчән заана, бүсән көндәһэд, зүүһәтә пистул, унжсн чашкан иләд авна.

— Эн тускдан, Хохал минь, өңгчн һолгдшго,— гиж эмгн бахтсар келнә.— Нә, эднән өлг, һар-нүүрән уһа... А чи, Катя, юуһинь зогсад бэәнәчи? Шулуһар цә тәв, һал орул...

— Ой, Ваня-Мацаг серүлнәв,— Катя ца хораһур орж йовна, — меджәхш...

— Катя, арһулджа, бичә серүл,— гиж Хохал келәд, шам авад, дахлцад орна. Тегэд, таварн сарсаһад унтад кевтсн көвүн деерән өкәһэд, мацнаднй урлан шаһад үмсэд авна.— Өсәд бээж... Зовасн угайи?

— Уга, бод-бод гиһад, бөдүн күн мет. Хойрулн әвр сән бээввиндн... Көгшәсиг даһад, өдр болһн заһс бәрдм...

— Үгин заагт, тедн яһв?

— Маниг авч ирчкәд, хәрж одцдав, гем уга.

Жалыков шаман гергндән бәрүлчкәд, бийнй бүс-мүсән тәәләд, зертә-зевтәһинй өлгж йовна. Тер хамгасн сулдсн, хойр һаран деләд, суняһад авна...

Агаша бергн цәэг болһад, арднй орж самрад, арһлад амтлад орксн, ааһсар кеж йовна.

Хохал хамрарн утар татж кииләд келнә: — Шуд хамр авад, агнь әвртә болдг өңгтә, зандрад...— Стол һатц эн сун бийәрн ааһта цәэг авад, халуһар сорад оркв.— Жомба!.. Йоста жомба!.. Иигәд нег уухм бәәжлм!..

Хойр талнй Катя Агаша бергн залрад орксн цуг оньган Хохалд өгсн, басл сә санж, сурсинй кевтнй күцәх седклтә, белн докъя күләлдсн бэәнә. Болв цаган эдн тагтан үрәжәхш, үзсн-сонссан келжл авчана. Заагарнй ю-күүһәр соньмсад, яах-кеехәр төр келдсн, тернй юмб, эннй юмб гилдәд, шошнадл бәәлднә. Хохал чиннәд, сурхлань хәрү өгәд, наад бийднй тагчг, цәәһән ууһад сууна. Үүнә чирәнй, нүднй әвртә серглн, мел инәг-инәг гиһад, герл һарсн болад: «иигж, көвүм хотта-хоолта, тавар, гергм өөрм, халун жомбам белн, әврән бийм санапр, седкл тарһн суух цаг ирхм бәәжлм!—

гнж толһаднь төөнрэд, дотрнь байр болж бульглад йовна.— Хортан йосар күцж дархла, холжулад көөһэд, хог таслхла, хамг эргид төвкнэд, сээхрэд, ясрад одхла,— жирһл гидг тер!— үүнэс чигн үлү болхугов».

Цээһэн ууһад, унтх боллджана. Агаша бергн нег девскр болсн юм һарһад, дер авад, ца хораһас һарч аашна, бээдлнь, онц ор ясхар йовна.

— Та яахар, Агаша бергн?— гиж Катя ормана.

— Яах билэ, оран үүнд тэвүлж авхар...

— Уга, уга, Агаша бергн,— Хохал босад одна,— нег сө яһад болвчн багтад унтхугов, маңһдур талдан гер сурнавидн, өгх...

— Би багтшго гиви?— Эмгн Хохал тал «голс» гин, мусхлзад авб.— Баһчудын өөр медэтэ күн... бийдм чигн эвгэ, таднд бас...

— Болвчн, Агаша бергн, би һанцар бээхд үг уга билэ, бидн ода һурви...

— Чи, күүкн, бичэ адһ, энчн,— гинэд эмгн Хохал тал өргөрн заана,— шаһна күн, цергэ, хааран болвчн, минь ода чигн йовж одх болжана. Тиигхлэ, та хойр — тенд, би — энд... тус-тустан зовад, нег-негэн угалыи гижәнэвидн. Мининһэр болхла, гер эс олдхм биш, невчк тотххм, төр төвкнэд, санамр цаг ирхлэ, медгдэд бээх...

— Чик келжәнэт, Агаша бергн,— гиж Хохал зөвшөржәнэ,— болв оран ормаснь бичэ көндөтн, би танас суржана.

— Уга, Хохал минь, соңс намаг,— болад эмгн, эврәһәсн хооран һаршгов гисэр одад, орна нег көлэс авад чирхәр седжәнэ. Хохал Катя хойр нег-негнүрн хэлән, дун угаһар нөкд болцхав. Тегэд, наадк хорад эмгнә ориг тэвэд, ясад орксн эмгн деернь сууһад авчкв.— Та хойрин толһад мел уга бәәсн, би болхла, үүгити урдаснь ухалад, шнидэд авчклав. Болжана һамд, медэтэ күүнд, тадна өөр хавчхлэжахар... Йовтн, нөөрм күрчәнэ, унтх кергтэ, сө чилж йовна.

Хохал Катя хойр, арһ уга, ца хораһур орцхав. Зөвәр тагчг зогсжаһад, Катя арһул Хохал тал өөрдж ирэд, үг-мүг угаһар өрчднь чирәһән шаһад оркв. Цаадкнь хойр һарарн теврэд, хамран Катян толһад шаһад үирчлэд, таалад бәәнэ.

Өрүнднь Катя серн, нүдән секхлэ, өөрнө Хохалнь кевтнэ. Арһул өндөһэд, чирәһинь ажглна: «Агаша бергнә келдг үни: эвр муурч, шанань хавчгдад бәәж,— гиж сана зовна.— Юундан эн ясрх бәәсн? (Кедү нөр-хол уга, эәх-сүрдх хамгла чирәцж зөрлцэд, муу-лян эдлж йовсн?)» Катя өкөһэд, урлан эрә күргэд, хойр нүдинь селгәдәр үмсэд оркна. Хохал серэд, байрлж, би талаи өкәсн гергән татж авад, урларн урлынь олад, чаһ гидгәр үмснэ. Катянь улм шухнһэд, улм чаһар шахлдж, «бас-бас» гисәр, байрнь цальгн алдсар бәәнэ.

Көвүнь көндрэд, гинисн болад одв. Катя Хохал хойр хулха кехәр йовад бәргдсн мет шурс гилдэд, орм-ормдан наалдсн, кии-

Һән нам авснь медгдхш. Ваня-Маца нөөрмлснь лавта, юнгад гих-
лэ эн дэжж гин гисн уга, саак кевэрн сүүкнэд унтад кевтнэ.

— Серүлнэв, а?— гиж Хохал гергнэсн сурна.

— Унттха болхн...

— Намд босх кертэ, йовх...

— Харһл уга йовж одхлачн, һундх,— гинһэд Катя бийнь кө-
вүг серүлхэр седжэнэ: хамриннь үзүрэс арһул татад, хойр хал-
харнь ташсн болна: зуг цаадкнь нүүхлчкэд, нүдэн секж өгхш.
Тиигхлэнь, сүүднь һаран орулад һожһиулжана.— Бос, бос, Ваня-
Маца, баажачн ирсн, йовхар бээнэ.

— Кезэ? Альдаран?— болад, көвүн өсрэд босад ирнэ. Өөрэн
кевтх эцкэн үзн, шуд деернь сарвлзад киисэд унн, шахлдад, де-
гд байрлхларн, нам нүдэн аньчксн, шухиһэд бээнэ:— Иим удан
альд, яһад йовлта? Бидн күлэн гиж, күлэн гиж...

— Нэ, та хойр иигэд көлвржэтн, би боснав,— гинһэд, Катя
орн деерэс шувтрад бууһад, һарч одв. Удсн уга, беш тал харжн-
нсн болад одв — соңсгджана: — Оо, мана Агаша бергн цээг ча-
над, зандрулчкж. Эцк көвүн хойр соңсжанта? Бостн!..

Мел дарунь гилтэ һош-һош инэсн Ваня-Маца эцкиннь күзүн
деер мордсн һарад ирв:— Үзжэнтэ, намаг, темэ унсн йовхиг?—
гиж эи хэекрж йовна. Хохал чигн көвүһэн дахад дөгсн, темэн
болад, нааран-цааран сайглад тоглад, һэрэдэд чигн авна. Тиигх
дутман Ваня-Мацан дунь деер һарад, гер дүүргнэ.

Һазаһас Агаша бергн орад ирв:— Ой, эн темэтэ күн альдас
ирж йовна?— гиж өврсн болна, Ваня-Маца улм һочкнад, күчр
кевэр таасжахнь ил.

— Нэ, иигэд эндртэн болжана,— гинһэд Хохал көвүһэн күзүн
деерэсн буулһв.— Хотан ууж авхм, би йовнав, намаг эмтн күлө-
жэдг болх.

Дөрвүлн сууһад, цээһэн уужана. Көвүнэ нүднь гилвкэд, одак
һаадн-шогин һал дотрнь унтрад уга, хэрнь, улм күч авсар бээнэ.

Хохал Агаша бергн тал өкөһэд келнэ:— Танас сурхм, Ваня-
Мацад орс кел дасхит гихэр.

— Экнь бээнм, Катя...

— Катятн бас, өрүн һархла, асхн күртл уга гинит, танас бат-
тань уга.

— Тиигхлэ, бидн хоорндан бас орсанар күүндхмн,— гиж Ага-
ша бергн келжэнэ.— Катя бидн хойр бас... хальмгар күүрлж авад
һарнавидн.

Хохал хотан ууһад, зер-зевэн зүүж авад йовх болжана. Катя
ца хораһас һарад ирв.

— Хамдан йовий,— гинэ.— Школан хэләһэд ирнэв.

— Би бас йовнав,— болж Ваня-Маца му бээдл һарад, һурни-
һэд одв.

— Уга, чамд болшго,— гиж Катя эвлэд, толһаһинь илнэ.—
Агаша бергн һанцардх...

— Наар, хойрулн үлдэд, үдин хот кехмн, эдниг ирхинь күлэхмн, а?— Көвүн эмгнэ үгд орад, үлдх болна. Хохал Катя хойр йовлдад одна.

* * *

Нутга дээнэ комиссариат дуудснд арвн залу ирсн бээнэ. Эдн Яндһа-Мацгтан зөвэр тоомсртад йовх, бийдэн зөв сурһульта, земгэ орс келтэ, тоолвр, ухань гихлэ, толһа дүүрн, арһта гисн улс. Комиссар Жалыков күн болһнла һар авад мендлэд, гертксинь, хотн-хошан бээдл сурад, күүриг эклхэр бээнэ. Зуг кен гиж эдниг нерэдхэн олж ядад, «үүрмүд» гихлэ, дегд хург татврта болн гинэд, тулжаһад:— Нэ, манахс, күүндх төр негн болчкад, беркл эрки,— болад, эклэд бээв.— Владимир Ильич Ленин бийнь хальмг улсур Дуудвр кеж «хальмг ахир-дүүнр» гисн, жирһл-бээдлэн цааранднь ясрулхин кергт яахинь-кеехинь тодрха кевэр заасиг бидн, большевикүд, хальмг болһнд күргж, цээлһж, медүлх зөвтөлдн. Ээдрхнэ дээнэ-революционн комитетин ахлач үр Киров маниг цуглулад, эн төриг эрк биш дарунь күцэтн гиж, кергтэ хамгар теткэд, һазр-һазрармдн йовулснь эн. Дуудвр тодрха, күчр нигт, йир гүн утхта. Юн дала юм келхв, ил юмиг...— Жалыков өмнөн суусн арвиг бүртксэр хэлэн, һартк цаасан өгч йовна:— Мэ. Налж, умшлч соңсхад...

Налж, нэрхн хар залу, наадксасн зөвэр дү, өсрж босад, өөрдэд, цаасиг авад оркв. Зервк хэлэн, хоолан ясчкад эклэд: «РСФСР-н олн-эмтнэ комиссармудын Советин ахлач В. И. Ленин күч-көлсч хальмг улсур кесн Дуудвр» — гинэд, эн умшад оркв. — Хальмг ахир-дүүнр!..— Хм... Зогсжаһит, манахс, энтн ахирм-дүүнрм гиж, маниг эс келжэни, а?

— Талдан хальмгуд угалм,— болж Жалыков зөвшөржэнэ,— чамаг, намаг, хар толһата хальмг болһиг үр Ленин ахан, дүүһэн гижэнэ. Хан тиигх бээсний?

— Хан хальмгин хавтхинь гөвхэс биш, хальмгар ах-дүүһэн кех яһла?— гиж Элдэшк эврәһән келв.

— Тер йилһвр, манахс, теңгр һазр хойрла эдл метинь илдкж, хальмг болһнд медүлсн эндр күчр эрк,— болж Жалыков заав.— Умш, цааранднь, Налж!..

Налж гүүлгэд умшад бээв, дэкж нам тулж зогссн чигн уга, шуд нег кийһәр гишн төгскэд, Дуудвриг Жалыковд хәрү өгв. Тернь авад, өмнөн оркчкад, бас нег бүртксэр хэләһэд оркв:—

— Нэ, сурврмүд бээни? Эс медгдсн болвза?— гинэ.

— Экнәсн сүл күртлән эс медгдх юмн йир уга,— гиж Элдэшк хәрү өгв.— Чимнь чилгр өдрә парнас чигн даву...

— Тиим болхла, сән,— Жалыков столан секэд, татдгаснь бичкн багла һарһад, кесг Дуудвр авад, күн болһнд нежәдәр өгчәнэ.— Элдэшк, Налж, Минчә һурвнас наадкстн, эәмг-эәмгәри йовтн, әмтнд күргэд, цээлһж өгтн. Цагиг эврән меджәнәт, адһтн гихәс

талдан үг намд уга. Менд йовтн, байрта, бахта прти,— Жалынов босад, күй болһнд харан өгнэ. Залус мендэн келэд, йовад одв.— Чи, Элдэшк, сотһндан эврэн умшж өг, Минчөһичи чамас авчанав. Дав зуур һанцардх болад бээвч.

Элдэшкиг һарсн ард Жалыков үлдсн хойриг өөрдэд суутн гинэ:— Та хойрт даалһгдх керг нэрн болчкад, жанһрта. Цаһачудын һарт бээх һазрар йовж, Ленинэ Дуудвриг эмтнд күргж, цээлһх болад бээвт. Та хойрули Лагана эргниг тави хурһнаси давуһар меддгти ил. Хойрагити чиги эмти меддгнь бас ил. Таднд дуртань бээх, дургонь бас хара биш, келхд, Денэнэ Бавгш, Бүүвэн Туһльч эди гийэ. Яһсндан та хойрт дурта болхмб? Тнигхлэ, йирсагар, цань угаһар болһах кергтэ. Нег му мөр, нег му терг өгнөвидн. Яһвчи, йовһнд орхнь деер...

— Терги, мининэр болхла, үлү,— гиж Минчө келв,— хард-таш гинэд...

— Терчи чиги зөв,— болж Жалыков гекв.— Болв мөри үлүдшго. Саннаднь эсклэ делднь Дуудвриг гүрчкхлэ, кен орлн олдмб?

— Селгэдэр көлөн чиги амраж болжана,— гиж Налж таасв.—

Зуг дэңгл болх дутман сэн...

Жалыков нимги торһи деер барлсн Дуудвр һарһад, нежэдэр өгчөнэ:— Цааснас бат, норвчи илжршго, далдлхд эвтэ. Тегэд, кен болж хойрули йовхар?

— Кен гисн?— Налж ормаһад одв.— Таньдг, меддг улст талын күн болж одсн дегд сонжта. Батлхнь: альдас, яһж йовхан...

— Салгд заргдж, заргдж, сарсалдад, хоосн дөз, кишгән барад, мишгән үүрэд ирвидн гихлэ, кен эс иткхмб?— бояж Минчө келжөнэ.— Зууран эн нег дэңгл олж авси, көтлврт эрэ йовна, олэмди эн гихүгов.

— Кемер харһхла, бэргдхлэ,— гиж Жалыков батлжана.— Арһта болж, кенднь чиги үзгдэд керг уга: цаһачудтнь чиги, баячудтнь бас. Сөөһөр ирэд, батта улсар дамжулад, эмтилә харһхла, төр күцэдл бээхгов. Цаһачудын һарт хальш-тулш болад бээси уле сулдан бээхин төлө юунас чиги билэ гишго. Тнимнь партъяж ават, тагчгар, эс медгчэр нааран ирцхэг, Улан Цергин зерглэнд орцхаг. Бу, зер-зев белн, өшөһөн хортнас авг, эврэ һазран терүнэс сулдхг...

Баһуда өми зах күртл күргүләд, асхлад Ик Малэнар орж ирнэ. Амха Отельдан хойрла эди харһад, ямр зэңг-зэр тер хажуһар бээхинь сурна. Хойр өвгнэ дөңгөр нег му дэңгл олж авна, шуурха-буурха хувц өмсэд, йовхар бээлднэ.

— Шохин Омрун үүнэс тавхи дууна,— гиж Амха келжөнэ.— Цаһачуд уга, цаһас ирэд, һарад бээхэс биш, бээрлхш. Болв саг йовтн, көвүд...

— Дөһлигин һазрт көлөн өрг гидгиг, көвүд, бичэ мартти, сапж йовтн,— болж Отельдан заана.

— Учр уга, эмтнэ дүнгэр бод гинэд йовхла, эв-эвтэн эс тус-хий?— Минчэ инэмсгэв.

— Урдаснь юуһинь таахв? Күрхлэ, медгдэд бээх, яах-кеехинь. — Налж хойр өвгнэ харинь селгэдэр атхад, сегсрэд оркв.— Сэн бээтл, көгшэс, байрта харһий!..

— Тадн сэн йовит, энд, гертэн бээх манд юмб?— болж Амха хэрү өгчөнэ.— Нэ, байрта!..

Му дэңглэн көтлэд, хаалһин хажуһар, зөвэр уухһар Налж Минчэ хойр йовна. Бас чигн ормалдад, чикэн өгэд саглад, эрэ гүнгр-гүнгр гиж күүндхэс биш, чаңһ-үг йир уга. Таньдг һазр, бички өөдм, хавтхр, эсгхлэ һол харһна. Хулсн-зегснь харлад, шуугад зогсад, эс оньглхла, эс ажглхла, кен меднэ, кен һарч ирхинь — иньг гихв, аль хортн?

Тииглдэ йовж, Шохин Омрунд күрч ирнэ. Мөрән тушчкад, захин гер тал ирэд, терзэрънь шаһана. Шил уга шамин голц-голиц гисн герлд залу гергн хойр сууна, хөв тускан келсн бээнэ.

— Минн зееһр,— гиж Минчэ шимлднэ.— Түрд гижэ, хэлэжэ, би орсв. Цань медгдэ бээх...

Минчэ сул үүдинь түлкэд орж ирн, мендлэд, үүдн хоорнд зогс-на, хоолан ясад оркна.

— Кемб?— гиж гергнь сурад, шаман өргнэ.— Юу, маһа наһцх кевтэм, уралан һартн, суутн...

Залунь босад, өөрдж ирэд, Минчэд һаран өгн, стол тал заана, тингэн суутн гижэхнь лавта: — Цаг биш цагла эс ирдг күн генткн ирхлэ...

— Хаалһин эвэр орад күрч ирүв,— болж, Минчэ хэрү өгн йовж, өөдөн һарад суув.— Ямаран бээнтэ, Басн?

— Ямаран гихв ода?— Залу ээмән холькад мусхлэһа.— Хумсан зуусн мис кевтэ кинһэн дотран авад бээнэвиди. Өлвкдэд, өлвкдэд ирэд, өңгтэ хамг харһж гилэ — авад, өгхшнв гихлэ, цокад уһачкад, довтлад йовж одна.

— Залу улстн цуһар гертэний?

— Цуһар гихэс, хөрнэс даву уга, нурһлж шүүгүлихи, салгахн...

— Цаһачуд талид күргн болжахший? Хазг кенэвиди гихший?

— Уга,— гиж Басн зөвэр чочсар сурна:— Яһна, тинм зэңг бээһн?

— Хоосн зэңг болхла, юн үг!

— Тегэд, наһцх, яахм гихэр?

— Һаза нөкдм бээнэ,— гиж Минчэ келнэ,— түрүлэд терүг нааран дууд. Эврэн цааран йовад, дораһар зуг залуст кел, үкэ гилдэд нааран ирг, күүндх күчр эркн үг бээнэ. Танахсас талын улс медэд оркдм болһа, сагл...

Һазаһас Налж орж ирв. Эһн бер хойрадинь цэ кев, сууһад уутн гижәнэ. Тинчир нежэд сенс уучкад, болх гилдв.

— Юу ээжәнэв, мууха түргн юмб?— болж Ноһала өврэд, бас нежэд кеһэд оркна.— Залус иртл, кедү цаг, бичэ адһти, уутн...

— Ямр бээнтэ, Ноһала, келн бэ,— гиж Минчэ келв.

— Ай, бээнэ гих нерн, чанх цэ уга, шарх һуйр уга...

— Бидн, тегэд, ю ууһад бээнэвидн?— Налж өмнн ааһ талац заана.— Амтнь гем уга, хар гихэс биш.

— Хар болдгнь, ах, цээһин үс өгчэсн үкримдн, сүврха билэ, зөвөр чинэтэ, цаһачуд, хажж үкмрмүд, алад идчкв. Амтта болдгнь арһ-эвэр... Кеер нег өвсн урһна, нам неринь медхшив. Экнь сөг мет. Түүж авад, теермдэд, хуурад оркхла, цэ болдгнь тер.

— Һанцхн тана үкр авб, аль?

— Һанцхн мана болх яһла? Малынь, арһта гисинь, эс авсн гер уга. Кеерэс көөһэд авчкна. Хоолднь тееглмрт, хот яһж болдгнь медгдхш. Хотас урд ээлдэ-чичрлдэ бээж, харар зовад үкжэ-нэвднла. Шидр Манж өвгиг хаһад алчквш.

— Юңгад?

— Үкрнь үкэд, туһл үлдсн, терүгән көтлэд хэләһә-хара йовтл, һөөһә гидг һунжн болла. Түүгинь авхар седхлэ, өвгн өгхәр седж уга, нам зөрэд ноолдхар бүсдк утхан һарһхлаһь, цаадкнь хаһад уһһачкж...

Залус эклэд ирэд бээв. Удсн уга Баснга гер дүүрч одв. Тегэд, Налж келжәнә:— Тадна бээдл ямаран дүңгә күчринь эврән мед-нэвидн. Сән юмн уга. Му дала. Цаарлх дутман цаһачуд бээж тилэ; улм дордхнь ил. Хальмгудыг хамад авад, хазг кеж, харчуд-лаһан ноолдтха гиж, улачудын, мана өмнәс тәвхәр бээдгчн.

— Бээдгчн гисн юмб?— болж Минчә орлцв.— Талдан нутгудар, келхд, Ик Цоохр, Зүн-һар тал авчкжлм!

— Ээ, авх биш, нам...— гиһэд, Налж тулсн болад одв.— Иим күчр юмн болж цаатн. Зүн-һара залусиг хазгт авч. Хөд кевтә тедниг күчәр тууһад, көөһэд, Элст тал авч ирж. Офицермүднь хазгуд чигн, сурһуль-эрдм тату, аэд-эркнч хамг, алх-булхас, тонх-кудхас талдан юм меддг угачн. Тиим анддуд кениг эрвлхмб? Цо-кад, гүвдэд, эс болхла, шааһад, хаһад, ю чигн келгхнь ил. Тегэд, тесж эс чадхларн, дегд күчр болад бээхлэ, залус хоорндан үгцэл зулна. Тедниг хәрү авч ирх болад, офицер Бедрик, сарпулин бай-на көвүн, отрядан дахулад довтлад һарч. Көөлдэд, хәрү тууһад Элстүр авч ирнә. Тер эргнә хальмг хазгудын одмн Балэна һәрс амрад одж: «Полковник Тундутов, ик бийәрн ирсн, яһж үүнд бий-ән үзүлдм гижәсн, һөөһә юмн намд болвш,— гиж эн байрлна,— нусинь, кишвасин, нудрмдан ораж болжана?»

Залус зерглэд орксн, одмн өмннь бүрүһин шүдн маляһан чич-рүлсн, нааран-цааран хойр йовдннад бээдгчн. Тедүкнд Тундутов Бедрик болн нань чигн офицермүд юн болхинь, яахинь күлэлд-жәдгчн.

Одмн, хамгин түрүнд бээсн баахн залу тал өөрдж зогсн, нү-дәрн бәрж идн гиж шилвкәд сурна:— Чи, анди, эдниг дахүлж-гүүвчи?— Тернь хәрү өгчәдг угачн. Дарунь бээх залуһур хэләһэд түрүнк тал маляһарн заана.— Эн тадниг йовйа гиви?— Эннь бас

тигчг болна. Тиигхлэ, одмн, улм ууртан бүтж чавкадад: — Кен тадниг хутхла?.. Кен дахулла?— гиж күн болһнас сурдгчн, зуг хэрү угачн.

Оли дундас одмна нүдн нег залу йилһнэ: цогцнь бичкн, бийнь латмл, уйн болдг өнгтэ чигн. Түүнүр гүүж одад:— Келлч, кен чамаг йовхм гилэ?— болна.

— Цуһар үгдэн багтад йовх боллавидн, эврсэн күн болһн онцдан шиидлэ,— гиж тернь хэрү өгнэ.

Балзна Һэрэг шуд бахлурдсн мет хорнь буслад, хоолнь тееглгдсн болад одна. Нам дегд уурлхлари, яһжахан чигн меджэх бээдл уга, санамр зогсжах залуг малядад авна:— Эвэр эс болхлати, эс келлэ гивээт, эвдрэд меднэв!— гиж сүүднь утх шаасн һахаһас дорар чишкнэ.— Күн болһниг келтлнь, кен хутхсинь зааж эс өгтл, цокулнав. Мини маляд теснэ гидг,— маляһан өргэд, чичрүлжэнэ,— берк!..

Болв залус тагчг зогсад бээдгчн, ээж-сурджэх бээдл угачн. Одмн полковник тал «яхави?» гисэр хэлэнэ. Тернь гекэд оркна: «эврэн мед» гижэхнь ил, йовж одна.

Залусиг нежэдэр көтлэд һарһад, киилгинь тээлүлэд, шалвринь шувтлулад, элк түргүлэд кевтүлдгчн. Күзүн деернь нег хазг, көл деернь талдан хазг мордсн, хурвдгчнь маляддгчн. Цокх болһнд цусн өсрэд, нурһнь улан-явр болад илжрэд ирдгчн. Тиигх дутмнь одмн улм адрад:— Кен?! Кел кенинь!..— гиж оркрдгчн. Зуг олнас негнь харһцад, ухань орж-һархлари, тесж ядад, толһачан заана.— Тер бишв!— Одмн байрлад, хойр альхан ниткрсн бээдгчн.— Иигэд келэд оркл уга эврэн зовад, наадксан зоваһад...

Толһачиг чичэд, түлкэд, уралан һарһна. Дорнь зарһинь кенэ, хах болна. Толһач эврәксдэн келнэ:— Хөөннь, манахс, бичэ үүрмүдэн бэрүлж өгтн,— би ода хөвөн эдлх болад бээвүв. Герткстм мснд келтн.— Эн өөдөн хэлэнэ, өмнән, холдан харвна, теегләнән, тенгрләнән мендлж салжахнь ил. Тегэд, гүүнөр татад саналдчкад, шудрман деерән өргэд чичрүлн,— цаг, залус, негн биш, цаһачуд һээд одхнь алдг уга!— гинэ. Одмн «ду таср!» гиж орклад, пистулан татж авн, хаһад унһаж.

— Дәрк, дәрк, мууха үүср уга юмн бээсмб?— болж залусин негнь шуукрв.

— Үүср уга гисн үг бээдви?— гиж Басн келжәнэ.— Манж өвгнүг яһва? Тер кенд, ю кесн?

— Хәрнй, тегэд, мана йовсн керг, залус, ним күчр юмн дәкж бичэ үзгдтхэ гиж, тер тоотыг унгарнь уга яһж кех төр ахлулж, нуувчар ирсмдн эн,— болж Налж келжәнэ.— Владимир Ильич Ленин гиһад, мана алдр көтлврч, Советин йосиг һарһсн, көдлмшч харчудын төлө, теднэ бээдл-жирһл ясрулхин төлө медрлән, цагап, нам эмән чигн эс эрвлдг күн яахинь, ю кехинь заажах учрар терүнләнй тадниг таньлдлулар, таднд цээлһж медүлхәр ирвидн.

Маниг нутга дээнэ комиссар йовуль, күн болһнд күргж медүлти гив.

— Хохал болхугов тернь?— болж негнь таав.

— Ээ, үр Жалыков, бийнь,— гиж Минчэ гекв.

Налж өрчдк хавтхасн эвкэтэ кенчр һарһад, өвдг деерән делгэд, илэд оркв.— Онъглад соңсти, эс медгдсэн сурхасн бичэ эмәтн.— «Хальмг ахнр-дүүнр!» гинэд, эн эклэд умшсн кевәрн, чили чилтлнь нам тулсн уга. Тернь учрта, юңгад гихлэ чеежәр дасад авчкснь ил.

— Ленинтн мууха сән хальмг келтэ күмб?— болж медэтәвр залу һәрә таасжана.— Шуд яс-үсәр орулад, тооран бийнь тодлм кевәр келж.

Налж инәмсглад, һәрә тал хэлән бээж,— энүгити, һәрә, орс келнәс хальмгт орчулсн юмн,— гинә,— тадниг сәәнәр медж автха гинэд.— Сурвр бәәш?

— Ямаран сурвр бәәдмб?— һәрә алң болсар Налж тал хэләнә.— Нүдиг бүлтәмәр, чикиг сертәмәр келчксн, эс медгдх юмн гиж, йир уга. Мел үнн. Хамгиг ясрулхин кергт хог тасрсн хортыг дарх — негн.— һәрә хурһан дарад оркна.— Хойрдхла, хортнд нөкд болшго, хазгин зергләнд оршго күн зулх, бултх зөвтә.— Бас нег хурһан дарна.— һурвдхла, Советин йосан харсх, эврә жирһлин төлә поолдх саната күн Улан Цергин зергләнд орх зөвтә. Минь ним һурвн төр эндр деерән эркн гиж, Ленин заажана.

— Зааврнь чик, зуг теднинь яһж күцәхнь медгджәхш.— гиж Басц Налж Минчә хойр тал селгәдәр хэләнә,— цаһачуд бәрхлә...

— Цаһачудт бәргдл уга йовх,— болж Минчә келнә,— бидн хойр бәргдх биш, нам кенд чигн үзгдсн угавидн. Бас "гн өмәл-лэд, бас кәдлмш кенәвидн, болв бәргдх санан угавидн. Тадн чигн тер мет үгән нег кеһэд, хурж авад, маңһдурин бийднь, сө дүлэд йовад одтн. Тави дууна бәэх Ик Малзид күрхлә, цааранднь Далвн күртл өдрәр чигн йовж болжана, ээх юмн уга. Тенд Хохал Манжиевич тадниг орм-ормартн тәвх.

— Зөв үг,— гиж, һәрә, медэтә нааһарн, таасж, олна нерн деерәс ашлар кев.— Миниһәр болхла, көвүд, эн хойрт ханх кергтә, нигәд, эәмшгәр эәмшг кел уга мана төлә шунж йовхднь. Бидн гихлә, мел маңһдурин бийднь, харһурм цацу, эрлхмн...

Налж Минчә хойр цаарлх дутман улм тахшад, дамшлтнь исмәд, долан хонг дотр цуг селәдиг эргәд, хортнд үзгдл уга кергән күцәһэд, сүл хойр хотна залусиг дахулад, хәрү ирснь тер!

* * *

«Цугәрәсән ахлач Калинин аашдгчи!»— гинэд, зәнг хүрүлөд, хаврин серглң салькн мет эскадронас эскадронур нисәд, хойр хальмг харһвас хүүв келдәд бәәв.

Пулеметн командын толһач Ангулян Арлтан гинэд, тенгс көвән заһсчин үрн, хатмл хар көвүн, зөвәр шулун-шудрмг болдг

күн, эврэхсэн дахулад, пулеметмудан цуцлад, тослад, ю-күүһинь диглэд, бел кехми гисн, күн болһи эврәһән кесн бәәнә.

— Хәлә, командирмүд аашна,— болж, Лиж хоолдан шахж шимлдв.

Өөрдәд күрч ирсн Кануков Хомутников хойриг үзн, Арлтан илһж босад, бийән яси, командлжана:— Бостн, смирна!— гин, эн һаран толһа талан өргәд, зогсад оркв.— Үр комполка, пулеметн команд диг-дарана кәдлмш күцәжәнә.

Хомутников һаран бас өргәд мендлн, энд-тендән хәләһәд, шинжлж йовна, тегәд, таассар:— Кетн, кетн кергән, сән,— гинә,— чик, пулеметмүд кезәчн белн бәэх зөвтә. Гертәсн зәңг авч бәәнтә, үүрмүд?

— Бәәнә, үр командир, зуг зәрм һазр хортна һарт болад...

— Удхн уга сүлдх, санаһан бичә зовти,— гиж Кануков күүрт орлцв. «Ямаран әвртә цөргчнр болж!— гиж дотран байрлна.— Нурвхн сар дотр ингж ондарна гидг!.. Һазәһин өңгнә ярснә ил, болв бийснә ингж төлжәд, ухан-серлнә талдан болж, политическ хәләцнә ондарж өөдлнә гидг!..»

Түрүн ирлһән эн тодлна. Полкиг хәләхлә, дегд зута: хувц-хунрнә му, шуурха-буурха, киртә-хурта, өлн, геснә өлсәд, гернә холлад, хәрхәс талдан тоолвр толһаднә уга. Бас невчк удадсн болну, әмтнә зулад, полк тарад хуурх бәәснә маһд уга, юңгад гихлә урдк толһачнр болсн хамгнә, комиссар Манжин Шуурһчәс наадкснә, хаана цага офицермүд, Советин йоснд түшсн болсн, бийснә даалһсн кергәр төр келдж, седклән өгл уга, өдр деер идсн, уусарн олз келдәд, әрк-махна ард бәәснә үүл. Шуурһч, хәрнә, шууга татад, йоснд күргсәр, тегәд, хальмг улст хальмг командирмүд өгхмн, нег-негнәнә келсиг ядхдан медх гиж, дәәнд йовсн Кануков Хомутников хойриг илгәснә эн гих кергтә.

Полк белн болад, зогсад оркв. Комиссар Манжин Шуурһч, өөрән хойр зүсвр хальмг дахулсн, теднә цөргә улс, һарад ирв: хойр халх нег-негән шинжлжәхнә алдг уга.

— Үүрмүд!— гиһәд, комиссар хәәкрәд оркв.— Эн, мини өөр бәәсн хойр үр, эндрәс авн мана командирмүд. Зүн бийдм зогсжәхнә, Василий Алексеевич Хомутников гиһәд, хазг, большевистск партин член, революц болхл Петроградт йовсн, терүнд әвртә шүимһа кевәр орлцсн, хаана Үвлә бәәшн тал дәврлдсн, түрүн өдрәснә авн Улан Цөргт йовх, ода Аһш алднас, дәәнә һалвас һарч ирсн күн.

Эннә, үүрмүд, Хартн Бадиевич Кануков, бас большевик, хаана цагт нүүвчин кәдлмш кеһәд, зөвәр шахгдж йовсн революционер. Эн дәәнд, Буденный, Городовиков эдн түрүн мөрн цөргә отрядмүд бүрдәх саамд, Кануков үүрмүдтәһән орад, зөрмг кевәр хортнла ноолдж йовла. Ода нааран Аһш талас, Арвдгч Әәрмин политотделәс ирв. Тенд эн цөргч хальмгуд дунд кәдлмш кех политотдел ахлжасн, дәмшлтиң чигн, медрлнә чигн күцд.

Түүнэ хөөн күчр шунлтта һурвн сар давб. Иир юн төр болвчн басл кавжрта, күнд болдмн. Олн улсиг цадхи гихлэ, хот-хол хатяр, хувц-хунринь ясн гихлэ, дуту-дунд дала, зер-зевинь күцц өгн гихлэ, бас болж өглго, зөвэр түрлдэд бээсн бийнь, бийслэнь кех көдлмшэн, дээнэ-политическ халхар эдниг шамдж сурһад, ухан-серлинь өөдлүлж, йоста улан цергч кех төриг нег чигн агчмд хсо-ран сал уга арднь орад, унтл-кевтл уга бээснэ сэн аш. Цергчирэн умшдг, бичдг дасххин төлэ юн эв эс олзлгдв? Шишлң «Улан хальмг» газет һарсн, цергчир үүгэн дурлж умшдм. Тегэд, олн дунд билгтэнь бас йовснь ил, ду һарһад, үгиннь, айсиннь эвинь басл чигн олдм. Терүгинь полк цугтан меддг, дасдг болдгар Кануков ю-күү-нинь ясад, газетд барлад оркхла, уддм биш, цуһарн келэд, дуулад бээдмн.

Талдан халхарнь, Хомутников чигн күчр арднь ордмн. Эс гнж мел одахн күртл салгар тачк түлкж, теңгсэр шүүгүл чирж, санамр йовсн, һартан нам бу бэрэд уга улс кезэ цергэ диг-дара медж, хадг, чавчдг болж, тов, пулемет ээлдг дасх бээсмб?

Түрүн бэрлдэнэсн авн Негдгч Хальмг полк революционн гих өөдөн нерэн диилврэрн батлж, дөрвн бэрлдэнд дөрвлэднь хортыг хомни цокад, тараһад көөсн, омгнь өсж, бийснь мергшсн, дамшлтан улм холвна. Хопер алднд, Шарашкин күүтрин өөр болсн бэрлдэнд, Хальмг полк хортнас зурһан тов, һучн пулемет булаж авад, бийсинь чилэхдэн күрлэ. Түрүн дөрвн бэрлдэнд командир Хомутников, зөрмг пулеметчик Ангулян Арлтан, комэск Шапшук, цергчир Нэрэн Лиж-Увш, Санжин Дорж эдн ончрв.

Ода революционн Хальмг полк, командир Хомутников өмннь, мацнадан төөлтэ, дөрвн шиирнь цаһан, хурдн күлг деерэн залрсн, Цугэрэсэн ахлач Калининиг авч аашх көлгн үзгдхиг күлэсн бээнэ. Күн болһн, цергч, командир, комиссар уга цуһар, берк гидгэр седклэр зовсн, басл таасгдхар, сээнд үзгдхэр чирмэлднэ. Тиним ик тоомсрта, нер һарсн, цуг Эрэсэг медж залжах, үр Ленинэ эркн нөкднь болжах күн ирнэ гидг хальмгудт урднь үзгдэд уга юмн.

Тииглдэ бээхнь, бичкн толһа деегэр тачанк һарад ирв. Арднь кесг шуд мөртэ улс дахлдж. Хомутников мөрн деерэн мегдэсн болад одв.

— По-о-olk, смирна!— гисн, эргнд дүүрэн болж жицнэд, аһарар нисэд, ца-цааһан давтгдад одв.— Чаш-кса-аһ!..— Хомутников бийнь дор ормасн довтлад, гиичиг тосж йовна. Өөрдж ирн, шуд өмннь гишн эн хурдн күлгэн татад зогсан гихлэ, тернь өмн көлмүдэн өөдөн кеж цеглэд, ар хойр көлэрн биилсн болад одв. Командир дөрэ ишклж өндөһэд, чашкан шүрүһэр татж авад гилвкүлн, невчк буулһад, өмнөн бэрэд, күндлн мендлсэр бээнэ.

Тачанк доран зогсв. Калинин хойр көлөн буулһж, тачанкин дөрэ деер зогсн, барун һаран картуздан күргэд мендлжэнэ. Тер агчмла революционн Хальмг полк Цугэрэсэн ахлачин өмнөһэр

Нурвадар зерглэд орксн, чашксн деер өргж гилвкүлсн, кедү дүц-гэ өмнөн ширтж, холдан харвсн болсн бийнь дораһар, нүднэ булцгар хээртэ гийч тал «голс» гилдэд, давад һарад бээнэ. Михаил Иванович зүн һартан нег бичкн модта, терүгэн түшсн, зөвөр шурдад бээсн пальтоннь товчиг сул тэвсн, бор көрсн картузта, бүтү нахта киилг деегэр нэрхн, цацгта бүс бүслсн, земгэ кевэр соньмөж хэлэжэнэ.

Нарн өөдлэд һарчксн, түүнэ герл дулан хойрт байсж, эргн кевэри дүрклж, Хальмг полкин өргмжинь немнэ. Хэлэвр төгсэд, полк ямаран бээхэн гийчд үзүлснэ хөөн Цугэрэсэн ахлач үг келв: — Үүрмүд! Би, Советин йосна болн большевистск партии перн дсерэс, тадниг, революционн Хальмг негдгч полкин командирмүдиг болн цөргчнриг, ахр цагин дунд йоста гидг цөргэ энг болж, өрн-нутган, һазр-усан харслһнд, хог тасрсн хортыг хомни цоклһнд һавшурж, залу-зөрмгэн үзүлж ончрснлати йөрөжэнэв. Энтн, үүрмүд, Владимир Ильич Ленинэ кесн Дуудврт хальмг улснн өгчэх тодрха хэрү гиж тоолад, цааранднь чигн чидл, күчэн эрвллго, улм нег мөслж зөрэд, цаһачудла ноолдж, һазр-усан теднэс сулдхх кергт һавшун кевэр орлцх гиж ицжэнэв. Диилвр мана болхнь, үүрмүд, алдг уга. Тегэд, уралан!— гийһэд, Калинин нүдрман дее-рэн атхад, занһад оркв.

Полк һурв саамлад: «Ура-а!.. Ура-а!.. Ура-а!..» гиснь теегэр иисэд, теңгрт күрэд, ца-цааһан донһад күңкнэд йовад одв.

Хэлэвр төгссн бийнь эмтн тарад уга. Михаил Иванович Калинин цөргчнрлэ күүндэд, ю-кү сурад, эднэ бээдл-жирһлэрнь соньмөжана. Хомутников, Кануков эдн бас бээлднэ.

Гентки мөршэ үкн гүүхэрнь күн довтлад аашна. Ири бийэри цаас һарһад, Хомутниковд өгв. Умшхла, дивизин начальник Ока Городовиков зэңглжэнэ: «Аһш харслһнд нер туурсн матрос Кожановин отряд хазг бригадла харһад бүслгдн гисн, зөвөр күнд бээдлд тусж, чадмгар сөрлцсн бийнь эрэ тесжэнэ. Шулун гидгэр Кожановд нөкд болж, һарһж автн. Болв эврәннь бэржэх харслтан альднь чигн бичэ хоосрултн. Адһтн!»

Мел дор ормднь хург секэд:— Кен йовх саната?— гиж Хомутников дур сунһв. Мел бээсэри йовхар седжэнэ. Цугэрэсэн ахлач тиним ик, нег мөслсн өргмжд йосар өврэд, ик гидгэр таасв. Оли заагас уралан балтиец Когтев һарад ирв.

— Үр командир, би эврэн матросв, тегэд, матросмуд харсх кергиг намд даалһтн гихэр...

— Эичн кен билэ?— гилдсн болад одв.

— Түрд гитн, манахс,— болж Кануков орлцв.— Үр Когтев мана полкд шин күн, болв революцд, партъд темдгтэ, «Аврора» кермд цөрглж, хаана Үвлэ бээшнгүр дэврхд берк ончрсн. Ээдрхнэ харслтд йилһрсн Балтикин матрос. Тегэд, командир Хомутников, энүнлэ хамдан революц кеж йовсн күн, би бас, үр Когтевд даалһхмн гижэнэвидн.

Удсн уга, хойр эскадрон, арви хойр пулеметта өрэл эскадрон, нег отряд болсн, дор ормасн зөвөр шүрүһөр гүүлгэд һарв. Эднә өмннй матрос Когтев йовна, ар нурһнднй хойр хар тасм делсж, «Аврора» кермин алтар бичсн нернь нарна толяна герллә авлцж, солһтрсн болна.

Зурһадгч бөлг

Хортыг Эәдрхнәс зөвөр холдулад көөһәд, Хальмг теегәр орулчксн XI-ч Эәрмин өмн негл эркн төр тәвгдсн бәәнә: Аһшиг хәрү булаж авхар ноолджах X-ч Эәрмд нөкд болх гисн. Тер төләд XI-ч хойр әнгрәд, Ижл һолын хойр талаһарнй дегц дәврж. Аһшт күрхәр седәд мөткәлдәд бәәснй эндү болж һарв. Тегәд, эн Дорд-Өмн үзгин фронтын зааврар хойр әнгрдгән уурад, чидлән нег кеһәд, һолын зүн амар дәврәд, бахлуласнй Аһш күртл цеврләд оркв.

XI-ч Эәрмин өмн захнй болжасн экспедиционн корпус, үр Бутягин командлгчта, Хальмг теегин өмн захд күрн, хойр әнгрәд, дегц хойр үзгүр дәврнә. Негнй Величаевск тал хортыг көөһәд һархла, наадкнй Көк теңгсиг көвәләд, Кизляр хәләһәд һарсн, бәрж йовх диилврнй бас му биш болна.

Яндһа-Мацг бүклдән хортнас сулдм цацу дәәнә комиссар Хохал Жәлыков нутган утднй чигн, көндлнднй чигн эргәд, кевтнй бүртксн, нам нег чигн булц үлдәсн уга. Хәләхнй, басл кецү. Альднй чигн хамхрха-әвдрхә, хәһрха-шуурха, дуту-дунд, тату-тартг гидг күчр: шуд зүрки ишкрм, хуухин үсн босм. Болв әмтнә бәәдл гем уга, серглц, хортна үлмәһәс сулдсарн ик юм кежәхнй ил.

Нутгин өмн заха әәмгин цутхлц Лаганд күрч ирхнй, ик салг шатсн, шивк чигн үлдж уга. Пирстнй хамхрад, кү татгдсн, керм ирж зогсх биш, шидрдг арһ уга. Гермүднй гихлә, мел өрәл-дөрвнә, терз, үүднй аңһалдсн, басл уйдврта, шуд седкл шурдад, ки давхцна.

Болв Лаган өргмждән өрггдәд һарн гихәд бәәнә. Энд бүкл кавдивизь, эн эргнә харслтын штаб бәәрлсн учрар теегәс чигн, теңгс көвәһәс чигн нааран эскадронар, полкар, отрядар церг ирәд, деер-деерән гишц болад бәәнә: басл шуугата, басл сергмжтә. Шорҗата, тооста уутхн уульнцснй әмтәр дүүрц.

«Экспедиционн корпус гихәд, икл эдл-аху,— гиж, Хохал санж йовна,— түрүнй Кизлярт күрн гиж йовхнй, сүүлнй энд... Өлг-әднй, госпиталь хамгнй — Эәдрхнд... Беркл гихәс талдан үг уга... Ямаран кецү бәәдлтә, муульта кевәр көлдсн, харһисн, үкхдән күрч ирдә? Ода ямараң өргмжтә, зөвнй батрсн, зөргнй немсн йовжана эдн!...»

Жәлыков Лагаг кевтнй эргәд, салгин ормд ирж зогсн, мөрнәсн бууһад, кер һалзнан көтлсн, арһул йовж йовна. Тачкин төгә кевтсиг көләрн көндәж үзнә. Зогсад, энд-тендән хәлән бәәж, «кезә эн хамгиг бидн кеж, ясж авхмб? Шиниг, икиг кедгнй, һәәд одг,

урдкни дүнгэг, терүнэ кемжэнд күргэд бөсхж авхнь дала юмн,— гиж эи ухална.— Иим һалв дотр кен кехмб? Кезэ кехмб? Юуһарн кехмб?— болж дотрнь төөнрэд, хэрү олдл уга генүлж, мөс зальг-сар һолнь кинт дөрсн болад йовна. Тер хоорнд талдан тоолвр урлдад зүтклдсн:— Бича салвр, комиссар Жалыков!— гиж зачна.— Советин йосан хортнас харсад авхла, көдлмшч хармуд гер-герүрн ирхлэ, кегдэд күцэд бээхгов! Ода деерэн хортан дарж авх кергтэ. Хамгин ах төр эң!..»

Генткн мөртэ цергч гүүлгж ирэд, өөрнь зогсна.

— Мендвт, военком Жалыков эсийт?— гинэ.

— Бив.

— Таниг Өмн-Деед үзгэ фронтын көлгн-күчнэ ахлгч үр Баландин иртхэ гинэ.

Цергчиг дахад күрэд ирхнь, үр Баландин һар авад мендлн, келжәнэ:— Хальмг ЦИК-н болн дээнэ комиссариатын зааврар, минн зааврар, үр Жалыков, танд күчр бачм болчкад, эрки даалһвр өггдженэ. Цаг түдл уга тег эргж, күч-көлснэ болн Харслтын Советин һарһсн, бээрн амтн көлгн-күчэр тетклһнд орлцтха гисн декрет күцэх болад бээвт. Экспедиционн корпус ямр дүнгэд сунсннь эврэн үзэ, медэ бээнэт. Сүүлднь толһаһан күцхин кергт кедү зөөх юмн бээнэ? Ахрар келхлэ, хаалһан эврэн медиэт, темэд кергтэ. Амр төр бишинь медиэв, болв...

Кергтэ тоотыг: күн, мал, өвсн, түлэн күртлнь кесг саамлж хамад гишн авчкн, мел хоосн үлдсн эврэ нутган эргж эсв угаһинь Жалыков медэ бээнэ. Эн кер һалзһан тохад, гүүлгэд Эркт орна. Тенд нутга болн аэмгин Совет болһнд эрк-дарх уга күцх даалһвр өгнэ: Эрктн цугтан хойр зун темэ терг көлглх улстаһинь дундасн һарһж, һурвн хонг дотр Лаганд күргж, фронтын элч үр Мишин гидг күүнэ һарт бэрүлж өгх зөвтэ гинэ.

Бийнь цаарлад, Харухсар йовад, Ик-Цоохрт күрэд, бас күчр адһмта кевэр, билэ гиж келшго болдгар кергән күцэж ирнэ. Тегэд, тавн зун тэв шаху темэн тергнд цергэ ацаг: зер-зевинь, өлгэдинь, хот-хоолынь ачсна хөөн корпусин нүүвр земгэ түргэд, йовдлнь гииград, үкс гиһэд одна.

Тер дарунь экспедиционн корпусин штабас заавр ирнэ: Яндһа-Мацга сотнь бүклдән, нутга дээнэ комиссар Хохал Жалыков толһачта, фронтур һарч йовад, 34-ч дивизин кавдивизиона ханьд ортха гиж. Тегэд, зун тэвн яндһа-мацгахн өмөрлэд довтлад һарв. Эднэ өмннь Элдэшклэ зерглэд, кер һалзһн деерән шуд хавтаж одсн. Хохал Жалыков йовна.

Цуг аэрмиг үлдл угаһар йовулад, наадк чигн хамгин эвинь олчкад, үр Киров хаалһд бедрв. Партин Центральн Комитет энүнд минн даалһвр өгв. Ар Кавказд Советин йос хэрү бүрдэх Бюро гиж һарһсн Серго Орджоникидзе толһалсн, Киров үүнэ дарукинь болхмжн. Тиигж хойр нһыг, хойр дамшлтта гисн большевик хамдан көдлх болв.

Тер учрар экспедиционн корпусин штаб бээх Святий Крест гидтг түргэр күрч, цааранднь Сарпунль орх болжана. Зуг яахнь, юуһар йовхнь медгджэхш. Эрт дуларад, көрө һазр хээлэд, хаалһнь мел өвдгцэ бальчг болж одсн, машинһэр чигн, көлгэр чигн Хальмг теегиг дайнав гисн седкл ки: ода деерән бичэ үзгдтхэ гидг юмн. Лаганас эрә шилжж һарн, цөргө цуг көлгн-күчн гих хамг улмдсн, уралан чигн биш, хооран чигн биш бээхнь — терүнә илгерчнь. «Арһ нань уга, зөрөд нисх кергтә», — гиж Киров шиидэд бээсн му «Фарсаян» белдтн гинә. Тернь самолет гих перн: сумн-ла чигн харһад, тагтан чигн хамхрад, эвдрэд, ясули гиж, бүтн орм уга юмн.

Сээхн чигн номһн, нарта өрүһәр Сергей Миронович нисэд һарв. Балһсна эргн зөвәр өмөрлж одсн бийнь бас мел усн болж медгднә: һолмуд сала, шидмсн болж гилвкэд, көвөһәрнь хулсн, зөгсн күрилдэд үлдэд йовна. Невчк цаарлхла, тег эклэд бээв: утдан сунад, уняртсн болад, делгүдән борлад, заагарнь элсн, шора шарлад, энд-тенд бичкн-бичкн нуурмуд гилилднә.

Самолет шуугадл-дуугадл йовна, өөдлсн чигн болна, унсн чигн болна, тер тоотднь оньган өгхнь күн салврхм. Киров тер хамгиг төртән авч йовхш. Бийнь картан һарһад, өвдг деерән делгсн, эн эргниг таньдг болвчн, картар зүслж: «Башлу, Чолун, Зурмт, Эрки Амн» гинәд, давж йовх селәдин пер зааһад йовна.

Лаганас давад, зөвәр өмөрлэд оркхла, цөргөхн эклэд харһад бээв: мөртә, йовһн уга, көлгн-күчн чигн дала, утдан сунад цүвр-сн йовна.

— Эднә деегәр эргж болхий? — гиж Киров сүрв. Летчик «болх» гисәр гекв, земгә дорагшлад, моторин шуугаг баһлсн, цөрг деегәр элкдэд гишн ирв. Сергей Миронович өкәһэд, һарари дайлад, маасхлзад йовна. Цаадкснь чигн өөдән хэлэлдсн, кенинь, юн-күүһинь эс меддг болвчн, бас дайлжацхана. Киров цаас һарһад, ик-ик үзгәр: «Кавказд шулуһар харһхмн! Киров» гинәд бичэд, дорагшан хаяд оркв. Тернь далваган телчксн цаһан цах гихмн, аһарин аю дахж эргэд-дүһрсн, эрйәлсн чигн болна, һазрур өөрдэд аашна. Дорас цуһар өөдән ширтсн, һээхсн, альд одж унхинь күлэлдсн бээнә. Жалыков болхла, кер һалзнан дөвөд, дор ормасн довтлад, ардаснь көөлдж йовна. Цаасн шарлжна бут деер унад, доран торад, чичрсн болад бээв. Хоһал адһж, чашкан татад һарһн, мөри деерәсн өкәһэд, үзүрәрнь цаасиг хатхад авад оркв. Ум-шн бийәри, толһа деерән цаасиг өргэд, терүгәри дайлад хэәкрэд, довтлад ирнә.

— Үүрмүд, сонстн! — гинәд, кер һалзн деерән дөрә ишклж босад, хэәкрэд келнә: — Сергей Миронович Киров манг шулуһар Кавказд харһхмн гиж дууджана!..

Цуһар шуугад, ниргэд одна: альх ташлдад, халурхснь махла, картузан өөдән хаяд хэәкрлдснь: — Ура-а!.. Ура-а!.. Ура-а!.. — гинәд, ца-цаһан донһдад, теегин утар нисэд, теңгрт күрэд,

лүүрэн болад йовна. Самолет хойр талан далвагарн дээвлж цээх-мэд, бас нег эднэ деегэр эргэд, шуугад-дуугад йовад одь.

Уралан, Кавказур!—гисн цергчир нег мөслж чанһрсн, ут аналһдан орцхав.

* * *

Теегин салькна аю дахж һаңхад сэрвкж делссн улан туг дее-ринь «Үзмжтэ негдгч Хальмг революционн полк» гиж, алтн ут-цар кеерүлж хатхсн үгмүднь нарна толянла авлцж солһһтрсн, ирднь дахсн цергч болһна өргмж омг хойринь немж, уралан дуу-дсн йовна. Ахр цагин дунд полк нер һарад, улачуд дунд итклтэ, чадмг дээч гисн өөдөн үн зүүсн болхла, цаһачуд дунд цань уга һа болсн, кишва гиж эднэ хоринь буслһж, сүринь дарсн йовна. Командир Хомутников, комиссар Кануков, комэскир Дрючков, Шашуков, Ангуляев, Левин эдн зөрмг, олмаһа толһачир болж, цаһана генералмудын болн полковникүдин мууднь йосар орж йов-хнь ил. Тегэд чигн кесгнь, академьс чиләсн медрлтэ, алтн погонс тэм деернь гилвксн, ачлврмуднь өрчднь шаргсн хамгнь, дегд хор-лад, нам шүүдэд, яахан олж эс чадхларн, арһан бархларн, асхру-лад, «ой, кенэр цокулж йовнав гихви? Өцклдүр мал хэрүлж йов-сн киртэ хар хальмг уңгдм сууж йовналм!» гиж һолан цокж шугшдмн.

Зөрм командирмүдин гергднь дахсн, түрүн эшинд тернь эмтнд таасгдл уга, «кен хальмг, кезэ гергэрн дээнд һөкд кеж йовла?» гилдэд, наад чигн кедг бээснь лавта. Зуг тедн ямр чигн күчр бэрлдәнэ гүдүднь орж, залусас алькарн чигн дутл уга, тегштән халлад, чавчлдад, нег үлү хальмг Нарма Шашукова тенгэ хаз-гин күүкн Мария Дрюčkова хойр зөрмгэрн келн болад бээв.

«Күүнэ келн күдр чолу хамхлна» гийһэд, кезәнэ келчксн үг. Максим Шашуков гергндән, шовһр шар Нармадан цань уга дурта болвчн, зөрмдән халун бэрлдәнэ көлд дегд халж одхларн, хойр талнь халдан, чавчлдан гисн буслхин нааһар бээх кемлэ, иньгән эрвлэд, харм төрэд, зеткр харһад оджв гиж саглсн,—би-чэ намас хоцр! Өөрм дахлд, эсклэ чамаг яһдгчн!—болж эн шү-рүлксн бийнь хойр нүдән авдм биш, хэләһә, хара йовдмн.

— Максимушка, бичэ санаһан зов, гергичн бэрн күүнд бийән өгэд оркхн угав, бийән хэлә,—гиж Нармань халурхж, хортна өм-нәс хойр талан чашкарн селн хүрүлэд чавчлдад йөвсн бийнь за-луһасн бас пүдән авхш...

Правоторская гийһэд, ик болчкад, байн чигн станиц. Энүнәс хол биш, модн дотр, хальмг полк амрчана. Захднь Хомутников Кануков хойр зогссн, бээс-бээс гижәһэд дурнавдна.

— Хортн угань ил, болв саглв гиж гем уга,—Кануков мотна уңг деер сууһад, өөрән бээсн бас негн тал заана,—суухичн. Ва-силь...

— Чик, саглснд гем уга,—Хомутников зөвшәрсәр гекэд, зсрг-

лэд суув.— Нег зура, Хартн Бадиевич, толһадм орад, өгн кевтэ авр-иэр гинэд, амр өгхш. Цаһан офицер болад одхла, эдн намаг ямаран эвртэ кевэр тосна гилчи, а?

— Тосхас урд, тодрха кевэр ю-кү медсн олзта,— гиж Кануков дөңнв, таасжахнь ил, чирень тиинһэд, нүднь гилвксн болад одв.— Офицер ик ямта һарнь болхла, келхд, полковник Мангатовла эдл мет...

— Түнгичн эн эргнэ хазгуд сонсхас биш, таньдг уга болх,— гиж Хомутников зөвшөрнэ,— зөрэд медж болжана!..

Үд кецэснэ хөөн кесг мөртэ улс зөвэр чаңһар Правоторск тал өөрдэд аашна. Чонжин өмнк талвц деер суулдсн өвгдин негнь һаран нүдидән бэрэд гердн бээж, өөркстән келнэ:— Хальмгуд болдг өнгтэ.

— Яһна?— болж талдан негнь сурна.

— Овхалдад, дөрө ишклж босхин нааһар хажу талагшан келтэсн болсн, суудларнь бодхла,— хальмгуд...

— Хальмг, орс гиснь юн билэ, хазг болсн хөөннь?— гиж һурвдгч өвгн каңкшлсн, сахлан мошкад бээнэ.— Манай, аль мана биший? Тер үгинь йилһж авх кергтэ.

Тинглдэ бээтлнь, мөртэ хазгуд талвцгин захар орад күрч ирв. Өмн йовх хазгин ээм деернь алтрад, погонь гилвкэд одв.

— Юн гилдэд бээнэ эдн!— гиж тагчг суусн, хамгин медэтэ гисн өвгнь шүрүлкв.— Манахслм!.. Нүднь яһсм эднэ? Өмнк, хар кеертань офицерлм! Үзгдхший?

Хазгуд халж одсн мөрдән татад зогсан, өвгдлэ зөвөр күндлсн кевэр мөндлв. Офицер хавтхасн цаһан мөңгн портсигар һарһад, секэд орксн — терүнднь папиросмуд яралдсн үзгдв. Эи мөрн деерэсн өкәһэд, өвгдин өмн портсигаран делгэд,— тэмк татгн, көгшэс,— гинэ, маасхлзад бээнэ, баахн болчкад, зүс-зүркнь зурчксн зург мет шамдһал болдг көвүн.

— Альк станицин болдвчи, хазг?— гиж хамгин медэтән сурна.

— Платовскас.

— Хальмг полкасвчи?— болж көгшэ давтж сурна.

— Ээ, көгшэ,— гиж цаадкнь гекнэ,— зүн-һарахна, полковник Мангатовин полкасв.

— Болжана, болжана,— көгшэ таасжахнь ил,— диг-дарантн хазгуд, гем уга болдг өнгтэ.

— Улачуд, көгшэ, ирсн угайн?

— Уга, нааран хэлэх нүднь сохртха!

— Тадниг ирэ йовхнь, тедн ю хээдмб?— болж талдан нег өвг орлцв.

— Тиим болхла, түрд гижэтн, көгшэс,— гинэд, офицер мөрэй эргүлэд довтлал, ардкснь дахлдад йовад одцхав.

Удсн уга, станицин һол уулынцар дала хазгуд хатрүлад орж ирв. Дала гихэс, сотнь болдг бээдлтэ, түүнэс ик биш, мел хальм гуд. Эднэ өмннь, көк бор мөрн деер залрад орксн, ик чиги хаг

ланчта, командирнь ил, өндрт оршго, земгэ махлыг, зузан хар гим, серглиц болдг залу, хаалһин хойр амар зогссн ик-баһ угад цуһараднь хойр талан гексн, амидк һанзаснь утан пүргсн йовна.

— Энтн, тегэд, ямаран полковник болжахмб?— гиж өвгдин пегнь соньмсн.— Күртснй сотнь жахан, аль полкас үлдсн энв?

— Наадксан кеер чигн үлдсн, кен медлэ эднэ аалинь, яахан чн ма хойрт келшго, сурш чигн уга. Мана керг гидг — гинчнриг сээнэр тоох зөвтэвидн. Уг, идг, амрг, улачудыг алн цокг,— гиж хамгин медэтэ өвгн наадкан хөрэд, уралан һарв. Өмнөн хойр һаран телэд, күндлсэр өкөс гиһэд:— Полковникин зергэс, таниг, өөрхн нөкдиртөһитн, би, станицин одмн төлөдөн, герүрн дууджа-нав. Тер улан чолун гер тер.— Өвгн тедүкн дүцгэсн, ик чигн, дүм-бр чигн герүр зааһад, һарад йовад бээв. Өңгнь, «дахл уга яахм-та?» гисэр, нам ардан эргж хэлэсн уга. Полковник «йовий» гисэр наадкстан заңһад, бийнь өвгиг күцэд, зерглэд орксн, даруны күрч ирцхэв.

Баахн-баахн берэд, күүкд нааран-цааран хурдлад, идх, уух хамгиг зөөлдэд, заагарнь шивр-шивр гилдэд, сольвлдад бээнэ. Офицермүд һар, чирөһөн уһалдад, невчк бийән яссн, бас хара йовхш, теднлэ шоглад чирмсн, нам чимклдсн йовна.

Стол эргэд суулдм цацу эзн өвгн цаһан толһата бөткин бөглэг негл цокад өсргэд, нульмсн болсн цевр ундыг чиркд кехэр седхлэнь, полковник һарарн «бичэ» гиһэд заңһад оркв. Эзн алң болад, алмацад одв. Полковник эмәсэр мусхлзад, зүркн тусаһарн илэд, ааль үүнэ гисн, шилтэ шампанск тал зааһад, өөркәсн кетн гижэхнь ил. Тегэд, эн буслжах чаһрта чиркән авад босв:— Мана номһн Теңгин төлө, энүнэ үлмән уга, сулдан бээхин төлө, хазгуд бәрчкий,— гиһэд, уусн болад, хэрү тэвчкв.

Цаг чигн адһад, цааһасн көөгдсн мет, болв эзн өвгн мел күүрл-хәр седэд, зүсн-зүүл сурврмуд ард-ардаснь өгэд, улм гүүдүлэд йовна. Һазаһас баахн сотник — хамгин түрүнд довтлж ирдг офицер орж ирн, полковникүр өөрдж одад, чикнднь шимлдэд, кесг юм келчкэд, һарад одв. Удсн уга, зөвәр өндр, дал-ээмнь дардасн, ик шар залу дахулад орж ирв.

— Полковникин зергэс, мендитн эржәнэв,— гиһэд, залу хәңк-нүлэд, хойр өскөһән харһулад күвжннүлэд авб.— Есаул Поляков, генерал. Коноваловин багас.

— Нааран суутн, есаул,— болж полковник стол заав,— идтн, уутн. Та һанцармта?

— Уга, полковникин зергэс, намла хорунжий урядник хойр йовна.

— Теднинь, манахс, бас дуудтн,— гиж полковник заңһна.

Есаул хоолан ясад, шар сахлан имрн йовж, дүүрң чирктэ эр-киг авн, кирслэд мөргэд оркв:— Большевикүд уга мана Теңгин төлө, зергүд!— гиһэд аман аңһасн кевтэ билэ — эркиг шуд кечкв.

Уулда, идлдэ бээтл сөөнь өрөл болж йовна. Һаза, чиңхнь,

хэргэдсн боллдад, мөрд хуурхслад, хар-хур гилһн немхэс биш, байржахш. Сүл ирсн хазг офицермүд тер хамгиг төртөн авчлахш кенәдл уулдад бээнә, болв эзн өвгн невчк алһтрсн болад, ормаһад бээв.

Полковник һарарн арһул дайлад, өвгиг аадрулна.

— Бичә, көгшә, санаһан зовтн,— гинә.— Мана полк орж ирж йовна. Нег даалһвр өгләв, терүг күцәчкскн барата. Ода ирәд, келәд бээхгов.

— Тиим болтхал,— эзн өвгн кирсләд оркна,— нам му седкл орад...

Полковник сотникән дуудж авад, гүңгс гинәд, кесг заавр өгнә. Тернь «зөв» гисәр гекәд бээнә. Дарунь полковник адһм угаһар босад, ууж-иджәсн улсиг эргүләд хэлән, арһул келнә:— Зергир, — нигәд наадн төгсжәнә. Би Негдгч Хальмг үзмжтә революционн полкин командир, теңгә хазг Хомутников гидг күмб. Зер-зевән һарһад тэвчктн, бичә аальлтн!

Күн болһна ар нурһндн баахн сотник үүрмүдтәһән белн зогсчкскн, шилжлһшгонь ил. Иддг, уудг хама? Шуд келн-амнь зуурлдсар гилилдәд, нег-негән хэләсн бийнь үзжәх-угань медгдхш, уульхиһ нааһар бээлднә. Эзн өвгн үг-күр уга, зуг чичржәх һарарн кирсләдл мөргәд, дал-ээмнь дагжад-чичрәд бээнә.

— Хәрнь, йорм дотрасм татад...— гиж өвгн уульһнад, ик цаһан альчурар нүдән арчад, терүндән нусан ниисн бээнә.— Күн ийгж меклгддвн?..

— Максим,— гиж Хомутников одак сотник тал эргнә.— Үлү шууган-дууган уга болдгар кетн. Намд есаулла күүндх төр бээнә.

Генткн ик шааврар толһадулсн мет бээх есаул хорунжий хойр сурсн тоотд земгә күцц хәрү өгәд һаңхлдад бээнә, нам билә гих санан ухананнь өнцт уга. Удхш, одак баахн сотник — хойрдгч эскадрона командир Максим Шалшуков харһула хутхлдад, довтлад йовад одна. Үзсн, медсн бачм, нуувч хамгиг өөдән күргж, штабд соңсххар адһж йовна.

Өрүндн Хальмг революционн полк эскадрон-эскадронар цувсн, станицәс һарч йовна. Чонжин өөрк талвң деер саак өвгдүд хурсн бээлднә.

— Хазгуд, хэләчкит,— гиж, улан тасмта картузан ясн бээж, негнь келнә:— Өцклдүр мана толһа эргүлдг сотник... Ямаран шулмта көвүн... Цаһан мөңгн портсигар һарһад...

— Бидн юмб?— болж талдан негнь бас мусг-мусг инәнә.— Мел толһань эргсн кү хээхлә — мана одми. Тедниг тоонав гинәд, таа-сгднав гинәд...

— Чавас, дегд сүрдхләри, дегд хордхләри, гемисн өңгтә,— болж, бас негнь эврәһән келж йовна.— Нам нааран һарч ирсн угалм. Кезә эс ирдг билә? Сән болж, дегд ухата, дегд дадмг болад бээдг...

Тер агчмднь одмн гелнтэ хойрулн чонжин терээр эн хамгиг хэлэжэнэ.

— Һээд од, көгшн домбр, гиичлго од,— гиж одмн бийэн харахн, шугшхин нааһар бээнэ,— оньһхнь яһна. Мангатов гиһэд, махла, һосн уга гишн мальжһлзад гүүһэд, хальмгудын наадн болад... Үксн деер!.. Үксн деер!..

— Мангатов үксиг та яһж эс соңссмта?— гиж гелн аян болна. — «Теңгэ дольган» газетд йовлыс: «Полковник Мангатов — теңгэ хазгудын залмж болн бахмж — эмнэсн ханцв»,— гиж би эврэн умшлав. Түүнэс нааран яһнь терүнэ хумхарсн болхугов.

— Мини му үүл гидг тер,— гиж дэки одмн шугшна.— Шуд дотрасм шулм көтлсн кевтэ сарвлзад, үксм-хатцм босж ирсн кевтэ... Хэрнь, нигэд, эмд үлдэсиднь ханхас биш.

Гелн өөркөн хэлэн бээж, «хи-хи» гиһэд, инэмсглнэ:

— Большевикүдиг му келжл авсн болхуговт, а?

— Келл уга одхн яһна, көгшн доск, келжәһэд сарсамр... Басл мууднь орж келэд, нам хараһад... Хэрнь, тер полковник, һолднь моом һармр, негл чигн саамд «ээ» гисн угалм...

Полк станицэс һарн, өмэрлэд, дор ормасн довтлад, ардан шар тоос үлдәһэд, тернь будн болж халһрад, кесгтән тарл уга бәәһэд бээнэ.

Теңгэ медл кевтән сулдсна хөөн Негдгч Хальмг полк Кавказар орж ирв. Дээллдән улм күпдрэд, жанһрнь өсэд, һару йкдэд йовна. Өндр-өндр уулмуд күрилднэ. Өөрдэд ирхлэ, нигт модн чигн дала, нүцкн хад чолун чигн баһ биш. Теднэ заагар гүн-гүн тамхавчгуд гиһэд, йоралнь тас үэгдхш. Хая-хая аулмуд харһна, өңгзүснь дегд әвд. Ик-ик хадын иргд немрлж бөгдилдсн сакли—герин дүрстә юмс, нег-негндән шахлдсн бәэлднэ. Теднд күрнэ гисн—теңгрүр давшснас амр биш. Хаалһнь, нәрхн арһмж гихмн, уутьхн жим, матиһэд-һотиһэд—мел эргц. Эргц болһна ард кен, юн бәәхинь кен тегэд, медлэ?

Харһну чигн сө. Утата сакль дотр ишкә герэс деер биш. Хомутников Кануков хойр унтхин өмн невчк цевр аһар кинлий гиһэд, һазаран һарна. Үүдн хооридан тәмк татж суусн эзн эдниг үзн, босад одна. Тегэд, эдн ю-бис хооридан күүндөд, нурһлж Хомутников сурад, эзн хэрү өгэд бәэлднэ.

— А та, биити, командир, байн улсасвта?— гиж генткн эзн сурна.

— Уга,— гиж Кануков күүрт орлицна,— энти угатын угаты, батрак йовсн жүн. Революцас көлтә Советин йосна нилчэр улан командир болад, бүкл полк толһалж йовхнь эн. Мана цергчнр — бас угатынр — заһсчнр, малчнр. Шин йосан, эврәннь зөвэн харсж, дән-дажг уга төвкнүн бәэхин төлө, тадна чигн сә хәэж, бас амулн, менд, дуту уга болтха гиһэд, эдн цуһар цусан, эмән чигн әрвлл уга цаһачудла ноолдж йовна гидг эн.

Дсер гихэс, һар күри гисн болад бээнэ, ик-ик одд гилвкэд, чирм-чирм гилдэд, һээхэд зогсад бээхлэ, басл айта.

— Һэ, болжана, Харти Бадиевич, невчк нөр авий, эсклэ...— Командир юн болх, яахинь келсн уга, герүр орв, Кануков арда-снь дахв.

Өр цэн гиж йовхнь «таш-таш» гинэд, тахин э һарад, тачанкс харжцнад, полк көндрэд һарв. Бички һолур бууһад, көвөлэд һатлад, дэки өөдлж йовна. Зүн талнь — гүртм хад, ик эрс болад, үрглжлэд, орань нам харгдхш. Барун хажуднь — хар там, дор, ики холд, һол шуугад, шуржцнад бээхэс биш, юмн үзгдхш. Өмннь нэрхн жим түүдглэд, Султан аул тал көтлнэ.

Полковник Васичевин толһалсн банд, күсдундур мицһн өздүгүд, Султана эргнд шахгдсн, эрвлх чиги, хээрлх чиги уга улс, хойр хадын хоорндк хавтхрт бэрлдх болж, өмнэснь тосв. Полк теднэс ээхм биш, зөвөр делвөһэд, сөрлцэд орж йовна. Һал мацнад командир Василий Хомутников, үүнэ эрки нөкднь Аким Стаценко, комиссар Харти Кануков һурвн үлү гидгэр зөрж, үлгүр, үзмж болж, полкан омгшулна.

Хойр халх таш-ваш мөрглдэд, чашкс гилвклдэд, жиннэд бээнэ. Аким Стаценко нег офицерлэ нүүрцэд ирсн, чавчлджл йовна, болв цаадкнь эврэ шамдһа, чадмг юмн бээж, бийэн тас өгч йовхш. Хойр чашк нег-негндән цокгдж, яһлалад һаңһсн болад, һал һарад, тернь нарна толянла авлцж, цэкһһн мет цацгдад одна.

Минь тиим, кен-негән авч ядад, йосндан муудан орж, мөткэлд-жэх кемлэ нег ик чиги хазг чашкан өргчксн Стаценког чавчи гиж йовдгчи. Бийнь бэрлдәнэ гүдүд, шуд киһһән авдг зав уга гишн, хойр талан сели чавчлдж йовси бийнь, терүг Максим Шапшуков үзэд оркна. Тегэд, ардан йовси гергндән:— Нарма, Акимиг харс!— гинэд хээкрнэ. Тернь агчмин зуур пистулан татж явад, Стаценкон толһаг чавчад өсргн гиж йовси ик хазгиг хасн, цаадкнь чашкан алдад сарвлзад, мөри деерәсн унсн, көлнь дөрөд то-рад чиргдэд йовад одв. Түүг үзсн офицер невчк алмацсн болад, хажугһан халэх хоориднь Стаценко энүг чавчад, хойр эцглэд оркв...

Тингж полковник Васичевин банднь каарв. Бэрлдән төгсснэ хөөн Аким Стаценко гүүлгж ирэд, цуг полкин нүднд Нарма Шапшуковаг теврэд, халун гидгэр үмсв:— Ханжанав, чамд, әмд үлдсн-дән,— гив.

Хортыг дарсн полк эврәннь эцкр дууһан өргэд авсн:

Халымгин негдгч полкиг
Хомутников командир толһална, ээ...
Хомутников командир толһалхла,
Хээкрэд орхд омгта,—

гинэд, ца-цааһан күнкнэд, уулмуд дундар нисэд, цаста цаһан толһастнь күрмәр йовна.

Деникин 1920 жилин эхлээр делхэн нүдн андрад, деермч ээрмсн дегд амтан барж күүчгдсн, үкснэс үлдсн ү-дэ уга зулад, Крымд гүүж орлдсн, шарх-шаван долалдж, хөвдэн һундсн бээлднэ. Тингж Антантын хойрдгч дэврлтн хог тасрж каарад, кесн зурань, сансн санань салврсн бийнь, Советск республиклэ ноолдхан, энүнд хорлхан хайжахмн уга. Тегэд, бас нег, һурвдгч дэврлт кех болж, юуг чигн эрвлх, хээрлх тоолвр уга адһж белдвр эхлнэ. Икэр нээлжэхинь тер ноолданд һоллгч болх гижэхинь, нег хажуһас панск Польшин зертэ-зевтэ чидл, талдан халхас Деникинэ ээрмсин үлдл-земдг чигн. Терүн деер Советск болчксн, Ар Кавказд ээмшг үзүлж, цаһаснь дэврх гиж эдн Азербайджана, Грузин болн Арменэ буржуазн республикудт бас ишжэдгчн.

Кавказин тинм бээдл Советск правительствд зөвэр түрү үзүлжэнэ. Орт-нутгин эрхн гисн түлэнэ көрц болдг — Бакуг үкс гиж эврәһән кеж авх төр күчр чинр зүүнэ. Мусаватистирин өмнэс ноолджах бакинск пролетариатд нөкд болти гисн заквр Кавказск фронтд өггдв. Кесг дивизьмуд порт Петровск, Дербент, Темир-Хан-Шура алдар зогсцхав.

XI-ч Ээрм Азербайджана һазрин захар орлһила дөрвн бронепоездн түрүләд йовад одв. Манһдуртн, өрлэ дөрвн часла, бронепоездмуд Бакуд күрч ирхлэ, балһсн бослда кесн пролетариатын һарт бээдг болна. Ардаснь дахлдн, ээрм кевәрн орж ирсн, энүг, толһалж йовх Орджоникидзе, Киров, Микоян, Мехоношин, Левановский эднтэг, бакинцнр беркәр байрлж тосна. Тегэд, хойрхн долан хонгин хоорнд Азербайджаниг бүклдн советск кеж, XI-ч Ээрм даалһвран күцәнэ.

Тинм туурмжта хаалһар йовж, баатр, зөрмг, чадмган үзүлсн-дән болн Советск Төрскән харслһнд ик ачта болсндан XI-ч Ээрм күндтэ революционн Улан Тугар ачлгдв. Терүн деернь дээч орден Улан Туг зүүлһгдв.

Эн ээрмин кесг энгс, тер тоод экспедиционн корпусн ханьд йовх Яндһа-Мацга сотнь командованя өгсн даалһврумудыг, теднь имр чигн күчр, күнд болвчн, цаглань, сән ашта кевәр күцәж, залу-зөрмгәрн үзмж болж ончрж йовсн төләдән XI-ч Реввоенсоветин күндтэ революционн Улан Тугар ачлгдв. Энүг толһалж йовх нутга дэәнэ комиссар Хохал Жалыковд кавказск чашк зүүлһгдсн, тернь басл сээхн: бәрмтгинь һәрдин толһа дуралһж кесн, хойр бичкн-бичкн бадм чолуһар кеерүлгдсн, цаһан мөңгн хала деер цуг хамгиг заһад, кенд, яһад өггджэхинь сиилэд бичсн, гилв-далл гийһад, дегд айта ке.

Яндһа-Мацга сотнь зерглэд зогссн цуһар чигн мегдәлдсн, тедүкнэс лашх баг улс тал нүдән өгсн бээлднэ. Тавнас һурвинь Жалыков зөвәр уухнэс таянжһна: Командарм Левановский, Ки-

ров, Мехоношин. Наадк хойрнь кавказцир болдг өнгтө, хар-хар нигт сахлта, зөвөр сийвг, чанһ-чиирг болдг улс.

— Сотня, смирна-а!— гинэд, Жалыков командлад, уралаа ишкэд, командармд келжэнэ:— Яндһа-Мацга мөри цөргө сотнь зогсагдсн бээнэ. Нутга дээнэ комиссар Жалыков.

— Мендвт, үүрмүд!— Командарм барун харан толһа талаа өргэд оркв, наадкснь бас дахлдв. Сотня дегц «мен-двт!» гинэд, хээкрэд оркснь негдэд, эргнд шуд дээвлсн болад одв. Командарм харан буулһад, хоолан ясад оркв:— Би тадниг, хээртэ үүрмүд. Яндһа-Мацга сотня командирмүдиг болн цөргчнриг, түрүн бүрдсн өдрөстн гилтэ меднэв,— гинэ.— Ээдрх харслһнд эврәннь зөрмг, чадмган үзүлж, кесг темдгтэ диилврмүд бэрж ончрад, түүнэ хөөн нааран ирх хаалһдан, энкр Ижлиннь бахлукас авн эн сөмр уулмуд күртл, ээхиг чигн, сүрдхиг чигн медл уга хортыг цоклһнд үлгүр, үзмж болж, баатр кевэр ноолдж йилһрсндтн тана сотьниг Ээрмин Реввоенсовет революционн Улан Тугар ачлла. Тегэд, тер өөдөн ачлвриг таднд бэрүлж өгх ик хөв намд учрв. Алдр революцинь, Советин йосна керг-үүл харслһнд бас чигн, үүнэс өөдөн диилвр бэрж йовтн гиж, тадниг йөрэжэнэв.

— Ура-а!.. Ура-а!.. Ура-а!

Хохал Жалыков Элдәшк Надбитов хойр селгэдәр Улан Тугин өмн сөгдэд, чичржэх сээхн чигн улан торһна үзүрт андһарлж урлан кесг күргэд, командармин харас авн, тал дундан бэрэд, сотня өмн зогсв.

— Ура-а!.. Ура-а!.. Ура-а!..

Киров маасхлэж ирэд, Жалыковин харинь чанһ гидгәр атхад, халунар йөрөв:— Хохал Манжиевич, үнн седкләсн, мел эврән ийм ачлврла харһснас үлүһәр байрлжана. Иигж төлжнэ гидг!.. Ил теегин шора—шора биш, ик уулмудын чолунь—чолун биш, уснд чившго, һалд шатшго, шуд болдрад хуурчт...— Эн Жалыковиг сүүвдэд дахулад, ирсн нөкдир талаа авч одв.— Үүрмүд, таньлдтн, Көк тенгсин заһсч, Ээдрхнэ партийн организацин үрн, комиссар Жалыков, Хохал Манжиевич...

— Үр Кировин сурһульч,— болж, зузавр хар кавказец немэд, инәмсглн йовж, харан Хохалд өгв.— Орджоникидзе...

— Сурһульчм лавта, үр Серго...

— Намаг альдас меднэт?

— Таниг эс меддг күн мана ээрмд бээхий?

— Намий?— болж Серго таасад, Жалыков тал «гөлс» гинэд авб.— Танд, үр Жалыков, Советин йосан харсх төрөс юуһан чигн эс хармлдг, зөрмг, чадмг, большевикд онц ханлт өргхәр. Цааранднь чигн улм өөдөн үзмж бэрж йовтн гихәр.

— Ханжана, үр Серго.

Дарунь нәрхн хар кавказец өөрдэд, бас харан өгч йовна:— Анастас Микоян гидг күмб. Таниг, үр Жалыков, сотнитн бас, нунж күндтэ ачлвр авсндтн үнн седкләсн йөрэжэнэв.

— Нэ, хуучн таньлд селгэн ирв,— гиж ээрмин реввоенсоветин члсн Мехоношин хоолан ясад, Хохалур өөрдэд тевржэнэ.— Мини бийр йөрэл хойр таднд, күндтэ үүрмүд. Хальмг теегин, Ногайск көдөн туршар хамдан йовсн, Кавказин уулар чигн давшсн би ямр күнд хаалһар ирсити меднэв. Тиигх дутман бэрсн диилвртн ончга, авсн ачлвртн күндтэ.

Жалыков хойр һаран өрчдэн шахад, күндлж гекнэ.— Сэн үгдгн, сээхн седклдтн, үүрмүд. хальмгин халун ханлт,— гижэнэ.— Эн күндтэ гисн ачлвриг, революционн Улан Тугиг улм өөдөн өргж, деер дэрвкүлхэс биш, йир дор орулж буулһхн угавидн гиж, цуг сотня, Яндһа-Мацгин нутга, хальмг улсин нерн деерэс андһарлж, тадниг иткүлхэр.

— Ура-а!.. Ура-а!.. Ура-а!..— гихэд, комиссарин келсиг сотня нег мөслж дөңнжэхэн герчлв. Тернь ца-цааһан донһдад, өөдлж нисэд, цаста цаһан уулын ораһас давад, улм цаарлсн болад, дүүрэнд хуврэд хальв.

Ачлвр авсн асхидан, тер байран эврәһәрни темдглх болж, сотнихн хурсн бээнэ. Амтынь һарһад, зандрулад, хальмг цэ чансн, боорцг кесн, земгэ серглн. йоста кевәр нәр кежәнэ. Хонхта гарма чигн авч идэд, домбр дахад, дор-деер орулад, басл келжл, кевшж бээнэ. Залус захас босад, элэ кевтә эргнә чигн, көлән цокад мульжад, ээм-далан чичрүлэд, хальгад-дальгад бээнэ.

Жалыковд би өгв. «Биилс, нам кезә домбрин өмн һарсан мартад бээвүв»,— гиж санад, эн босв. Минь тер агчмла эмсхсн цергч гүүһэд күрэд ирв. Хохал Элдәшк хойриг некж ирж, штабур бачм дуудулж. Нәр цааранднь бола бээнэ, көвүд кесг уйдж, гейүрж, зовж йовсан һарһад, земгэ кевәр сергж нээрлжәнэ.

Удсн уга, йовсн хойр ирн бийәрни на-ца бедртн гихэд, мел дораснь дахулад һарв. Довтлад, станцур күрч ирлдхнь. талдан энгс бас дала, суулдснь чигн бээнэ, суулдхар бээхнь чигн хара биш. Сотнь мөрдән ачад, бийснь орман олх хоорнднь поезд көндрв. Деегшлж йовна, зөвәр чанһрсн, хаалһин ниилдвч болһнд «хардташ» цокад, тиигх болһндан «үкс гитн, үкс гитн» гихэд, басл адһасн хурдладл йовна. «Ода юн, альд болад одсмб?» гиж эс ухалдг күн уга. Зүг сүрдг йосн уга. Кергтә цагтан командирмүд цээлһэд өгәд бээхнь лавта.

— Күцц нәр келһсн угала,— гиж хариһуд нег цергч келж йовна,— кен терүнд гемтәһинь медж авсн болшу...

— Яах билчи?

— Ярвалдгинь үзүлх билэв.

— Тиигхлэ, белн болжа, харһхн терүнлэ.

— Нэ, болж, манахс,— гиж негнь хөрж йовна,— болшго үгд үрәсн цагин һару, харм. Унтх кергтә, амрх. Салдс цадхлн. цогинь амр, нөөрнь хансн болхла — салдс чидлтә, шамдһа, эвтә, эсклэ, унтрн гижэх шам кевтә, голң-голң гихэд, тиим салдсас хавар уга. Унтхм, манахс... «Чик,— гиж Хохал дотран санад, көлән жин-

нэд, нүдэн аняд оркна.— Лиж-Увшин Нарн. Эн бод-бод гинэд, медэтэ күн мет...»

Түлксн, татсн болад, хар-хур гинэд, поезд зогсад одв. Эмтн ду харлдад гүүлдсн, «буутн, буутн, адһтн!» гиснь тодрха сонсгд хас биш. нань ю келэд күүндснь медгдхш. Жалыков гүүж босад, үүд секхнь — таг харнһу, өр цээһэд уга. Нэрэдэд бун, ардасн шаһасн Элдәшкд келнэ:— Шулуһар, үкс гиж буутн, мөрдән бел кетн, би йовад ирнэв,— болад, штаб йовсн вагон тал адһв.

Тиигн гихнь, Евлах гинэд, Баку—Тбилиси хоорнд бээдг станцин өөрнө, кеер буусн эдн бээдгчн. Учрнь: эн станц деер хурсн хортд, зүсн-зүүл юмс чигн, Советин йос холж, бослда кедж. Тегэд, энүг күч авч түүмрлэд, талдан һазрар тарад уга деернь дор ормднь унтраж уга кеһэд, уңгинь таслх даалһвр XI-ч Эәрмин зәрм әңгст өггдсн, тедн заагт Яндһа-Мацга сотнь йовхнь эн.

Церг дөрвн таласнь станциг бүслэд, нег чигн кү һазаран харһл уга, цааһас бас орулл уга шаһад авад ирхлэ, тедн халдсн болжаһад. сөрлтнь помһрад, нээлдг, күлэдг дөң-дамжг уга учрар нань кедг арһ уга болад, аальнь чилэд, хорхас кевтэ нүк-нүкәрн орснь тер.

Зуг терүгәрн контрреволюц төвкнсн уга. Энүнд Азербайджанд үүдсн Советин йосн амр-зая өгчәхш: хоринь буслһад, хоолднь тееглмәр йосар мууднь оржана. Мусаватистнр яахан, ю татхан, яһж хорлхан олж ядад, өдр-сө гих юмн уга дораһар мел хухр-хухр, шивр-шивр гилдсн, дөрвн үзгәсн дөң-дамжг хәәж шилв-клднә.

Уг сүүлднь Гянджа балһснд контрреволюционн бослда кедж болж эдн үгцнә. Терүгинь дахлцж цуг Азербайджан кевәрн босх-мжн. Эдниг Грузин меньшевикүд, Арменә дашнакуд болн Антанта дөңнх, тиим урдаснь ухалад диглчксн зурата чигн.

Мусаватистнрин контрреволюционн бослдаг омгшулжахнь, Кавказур орж ирсн турецк цергин командлгч Нури-паша, генерал Сихлинский болн нань чигн им хамг, арвн хойр мицһ шаху цергтә, һурвн батарей товта болна. Эднә санань — күн эс медх юмн уга. Эс медсн болжаһад, генткн дэврэд, Гянджиг авада оркхла, икл төр күцх гижәнә. Нернь ямаран юмн! Эн, бийнь бичкн болвчн, туужнь соньн балһсн. Кезәнә бүкл орн-нутгин хотл йовсн, хөөннь губернә цутхлң бәәсн, одахн күртл Азербайджана түрүн мусаватистск правительствин хотл болжасн Гянджиг авчкж гихлэ, даһад бослда кедж улст сүринь немх деерән, омгинь холвхнь алдг уга.

1920 жилин майин 25 сө. Өр цәәхәс ода чигн хол. Төвшүн бәәх балһсн унтад кевтхнь ил. Энд бәәрлжәх дивизь чигн саһамр. Генткн талхм-тачг болад, товс лугшада, пулеметмуд яргад, күчр халдан әклэд, будн-цаң болад одна.

Гянджас хол биш бәәх Евлах талас на-ца гилдэд, XI-ч Эәрмин әңгс адһсн, тер дарунь күрч ирнә. Тегэд, зурһан хонгт бәрлдә

көлөд, Советин өмнөс босси хортыг зүс-зүсэрнь цокж күүчэд, үзгү-үгөрнь тараһад көөж, азербайджанск алдр шүлгч, күңкл Низамин Гянджевин төрскн балһсинь һаза-дота угаг хортнас сулдхж, мөцк төвкнүн бөөх жаалһднь орулв.

Яндһа-мацгахн Гянджачай һол дотр көл нүцклэд, шалврап һуйдан эвкэд орксн, мөрдән уһаһад, өөмүлсн бэәнэ. Шог, наадн, инэдн гидг шуд авглад, дор-дорасн һарад, улм өсэд йовхас биш, иир байржахш.

— Бас негинь балм цокувидн,— гиж негнь келж йовна.

— Негн болхла, юн керг,— болж наадк негнь бурушав,— кедү зүсн билэ?

— Туркта-мурктаһинь туршулднь хөгснд Нури-паша нурһан өгэд одвһ!..

Жалыков Надбитов хойр һолын көвэд, һоһан деер наришн, көвүдин келсиг соңсад, таасжахнь ил, бас хөв тускан келэд, күүндэд бэәнэ. Тиигжәхнь, цергч күрэд ирв:— Үр Жалыков, таниг Киров наартха гинэ.

— Ода юн болад одсмб?— гиж Элдөшк ормана.

— Кергәс ик юмн баэдви,— болж Хохал босна,— бичә сүрд, амрча...

Штабур ирхнь Киров босад, һаран өгэд, өөрән суулһжана.— Нә, келн бә,— гинэ.— Ямаран бәэцхәнэт? Цергчир ямаран?

«Хара биш үг» гинэд, Жалыковин дотрнь гүүдглсн болад одна, болв төртөн эс авсар келнә:— Цергчир зөвәр омгта, серггн бәэлднә, Сергей Миронович, саахн күүндәһинь соңсжахнь: «туркта-мурктаһинь туршул хөгснд Нури-паша нурһан өгэд зулһш» гилднә.

— Намий? Әврә гилгәр келж, а?— Киров инәһэд, ик сергмжтә бәәсн гентки сурна:— Хәрх санан бәәни, Хохал Манжиевич?

Жалыков ормаһад одсн бийнь эс иткжәхнь ил.

— Юн гихәр бәәхтн, Сергей Миронович, медгдсн уга.

— Юнгад эс медгджәхм?— гинэд, Киров стол деерәс нег цаас авад чичрүлжәнә.— Хәрх болад бәәвт, Хохал Манжиевич... Хальмг ЦИК таниг эрк биш илгәтхә гиж сурснд Реввоенсовет зөв глжәнә. Сунһуг ирв...

Авад умшхла — дууджахнь лавта. «Хәрх гисн — сән, зуг намаг иткәд, намаг даһад ирсн әмтиг хайчкад хәрх гисн — уга, болшго» гинэд, дотрнь төөнрэд одв.

— Сергей Миронович, уга гиж болхий?

— РВС-н заквриг уга гихәрий?..

Эн хойр йир бүләнәр мөндлж сална. Киров һаринь атхад, пүдинь халәжәһэд келнә:— Иим итклтә большевик болсндти, Хохал Манжиевич, икәр ханж байрлжана. Үнн седклән өгч, үүнәсн чигн давуһар партыдан, оһн-әмтидән церглж йовти. Терүнәс әрүм хөв манд уга. Байрта харһж йовий...

Хэрж йовх Жалыков Бакуд ирн, Ээдрх орх кермд билет авад оркна. Тернь зуг манһдур өрүндэн йовхмжн. «Өмим өрэл өдр, бүкл сө бээнэ. Яһдмб?» гиж саисн эн теңгсүр бууна. Усна серү авад, арһул үрвэд, көвэлэд йовж йовна. Көк теңгс цуцрсар шуукрад, эңклэд, хар тосн деернь халһрсн уснь дольгалад, эрг цокад көөсрхэд, хооран туугдад һарад бээнэ. Жалыков зогсад, картузан авна: «Нә, Көк теңгс минь, күндтә көгшә минь, меңд!»— гиж келэд, гүүнәр татад киилнә. Гентки теңгс мууһар көкрсн кевтә салд гиһэд, салмин үнр хамр-амар орад, һашурсн болад одна. «Акад юмб? Теңгс неги, уснь оңдан, өнгәри чиги, үнрәри чиги,— болж алһтрна.— Манахид киилэд оркхнь, цевр, киити, невчк чиигтәвр болсн аһар ам-хамрар орад, толһан орад, көлин үзүрт күрэд, күүг сергәһэд оркналм!»

Тиигэд йовж, зөвәр холжад одсан медэд, эн зогсна, ар-өмнән хэләнә. Усна көвэд күрдәһэд кевтх ик хад үзнә. «Энүн деер сууһад, көлән амрас. Хааран адһхв?— гиж санад, өөрдэд ирн, энүг таньна.— Мөн!.. Өз бийәри!..»

Бакуг сулдхсна хөөн невчки зав һархлань, теңгсүр гүүж ирсән, минь эн хадын өөр Киров, Мехоношин, Левандовский һурвнла харһсан, балһснур хамдан ирсән тодлна.

— Баку... Эн нерн, Хохал Манжиевич, ик хол туужд харһдгчи,— гиж Киров келснь сангдна.— Кезәчи иигэд шуукрад, дольгарад бээдг Көк теңгсин көвэд бички шивә тосхсн, сальки гихлө, өдр-сө уга өгтмлэд, адрхдан күрэд, күчр чаңһ, үзүртә болж, ки сулдхл уга бээдг төлөдн тер шивәһән әмти Салькна Балһсн гиж нерәдсн болна — Бакы...

— Энүгичи, Сергей, Мөңк һалта Балһсн гиж бас нерәддми,— Мехоношин орлцна.— Бакуһас хол биш, теегт болн өөдмсини та шуһар баахи-баахи нуурмуд харлад үзгддг... Тииги гихнь, һазр дорас өөдән хар тосн һарад, халһрад... күчр шатдг чиги! Түүнәс көлтә, тегэд, Мөңк һалта нер авсн бээж.

— Бас нег әвртә нертәлм,— болж, Левандовский хувән келж йовна,— Хар алтна Балһсн гидг...

— Хү салькта, Мөңк һалта, Хар алтта гисн сәәхи нерднй Бакуг зовлн, түрүһәснь гетлгсн юмн уга,— Киров өөрән йовсн Жалыковичи эәм деернь һаран тәвнә,— келхлө дала... Эи кезәнк шивән эрсмүд кедү деермчин өмн көндлнлж, эргидн хорти һал падрулж, түүмр тәвэд, уульнцсарнь цусн һол болж турглж йовсн болһнат? Киити, түрү күчр уцглж, нам чилнә гидг берк гих му уха орулдг бәәснь лавта. Болв бакинск пролетариат тер хамгла зөвишәрл уга нег мөслж ноолдад диилснь эи. Алдр Октябри ху Баку деегәр хурлаад, тер дала зовлн, түрүг хамад авад одсн... Шин Бакуи шин тууж эклнә гидг эи!..

Нари сууһад, өдриң тес шархин нааһар бәәсн шүрүнь буурал,

серүүн орад бээв. Уутьхн каютд бүтэд, нааран-цааран хойр кел-
врэд, унтхднь — унтад, үрглхднь — үрглэд, земгэ амрад авчхсн,
нам кевтн гиж көшсн Жалыков босна. Нар, келэн сажад, дал-
гмөн холькад, невчк тинисн болна. Каютын терз секси, цааһас
чингтэвр киитн аһар боли хурдлж йовх кермд керчгдж цокгдсн
дольгана э хойр орж, бүтж йовсн дотркинь нам гилһнэ.

Хохал хувцан өмсэд, назаран һарад ирнэ. Хааран хэлэвчн,
шуд нүдн күрсэр, мел усн. Көк тенгс келврэд, көөсрхэд бээдгнь
невчк номһрсн барата. Керм далаһар күчндж, дольганас дольган
дсер һэрэдж, хамрнь нег булхад, нег өөдлэд, догшн эмиг мөрнө-
һэр йовдгнь уга: усиг эрстнь керчэд, ардан ик, өргн хаалһ татад,
уралан шудрад йовхас биш. Эмтн э-бээһэн олсн, һаза күн үзгд-
хш, зуг хаяд кермихн иигән-тиигән йовлдна. «Һацарн яһж, зур-
ми кевтэ, шоваһад бээхв, орхм-яхм? — гижэхнь, тедүки нег мат-
рос зогссн, цааран хэлэхэд, эргнэн һээхж, холдан ширтсн бээнэ.
— Кермин күн бийһнь ил, тер хара зогсж цаган үрэшго». Минь
тиигж санх хоорнднь гентки матрос эрэ эргсн болад, таньдг чира
зервк үзгдэд одна.

Жалыков дор ормасн хурдлад гүүж ирн: — Харһна гидг эн! —
болад, хойр һаран өмнөн телэд, ар нурһнасьн матросиг теврэд ор-
кв. — Хээртэ үр, балтиец Когтев!..

Тернь хэрү эргэд, үзн бийэрн: — Хохал!.. Хохал Манжиевич!.. —
гиж хээкрэд, бас теврлдж йовна.

Эн хойр кесгтән тиигж, һарлдсн ах дү хойр харһснас чигн да-
вуһар байрлж, нег-негән саамлж күзүдэд шахллад, цань уга гид-
гэр өврж, бахтсн бээлднэ. Хоорнднь альдаһар, яһж, ю кеж йов-
сан дээч хаалһан сергэлдсн — келлдән дала.

— Суулдан деер бидн яһж эс харһснб? — болж Хохал али
болна.

— Биичн, Хохал Манжиевич, сүл хонх цокчксна хөөн, кәнд-
рэд һарн гижэтлнь, гүүж ирсн тер. Каютд орн, кевтсн кевәрн,
минь ода серүв. Эдр сө хойрт нөр уга гишн йовлав... Нарч ирд-
гм, минь эн алднд бидн генерал Гришин-Алмазовиг бэрлэвидн...
— Когтев өргәрн өмнөн заана.

— Генералыг гинтэ? — болж Жалыков ормана. — Кезэви? Соң-
ссн уга билэв.

— Нэ, тиим болхла, тесж соңсхан кел, — гилһэд, Когтев хоолаг
ясна. — Бидн, флотиль кевәрн, Эдэрхнэс һарад, Ижлин барун са-
ла болдг Бахтемирэр цувад, тенгс хэлэхэд һарсн: өмн, һал мац-
над, флагман «Карл Либкнехт», арднь — дөрвн миноносцир, тө-
вәр агсгдсн арв шаху кермс боли нань чигн сав-санхс зөвәр ут
караван кевәрн, өр цээлһэд тенгсэр орж ирвидн. Эдртән йовад
харнһурж одв. Гентки хонх жиннад, на-ца болад одв. Хэлэхлэ,
өмн деед үзгэс дала һал һарад, тосад аашна. Би, заавр авхар,
үкс гүүһад, мостик деер һарад ирүв. Киров капитанла, зерглэд
орксн, тагчг хэлэхэд бээхэс биш, үг келхш.

— Англичанмуд,— гиж капитан Кировур эргв.— Налмудан унтраһад, хэрү һархм бойвза?

— Порт-Петровск мана йовдлын тускар медсн болхла, тосад цокхар йовхнь алдг уга. Эсклэ Ээдрхнүр дэврх эмт буулһхар йовх... Тиигхлэ, үр капитан, алькинь чиги келгэд керг уга.

Удсн уга халдан эклэд, хойр талас товс лугшсн кесг кермс шатжана.

Юн болснь, яһснь медгдсн уга, англичанмуд гентки хадган уурад, ирсн ормарн Порт-Петровск темцэд эрлв. Тиигхлэ, мөр кишг, бидн дор ормасн доргшлад, Мангышлак тоха арл хэләһэд, йовсн кергән күцәхәр — Александровск фортыг эзлэд, эврәһән кеж авхар адһвидн.

Хар өрлэ маякин хажуһар орад ирхлэ, форт үзгдэд бээв: нег бичкн керм, хойр ик-ик барж, цөөкн эрвинц, эрйүшк болсн савсанх зогсжана. Ца гермүд бээхнь, хуучн хамхрха шивән үлдл үзгднэ. Зөвәр уухнд, кеер гишц, радиостанц бээнэ: радиомачтарн һондаж, холас нүд авлна.

— Хамгин түрүнд авх юмн эн,— гиж Киров тнигән заана,— адһж залһлдагинь эс таслхла, амрашго:

— Тегэд, отрядан баг-багар хуваһад, онц-онц даалһвр өгэд, гермүд болһнг шууган-дууган угаһар эврәһән кех төр тэвжәнэв. Эврән, цөн матроста, Кировиг дахад һарув.

Күрч ирвидн. Мироньч пистулан тач авад, терүгәрн үүд цокв. Үүдн жаагад секгдв. Терүгәр, эвшән йовж, хуухан маажсн нөөрмү залу һарад ирв. Бийүрн зөрүлгдсн кесг бу үзчкэд, арһнь уга, һаран өргэд бээв. Киров үүнэ хажуһар шурс гиһэд орад одв, би ардаснь дахлдүв. Түрүн хорань радистин көдлдг ормнь бээж. Цааран ордг үүд түлкхлэ, хойр офицер унтж кевтнэ: хувцта-хунртаһан, нам һостаһан ори деер ялдалдад унж. Стол деер хэлэхнь: хоосн шилмүд дала, хот-хол чиги элвг, сөөни дуусн уулдснь ил. Түлкэд, чичэд серүлхлэ, согту хойр пистулан шүүрлджәнэ. Матросмуд һаринь арднь нуһлад, зер-зевинь авад оркв.

— Юн улсвт?— гиж Киров суржана.— Ю кежәхмт?

— Би, зергүд, эн радиостанцин ээньв!— гиһэд, подпоручик хәәкржәнэ.— Бийсгн кембт?

— А та, прапорщик?

— Радионнженер болдв, станц сээнәр көдлхиг теткдв. Тадн иигэд, ү-дә уга орж ирэд, йосн биш йовдл һарһад бээдг юн улсвт? Ямаран зөвтә болад...

— Революц өгсн зөвтәвидн!— гиһэд, Киров шүрүлкэд авб.— Эи хойриг, үүрмүд, флагманд күргэд хаачктн...

— Тадн, тегэд, улачудвта?— гиж радист ормана.

— Большевикүд,— болж Киров радист тал өөрдэд зогсна,— бичә үргтн. Биднтн бийән гисн улсиг бас күндлж чаддвидн. Меджәнтә? Хэләһит, терзәр: мана эсминцир ирэд зогсчксиг...

Радист терзәр хэләчкэд, хооран һарв. Сән юм эс күләжәхнь ил.

Киров энүг невчк төвкнүлс гиж санна: — Нааран суутн, — гинэд, өөрк стул тал заана. — Кенлэ, янж, кезэ, ямаран залһлда бэрдгэн тодрха кевэр келж өгтн, нуувр угаһар...

— Уга, ямаран нуувр бээдвн? — болж радист байрлад одв, стулын ирмэгд эрэ хавчгдсар суув. — Мана станц Гурьев Порт-Петровск хойрин хоорндкнь, негнэснь авад, наадкднь күргдг...

— Талданар келхлэ, Деникин Толстов хойр генералын хоорнд залһлда бэрдг болжанта?

— Тним, мел тним.

— Кезэ? Ямаран цагла?

— Өрүн асхн хойрт... Ода нег час болад көдлхв. Зуг ю хавлж авад, ю цааран өгчэхэн медхшив.

Тер хоорнд мини дарук Васильев отрядан дахулси ирв: — Үр Киров, — гижэнэ, — форт мана! Эндрэс авн мөңкнид энүн деөр Советин Улан Туг делсхэр кеввидн!

— Революционн ханлт таднд, улан матросмуд! — гинэд, Киров мини һар атхад, невчк нигэн авч һарад шимлдв. — Радист кергтэ.

— Би бээнм, Сергей Миронович, — болжанав.

Тегэд, би радистлэ зерглэд сууһад авчкув. Пистулан татж авад үзүлжәһэд, суминь тоолад, бүстән хавчулад оркув: — Хойрули көдлх болад бээввидн, — гижэнэв. — Келчкхэр, аальлси улст йир дурго болдв. Маниг, матросмудыг, дурго болсан яһдгинь эс меднчи?

— Станциг мел бийтн эзлэд үлдх болвзат? — гиж радист суржана. — Зөв гихлэтн, йовनाव...

— Уга, эврэн көдл, би өөрчн хара суунав, хэләһэд.

— Юуһинь хэлэхэр? Биитн ааль-жиинл гидгэс хоосн күмб, һа болтха, теңгр цоктха, — радист кесг кирслэд авна.

— Тним болхла, улм сән, — гижэнэв, — мана флагмана станц чиги эндүг алдшго...

Гурьев дуудв. Радист белнән медүлв. Эклэд бичэд бээнэ. Хэлэхнь, хайг күртлнь шифрэр өгсн, юуһ медгджәхш. Киров радиограммиг авад, эргүлэд-дуһрулси болжаһад, хэрү өгчкв.

— Эн кевэрнь Порт-Петровскд өгчктн, — гиж закв, — сонж уга болх... — Зөвэр жаңһрта шифр болдг өңгтэ.

— Нернь үүнәнтин «Альбатрос», зуг тээлврнь олдхш. Кедү сө бидн сууввидн...

Киров радиограммиг хавтхлад, флагман орх болад йовж одв. Тер сөөдән, Мироныч, кермин радистлэ хойрули хэләһ бээж, тээлврнь олси, өрүнднь эртхн күрч ирв.

Нээмн часла Александровск фортын радиостанц эклэд дуудад бээв. Гурьев түрүлж хэрү өгв. Кесг радиограмм ил үгэр өгсинь бичж авн, Порт-Петровск тал йовулад орквидн. Генткн радист өсрж босад, зөвэр чочсар: — Петровск станцин начальник дууджана! Яахви?

Мироныч үүнэ ээм деернь харан төвэд келнэ:— Пöдпоручик Незнамов соңсжана гитн.

Радист сууһад, тоң-тоң гилһэд бээв. Цааһаснь хэрү ирв: «Начальник радиостанции бийиннь дааврт иим бачм шифровк Гурьевур цаг түдлгө йовултн» гиж закжана. Радист бичэд бээнэ, Киров ээм деегәрнь хэләсн бээнэ.

Тер хоорид радист бичдгән төгсәһэд, шифровкиг Кировд өгв. Мироныч сууһад, удасн уга, умшад бээв: «Лейла» баркасар Петровскас Гришин-Алмазов һарсиг дээнэ харулч керм үдшәж йовна. Тер Гурьевар дамжад, торвр угаһар деед залачд күрдг болдгар кетн».

— Гришин-Алмазов гисн, генерал болхугов?— гиж Киров сурад, генерал Толстовин нерн деерәс хэрү бичэд: «Лейлаг» тосхдан белнвиди. Орминь заатн»,— гилһэд, йовулад оркв. Теднэ хэрү бас удсн уга.

«Карл Либкнехт» доран эргэд, ар деегшән үзг хэләһэд хурдлад һарв.

«Лейла» санамр аашна. Зөвәр өөрдж ирчкэд, эндүһән медсн өңгтә, «Лейла» һарад зулхан хээв. «Карл Либкнехт» өмнк товарн деегәрнь нег лугшулад хасн — «Лейлан» өмннь хаһрад, теңс шуд өрггдсн болад одв. «Лейла» гүүдлнь доран номһрад, зогсад бээв.

Генерал бийән хаж үкж. Наадк дахж йовсн кесг офицермүд, нег полковник толһачта, кел бәргдв. Гришин-Алмазовин авч йовсн бичг, һурвн үзгәс Москва, Петроград тал хавсрад дәврхин тодрха зура йовсн Кировин һарт орв.

— Шүүгүлдтн зөвәр сән заһсн төрсн бээжлм!— болж Жалыков инәнэ.— Яһж тедн хордв гилч?

— Терүг эклцәснь сүл күртлнь мана Мироныч кевш,— гиж Когтев келжәнэ.— Толһа!..

— Сергей Миронович намаг тоомсртаһар үдшәвә, һарим авад, байрта харний гилһэд...

— Чи, Хохал, үзвчи? Харһвчи?

— Танла суух мет... иигэд...

— Бийнь ямаран?..

— Гем уга, чаһ-чиирг, серглң... Намаг Орджоникидзе Микоян хойрла таньлдулва. Эвртә улс болдг өңгтә...

— Муула Мироныч үүрлшголм!..— гиж Когтев шүрүһәр босв. — Нә, Хохал Манжиевич, өр цән гиж йовх кевтә, а? Келә, келә йовж...

— Та юн гижәхмта?— болж Жалыков бурушана.— Иим келвриг би бас чигн соңсх биләв. Әдрхн күртл юуһай кехв? Яахв?..

— Учр уга, маһдур чигн, хөөннь чигн күүндх цаг олдх. Йовий...

Тегэд, эн хойр үрвэд, кают-каютарн одв.

Хойр давхр цаһан керм Бакуһас хоорлад һарсн кевәри нәәми
ду һар дуунад теңгсин өгтм дольганла теслцэд, өрэд, Ижлин бах-
лулар орж ирсн, нидик шарху хулсн-зегсәри эрс кесн маштг,
хавтхарсн эрг хоорндаһар цаһан хун мет дүңглээд йовна. Бахте-
мир, Ижлин гүн гисн саласин негнь, эки хаврин усн ору болсар
шуд мелмлээд, цальгн алдсар бәәнә.

Керм хурдлж ирн, бичкн пирстиг арһул түлкн болла — тернь
нөөхлэд, дээвлэд одв. «Үзүр ав!» — гиһэд, кермәс соңсгдм цацу
нәрхн арһмж хаяд орксн, тернь адучин цалм мет эвксн эвәри ни-
сэд, пирсти деер унв. Ардаснь дахлди, зөвәр давставр болдг үг
көөлдэд, хәикнэд одв. Күн нам төртән түүг авсн уга, юнгад гихлэ
теңгсин, хола чигн заһсчирин амнаннь зава һарһдг авъяс болад
хуурснь лавта.

Жалыков Когтев хойр үг келсн уга, зуг хоорндан хэлэлцн,
аю мусхлээд авхас биш. Эди эрә даасн болсн, хуһрхин нааһар
көвклэжәх дөрәһәр цувад бууж йовна. Өмннь — ик чигн селән
утдан сунсн, көкрсн, савһр моддын сүүдрт гермүднь яралдсн,
теднә залмжнь болж дүңгәсн чонж ораһарн гилвкж алтрсн бәәнә.

— Мумра, — гиж Жалыков селәг таньжана. — Тер бәәх салг
хәләһит, мел күүкд улс, цаһан, улан альчурта, цәс-цүс гилдэд
бәәнә. Цуг көдлмш эднә эәм деер ачгдснь ил.

Удсн уга, керм цааран авад һарв. Холын хойр көвәһәр энд-
тенд бәәх тоняс харһна. Күүкд улс, заһсч залусин хувцта, шүү-
гүл хайх, татх күртлнь кежәхнь үзгднә, нам теднәс алькарн чигн
йилһрхш. Болвчн хәлэхд дегд кецу. Келү келвчн, күүкд улсин кех
көдлмш биш. Чиигтә, норсн шүүгүлиг, тернь ядхдан миңһн алд
болдг өңгтә, онһц деер эвинь олж эвкәд овална. Онһциг түлкәд,
уснд орулн, негнь хәәв татна, хойрдгчнь сүл бәрнә, зална, һурвд-
гчнь шүүгүлиг бичк-бичкәр хайж өгәд йовна. Тер кевәри һолыг
тееглэд гишн, ик зууһинь эргәд, шүүгүлин үзүриг көвә тал авад
ирнә. Күн болһн күнд арһмжиг эәмчлэд орксн, мөлкхин нааһар
чирдәж күчндэд, улм күндрсн шүүгүлиг угзрад, угзрад чирнә.
Тиигхләрн, кезәнк авъясиг бас хайжахш: цуһар негн мет гүжрсн
деерән ду негдүлж хәәкрәд, саак «Хогдан аш» дууһан өргәд, әмн-
дән, көөркүс, күрч йовхнь ил, шүүгүлиг татад авад ирнә. Холад
дүүрәд һарч ирх дутман ямаран бахта! Әмд цаһан мөңгн халһр-
жах мет гилв-далв гиһэд, көвән усн бүслсн болад бәәнә. Тегәд,
белкүсцә уснд, көврдгтән күрсн ут-ут бакльта улс, ик-ик сузһар
утхад, өөрхн бәәх керчнхәст «цаһан мөңгән» асхна...

Керм гүүдлән татсн болад, арһулдад одв. Ижлин тал дунлнь
гишн хажихәд, көвәлж йовна. Балһсн, ирж йовх хойрин өми бий-
ән бардмлсар, делвәһэд бәәнә.

— Эн хажугаснь Әәдрхиг сәәтр хәләһэд уга биләв, — гиж Жа-
лыков келжәнә — нег сөөһәр ирләв, нег таг сохр буди дотр... Сүл

йовдлдан түдү дүнгө адһсн, нам нүдндм тас юмн үзгдж йовсн уга. Ода, тегэд, һәәххәс биш. Балһсн, чичржәх торһар бүркгдсн болсн, мануртад, нүднд жирлзәд. басл сәәхн: кремль ик бәәшцтә-һән дүнгәсн, шарһ нарн деерәснь шар алт асхжах мет гилв-далв гиһәд, холас нүд авлна.

Эн хамгиг үзхин, һәәххич төлө делкә эргәд ирхм бәәжв,— болж Жалыков оньган балһснч өгсн, хажудк күүндән келхәс, бийләһән күүндсн йовна.— Балһснас өмәрлж һарад, теегәр йовад, уулар давшад, ода тенгсәр орж ирж йовналм...

— Чи, Хохал Манжиевич, гертән күрч ирсн, кедү келдг болвчи, седклчи төвкнүн,— болж Когтев йосар жилвтсәр келәд, саналдад авб. «Чи ирчквч, би яһнав? Кезә гертән күрнәв?» гиснь келвр угаһар медгдв.— Биичи, Хохал минь, экән, ах-дүүһән тави жил үзәд угав. Болв ода хәр гихнь, герүри орад, эврәксләһән харһн, цааран Питер орх биләв. Балтика дуудад, зүүндм орад...

— Эврән, тегәд, альдасвт?

— Тверь гиж сонслчи? Эдү мет балһсн, Москваһас хол биш.

Тер хоорид керм пирстид күрәд, зогсад бәәв: шал-шал гиж, ус цокж, эргж йовсн ик төгәс менрәд, ә тасрад одв. Олн зүсн ху-вцта дала улс шууглдсн, хәәкрлдсн болад, кермс чигн доңһдна, цевмүд хәргәд, хард-күрд-таш гиһәд, инәлдсн, ишкрсн, дуулсн чигн болна.

Жалыков Когтев хойр адһм угаһар бууһад. пирстнәс уужад һарн, салх болв: йовсн кергнь тал-талдан, бачм. Харһхми бәәж гиж келн гихлә, хойрулн чигн яахан меджәхш.

— Болвчи, намаг хәәсн батта,— гиж Жалыков үүриннь һаринь атхжана,— Хальмг ЦИК-д ирхлә, келәд бәәх. Кемр әс харһгдв гиж, хөөннь хортан дарад, дәәг төгсәчкәд, Далвигур гиичлж ирти. Хамгин эркн гиичм болхт. Көвүпләһән, гергнләһән таньлдулна.

— Ханжанав, Хохал, мөнд йов, байрта, бахта,— болж Когтев йөрәһәд, Жалыковин һаринь атхад сегсрәд бәәнә.— Биичи, санам, Юденичд күрч, бас бәрлдс гиләв. Хортан дархла, хоорндан бидн йовлцад бәәхгов. Тиим эсий?

— Тиим, тиим...

Эн хойр доран теврлдәд, нег-негән бийүри шаһад салв. Когтев эврәннь матросск йовдлар хойр талан невчк нәәхлсн болад, хол-хол алхлад йовад одв. Жалыков ардаснь хәләжәһәд, меддг хаалһарн Облупинск уульнц орад һарв. Удсн уга Хальмг ЦИК-үр күрч ирв.

Хәхал үүдиг татн, ца, стол һатц суух ахлагич үзв. Тернь өкә-һәд,— ю умшжахнь кемжәнә?— өмнән ширтсн, нам өндәж хәләсн уга.

— Орж болхий?

Ахлагч өндән бийәри байрлад одна.— Үр Жалыков!.. «Болхий» гисн юн үгви? Орх кергтә!..— Эн босад, стол һатцасн һарад, хойр

Һаран өмнөн телсн тосж йовна. Мендлэд, Хохалыг күндлж кет-
лэд, суулһад оркв.— Нэ, сэн йовж ирвтэ? Хаалһти ямр болва?

— Гем уга, Бакуд сууһад, Ээдрхид ирэд һарад бээсм эн.

— Тадна дээч үүлдврн тускар бидн хара биш сонса, медэ
бээнэвидн,— гиж сонһмсад, оньган өгэд йовсан герчлж, ахлач
келв.— А энд керг-үүл зөвөр чинвртэ, дээнэһэс чигн тату биш,
кех хамг дала, эх зах уга гим. Герткэсн зэңг авчавта?

— Бичг ирдг билэ.

— Дээһэн чилэж, хортан дарад уга бийнь Ильич партин бо-
ли Советин йосна өмн шин төр тэвсн, тер хамгин эркн болж, ол-
на оньг эзлсн бээнэ,— гиж ахлач ямр ик чинртэ керг күцэгдх зөв-
тэһинь онц темдглжэнэ.— Цуг эдл-ахун хамһрсн-эвдрсн хамгиг
ясж, тату-тартгинь уга кеж, шин, урднй уга бээсн социалистическ
авг-бэрцтэ эдл-ахус үүдэтн гиж заасн, тер тоотыг күцэх чатмг,
меддг, шамдһа, итклтэ үүрмүд кергтэ болжана. Тегэд, таниг Рев-
военсоветэр дамжулж сурж авсмдн эн. Эмтн, эврэн меджэнэт,
дегд дор орсн, зовлн-түрүд даргдсн бээнэ. Кедү жилин туршар
күн кевтэ хот идж, хувц өмсж үзэд уга? Ода, арвн зурһадгч жи-
линэр болхла, таһичин малын өрэлнй үлдсн уга. Тэрэнэ кемжэн
бас дегд икэр баһрж одсн бээнэ. Заһсна халх чигн теднэс деер
биш. Хэрнь, ахрар ашлхла, бээдл дегд муухн. Ташр бас нег эркн
керг манһг өдр сө гил уга көөнэ. Эннй — Цугхальмгинь съезд бел-
дж хурах гисн төр. Наадна юмн биш. Энд-тенд, Эрэсэн өрэлэр
гишн тарсн хальмгудыг хамцулж, бүкл таһич кеж, эврэн йослад,
залад бээдг зөвтэ болһхин төлэ чидлэн, медрлэн, дамшлтан кел
чигн күн хармлх зөв уга. Эмтн ода чигн харһу, тингхлэ, цөөл-
һврн кедлмш улм өргжх зөвтэ.

Та ода хэртн. Нутга комиссар үүлэн цааранднь дааж, нүг хамг
көдлмшт шүнж орлиж, чидлэн бичэ нөөтн гиж сүрхар. Терүнэс
үлү танд юн гихв? Та намас давуһар медхэс биш, татудхн угат,
эврэн үзхт, медхт...

— Юуһинь эс медх билэв, эврэн гишн нутган хоосдүлсн күн.—
болж шуукрад, Жалыков босв.—Цаһачуд кедгэрнь кехэс үрд би
чигн земгэ шүүрдлэв. Эс гиж XI-ч Ээрм тиим түргэр бийән татн-
го билүс: өлн, нүцкн, гем-зовлнд даргдсн, үксндэн күч күрч ялж
йовлүс. Яахв, зүркм шугшад бээсн бийнь, арһ уга, һазак малынь,
көлгинь, өлг-эдинь, нам өвсн, түлэн күртлнй авад, бийсинь ташр
зардг, йир харһсинь келһдг. Тингчкэд, мел өңгэр. Нег чигн күн,
кедү дүңгэ угатя, яду болвчн, уга, болшго гисн уга. Терүнднй хан-
нав.

— Меднэвидн, күндтэ Хохал Манжиевич, ямр дүңгэ тэвц янл-
һа-мацгахн кесиг,— гиж ахлач кесг саамлад гека.— Тана кучи
орснй чигн темлгтэ. Ода төр эмтнд олна ханлт күргж, бээлл-жи-
рһинь ясрулх кергтэ. Советин йосн лавта телнэ, көдлмшч ул-
син йосинь иткүлх кергтэ. Тиим эсий?

— Тиим,— гинэд Жалыков зөвшөрв.— Нэ, би йовнав.— Ах-

лачд һаран өгч мендләд, хэрх болад һарсн, бичэ адһс гисн бийнь болхш: хойр көнһ дерс-дерс гиж, һазрт күрсн-угань медгдхш.

Пирстнд хэрү ирхлә, Олян керм асхлж йовхмжн. Терүг күлөж, кен цаган үрәдмб? Салга сав-саңхс зогсдг причалмуд орад һарна. Зөвәр уухнас таньдг моторк үзгднә, нам йовн гижэх бээдлтә, әмтн деернь хухр-хухр гисн болна.

— Хей, түрд гитн, манахс, нама автн!— гинәд, дайлад хээкрнә. Дарунь, гүүж ирн, алхад, моторк деер сууһад оркв.— Хааран йовхар бээнтә?

— Хәрхәр,— болж баахн хар көвүн келәд, алң болсар Хоха-лур хэләнә.

— Хәрхләрн, хааран?

— Бууран орхар.

— Намий?— гинәд. Хохал байрлад одна.— Би Жалыков гидг күмб, дэәнәс хәрж йовнав, Далвңгур.

— Хохал болхуговт?— Көвүн өврсәр бас нег хэләһәд авна, хойр нүднә гилвксн болад одна.— Салгт тана тускар одачн келц-хәнә.

— Ода кениг күлөжәнтә?

— Налж кергәр одсн, ирхләнь йовад бээхвидн.

— Налж гинчи?— болж Хохал өврх хоорнд, һәрән Налж өз-бийәрн аашна, икәр адһж чигн йовхш.— Намаг гиж бичэ келтн, —гинәд Жалыков бултж одна.

Налж причал деерәс һәрәдәд бун:— Нә, тустан хәрхм, манахс, — гиж доран суув. Бийнь хавтхасн дала цаас һарһсн, ажглад, бүртксн бэәнә. Тер хоорнд моторк «луг-луг» гиж чичрәд, доран эргн — хәрх үзгтән орад, гүүдг талан һарчкв. Цаарлх дутман улм чаңһрсн болад, усиг эрстнә керчәд шиигәдл йовна. Тиигдгнә учрта, урсхл өрж йовхш, үрүдж туугдсн, Ижлин хурди бийиннь хойр негдәд, «шулудхм-шулудхм» гинәд, адһсн болна.

Кесг болчкад. цуцрж ирсн Налж санмср уга амрад суухнә, өмннә генткн Жалыков ирәд зогсна. Тернә чочад, сарвләд босн: — Уй, мөн, Хохал!— гинә, шуд деернь киисәд теврнә.

Дарунь эн хойр зергләд орксн, әс көндәдг төр уга, келжл, күүнджл йовна. Хохал болхла, хотн-хошан, әәмгә, нутгин, салга тускар соньмсж сурна, Налж дэәнә, эврә таньл, үзл көвүд, залусин тускар сонсхар седсн, күр цаарлх дутман улм өсәд-өргжәд йовна.

— Икл юмн болжана, Хохал,— гиж Налж келнә.— Әәмгсәр олна гер гиж һарһсн... ду-би, нәр-наадн, зүсн-зүүл күр, цәәлһвр гинәд... әмтнд эврә оньг өггджәнә. Хармуд невчк эдл-ууш, эд-тавр хәтәрәр төр кежәхш, хәрнә, шурдсн седклән сергәж, үзсн зовлң-түрүһән мартж, сана авсн, сән цаг ирснд, сән жирһл ирхд итксн, байрта-бахта бэәнә.

— Намий?— болж Жалыков байрлна.— Сән зәңг!..

— Шидр кергәр Далвң орсн... Эә, би Катяла харһад. танаһас

олж цэ уулав,— болж Налж үгин хоорнд келж йовна.— Вания-Маца эвр өсж. Катяг «мама» гинэд, деернь киисэд унад бээнэ. Хойрулн нег-негндэн дегд энкр...

— Далвнд Катя «Октябрьск революц» гидг клуб харһсн, эвр-тэ кевэр кедлжэдгчн, — гиж Налж цааранднь келнэ.— Нутга ах-лач Муукан Буча деерэс ирсн күүнд келжэсиг соңсув. Нэр-наадн, ду-бииһэс нань кесг соньн юм кедгчн. Келхд, фронтд нөкд болл-һна долан хонг гинэд, земгэ өргмжтэ кевэр бүрдэгдж: нутг ик баһ уга терүнднь орлцж. Күүкд улсин зөвинь өргх, чинрлх хал-хар ик кедлмш кегдж, цээлһвр өггддгчн. Клубд библиотек сексн, цуһар ирнэ гинэ: умшдгнь умшхла, наадкснь соңсдгчн. «Кезэнь цаг олад, яһж тесэд йовдгтнь али болнав,»— гиж Буча өврнэ.

— Школдан тегэд, кедлдг угави?

— Багшлсн деерэн нутга эрдм-сурһулин халх толһалад, заа-гарнь клуб секэд... Хэрнь, тегэд, нутга ахлач али болж эс бээхий?..

Үд кецэснэ хөөн моторк Оляд ирж зогсв. Хохал цуһараднь хансн, мөндөн желэд буув. Налж эдн хаалһарн болв. «Яһдмб?— гиж Жалыков санна.— Ээмгин Советд одхла, күргүлчкхнь ил, зуг эмтнд үлү кедлмш... Хөрхн дууна, ик гихдэн дөрвн час йовдл, сал-дст юмн биш. Хөв бээхлэ, көлгн чигн харһх...»

Таньдг, кесг йовчксн хаалһ. Удасн уга, мөрн тергн күцэд ирв. Сууһад, бас ю-бис күүндэд келэ йовтл, земгэ үгтэ-күүртэ өвгн бээж, Далвн болад бээв.

Жалыков бун бийэри герүри адһв. Күрч ирэд, хашан үүдиг арһул түлкхлэ, герин сүүдрт көвүнь, Вания-Мацань, сууна. Эп, цааран хэлэнэд, ю-ви, нег юм кесн, терүндэн авлгдсн бээх өңгтэ, нам ардан эргжэхш. Кесгтэн һээхэд, байрлад, хоолнь бүтсн чигн болна, зогсжаһад арһул:— Вания-Маца!— гинэд, дуудад оркна.

Тернь эцкэн үэн, өсрж босад:— «Ма-а-ама!— гиж чишкэд хээ-крсн гүүж ирэд, шахлдж йовна.— Мини баажам күрэд ирвш!.. Күрэд ирвш!..

Гер дотрас, цааһас, хард-таш гисн болла, Катя гүүһэд аашхнь ил:— Яһвчн? Юн болва?— гиж үүдиг секэд һарад ирв. Залуһан, көвүһэн үзкэд, дөрө деерэс шуд һэрэдж бун, эн хойран теврэд асхрулад бээв. Хохал чигн хойраднь шахлдад, селгэдэр үмсэд, илэд, үнрчлэд, эс медгчэр һарсн нульмсан арчад, байртан күч күрч яджана.

II ХҮВ

ТӨЛЖЛТИН ХААЛЬД

Негдгч бөлг

Цугхальмгин съезд хурах төр 1919 жилин хаврар эклж тэвгдсн кевэрн кесг саамлж, дор деер уга хүүвлгдж, нам белдвр кех комиссь батлгда, нил көдлмш делгү кегдв. Хальмг ЦИК съездиг юнин арвнд теегин тал дунд, цутхлннь болж бээх Яшкуль селэнд секх болсн, зөвэр адхх керг учрв: цаг бачм, кех, күцэх хамг ймрнк.

Зуг тер шиндвр күцшго юмн бээж. Шиндвр харсна маньдуртнь, майнн зурһанд, генерал Улагайнн мөрн цергэ корпус Манц һолар харслт бэржэсн Советск Цергиг шахад, салвлад, Хальмг теегэр алдрад орж ирсн, ард-ардасн цаһачуд нүүһэд-нүгшэд бээнэ. Дөрв хонад, эдн Яшкульд күрэд, терүг авад оркв. Тингхлэ, съезд хурах төр хооран саагдл уга бээшго болв.

Тер бийнь белдврнн көдлмш баһрсн уга, хэрнь, улм өргжэд, шатад бээхэс биш. Учринь келхлэ — дала: негдвэр, онц тацһч бүрдэх гисн — хара йовдл бишнь лавта. Кедү нэри гисн, жаһрта гисн төрмүд хаһлх кергтэ? Политическ, экономическ, эдл-ахун чигн. Келхд, ямаран һазр-ус ээлхинь, межэнь альдаһар, яһж хархинь, терүнднь кен-ян, ямр ээмг, алвт, отг орх күртлнь йнлһж, мал-герин, һазр-ус эдллһнэ чигн тускиг чикэр, үлү нег үг-күр һаршго болдгар кехин төлэ чирмэхл кергтэ болв. Тернь — негн. Хойрдхла, Хальмгин һазрин ик зунь цаһачудын һарт бээһэ кемд Цугхальмгин съезд хурахд белдвр кенэ гидг — икл өөдөн политическ чинртэ керг болжахнь алдг уга, юнгад гихлэ цаһачудтн цаг зуура юмс, бидн хөөткэн тоолж батлжанавидн гисн учр-утхта. Терүн деерэн цаһачудын худлынь бас илдкнэ. Эдн «Советнн йосн съезд хураж, таднд тацһч өгх гисн — большевикүднн худл, мек, бичэ итктн» гиж ховлад хээкрлдлгнь — нуувр уга. Минь иим бээдлд цуһараднь үзүлэд, медүлэд, съездт белдвр келһэн чаһаж, цөөлһврик улм өргжүлж, хальмг болһид күргж, терүг цуг олна эркн керг-төрт тохрахас нань даву керг бээсн болхий?

Цаһачуд көөгдэд, царцахас мет одв. Хальмг тег сулдад, хамг

тоотан диглж, ясж авчана. Цугхальмгин съезд хурахд кесн белд-
ир бас төгсөв.

1920 жилин майн 26 өдр. Хальмг ЦИК-н пленум болн Цуг-
хальмгин съезд белдх комиссь хойрин негдсн сүүр болжана. Энү-
нд нутг болһна күцэгч комитетмүдин ахлачнр бас ирсн бээнэ.
Хүүвлжэх кергнь дегд өөдөн чинртэ — хурагдх съезд, терүн деер
хэлэгдх, халлгдх төрмүд.

Сүүриг шишлн эс харддг болвчн, үүнэ көдлмшт земгэ шамдх
Константин Рудольфович Герценберг орлцжана. Эн 1905 жилэс
авн партин член, гүн медрлтэ, байн дамшлтта, хурц ухата, йир
юуһинь чигн үзчксн большевик. Тиигчкэд, Хальмг теегүр деерэс
ик даалһарта, ВЦИК-н болн Наркомпацин элч болж ирсн, Цуг-
хальмгин съезд болн автономн таһнч бүрдэхд белдвр келһнэ ко-
миссин ханьд сунһгдсн төлөдөн алькднь чигн шунж орлцад, ол-
глад, кенинь, юуһинь йилһэд авчксн күн. Тер учрар йир ямр чигн
төрөс хооран эн хархш, тегштэн хүүвлж, эврэнэн келж, селвгэн
өгнэ. Нам үүнэ келснэс күн хархш, үлү уга, мел чик, зөвтэ болна.

Хүүвлх төрмүд хэлэгдсн, батлгдад хуурв. Цугхальмгин Негдгн
съездиг теегиннь лавта цутхлнднь бээх, Ик-Цоохра нутга Чилгр
селэнд июль сарин 2-с авн 9 күртл кех болж шийдв. Эн сүүрин
перн деерэс съездт эврэ автономн таһнч бүрдэх селвг орулж өг-
сн чик болх гиж, эдн үгдэн багтв.

— Нэ, төрмүд төгсөв,— гинэд, ахлжасн Чавчан Арш сүүриг
хаахар йовхнь, Герценберг үг сурв.

— Эндр, үүрмүд, эн төр эс хэлэгддг болвчн, келчкхэр,— гиж,
Константин Рудольфович арһул эклв.— Съезд хурагдад, таһнч
бүрдн гижэнэ. Тиигхлэ, урдаснь кен ахлж хардхинь ухалж, йил-
һж авх кергтэ. Ода бээсн улсиг муулж, чидшго гнж келхэр бээх-
шив. Болв онц таһнчта, эврэн халлж зална гидг, үүрмүд, наадна
юмн биш. Цаг дегд чинвртэ, дэн сээтр чилэд уга, хортн зүсн-зүүл...
цаһан, ноһан. Мана дуту-дунд, тату-тартг, хамхрха-эвдркэ бас
баһ биш. Тер учрар цуг хамгт ханцан шамлад орх халун, шүрүтэ
залус, партин болн Советин йосна төлэ ноолдхас ээшго, нег мө-
слсн, зөргтэ, итклтэ харнь кергтэ. Хэлэһэд, шинжлэд бээхнь, ти-
им улсин негнь — Хартн Кануков, большевик, урднь багш, ода нер
һарсн комиссар, Хальмг полкд политическ болн сурһмжин көдлм-
шиг өөдөн өргсн күн. Тегэд, минн келхэр бээхм, энүг ухала, сана
йовтн. Кануковиг меддгэс, эс меддгтн ик болх, юнгад гихлэ тер эн
алдар ирэд уга: цергэ күн цергэ хаалһарн йова. Учр тиим болсар
үлү-дуту үг харшго болдгар, урдаснь келчкхэр: альк чигн хал-
харн тегш, өөгдшго күн: медрлтэ, хурц-хурдн, шулун-шудрмг,
келтэ-амта... Ахрар келж — чидхл үр!..

Сүүрт бээх улс ниргүлэд альх ташлдв. «Чик!.. Зөвтэ үг!.. Мел
үүн!..» гилдэт хээкрлдж бас йовна. Ахлжах Чавчан Арш өөрнь
зерглэд суусн Алексей Маслов хойр хоорндан «медвчи?» гисэр,

доранар хэлэлдэд оркхас биш, үг келсн уга, нам терүгэн кенд чигн медүлх санан уга бээхнь ил. Эн хойр, эс медсн болад, эмт дахад альх ташсн болад, хойр альхан эрэ харһулад, авад бээнэ.

Тер өдрэс авн Чилгр селэн гентки нер туурч, хальмг болһна сана, седкл, оньг ээлж, хойр күн харһвас үүнэ цолынь дуудж, энд хурагдх «ик хургин» тускар төр кеж, хамг иргчэн, сэн-сээхн күслэн мел энүнлэ залһдг болв. Иигдгнь бас учрта: күн эс медх юмн уга. Хальмг болж, унг-дэнгиннь һазрас «халяд» һарснас нааран, һурвн зу һар жилин эргцд энд-тенд, салу йовж, күүнэ медлд, талын улсин йос-ямд хавчгдж, теднэ һар хэлэж, тату хөвтэ, дуту зөвтэ бээлдсн, ода улан залатир цуһар негдж, эврэ танһч бүрдэж, хөв-жириһлэн бийснь медж, залх зөв авна гидг — цань уга ик байр.

Эн зэнг Хальмг тсегин ут туршар живртэ мет нисж, хальмг болһна зүрк бульглулсн деерэн давад, деврэд, Теңгэ медлэр гүүдглад, Ростовин өөгэр, Батайскин эргнд бээрлсн Хальмг цергэ энгст бас күриэ. Цергчир ардасн ирсн бичгүдэн хоорндаш умшлдж, хальмгудын хөв-жириһлд даруһас темдгтэ хуврлт һархмжи гиж хүүвлсн, зөмгө өргмжтэ бээлднэ.

Тингжэхнь, Кануковиг Ар Кавказин дээнэ округин командлгч бийнь на-ца дуудулж. «Ода юн болад одсмб? — гиж үүнэ дотрнь кинт дөрж, цуг хамг агчмин зуур толһаднь дарцад, гүүдглад, орад һарад одна. Зуг ээх, ичх юмн йир медгдхш. Тернь невчк төвкнүлдг болвчн, цань жиг-жиг гисн болад эвгэрнэ. — Ээрмин командлгч дуудхда чигн учр ондан, а округин...»

— Үр командлгч, Хальмг цергэ энгсин бүрдәһәч болн дээнэ һардач Кануков тана дуудвар ирүв, — гиһэд, эн мегдәһэд одв.

— Менд, үр Кануков, менд, — гиж командлгч маасхлзад, уралан һарад су гисэр өмнән бээх стул тал заав. — Келн бэ, кергүүлтн ямаран, цергчир яһжана?

— Кергүүл гем уга, үр командлгч, цергчир эрдмән болн медрлан өөдлүлхд оньган икэр өгсн...

— Меднэв, меднэв, үр Кануков, — командлгч кесг саамлад гекэд авб, — кенэ ач, тусинь бас меднэв. Чик!.. Сән!.. Таасжанав!..

— Ханжанав, үр командлгч!

— Ханх юмн өмн бээнэ, Хартн Бадиевич, — гиж командлгч инәмсглад, өмнән кевтсн цаасиг авад чичрүлв, — энүнд бичэтэ хамгиг медхлэ...

Цаасиг умшхла, Кануков бийнь Цугхальмгин Негдгч съездин делегат чигн, эрк биш йовх болжана. Терүнд хальмг цергчир бас орлицтха гиж суржана. Негдвэр, одачн дала бээх хортд, цаһачудын үлдл, көдлмштнь бичэ харшлтха гиһэд, хэлэж-харлһнд орлицхла, сән болх. Хойрдвар, съездт нерәдгдсн цергэ шишлн парад болхд бас орлицх гиж ицжәнэ. Тегэд, командлгч Кануковта хойрули, яһсн сән болх гиж, алькинь чигн зөвөр нәрдүлж, тоолад, томжад бээнэ.

— Бийстн зер-зевән зүүһэд, мөрдән унсн, тачанксарн гүүлгэд.

орад ирхлэ, юн үг,— командлгч босад, эрст өлгэтэ ик картын өмн одад зогссн, хэлэһэд шинжлэд бээнэ.— Ядхдан зурһан-долан зуи дууна. Тиим хол һазрт, ним халунд мөрд көөнэ гидг... Ухалхнь, тоолхнь, төмр хаалһас амрнь уга, зүг сул вагон гидг бас...

— Хальмг теегт, үр командлгч, төмр хаалһ угалм...

— Хэлэлч, Харти Бадиевич,— командлгч хурһарн картыг хатад йовна,— үүнд, Ростовд суухла, үүнд, Сальскд одад бун гижэнэт. Хальмг һазрин зах мел өөрнь. Бээшнгтүр күргүлэд, тер мет цааранднь бас тиигэд, дамжад йовад одхт. Тадниг, бачм төр күцэж йовх улан цергчнриг, кен чигн бэршго, хэрнь, шулуһар нөкд болхас биш...

Хаалһнь тер болсн, наадк хамгинь хойрулн йир арднь орж нэрдүлэд, ю чигн алдшго саната, басл земгэ кевэр тоолад-томжад диглв. Күцц биш эскадрон йовулх болж үгцнэ. Терүнд арһта гисинь, шамдһа-шулун, чадмг, дээнд ончрсн, зөрмгән үзүлсн тоотыг шүүж орулад, үзсн күн лавта көдлмшч, крестьян улсин Улан Цергэ энг йовхд иткдг болдгар, байрлдгар, бахтдгар кех кергтэ. Тер төлэд хувц-хунрнь, зер-зевнь күцц болдгар, нам пулеметмуд күртл бийлэһән автха.

— Кемр парадт орлцхд мөрд кергтэ болхла, Хальмг теегт эс олдхий?— Командлгч Кануковур хэлэһэд инэмсглнэ.— Яах?..

Харти Бадиевич шахгдсар тулжаһад: — Нам юн гихнь медгдхш. Цаһачуд шүүрдсн, бидн бас хара йовсн угавидн, тиигхлэ...

— Ахрар келж, үр Кануков, дор ормднь ю-күүг хайлх болад бээвт,— гиж командлгч күүриг ашлв.— Бүкл келн-эмтнэ түрүн съездт орлцх цуг Улан Цергин элчнр болжанат, күндэн гиигнэс өгэд оркдг болвзат, хэлэж йовтн...

* * *

Дивное гидг орс селэнд, хальмгар һардач чигн, өгсн арвн тергн болн теднэ өөр суухднь — сууһад, йовхднь — йовад дахлцсн цергчнр цувад, нег ик өндр толһа деер һарад ирв. Ар, өмнөн хэлэхнь, зөвэр холд үзгднэ.

— Эн толһаг Хамр гидмн,— болж, түрүн тергнэ жолач, өвгэрг орс келж йовна.— Буухла, цань — Элст...

— Тегэд, юцгад эс үзгднэ тертн?— гиж, хажуднь үрвж дахсн Кануков сурв.

— Ик хотхр дотр бүүрлсн, деернь орж иртл, сээтр үзгдхш.

Зүн бийд нарн ик улан төргр болж мануртад, намчлад сээхн сууж йовна. Шүрүн хэрэд, йосар көшсн мет цээһэд гилиһэд, шидрдсэн шатачкнав гисэр һалар киилдгнь уурад, эргнд хамг нам гиһэд, төвкнэд, номһрсн болад одв. Салькн эрэ эмрсэр сүүкнэд, серү татад, земгэ.

— Элстд хонад, өрүндэн күргүлхлэ, ормдан күрч одн гижэнэвидн,— болж Иван Андратов келэд, Кануковин өөр ирэд зогсв.

— Картар Чилгр күртл далхн дууна,— гиж цаадкнь хэрү өгн

бээж, дурнавар өмнөн хэлэжэнэ.— Элст гидгтн мел модн дотр
бээх кевтэм: үрглжлэд көкрэд, нер уга...

Бүрүлин гегэн тасрад уга бээтл, эдн селәһәр орж ирв. Тал
дундаһарнь зөвәр нигтәр тәрсн модна захар, бичкн болвчн земгә
чаңи урсхлта Элистинка турглад, көвәһәрнь, шуд шалу гим, но-
һан өвдгцә. Кануков тотхад, һаран өргәд, зогстн гиж докъялв.—
Нутга ахлачнр ода манд олддм биш,— гинә.— Эн уста, өвстә һаз-
рт модн дотр хонхм. Чи, комәск Андратов, харул тәв... Револү-
ционн саг-серггән альд чигн, кезә чигн алдад керг уга. Батын ээж
уульдг уга гиж, наадад келсн үг биш.

Удсн уга, өөмдгн — өөмәд, бийән уһадгн — уһаһад, шора-
тооснас, кир-нуһудасн һарсн, цевр-цер, һолын көвәд зергләд суу-
лдсн, ю-бис келәд, нег-негән наадлсн, шоглсн, инәлдсн, әвртә
серглң бәәнә. Генткн хоңхта гарма жиннәд айслм цацу сарул чи-
гн бөдүвр дууһар эклсн дун авглад одв.

Ахрхн сүүлтә борарн
Аштаб голкан орлав. э... э...
Аштаб голкан орлчн,
Аштнь менд ирийла,—

гинәд, сүл хойр мөринь цуһар өргәд авсн, Элистинк деер күнкпәд,
ик хар модн дотраһар дүүрән болад нисәд, селәнәс давад, цаар-
лад, теегәр асхрад, теңгрт күрч хадгдм.

Картуз махлаһан өмсләв.
Кавалер сурһулян сүрлав, э... э...
Кавалер сурһулян сүрлчн,
Коммунист болхар бичгдләв,—

болад, дун цаарлх дутман улм деср авад, шүрүнь өсәд, айснь үлм
яһзрад дуулсн, соңсн уган дүринь ээлж, өргмжинь немж, зүр-
кәрнь орад-һарад, доңһдад бәәв...

Өрүнднь босллад, ә-вәәһән олсна хөөн Кануков цвг хамгчг
бүрткәд хәлән йовж, келжәнә:— Би нутга ахлачнрт однав, көлг
сурнав.

Манцин кецәхнә күцәгч комитет өөдм деер дүнгәсн модн герт
бәәж. Орад ирхнъ, стол һатц зузан хар хальмг сууна. Терз твс
өндр шар орс зогссн, ю хәләжәснь кемжәнә, цааһан ширтсн, онь-
гнъ мел тенд бәәдг дүртә.

— Мендвт, үүрмүд!— Кануков һаран картуз талан өргәд, цер-
гәһәр мендлв.— Хальмг цергә әңгсин бүрдәһәчнь боли һарлачнь
Кануков гидг күмб. Цүгхальмгин съездин делегат деерән съезд
харх, парадт орлцх эскадрон авч йовнав. Көлгн кергтә, ядхдан
арвн тергн...

— Арвн гинтә?— болж хальмгн өврәд одв.— Чи соңсжанчи,
Реснянский, а? Арвн тергн кергтәжи!.. Ода деерән мандтн, үр
Кануков, негн чигн уга.

Кануков хавтхан уудлад, улан бекэр тэвсн харта тийзтэ цаас барһад, хальмгт бэрүлнэ:—Үр... Нерити кемб?

— Буданов Эрнжэн, нутга ахлач болдв.

— Үр Буданов, өөрктн, Ар Кавказин дээнэ округин командлгч бийнь өгсн, кен чигн күн, хама чигн бичэ харшлтха, дөн-нөкд болтха гисн заквр.

— Командлгч биш, нам Маслов бийнь ирвчн, арһ уга,— гиж нутга ахлач хойр харан делнэ.

— Та үнэрий?— Кануков эс итксэр хулмлзад, Реснянский тал хэлэнэ. Үг эс келвчн, хойр нүдннь «энтн яһжахмб?» гисн сурвр шуд хээкрсэр бээнэ.— Дээнэ округин командлгч дэрин үнр соңсад уга военком хойриг күн дүнцүлдвн?

— Намд гихлэ, Чавчан Арш Маслов хойрас даву ахлач уга. Теднэ келснэс харшгов.

— Тедити юн гилэ, тегэд? Көлг бичэ өгтн гили?

— Эндү үгэр, алдг келсэр, үр Кануков, үг бичэ кетн,— гиж Реснянский эднэ хоорнднь орв.— Үнэн келхннь, көлгн уга, негн чигн...

— Та кембт, үр?— болж Кануков хэрүднь сурна.

— Нутга военком Реснянский гидг күмб.

— Тийм болхла, үр Реснянский, үүндэн цээлһж өгтн: Эрэсэн өмн зах кевари, Кавказ бүклдэн, ар-өмн уга, тер тоод Хальмг тег бас, мана дээнэ округин медл болдмн, нег үлү ода, дэн-дажг уурад уга цагт. Тийгхлэ, командлгчин заквр эрк биш күцэгдх зөвтэ.

— Тернь медгджэнэ, зуг көлгн уга болж генүлхэс биш,— гиж, Реснянский харм төрсэр, сана зовсар келв.

— Эпдртэн юмн болшго,— нутга ахлач энүгэрн күүриг төгсэхэн хээжэнэ,— маңһдуркинь — маңһдурк теңгр меджэнэ...

— Теңгрт даалһхас, үр Буданов, төр мана дегд бачм болчкад, эрктн. Сальскд бууһад, теңгэхнэ чигн, сарпулин чигн медлэ һазрар йовад, альднь болвчн көлгн-күчэр теткгдэд, йир амр ирсн, эврэ һазрт, хальмгуд дунд орж ирчкэд, иигж...

— Та юн гихэр?— болж, Буданов сөрсэхэр седж йовна.

— Медгдсн угайи?— Кануков мусхлзад, Реснянский тал хэлэһэд немнэ.— Арһлтн гихэр, үүрмүд, маңһдур өрүһэр маниг эрк биш йовултн, эсклэ болшго...— Эн харан картузтан күргн, доран эргэд, һарад одв. Муев ардаснь адһж дахлдв.

Буданов өргэрн үүднүр заңһчкад инәмсглнэ:— Эс үзвчи, ямаран алмсинь? Уурлад, нүдэрн бэрж иди гиһэд, шуд... Ахлачнр күүндсиг соңслав: «Кануковиг дуудл уга бээдг арһ уга, зуг ирж гилэ, кү амрашго» гижэсинь.

— Тертн, Эрнжэн, зөв гихэр, үлү нег үг келсн уга.

Кануков альдаран, яахар адһж йовхнь темдг уга, көлнь һазрт күрсн-угань медгдхш, бээрсн һазрүрн шудрсн:— Чи, Муев, одаксин аалиг медвчи?— гиж йовна.— Цухд манд өргжэнэ гидг тер.

Бийән кeрглсн уга гиж өөлжәнә. Дурндан ирлэд, һолын көвэд бээрлэд, нээрлэд, ташр көлг ас гиж ээрэд... Йосан манд үзүлхәр, медүлхәр седжәнә.

— Эндртән амрад, маңһдур йовхла...

— Чи, Муев, яһжахмчи?— Кануков доран зогсад, цуг гем һанцхн чамд бэәнә гисәр шилвкэд одна.— Мини эркн нөкд, дээч үр, итклтә гисн күн, келжәх үгины!.. Эврән тодл, ижлдән кел: эндр кегдх юмиг маңһдур гиж үлдәдм биш!..

— Тиигхлә, Харти Бадиевич,— Муев эмәжәхнь ил, хуухан маажна,— намаг нег өдрәр тәвхитн, хәрэд, гертксиннь менд медәд ирсүв. Тадн маңһдур асхлад, Чилгрт күрхт, би тадниг тенд тосж авхув. Тер алднд, хөрхн дуунад бәәдв. Зөв гихләтн, Манжин Ба- таг бас дахулхар, нег хотनावидн...

— Мини заавриг, Муев, күчр олзтаһар тодлвч,— гиж Кануков «пиш» хаһрад инәсн, ууриь тәвгдәд одна.— Тиим түргәр медж, бийдән наана гидг!..

— Һанцхн эктәв, Харти Бадиевич, күләһә, хәләһә бәәж, пүднь онһажәх...

— Йов, Муев, йов,— гиж Кануков зөвшәрнә.— Чини төлә биш, экинчи төлә, Батаг бас дахул...

* * *

Өдрин тес адһм угаһар амрхднь— амрад, өөмәд чигн, хара көлврәд чигн, болв ю-күүһән дигләд, белдәд, бедрәд авчксн эс- кадрон өрүүһәр ирәд, нутга күцәгч комитетин һаза, сүүдрт бээрл- сн, ахлачнр ирхиг күләлдсн сууна. Цуһар земгә сергмжтә, шогл- сн, инәлдсн бэәнә. Тииглджәхнь, ахлачнр гер эргәд һарад ирв.

— Мендвт, үүрмүд!— гиж Реснянский һаран толһа талан өр- гв, хажуднь йовсн Буданов эрә гексн болв.— Нә, яһж хонвта?

Кануков босад, эн хойрин һаринь селгәдәр атхад,— зуһар сал- дст зовлн уга,— гинә,— кевтсн һазрнь— орн...

— Хотдар әмт йовулчклавидн, көлгд ирх,— гин йовж, Буда- нов герүр орх саната эргв.

— Тегәд, ода чигн ирәд угави?— Кануков шүрүлксн болад од- на.— Кезә ирхмб?

Буданов «ода яһж медхв?» гисәр хойр талан хултхлзәд, дегд алмацсн болв, үүдиг көләрни түлкәд, орад одв. Реснянский арда- снь дахлдсн, үүдн хоорид тулад,— ирх, бичә санаһан зовтн, нев- чк күләжәтн,— гисн орж одна.

— Тиим болтхал, гихәс,— Кануков картузан авад, көлсән ар- чн йовж, Андратов Шивидов хойрин өөрнь зергләд суув.— Тадн, хойр комәск, юн гиж санжанат? Намд, хүвдән, эн Буданов гидг бударад, харшлх бәәдл һарсн болад бэәнә. Чик хәләхш, чирәһән цааран кәһәд, буру хандхар седәд, бугзадн гиһәд...

— Харшлхар седхлә, бидн терүг...— Андратов яахан келсн уга, болв сән юмн болшгонь медгджәнә.— Икрхәд, казваддг ул-

гтнн казвадхас биш, манд, шааһа керг, төр күцэж йовх улаа цер-
тирт, аальлж чадхий? Элкнь көөһэд бээхгов!..

— Бив гиһэд, ар һазрт өлкэдэд, Советин йосна нерн деерэс
чон бола бээж дасчкен... Буданов сансарн бударна гидг тер,—
болж Шивидов ашлвр кев.

— Минь иимнь йосиг һартан авчкен бээдгнь һундлта,— гиж
Кануков саналдв.— Тиигхлэ, олна нүднд Советин чинр буурхас
биш, өөдлж өгшгоlm. Үүнэ келсэр, кевэр терүг дүнхугов...

Үд болв. Халун йир күчр: хара зөндэн келсн сар-сар гиһэд,
сүүдрт таварлад суусн бийнь күч өгхш. Хотан уухар хэрлдсн Бу-
данов, Реснянский эдн шуукрлдад, шал усн болж келрсн, терү-
гн арчлдсн аашна. Кануков эн хойриг тосад босв: — Нэ, одак
көлгдтн яһла?— гинэ.

— Көлгд чигн уга, йовсн улсас зэнг чигн уга,— болж Буда-
нов келэд, нам зогссн уга, герүр орж одв.

— Военком, түрд гилт,— гиһэд, Кануков Реснянскийг зогса-
һад, өмннь ирэд зогсв.— Келит, лавта эмт йовуллта?

— Ахлачин келэр болхда, лавта...

— Та бийтн үзсн угавта?

— Өцклдүр өрүһөр нааран аашхлам, ахлач харһсн, эмт йовул-
чксар келлэ.

— Хойр хончквш!.. Яһсн болх! Юн гижәнэт?

— Ода юн гихв,— Реснянский башрдсар алмацжана,— орад
сурнав, зөвчлнэвидн...

— Хе, ода юуһинь зөвчлхэр бээхмб?— болж комэск Андра-
тов келн, герүр орсн военкомин ардаснь хэлэв.— Юуһь эс медгд-
жәхмб?

— Цаадкднь ааль бээнэ гидг тер,— гиһэд, Кануков хажугшан
харвн, довтлж аашх мөртө кү үзэд, оньган мел терүнд тусхв.
«Мууха адһмта йовхмб?— гиж санна.— Иим халунд иигж мөр
көөнэ гидг, хара биш!»

Мөрн тер шүрүһөрн ирэд, таг зогсв: хамриннь хойр нүкнь көө-
рг гим, хүүгэд, сүүгэд, хойр оочаснь ик-ик цаһан көөсн унад,
бийнь шуд һолар орад һарснас дор: шал усн ханчран татад, һуйһь
чичрэд бээнэ. Деернь кевтх күн көндрэд, толһаһан өндэлһхэр
седсн — болжахш.

— Ой, энтн Батала!— гиж Андратов хээкрн, гүүж одад, да-
ласнь арһул татна.— Бата, Бата яһвта? Юн болва?

— Бандла харһад...

— Муев яһва?

— Сумн түсад...

— Э-эх!.. Тиим цергч геенэ гидг!..— Кануков аралдад, хойр
пудрман шүүсн дусмар атхсн бээнэ. Үүнэ чирәнь өнгән гееж көк-
рэд, хойр чикнь шуугсн, хойр гүрән «луг-луг» гиһэд, хойр нүднь
бүриж уутърад, хэлэцнь киттрэд, мел мөсн гим. Эн эмэлин бүүр-

гт өлгэтэ ташмгиг зүн һарарн шүүрэд авн, барун һарарн ташадк пистулан татсн, герүр орж йовна.

«Күчр уурта болдг, ода улм давж одсн, нам ю татхнь темдг уга!» гиж сани, Андратов хурдлад, герүр орхнь, Кануков пистулыг зөрүлчксн: — Тиим цергчин эмнд хорлна гидг!.. — болж хээкрэд, Буданов Реснянский хойриг ташмгар сели ораһад авб.

Андратов үкс гиж эднэ хоориднь орад, Кануковин пистул ташмг хойринь авад оркв. Тернь чидлнь чилэд көшсэр, стул бээснд суув. Өкәһэд, хойр һарарн толһаһан бәрсн, келәд-кевшәд бәэнә. «Эн хойр арснас көлтә тиим цергч геенә гидг!.. Көлг өгәд йовулчксн болхла, Муев, мана эркн үр, зөрмг улан цергч, әмд бәәх билүс!.. Уй, та хойр арсн, ар эргәд, ахлачир болад, һордалдад, яһсан, ю кесән меджәнтә, а?»

— Уга юмиг хамаһас авхви?— гиж Буданов уульһсн болв.

— Уга гиһи?— Кануков босад, саак хойр нүднй һал асад. шилвкәд одв.— Лавта угайи?

— Уга гисн худл,— болж Андратов орлцв.— Бидн эврән һархла, агчмин зуур арвн көлг олхвидн, зуг... йосн бәәһә бәәтл, бидн тиигтлән цаһачуд биш...

— Хәрнй гиһич!— Кануков невчк тәвгдсн, нааран-цааран йовднжана. Будановин өмиг ирәд зогсв.— Кемр хойр часин дунд маниг эс йовулхла, би, хүвдән, яахан меджәхшив, үнән келжәнәв. Йовтн хойрулн үкс гитн, эсклә... Хойр хонгт толһаһим эргүлснтн, хойр күүнә эмнд күрснтн болх!..

Сүрнй зөвәр даргдсн, хажһран меджәхнь ил, Буданов Реснянский хойр йовлдад одв. Удсн уга, түрүн көлгн күрәд ирв, ардаснь бас нежәдәр, хошадар ирләд бәәв. «Тегәд, сәәтр хойр час болл уга Батаһан эмнүлтхә гиж. Элстд үлдәһәд, наадкснь күргүләд һарв».

Кануков тедүкн зогсжасн Реснянский тал өөрдж ирәд, һаран өгв.— Үр, гем мийи, бичә му сани,— гинә,— кемр чадх болхла, мартж үзтн. Хажһран тавлад меджәнәв, халурхсан. Муевиг уга гихлә, ухам шуд харһурж одв. Тертн эркн нөкдм билә. Кедү һалар орж һарсн болхв бидн. Дүүһән гиж сандг, бийләһән әдл иткдг, нам эңкрлдг төләдән харм төрәд, хордад, эвго юм татсн... ичкевт гихәс талдан ю келхв? Хәрү авдм болхнь, авхм бәәж, зуг...

— Ода яахв, үр Кануков,— гиж Реснянский һаринь атхв, ма на гем бас баһ биш. Тиигчкәд, та бийиннь төлә биш, олна кергин төлә улан цергчирт харм төрж халурхситн медә бәәнәв. Өвдкүртә, ичкевттә, болв цәәлһвртә.

— Батаг хәлән бәәтн, хәрү хаалһдан авнавидн,— гиж Кануков суржана.— Нутга ахлад менд келтн, гемән намаг меджәһә гитн, бичә икәр өөлтхә.— Эн хойр бас нег һаран атхлдад салв.

Көлгд цувад, доргшлад, Улан Эрг ордг хаалһар үрвәд һарв. Селәнәс уухнд, ик толһа деер Кануков зогсад, ардан эргәд хәләв. Элст өминь мел альхн деернь бәәх мет үрглжләд бәәнә. «Элст,

Элст,— гиж Кануков саналдв,— эн насдан мартшго юм үзүлвч...»
Гер хоорнд толһаднь талдан тоолвр орад, шуд хээкрхин нааһар:
«Элст юмб? Эврэн гемтөч! Эврэн!..» гинэд дотрнь төөнрнө.

Эднэ өмн, арв һар дуунад тасрад һарчкһн, хурдн мөрнө гүү-
хәрнь Буданов довтлһн, сальк хавлад йовна. Санань: шулун гид-
гәр Чилгрт күрч, ахлачдан келж, зөвөн авад, бийән цеврдхһн де-
ерән шууга татһн Кануковиг үрэх, тарах гисн, заагарнь хорнь бус-
лж, шугһн уульһн, тийгх дутман, мөрнө гүүдл татудж өгһн, улм
чанһах саната, хойр талан дэвэд цокад, нисхин нааһар йовна.
«Чамаг, Кануков, иигж амтым барһн элмр, тав деерчи һарч, өшө-
һән эс авдм болхнь, Эрнжән гидг нерән эдллго одсв!— гиж эн
андһарлад, араһан зууж тачкнулна.— Зогсжа зуг, Будановин бу-
данас ууһад уга болад тийгжәнөч. Амрашго юмн! Элкһн көөһэд,
гүзәнчи бу тусх!..»

Тер кевәрн Буданов Улан Эрг давад, Яшкуль һолын көвөд ирж
буув. Мөрнь зөвәр көшһн, тэви дуунад хурдлна гидг — наадна
юмн бишлм, көлһн нам цаһан көөстө. Эн мөрән амһаһинь һар-
һад, шал усн чеежинь илэд, эмэлинь авад оркв. «Уй, иигж сулдхм
бөөжлм» гисәр мөрн шуукрһн болв, дөрвн көлән алцалһад, цуг
цогцарн чичрүлэд авб, арһн энд-тенд, үүрмг-үүрмгәр дагжад одв.

Дарунь Буданов шалвран тээлэд, мөрән көтлэд, һолур орв.
Нигт хулһна захд белкүсцә уснд күрһн, мөрн деерән хойр альхарн
ус цацад, көк хамтхсар эвтәкн багла кесн, терүгәрн зүлгэд уһа-
һад, арчад бәәнө. «Ууртан бүтэд, довтла йовж, мөрән көшөһэд,
— гиж бийән шооджана,— невчк сатлх били, арһулдх. Тедн манһ-
дур үдәс эрт иршгөнө ил, би эндр эртхи күрч одн гижәнөв. Бүкл
сө өмнм...»

Тегэд, мөрән земгә амрасн, бийнь чигн көл-һаран тинилһж
уурнь тэвгдһн, совг-совг хатрулад, Чилгр хэләһэд һарв. Ора шидр,
эртхи бәәтл, селәһәр орж ирхнь: дала ик чигн биш, теегин дунд
геедрһн болһн, баахан юмн. «Ода үүнә юунднь дурлһмб? Һазрин
уга һазрт, хаалһас көндлң, бултсар бөөж селән сәнжлм эннь», —
гиж, ажгла йовж, ахлач бәәрлһн герин һаза ирэд буув.

Герин сүүдрт серү авчасн ахлач Будановиг үзн, байрлһн бо-
лад одв: хойр һаран делэд, теврх чигн бәәдлтә босж йовна:—
Зәлгин сәәнәһн келн бә, Эрнжән,— гиж хоолан ясад оркв.

— Келхлә, дала...— Тийгж Буданов эклһн кевәрн цуг хамгиг
негл киһәр асхад хайчкв. Деернь киилгән өргэд, нурһан үзүлв.
— Хэләлт, яһсинь!..

— Ой, ой,— гиж тернь сана зовсар өврдг болвчн, цаһан байр-
лад, түүгән нам дарж чаджахш.— Герүр орий, наар,— гисн да-
хулад орад ирв.— Су нааран, бич...

Зөвәр муудан орһн Буданов бичдгән төгскәд. һаран тәвэд,
цаасиг ахлачд өгв. Эн хойр цә ууһад, бас ю-бис күүндһн болжа-
һад, һаза һарв. Буданов һаран өгөд мендлэд, мордад һарв. Ам-
рад авчкһн мөрн зөвәр шүрүтә кевәр одв.

Чилгрт ирн бийэри Хартн Кануков Ахлачур ирнэ. Цергэ зокалар мөндлэд, Хальмг полксин элчир болж йовх нег баахи эскадрон улан цергчир дахулж ирсэн медүлнэ.

— Сэн болхугов, үр Кануков, сэн!— Ахлач цань уга байрлсар цөцнэд, стол батцасн гүүхин нааһар адһж һарад, тосж авб: күндлсэр кетлж, өмнөн бээсн стул деер суулһв. Тер хоорнд «энүн деерчн кен эс сууна? Асхн Эрнжэн бас суулыс» гиж цань төөнрэд, бичкн хорха гихм, көндрсн болад одв. Болв терүгэн медүлжэхш, бийнь йир серглц: нимгэвр шар чирэнь герл һарч маасхлэсн, зеегтэвр уутьхн нүднь инэг-инэг гихэд, нег икдсн, нег баһрсн болад бээнэ.— Нэ, яһж йовж ирвтэ, Хартн Бадиевич?

— Гем уга, кемр нег эвгохн юм эс тоолхла,— болж Кануков саналдна.— Эврэ һазртан ирчкэд, энүнд, Элстд...

— Тернь юмб?— гиж ормдан суухар йовсн Ахлач зогсад, ардан эргнэ, келхинь күлэнэ. Невчк тулсн болхлань, келхэр седжэхш гиж, ээсэр, адһж сурна:— Дала юмн уга эсий, Хартн Бадиевич, а?

Кануков гүүнэр татад саналдн, хавтхасн альчур һарһад, келсэн арчна:— Сальск күртл төмр хаалһар йовад, тендэс Бээшнтүр көлгэр күргүлэд, цааранднь бас тиигэд дамжад, түрү угаһар Элстүр ирвидн,— гиж эн эклэд, цуг болсн хамгиг нуувр угаһар, кевтнь келж өгв. Тиигхлэри, эврэнь гемэн нег мисхлд чигн баһлсн уга. Хэрнь, бийэн улм гемшэж, кедү харшлхан хээдг болвчн, кедү хажһр үзүлвчн, тиим эвго йовдл һарһх зөв уга бээсэн, халурхсан кедү кевэр шооджана.

— Сэн биш, уга,— гиж, Ахлач эс таассар келв,— көлг өгл уга бээсн, хойр цергч геесн хамгт цээлһвр уга гийэ. Болв, тана һарһсн... Икл хажһр!.. Олна нүднд теднэ йосинь — Совет тиигж дорацулна гидг... Тер хойриг эмтн сунһсн, йосна улс болжана, тиигхлэ, тедниг малядсн — йос малядсила эдл гих кергтэ.

— Мувиг, эвртэ цергч билэ, банд алж гихлэ; шуд сохрж оджв, нам яһсан медхшив...

— Минь энүндэн, теднэс урд, та бийтн гемтэт, Хартн Бадиевич. Яһад хэрх зөв өглэт? Эс йовсн болхла, таднла күрч ирх билүс...

— Тиим учрх гиж нам толһад уга,— гиж Кануков бийэн цеврдххэр седв.

— Ода яахв,— гиж Ахлач гүүнэр саналдв,— давсн хуриг занч авч көөлддг уга гидг. Бээр белдчксн бээнэ, йовад, амрч автн, хаалһд цуцрснт... Күүрлх цаг, учр һара бээх. Тиим эсий?

— Тиим,— болж Кануков босад йовн гижэһэд келнэ:— Мел келэд сээдүв, эсклэ дотрм хатурад, холиһэд, йосар зоваж йовла. Кесн гем эзэн темцнэ гихэд, би шоодврн чанһлань харһх зөвтэв. Болв яһад, юунас көлтэ тер хамг һарсиг бас тоолх кергтэ...

Цугхальмгин Негдгч съезд хурахиг белдх комиссин сүүр болжана. ЦИК-н Ахлач бийнь хардсн, белдврн кәдлмш аль-бис халхарн төгссинь зәңглв. Съездт орх улс энд-тендәс экләд иржәдгчн. Губчekan отряд гинәд, әнүг харх чидл Әәдрхнәс бас ирчкән болна. Губчekan отряд деср немр цергә эскадрон болн бүкл сотнь бәәнә. Кен эрлг, ямрчн ик банд болг, янж съездин кәдлмшт харшлж чадхмб?— болж военком лавлв.

— Өөрдхлә, өргән солюлад бәәхгов!— гиж Ахлач зөвшәрсәр гскәд оркв.— Болв, үүрмүд, негл дуту бәәнә гихәр. Эннь — революционн дисциплин уга йовдл...

Цуһар ормалдад, Ахлачур ширтлдсн бәәнә, цааранднь ю келхинь күләлднә. Зүг тернь кесгтәи э һархш, зөрц чинврдүлс гижәхнь ил: адһм угаһар столан секәд, нег цаас һарһад, хәрү тәһәд, талданиг аһад, стол деер өргәд үзүлжәнә.— Эн эрлһ Элстәс ирсн... әнүг умшх дутман хуухин үсн боссн болж зована. Тедү дүңгә үүср уга, мана йоснла, диг-даранла ирлцшго, дегд зута юмн учрж. Кен тийм юм татсмб гихлә?— Мана күндтә гинч, улан комиссар Хартн Бадиевич Кануков...

— Эс иткдг, терүнәс давхла, эс керглдг арһ манд уга,— болж Ахлач цааранднь йовулж өгчәнә.— Нутга һардврт эс иткхлә, тегәд, кенд бидн иткхмб?.. Эдниг, Манцин Кеңә ахлач Буданов военком Реснянский хойриг, Кануков һазань пулемет зөрүлчкәд, бийнь нег һартан йовх пистулыннь чавгинь татчкән, талдан һарарн малядсн, мууднь ордм болхар орж... Тиигнә гидг, олна нүднд, тедн бийснь сунһад шиидсн, тоомсрта гижәх улсинь, нам теднән, Советин йосн гиж хәләжәх иткжәх хойринь, үктлнь гүвдж, зооган кенә гидг...

Кануков өсрәд босв. Герценберг адһсар:— Хартн Бадиевич, түрд гижәтн, суужатн,— гинә.— Танд үг өгх, цәәлһәд бәәхговт!..

— Хәрнь, үүрмүд, иим зута кергиг эс медсәр үлдәж болшго,— гиж ахлач ашлвр кенә.— Әмтн юн гих? Йосна улсиг тийгхлә, маниг юуһинь әрвлхв гилдхнь ил. Күчтәнә — күркрдг цаг уга болла гиснтн худл бәәж гихнь чигн һарх...

— Миниһәр болхла, үр Кануковиг соцсхм, тийгчкәд, ашлвр кехм,— болж Герценберг тесж эс чадсар орлцв,— эсклә...

— Келтхә болхн,— гиж Ахлач өөлсәр зөвшәрв,— соңсжана-видн таниг, Кануков...

Тернь босад, цуг хаалһан, янж йовж Элстүр ирсән. юн энд болсинь, яһсинь нуувр угаһар бод-бод гинәд келжәнә:— Талдан медлә һазрмудар торвр угаһар йовад, эврә һазртан ирчкәд, хойр хонгт арвн кәлг олж ядад, илднь келхлә, күн хәәсн уга, хәәхәр седсн чигн уга, суулда сууж, хойр сән гисн цергчән геесн би, дегд хордхларн, нам яһсан медхшив, шүд сохрж оджв. Мини хажһр, гемән меджәнәв. Болв һанцхн би биш, тедн бас гемтә. Эсклә бидн дәәч хойр үүрән геешголм! Яһад тийгсинь меджәхшив, зүг

тедн манд харшлхар седснь ил. Теругинь бас йиллгн гиж суржана-
нав. Нарһсн хажһран меджәнәв, гемән таднас эржәнәв, болв зас-
гас зулх санан угав.

— Таниг, Кануков,— гинәд военком уурлсн босв.

— Үр Кануков,— гиж Герценберг энүг чиклв.

— Таниг, үр Кануков,— болад военком цаарлв,— цергә күүг
бидн яһж засдмб? Тер төлэд, мининәр болхнь, эн төриг ревтри-
буналд өгхмн, хэлэг, йиллг, негиднь нарһг...

— Чик,— гиж Ахлач дөңнв.

Герценберг үг сурв:— Мининәр болхла, үүрмүд, трибуналд
күргхмн биш. Негдвәр, үр Кануков хажһран меджәнә. Хойрдвар,
ямр бээдлд, яһад тиигсинь тоолл уга бээж болшго, һурвдхла,
үр Кануковин ач-тусинь бас мартад керг уга. Тер учрар, эн ге-
мән-эржәхәс иштә, хойр халх хойрулн чиги эндү нарһсн учрар,
нигәд, олна нүднд энүг шоодсарн төриг төгсәһәд, хойр халхиг
нүүрцүләд, хоорнднь эвцүлхмн. Тиигсн, үүрмүд, чик болх, эсклә
эн йовдлын мунь мана эрки кергин — съездин көдлмшт чиги хал-
дхдан арашго.

— Хөд бүрн, чон цадхлң болдгар кехмн гихәрийи?— Ахлач
мусхлзад авб.— Хойр селвг орж ирсн: негнь — трибуналд, наад-
кнь — нигәд, дарчкхмн гисн, һар өрглдх болад бээввидн. Тегәд,
трибуналар йилһүлхмн гиситн һаран өргтн,— гин, Ахлач бийнь
өргәд оркв: селвг өгсн военком дахлдв. Наадкснь тулсн болжа-
һад, бас өрглдв. Герценбергин селвг дөңнж, бийәснь пашь хойр
күн өргв.— Тегәд, үүрмүд, Масловин селвг дахснь оln болсн уч-
рар Кануковин нарһсн үүлиг хэләтхә, йиллгтхә гиж, ревтрибуналд
өтх болжанавидн.

— Тадн, үүрмүд, яһжанта?— гиж Кануков босад, цугинь эр-
гүләд хэләнә.— Ичкөвт, юн гидг юм нарһхар бээх улсвта?

— Үр военком,— гинәд Ахлач дөңн чанһрсн, келсн үг болһнь
хадас поксн мет яң-яң гисн болад бәәнә,— би, танд, эн комиссин
болн ЦИК-н ахлач төләдән закжанав. Кануковин зер-зевинь авад,
бийинь бәрәд, Әдрхнүр, ревтрибунал тал күргүлтн. Медгджәни?

— Минь одайн?— гиж военком башрдсар сурв.

— Хооран юуһинь саахв,— Ахлач босв,— цол уга, съездин
термүд ахлулж күцәх кергтә. Тенд йиллх, хәрнь, үкс гихлә, хәрү
ирд, съездин көдлмшт орлцх...

* * *

Герценберг Чилгрәр үрвсн, өндр цогцнь дал алдари пуһри ги-
сн болад, невчк өкәсн, халун нариа толянла авлцж герлтсн, цон-
сн халцха толһаһан Константин Рудольфович хая-хаяд альхарн
хальчлн, иләд оркна. Болв үүнә болһамжар дүүрн жөөлн хәләцәс
йир юн чиги алдрхш, цугинь үзәд, тодлад йовна. «Чилгр болснас
нааран иим юм үзәд уга бәәснь лавта,— гиж эн ухалсн, хошадар,
һурвадар, түүнәсчн олар харһад, хоорндан чанһ-чанһар келж күү-

нхн, ннэлдсн хальмгуд хээхэд йовна.— Өнг-зүсэри, хувц-хунрари, бээх бээдлэри чиги эди онцрсн, тал-талдан һазрас ирсэн үзүлж, нилһрсн бийснь, цуһар негл седкл-ухата, негл күслтэ ирсн, тернь күңи гижэхэр байр, төр кеж, күн болһн захаc күчр өргмжтэ йовхнь ил. Тингл уга чиги бээшго. Энд-тенд, һазр-һазрар салсн, күү-нэ медлд, күүнэ керг-үүлд хавчгдсн болсн, тийм тату хөвтэ, зөвтэ йовсн улс...

Ода съездиг сээнэр, ноолдан-шууган уга болдгар кеж, Хальмг тинч үүдэж, бийсиһнь һартнь атхулхла болжана. Ииглдэд, байр-бахнь цальгри алдад, нег-неги деерэн киислдэд бээсн бийнь, кемр керг-үүлд күрлдэд ирхлэ, нутг-нутгарн, отг-отгарн йилһрэд һарл-дад бээнэ: эврәһән татдгнь, таныл-үзлән уралаи түлкдгнь, эсгхлэ ардан чирдгнь, би талан хамдгнь оһи. Коммунистир дегд баһнь һундлта. Пролетарск аыг-бәрцтэ, тийм хэләцтәнь йир цөи. Бал-дөрвдәхи дунд ор һанцхнь партии член. Манции кецәхи бас эднәс хол одсн юмн уга.

— Константин Рудольфович, мөндвт!— гиһэд, мел өөриһ хәнк-нэд одв. Тоолвртан авлгдад, энд-тендән хэләж харвж эс йовсн Герценберг чочн тусад, өмийән маасхлзад зогсжах. Жалыковиг үзн байрлад, дотрнь дала болсн болад одв.

— Мөндвт, мөндвт, Хохал Манжиевич,— гиж эн Жалыковин һариһнь авад атхад, сегсрэд бээнэ.— Кезэ ирвтэ? Цуһар ирвтэ?

— Минь ода, цуһар... Нам бээрлх бээрән чиги медэд угавидн. Таниг хээһэд һарад гүүсм эн...

— Яһва? Юн болва? Димийи?..

— Константин Рудольфович, үнний, Кануковиг бәрчксн бээнэ гиһн?

— Һундлта, болв үһн...

— Тийм күүг, көлиһнь тавгас аыи толһанһнь ора күртл мана, итклтэ болчкад, зөрмг, коммунистиг боли дээчиг, улан комиссар Кануковиг...

— Күндтэ Хохал Манжиевич,— гиһэд, Герценберг саналдад авна,— Кануковиг би чиги тааснав, чикл күн, мана керг-үүлд ор-лцхас эмон-эрвлшго, юунас чиги ээшго, коммунист болчкад — коммунист. Болв кү малядһа гидгиг медхэр, нег үлү дөңхэр сед-жәхшив. Чик чиги бээсн болг, цаг бачм, керг эрки. Тер бийһнь ком-мунист Кануков күүнд һар өргх зөв уга билэ. Кесг жилмүдин эргцэр дэәнә һалвас шилжиһэд уга, кеж-күцәж йовхнь кедү чи-дл, ари некж, көшхиг, уурлхиг чиги күзүцэ үзүлж йовсһнь меддг, хувалцдг болвчи, зуг үүрмүдән, Советин йосна элчир цокдгһнь таасжәхшив.

— Константин Рудольфович, нутга ахлачирт, тегэд, зөв өгчә-хмта?

— Уга, теднә хажһр, эндү бас бэәнэ.

— Би чиги, үнән келхлэ, цокх биш, теднитн... цөргэ улс, бачм

керг, үүл күцэж йовх цаасан үзүлэ бээсн бийнь, эс нөкд болна гидг!..

— Тер бийнь кү цокж болшго. Тиим зөв манд, Хохал Манжиевич, уга. Парть өгш чигн уга!..

— Зөвтэ гиж би келжэхшив. Зуг уурин гемэр, керг күцэхин төлэ кү цокж гинэд, цуг кесинь, ач-тусинь мартж, неринь будж, бийинь зоваж казамдлна гидг, бас чик биш. Хара зөндөн, халур-хад, бээж ядад тиигсн биш...

— Бэрсиг би чигн дөңнжэхшив,— болж Герценберг келэд, савалдв.— Көтчирэхн, Манцин кецэхн залаһан таслад, эдн күчлэд, нурһдад бэрүлвш. Намд селвг өгхэс биш, дегд икэр күчлдг, зүткдг арһ уга. Бийснь халхас биш... Үр Реснянскла күүндсн, Кануковин геминь тэвж өгхдэн белн. «Мана хажһр баһ биш, тегэд чиги тиим эвго йовдл һарвш. Ахлач Будан Эрнжэн авч идэд бээдгнь намд нам медгдхш. Урднь эднэ хоорид үлү-дуту эс йовсн болхнь»,—гинэ. Мининһэр болхнь, партийн шоодвр өгхлэ, болхм билэл.

Эн хойр йовн күүндэд, съезд хурах көдлмшин цутхлң болжах герүр күрч ирхнь, һазань Хальмг эскадрон бүклдэн хурсн, мел бэрлдэнд орн гижэх мет белнь ил, пулеметмуд күртлнь яралдсн бээнэ. Жалыков зогсад мөндлв. Герценберг эн хамгиг үзн: «хара биш!» гиж, дотрнь дөңдсн болад одв. Адһж герүр орхнь, зөвөр шууглдсн бээнэ: чаһ-чаһар келсн үг, ууртан бүтж босад суулдсн залус, улалдж одсн, хүүрэ хулсн гихмн, һал күрв-угай гилһнлэ дэрвкэд шатад, күцгдл уга одм.

— Халэ, Константин Рудольфович бийнь!— гиж Ахлач байрлсн болад одв.— Биди таниг хээлдэд...

— Яһва? Юн болва?

Цергэ хувцта, цевкэрсн цогцта, зер-зевиг дуту уга унжулсн баахн хар залу өмннь ирэд мөгдөһэд оркв.— Үр Герценберг,— гинэ,— би наараи ирсн хальмг эскадрона элчв. Комэск Шивидов. Эдн,— ардан эргэд, цергчир тал заана,— нама дахж йовна, бас элчир...

— Соңсжанав, үр Шивидов, келтн.

— Цергчир тадна өмн негл неквр тэвтхэ гилэ — эсклэ мана комбриг Кануков комэск Андратов хойриг минь ода сулдхтн, эсклэ күчэр һарһж авнавидн гинэ. Цуһар һаза бээнэ, белн...

— Бийтн, үүрмүд, ВЦИК-н элч болвчн эн төритн эврэн медж, дааж халһж чадшгов. Бээрн йоснахн бийснь медх, эндэн эдн ээллм. Селвгэн өгхэс биш...

— Эднтн мана келсиг, үр Герценберг, хамриннь хацхд авчахш, хэрнь, һордалдад,— гиж военкомур заана,— һалла наачахан меджэхш. Келэ бээсв, кемр эскадрон лавта һаньдглхла, кен терүг бэрдмб? Мини чидл күршго. Намаг күн соңсшго...

— Хартн Кануковин төлэ хазгин чашкас, хасн сумнас эс ээл-

дэг улс ода кенэс бидн ээхмб?— болж зузан хар цергч деэрнь нем. Чицихнь, хаза бас үүмлдсн болад, шууглдад бээнэ.

«Иигжэх улс амрашго, бас невчк аралжглхла, нам ю татхнь, яахнь темдг уга. Зер-зевнь дуту уга, дээнэ һалвд тахшчксн эскадрон гидг — наадна чидл бишинь кен чиги меднэ. Кен, яһж энүг товкнүлдмб? Тиигчкэд, өрүндэн секгдх съездин өргн дор ним юм татж болдвиг?— гийһэд, Герценбергиг толһа дотрнь тоолвр гүүдг-мэд, авр-авр гинэ. Ахлач тал хэлэхнь, ю келнэ, яһна гихнь — ода шүүнд цуг хамг күрч йовх кевтэ, чирэнь шуд цээж одсн, бэрг-тэвг гийһэд, яахан тас олж ядсн, ам аһахш. Военком бас, хурт норсн элэ кевтэ хурагдад, моһлцгрж одсар бээнэ.— Эднэс дөң күлэнэ гидг ки. Кен?.. Кен?.. Ээ, Кануков бийнь!.. Терүнэс талдан күн эдиг хөрнэ гидг берк...» Тер хоорнд заагарнь ондан тоолвр элвкэд: «Арһулд, Герценберг, сагл, терчн һарч ирчкэд, эскадронан түкрэд, эжити эргүлдм болвза?— гиж дотрнь кийт дөрнэ. — Уга, коммунист Кануков тиим биш!.. Иткжэнэв түүнд, нам ицжэнэв!..»

— Учр иим болсар, үүрмүд,— гиж Герценберг адһм угаһар арһул келнэ,— минн өгчэх селвг эн: Кануковиг авхулх кергтэ...

— Кезэ?— болж военком ормаһад, Ахлач талан хэлэнэ.

— Минь ода,— гиж Герценберг хэрү өгнэ,— уданар татад керг уга. Адһх дутман сэн. Авхултн!..

Кануковиг авч аашна: зер-зевинь авчксн, бүс чиги уга, хойр һаран ардан үүрсн, буута күүһар туулһсн йовна. Бээдлнь сэн биш: чирэнь көкрсн болад, муурад, зөвөр семэж. Энүг үзсн цергч болһна дотрнь һал падрад одснь алдг уга. Тегэд, Кануковиг зерглэд ирлһнлэ, нег цергч ор дарад хээкржэнэ:— Эн юн гидг юмн болжана?! Үр командир, Хартн Бадиевич, зөв гихлэтн...

Кануков невчк түрд гийһэд, цуһар сонсдг болдгар зөвөр чаһар келнэ:— Үүрмүд, минн хээртэ нөкдир, бичэ санаһан зовтн. Һарһсн гемэн эврэн меднэв, тадн бас...

— Казамдлх дүнгэ ю һарһлта?— гиж олн дотрас негнь хээкрнэ.— Теднэ гем танаһас юуһарн татуви? Тедниг бас бэрх бээсн!.. Келтн- яахинь, бидн агчмин зуур...

— Минн таднас суржахм: бичэ шууга таттн, керг уга,— гиж Кануков цуһаранинь хөрнэ.— Трибунал йилһэд бээхгов хар-цаһанинь...

— Трибуналд өгдгнь юмб?— болж бас негнь хээкрнэ.

— Би цергэ күнлм, тегэд...

Кануковиг орж ирхлэ, өмнэснь тосад, Герценберг мендлнэ:— Таниг, Хартн Бадиевич, минн селвгэр авхулла,— гиж, һаринь атхн бээж келнэ.— Эскадрон элчир илгәһэд, шууга татхар седэд... Бийэстн нань, ухалад бээхнь, хөрх жүц уга болсар... Сонсув келситн. Мел тиигж келхдтн би, Хартн Бадиевич, маһдлсн угав. Ханжанав. Тана үнн, хар-цаһанинь трибунал йилһх, Санаһан бичэ зовтн, күлэх болад бээввидн...

— Цугхальмгин Негдгч съездт орджх икд седкл билэ,— болж

Кануков саналдв.— Ода яахв, арһ уга. Зуг нег неквр бээнэ. Нам-ла суух комэск Иван Андратовиг һарһчктн. Тер мини заквр кү-цэхэс биш, бийнь гем уга. Намаг дахад орвчн, күүнд һар күрсн уга билэ.

— Ревтрибунал медх, бидн яахв,— гиж, Ахлач невчк төвкнсн, дууһан өгч йовна,— келэд хэлэнэвидн...

Кануков эргэд, ардан бээсн Шивидовд,— комэск, мини ормд үлджэнэт,— гинэ.— Хэлэтн, үлү-дуту уга болдгар бээтн. Съездт орлцтн, хартн энүг, саг бээтн...

Хойрдгч бөлг

1920 жилин июль сарин хойр шин. Нарн шарлад һарснас ави эклэд халурад бээв. Болв терүгэр күн төр кежэхш. Чилгр селэнэ туршар гишн энд-тенд эмтн онцрсн, басл арднь орж хүүвлжэнэ. Эднэ келэд күүндэд бээхнь нуувр уга — эндр, үдин хөөн, дөрвн часла көдлмшөн эклх съезд.

Яндһа-мацгахн нег герин сүүдрт багтад суулдсн, бас хүв тус-кан келж күүрлсн бээхнь, гер эргэд Новиков Майоров хойр һарад ирв. Хойр нутга хойр военком, хадг, чавчдг хамгнь дуту уга, цер-гэ хувцнд йосндан зоксн деерән дегд сүртэ. Эдн зерглэд зогсн, һаран толһа талан өргөд мөндлв.

Жалыков өсрж босн, уралан ишкэд:— Мини хээртэ Иван Ми-хайлович күрэд ирвш!— гисн багшан күзүдэд теврэд, өрчднь шахлдв. Цаадкнь чигн байран нуужахш, маасхлзад, Хохалын далыг арһул цокад, илэд бээнэ.— Ирну-угай гиж йовлав...

— Нэ, болж иигэд,— гиж Новиков инәмсглнэ,— наадкслань бас мөндлсвлэ...

Новиков Майоров хойр цуһаралань мөндлэд, эс таньдглань таньлдад, доран сууцхав. Һазр-усан сурад, керг-үүл ямаран йов-хар соньмслджана.

— Иван Михайлович, зөвөр муурад, шүүрэд бээжт,— болж Жалыков келнэ,— күнд болдг өнгтэ эсий?

— Күнд гисн юн үгви, Хохал Манжиевич,— гиж Майоров эн-дэс хэрү өгнэ.— Теегин нутга военком гидг теңгс көвәнэс талдан, унтл-кевтл уга...

— Дор-дорасн банд һарад, хулха-була өсэд йовхла, нутга военкомд юн амрл бээдмб?— Новиков саналдһа.— Үүрмгинь төр-тән авчашив. Һанцхн Шанунов гинэд, һэ болмр, муудм оржана.

— Иван Михайлович, эмтн яһна?

— Ээлднэ теднэсчн, юнгад гихлэ хотн болһнд эврэ чиктэ, күдтэ... Элгн-саднь бээлднэ, ах-дунь... Мана ишкдл болһиг терчи мөднэ. Нэ, съезд деер яахар бээнтэ?

— Яахар гисн?— Жалыков эс медсэр багшурн ормана.

— Баһ Дөрвд кевәри басл көл-көдлжәнэ,— гинэд, Новиков инәмсглэд авна.— Шорвин кецәхи манцын кецәхнлэ толһаһан нег-

дүлсн, шивр-шивр гилдэд, теңкэн уга. Тер хамган ташр намас нуудг бийснь. Зөрмдэн зуг мартад оркдг кевтэ, минн хажуд чигн келж авад харна.

— Юуна тускар?— гиж Жалыков эс керглсэр сурна.

— Саахн генткн негнь: «Одак Кануков гидг орлнгиг тэвж гилэ, күрч ирх. Тиигхлэ, мана Арш, Боз эдн хоос эс дахлхнь гижэнэ».

— Намий?— Жалыков босад, бүсэн ясж йовна.— Теднэ му шинжины!

— Тегэд, Кануков съездт орлцшго болжани?— гисн Доржин Минчэ босв.— Мини үй, Хальмг полкин цергч бичсэр болхла, Кануковин дүнгэ чик, эрүн седклтэ, Советин йосна төлэ цусан биш, эмэн чигн эрвлшго, үннч командир ховр чигн. Бидн тинм күүг бэрэд...

— Съезд эклх күртл ода чигн өрэл өдр бээнэ,— гиж Жалыков арһул келнэ,— ирх... Яһж эс ирнэ?..

Үд кецэһэд, халун һаң певчк номһрсна хөөн, дигтэ дөрвн часла, съезд хурах болж шийдгдсн, правительственн комиссь өөдөн һарад, деер, уг стол һатц суулдв. Энүнэ ахлачнь Чавчан Арш босад, хурсн улсиг захаснь зах күртлнь харвад хэлэчкэд, эклэд келв. Советмүдин Цугхальмгин Негдгч съезд кедлмшэн эклжэхиг зарлж, йөрэлин ахр үг келж секв. Цуһар деги босад, ниргүлж альх ташв. Минь тер агчмла Негдгч Хальмг полкин улан цергчнр «Интернационал» частриг хальмгар өргэд авсн, терүгинь меддгнь дахад, эс меддгнь айслад, ду негдүлсн, шуд эргнд күнкнэд, эмтнэ өргмж байр хойрла авлцад, сүүдр болтха гиж, кесг ик-ик жилкс залһж татсна дораһар хү салькн хүрүлсн болад делсэд бээв. Дун төгсв. Болв үүнэ халун үгмүдин зальнь дуудврт тохрж хальмг болһна зүрк бульглулж, омгинь холвж, улм унглж, серлинь эзлэд, уралан көтлсн болад йовна.

Тер хоорнд ахлач ВЦИК-н болн Наркомнацин элч үр Герценбергд үг өгв. Эн адһж босад, трибуна ард ирэд зогсн, өмнөн суух улсур ширтж хэлэн, халцха толһаһан илн,— Советмүдин Цугхальмгин Негдгч съездиг йөрөжэнэв,— гиж, Константин Рудольфович хойр һаран зүркн деерэн тэвэд, үнн седклэсн келжэхэн медүлв.— Күч-көлсч хальмг улс икл зовлн, түрү үзснь лавта. Хаана йосна хар мөртэ политик, орс баячудын болн хальмг зээснүдин ханшго ховдгнь, делкэн байн хамгин чилшго ноолдан күч-көлсч хальмг улсиг күчр түрү-зүдүлэ харһулв. Эднэ бичкн эдл-ахунь угаряд, бийснь харһнсн, өмсх-зүүх уга нуцкн, болв Эрэсэд болсн Октябрьск революц күч-көлсч эмтнд цуг йосиг өгхлэри, тер мет цуг йосиг Хальмг теегт күч-көлсн хальмг улст бас өглэ.

Ода деерэн Хальмг таһһчд хамгин ах йосн гиснь — минь эн Советмүдин Цугхальмгин Негдгч съезд. Тегэд, эн съезд теегиннь цуг хамг керг-төриг кевтнь хаһлх болтха. Эн съезд, энүг дахж олн бүклдэн, эдл-ахуднь учрсн хамхрл-т-эвдрлтиг болн тату-тартгиг уга кехэр цань уга күчтэ, чадмг кевэр шамдһалж, диилвр ба-

рэд, шин хаалһд — социализмин сээхн жирһлүр кетлгч хаалһд орх болтха.

Күч-көлсч хальмг улс мөнд болтха!

Советмүдин Цугхальмгин Негдгч съезд мөнд болтха!

Герценберг үгэн төгскэд, ормдан күрэд суух хоорнд, съездд ирсн эмтн цугтан босад, ниргүлэд альх ташв. Константин Рудольфович эдниг дахад, хойр альхан бас эрвлжэхш, ташадл бээнэ, байр-өргмжнь бусладл бээнэ.

Трибун деер түрүн хальмг коммунистирин негнь Пүрвэ Котвыков нарад ирв. Эн съездин коммунистическ фракцин, Эрэсэн большевикүдин Коммунистическ партин бичкн салтрин нерн дээрэс Цугхальмгин Негдгч съездиг халунар йөрөһэд, үүнэ көдлмшнь сэн ашта болж, Хальмг таңһчан бүрдэж, чик, олд туста, тааста шиидврмүд авхаснь коммунистир чидлэн чигн, күчэн чигн нөөшго гиж герчлв.

Дарунь кесг улс босж, байрарн хувалцж, йөрэлин үг келцхэв, тер дотр Эддрхнэ медлэс ирсн шишлң гиичир бас. Альх ташлһн улм чаңһрхас биш, йир номһржахш.

Военком Маслов босв. Эн туурмжлгсн Улан Цергин болн хальмг улан цергчирин нерн дээрэс йөрөж, Улан Церг күч-көлсч эмтнэ сулдхвр харсж, ямаран зовлң-түрүлэ болн нарула харһад йовсн бийнь ноолдаг улм чаңһаж, хортыг улм цокхас чидл. күчэн йир эрвлжэхш, эрвлх чигн уга гиж иткүлв.

Залд суусн улс босад, ниргсн болад одв, альх ташлһн улм күч авад, оштрмлсн теңгс дольгарсн кевтэ шуугадл бээнэ. Генткн Жалыков адһсар трибунур нарад ирв. Цуһар, нег үлү съезд ахлжах Чавчан Арш болн үүнэ нөкдир, дец энүнүр эргэд, ормалдад одцхав. «Ода эн яһж йовна? Яахар?» гиж күн болһна толһад эрлзэд күлэлдсн, хойр нүдэн, чикэн Жалыковд өгсн бээнэ, шуд тагчирж одна.

— Үүрмүд! Хээртэ ахир болн дүүнр! Мини нааран һарч ирдгм учрта. Үр Масловин келсиг дөңсн деерән цөн үг немж, нег селвг орулж өгхэр. Тийгхлэрн, үүрмүд, би эврән биш, олна эн съездт орлцжах 104 делегатын даалһвр күцэж, эднэ нерн дээрэс нег бачм герчлһ кех күмб.— Жалыков хоолан ясад, бийнь невчк төвкисн, дунь зөмгө батрсн бээнэ.— Үр Кануков нааран, съездт орлцхар ирж йовад, Элстд Буданов, Респянский эднд һарһсн йовдлыг шалһж шүүхэс урд бидн иим нег шиидвр автха гиж съездт селвг орулж өгчәнэвидн.— Жалыков хавтхасн цаас һарһад, эклэд умшв:— «Үр Кануков, Советин йосн икл ээмшглэ харһсн кемд, түрүн Хальмг мөрн цергэ полкс бүрдэх күнд гисн төриг би дээрән дааж авад, түүгән цань уга гидгэр күцэсинь, тер полксаг Улан Цергэ зерглэнд йовх итклтэ дээч эңгс кеж, ик өөдөн күцмж бэрж, терүгэрн хальмгуд церглх, дээлдх тускд тус уга улс гисн тоолвр буру бээсинь илдксиг тоолл уга бээж болшго. Тегэд, Советмүдин Цугхальмгин Негдгч съезд цуг күч-көлсч хальмг ул-

«ни перн деерэс үр Кануковд, чадмг бүрдэһэчд болн дээнэ һар-
дичд, Улан Цергэ хальмг энгс үүдэлһнэ халхар күчр шунмһа, бе-
рк көдлмш кеснднь, тер тоотнь Советин йосиг болн революцин дии-
лириг батлхд, харсхд туслсиднь ханлт өргхмн»,— гинэ, Жалыков
умшдган төгсэв. Ниргсн болад одв, альх ташлдан ярд-ярд гисн
бээнэ. Хажугшан, ахлдгуд тал хэлэхнь, Герценбергиг дахад хой-
рхн-һурвхн күн дөңнжэнэ, наадкснь эс медсн боллдад бээнэ. «Цу-
һар эс болвчн, өрэлнь ядхдан дөңнжэнэ»,— гиж Жалыков санад,
цаасиг өмнөн өргэд чичрүлжэнэ.— Хэрнь тер, үүрмүд, тадниг
оларн дөңнтхэ гиж бидн дурджанавидн.

Жалыковиг ормдан күрч сууһад уга йовтл, Ахлач босв: — Үүр-
мүд,— гинэ, цаасиг өргэд, бас чичрүлнэ,— Жалыков эднэ цаһан сед-
кл, харм төрлһн хамгнь намд чигн өөрхн, бас санам зовжана.
Болв ухалхнь, үүрмүд, иигж адһад керг уга. Кемр үр Кануковин
ач-тусинь тоолхла, эндү-хажһринь бас тоолх кергтэ. Буру йовдл
һарһснь ил, тиигхлэ, тиим хажһриг шоодл уга бээж болшго. Эск-
лэ юн болн гижэнэ? Бидн нег-негэн гүвдж махинь идж, цусинь,
ууж, юунд тегэд, күрх улс болхмб? Дэкэд гихлэ, үүрмүд Буданов,
Реснянский эднэ ач-тусинь бас тоолх зөвтөвидн, бас баһ биш гих
кергтэ. Тиигхлэ, мана съезд шуд зарһ болад хуурн гижэнэ. Танһч
бүрдэх, халһх эрхн төрмүдэн мартн гижэнэ. Тер учрар ревтрибу-
нал йилһэд, кен зөвтэ, кен гемтәһинь негн талнь һарһтл, бидн тас
ямрчн шиидвр авхмн биш гихэр.

Съездин ик зунь ахлжах Чавчан Аршиг дахад, Жалыков эднэ
селвгиг дөңсн уга. Жалыков хордхларн, дор ормасн хээкрснь:
«Учр уга, алтн шорад даргдм биш!»— гиснь күңкнэд одв. Терү-
гинь кесг улс альх ташж дөңнв.

Нутг болһнас элчнр босж, съезд йөрөж, үг келв. Хальмг күүкд
улсин перн деерэс халун гидгэр Эрдни Барванцыкова келэд суух-
ла, хальмг коммунистическ баһчудын седкл-уха илдкж, Ик-Цоох-
ра нутга военком, хөр эрэ күрсн наста баахн Бадм Майоров босв.

Бас чигн әмтн келлдэд, йөрәлин сунһугуд ирсиг умшсна хөөн
ахлач Цугхальмгин Негдгч съезд хурах комиссин перн деерэс
президиум сунһх селвг орулж өгв, коммунистһрин фракц сунһсн
үүрмүдин пер заана: Герценберг, Чапчаев, Котвыков, Амр-Санап,
Маслов болн сегләтрт үүрмүд Плюнов болн Кекеев Эрдни-Ара.

Дарунь съездин күндтә ахлачд үр Лениниг сунһх селвг орж
ирсиг хурсн улс ниргүлж альх ташад дөңнэ. Тер мет Сталин Ка-
линин хойр бас съездин күндтә членд сунһгдна. Деернь съездин
перн деерэс үр Ленин, Сталин, Калинин һурвнд ханлтын йөрәл
илгэх шиидвр авгдв.

Съездин ахлач Чавчан Арш президиумин перн деерэс гүүнәр
харм төрж, әмтнә сулдхвр-зөвин төлә әрүнәр ноолдж, әмнәсн ха-
һсн үүрмүдиг, Хальмг ЦИК-н чледиг әмч Санж-Һәрә Хадылов,
Константин Никитин, Вадим Мергасов болн нань чигн улс тодлх

селвг. өгв. Цуһар дегц босад, толһаһан өкэлһж, тагчгар зогсад, уга үүрмүдэн санж һундрхв. Энүгэриң съездин түрүн өдр көдлмшэн төгсөв.

* * *

Һал мергн үдлө, дигтэ 12 часла, съездин хойрдгч сүүр көдлмшэн эклв. Ахлач энүг секэд, мандати болн редакционн комиссьмүд сунһх кергтэ гив. Тийгхлэри, коммунисттрий фракц эн хойр төриг хүүвлэд, эврәннь сүв-селвг орулж өгсн, терүгинь дөңсн сэн болх гиж, седклэн келв. Съезд кевэри гишн зөвшөрв.

Дарунь Яндһа-Мацга нутгин военком үр Жалыковд үг өггдв. Эн босад, бүсэн ясн йовж, гииглг, бат чигн ишкдлэр уралан һарн: — Үүрмүд, — гинэд үгэн эклв, — хээртэ ахир болн дүүнр! Би талниг, тана чирэд цуг улан залатнир, күч-көлсч хальмг улсин, Эрэсэн наадк эмтслэ эдл зөвтө, тегш хөвтө болж, эврэ онц таһич бүрдөж, хамг тоотан эврэн медж, эврэн залх болсн төлөдн, тегэд, Советмүдин Негдгч Цугхальмгин съезд хурасн ик байрлань, ода дээлдэнэ гүдүд йовх Яндһа-Мацга Улан сотня перн деерэс үни седклэсн халунар йөрөжәнөв. — Минь тийгж келһилән, цугтан иргүлж альх ташад, кесгтэн зогсл уга бээв. — Сотня цергчнр, өчклдүрк заһсчнр, Советин йосан харсж, зөргнө немж, чидлн өсж, омгн холвсн, цаһан харһхла — цаһанинь, ноһан болхла — ноһанинь цокж, теегэри довтлад, Тенд күрсн, терүнэсн өмөрлөд, Кавказин туршар хар мөртө хортыг көөлдсн, ода Грузин захд күрсн йовна. Эдн цуһар съездин көдлмш күцэнгү болж, ашнь сэн, нилчнь өөдэн күч-көлсч хальмгудт күцц зөв өгч, туста, килмжтө болтха гиж, эрүн седклэн күргтхэ гилэ. — Жалыковиг ормдан одад суух күртл альх ташлдан, кесгтэн мел зогсл уга бээв.

Ахлач Яндһа-Мацга нутга Улан сотня болн Негдгч Хальмг полкни цергчнрт съездин перн деерэс ханлт өргж, мөндни йөрэл илгэхм гисиг цуһар нег дууһар дөңив.

Цааранднь съезд хүүвлж хаһлх төрмүдэн байлж асн, теднь ут турштан арви болж һарв. Тедн дундас һоллгчнь, эрки гиснь ним: Хальмгуд болн Октябрьск революц; Өдгө кем: Келн-эмтнэ төр; Күч-көлсч хальмг улсин зөв илдкгч декларац; Нүүдгэн хайж, бээршлһн; Таһичин күцэгч комитет сунһлһн; Нарн һарх үзгин оли-эмтнүр съездин кех дуудвр.

Съездин онц өдр болһнь тус-тустан, нам агчм, мисхл күртлэн, цуг келэд, хүүвлэд, хаһлад бээсн тоотн нег үлү, күн болһна тодлврт шигдэд, цогц-махмудтнь шингрэд, мөнк хазн болад үлдэд йовхд алдг уга.

Хохал Жалыковд эклцэснь сүл күртл нам нег чигн үг алдх санан уга, цуг оньган өгч соцсжах күүнд, эс соньмсх, эс хээрлх юмн уга. Болв тер темдгтэ өдрмүдэс хойрнь — июлин 4 болн 5, наадксасн ончрад, йилһрэд, төөнрэд бээнэ. «Хүүвлсн төрнь, һарһсн шиидврнь чинрэрн чигн, чивхэри чигн дегд өөдэн болчкад,

аруу, — гиж эн дотраи ухална. — Хүүвлж, батлж авси «Күч-көлсч хальмг улсин зөв илдкч деклараци» гинэд, хальмг болснас нааран үзэд, медэд уга зөвинь өгч, амтнлэ, эдл тегш кеч, эврэ таңһича кенэ гидг!.. Хальмг автономн таңһич гисн нернь ямаран юмн!.. Онц-онц, күүнэ медлд багтж, күүнэ шавхрт күртж, кеер хонж, кең дөрлж, муулян эдлж, мукан жажлж йовси улан залата хальмгуд ода...»

Гентки «Хальмг улсин автономн таңһич мөнд болтха! Ура!» — гинэд хээкрси цөцнэд одв. Мел дахлдн, «Ура-а-а!» — гиж хээкрлэд, цугтан дегц босв, тернь дүүрэн болж доңһада, теегин салһилд авлцж, үзг болһнур нисв. Тер хоорнд нөгн «Интернационал» өргөд авб. Орсар меддгн — орсар, хальмгар меддгн хальмгар эс нөгдүлэд, эс меддгн — дахад айсли, эднэ дунь өөдлэд, өргмж, сахмж, байр һурвинг келкж нискн мет оһтрһуд күрч күңкнн болд йовна.

Бас нөг оньгинь эзлси йовдл — Жалыковин бийһинь кесн доклад. Энүнд, кех, күцэх болхла, шудрад орад оддг күүнд, ним ик хург деер, ним улсин өмн босж, ори-нутгин, оли-эмтнэ чинртэ бүкл доклад кенэ гидг, жаңһиртал төр болж гешүлнэ. «Ода юунднэ болж-эмәнэчи, Жалыков? — гиж бийән дораһар хөрсн бийнь болһш, жиг-жиг гисн болад, нам көл-һарнь чирхли нааһар бээнэ. Бийдән уурлна: — Жалыков, бийән һартан ав, яһжахмчи? Келхчи болн, нутгтан кесг хүүвлэд, дуту-дундын ясчкн — уралаһ!..»

Минь тнигжэхн, ахлач Яндһа-Мацга нутга военком Жалыковд үг өгчэхән зарлв. Эн босад, эәмшг деегәри алхси мет шудрад, трибунур һарад ирв. — Үүрмүд! — гинэд эклэд бэев. — Мана яндһа-мацгахи 1917 жилэ февральск революциг цань уга байрар тосла. Терүнэс дала юм күлэжәсн тас киидән болж һарв, — гинэд эн цаарлад, угатя залһсч эмтнэ бээдл урдк кевәри үлдси, теднэ цусинь шимдг баячуд саак йосиг эврәһән кенэд авчкн, үрдкәси давуһар эмтиг мухлалжасна тускар келжәнэ. Энүг цуһар цань уга оньглж, нөг чигн үг алдл уга сонсжахинь үзэ, медэ бээнэ. Тернь юмб гихлэ, үүнэ сээхи келнд жилвтж биш, тер келэд, заһһад бээсн күн болһнд өөрхи, темдгтэ төлөдн чикәл өгчэхн седккләнэ ирлцж, кесг хамгиг сергәж йовхн ил.

Тнигх дутман Жалыков йосар төвкнэд, үг болһнэ үзүртэ шөвг мет шааглад, улм үцглад, эмтнэ уха эзлэд йовна. Советин йосн бүрдси, энүг харсж, батлх кергт нутга күч-көлсчир ямр шунж орлцсна тускар, кедү түрү-зүдүлэ харһси бийсн хооран цухрл уга, нам идн-ун гижәсән өгэд йовсиг, шин йосн чигн угатя көдлмшч улсин сә хәәһэд, дала эс болвчи, дөң-дамжг өгэд, социалистическ тосхлтд бәргдси түрүн күцмжсин болн кех, күцэх эрки керг-төрмүдин тускар бас тодрха кевәр келв. Тегэд чигн Жалыковиг үгән чиләхләнэ, съезд альх ташад, ниргэд одсн тер.

Яндһа-Мацга нутг бийдн перәдж үр Жалыковд ханлт өргхми гисн селвг орж ирв. Чавчан Арш босад: «Яндһа-Мацга нутга про-

летариат менд болтхал Ура!!!»— гиж хээкрсинь съезд дахад, бас уралад, ниргүлж альх ташв.

Завср болад харлдж йовхнь, Жалыковиг шишлн хээн үр Герценберг күрэд ирв. Константин Рудольфович маасхлэж, харинь авад сегсри бээж:— Ханжанав, келсн үгдтн, ханжанав!— гиж үнн седклэсн байрлсн бээнэ.— Йоста большевикин керг-үүл гидг тер, тодрха болчкад, лавта!..

Тиигжэхнь, Новиков адһсн аашна. Эн өөрдж ирн, Жалыковиг күзүдүж теврэд:— Хохал!.. Мини Хохал!..— гинэ.— Чаддг залу энтн!.. Чаддг!.. Константин Рудольфович, эс соңсвта? Би келэв гиж нег үг уга. Мел нутг, эмтн, йосн гихэс биш. Кен кеһэд йовсинь, кенэ күчинь бидн меднэлм, а?..

— Нэ, болж иигэд,— гиж Жалыков хөрсн болна,— эмтн хөлэжэнэ. Болв үнн седклэсн хойрадтн ханжанав, Константин Рудольфович болн Иван Михайлович, хойрантн чигн заавр, залмжин үүл...

Съезд сүл өдртэн күч-көлсч хальмг улсин таңһчин Советин күцэгч комитет сунһв. Терүнд орсн хөрн тавн күүнэс һурвнь янда-мацгахн болв: Андрей Григорьевич Мещеряков, Хохал Манжиевич Жалыков болн Буча Мукаевич Мукаев. Котвыков Түрвэ Доржиевич Бадма Гаряевич Майоров хойр кандидатнр болв.

Кехэн кечксн, күрхдэн күрчксн гисн, седклинь дала болсн, өргмжнь өөдлэд деврэд һарн гисн, Жалыков үүрмүдтөһөн Чилгрэс хэрж аашна. Гражданск дээнэ цага күчр кецү түрү-зүдү, сүл һурвн жилин һашута зовлн хамг мел билрэд эс одвчн, невчк хооран саагдад, ард хайгдад мартгдн гиж йовна. Өмн, дала хол биш, иргч гегэрэд, шин, Советск Социалистическ Хальмг таңһчин өслтбослтын хаалһ уралан кетлсн, дуудад, дүрклэд йовна. Минь эн герлтэ иргчүр кетлсн хаалһдан орхин кергт ямр дүцгэ шүүврлэ бидн харһвидн! Тер бийнь тесэд, тесх биш, диилэд...

Хаалһин цоклһнд тергн чигн хэргэд-дэргэд, хажуднь суух залус гүнгр-гүнгр гинэд, ю-бис күүндсн йовна. Болв Хохал эднэ күүрт орлцжахш, эврэ тоолврт авлгдсн, кесг-кесгиг сергэсн сууна. Съезд хаах деер Герценберг шин үүдсн Хальмг автономн таңһчиг йөрөһэд, цаарандиь яахиг зааж келсн сангдна: «Үүрмүд! Хуучн, му тоот мөңкинд уга болсн, тадн цуһарн эврэ жирһл-бээдлэн шин кевэр бүрдэх зөвтэт. Тадна көдлмш төгсэд уга гих кергтэ. Тер учрар тадн хэрчкэд, цуг олн-эмтэн омгшулж, тегн зөвтэ, ах-дүүһинэр бээж, Советин йосан батлхур шунлтынь залж, үлгүр болх улст».

— Эвртэл юмн болва,— гиж Доржин Минчэ Хохалур хэлэнэ. — Эврэ таңһчта болсн деерэн делкэд үлгүр болна гидг! Кен, кезэ санж йовсн?..

— Чи, Минчэ, юуна тускар?— гиж Хохал ормана.

Тернь өрчэсн цаас татад һарһад:— Эн дуудвр келнэв,— гинэ. — Соңсит, манахс... «Цуг ори-нутгудын пролетармуд, негдцхэтн!

Ямаран, а?— Индин, Төвдин, Монһлын, Китдин, Сиамийн болн цуг наадк, делкән империализмийн төмр өскә дор йова оһи-әмт-нүр...»— Бидн тедниг маниг дуратн гиж дууджанм!..

— Умшич, Минчә,— Хохал девәд, өөрдәд одна.

«Ахир-дүүнр!— гиһәд, Минчә умшв.— Сулдан бәәх күч-көлсч хальмг улсин Негдгч съезд, эврәннь сулдхвр делдсн бәәдл-жириһ бүрдәх кәдлмшән эклхләрн, таднд ах-дүүһин, халун мөндән ил-гәжәнә.

Алдр Индин, Төвдин, Монһлын, Китдин, Сиамийн болн нань чиги хоша орн-нутгудар бәәх буддист ахир-дүүнр! Тооһарн бичкн хальмг улс, һурви зун жил хооран, күчтә оһи сай монһл келн-әмт-нә пүүрлгч салтр болж, эврә махи-цусн тохмасн салад, Европур үрж ирхләрн, талдан ик күчнлә харһв...

Тегәд, кесг зун жилмүдин эргид хальмг улс зовлңгин икинъ үзж, сүркә кевәр дажргдј йовб. Нег гегәрх юмн уга, өмһкнъ бү-тү, сулдан, талын үлмән уга бәәх кем ирх гиж, нәәлх иткл чиги тооһарн баһ улст уга билә.

Болв догшар һалвлж, күчтә хү салкн кәдлсн мет алдр орс революциһ доһлган оштрмлад, цуг дажрачириг тууһад авад одв. Орс кәдлмшч, крестьян улс бас мадһла әдл зовж, түрж йовсн бийснъ, хаана йосна болн капитализмийн дарлтыг уга кев. Тер кә-мәс авн алдр сул орс орн-нутгт бидн цуһар — ик баһ уга улс сул-дхврта болвидн. Терүнәс авн мана Хальмг әмтн бас сулдхвраһ олв.

Орс кәдлмшч, крестьян улс әрүн чиги, сәәхн чиги төр хаһлв. Әдгә кәмәс нааран, цуг делкән мухлалгдј йовсн тоотд сулдхвриһ эк татгчнъ, сулдан бәәх Әрәсә, советск болн социалистическ Әрә-сә. Тегәд, цуг дажрулж, дорацулгдј йовх тоот бас сулдан бәәтхә гисн ах-дүүһин дуудвр энүнәс һарч, ик хонх мет эргид күчкннә!

Буддист ахир-дүүнр! Тер дуудврт багтж, революционн ноол-дана тугиг өөдән өргтн. Дажрулсн, дорацулгдсн хамг, эврәннь цань уга күчтә, оһи-оһи сай цөргән улм өөрхн зерглүлтн. Бәрл-дәд медтн!..»

— Тегәд, тенд-әнд тенж-мунж йовсн хальмгасн әвтн,— гиж Жалыков маасхлзв,— делкәд үлгүр болж йовна. Юмб гихлә? Со-ветин йосна, мана большевикүдин партиһ, алдр багш Лениһ кү-чн!.. Мана эркн керг болхла, залус, ирн бийәрн эң хамгиг оһнд, кәдлмшч, угатя улст күргж медүлх кергтә.

— Түрүләд нутга күцәгч комитет хураһад, әәмг болһна әлчнр дуудад, өргәр кехлә...— Котвыков «чи юн гиж санжанаң?» гисәр Хохалур хәләнә.

— Чик, тодрха, күцц кевәр келж, теднд сәәнәр медүлхлә, әмтнд бас күццәр күрхгов,— болж Жалыков зөвшәрв.— Би талдан нег юм зөвчлхәр. Терүн деер Кануковин төр хүүвләд, эврә нут-гарн шиндвр һарһхла, яһи гижәнә. Та юн гижәнә?

— Зөв, Хохал минь, зөв,— гиж цаадкнь зөвшөрнө.— Тним за-
луһин төлө ноолдх кергтэ. Чи доклад ке, белд бийэн.

— Юуһинь белдхв? Съезд деер келсэн кезэ чигн, кенд чигн
селж болжана...

* * *

Үд кецэснэ хөөн Оляһас һарсн керм үгдрсн мет дегд күчндж
ирглсн, энклсн болад, чанһ урсхлд чидлнь эрэ күрсэр үрвэд өрэд
йовна. Уутъхн кают дотр дегд бүтү, көлсн хара зөндөн сар-сар
һиһэд асхрад, арчсн бийнь күч өгхш. Хохал тесж эс чадхларн, ар-
һан бархларн, босад, һазаран һарна. Деер терүнэс чигн тату биш
болж медгднэ. Салькн-савр уга дуурмин халун усна уурт даргдж
бээхмн уга: һарч ирсн күүг шуд һалар тосад, бээсн бийһинь һа-
лар доласн болад одна. «Яһдмб? Хааран орж бултдмб?»— гиж
эн ухалад, хойр талан хулмлэсн болжаһад, кермин сүл темцэд
һарна, сүүдрин эүүтэ юм хээсн йовна.

Тер хоорнд земгэ бээрн олдв. Деер-деернь хурасн хойр эрэд
иршгуд хоорнд зөвөр заг бээнэ, зуг сүүдр уга гихэс биш, айта
орм. Тедуки кевтсн — жилкин болхв, аль талдан юунав?— таср-
хаг авад, яршгуд деер хаяд орксн, һээвһэ сүүдр болв. Дорнь орад
суусн — наку! Сүүдртэ, яршгудын заагар сөрүн аһар киилсн бол-
на. Һолын хойр амар бээх хамг нүднд эрлзэд, урднь чигн кесг
үзж йовсн, таньдг һазрмуд харвгдэд үлдэд йовна. Кермин ард нк
цаһан хаалһ болад, дольгарад чигн бээнэ. Тиигх дутман Хохалын
тоолвр тер дольга көлглж, хооран довтлсар улм холжад, һолас
хажһиһэд, теегэр гүүдглэд, хол Чилгрт күрчксн, хотн заагар хурл-
зад, нааран-цааран хойр хурдлна. «Кануков, ямаран? Залу болч-
кад — залу!— гиж дотрнь төөирнэ.— Тним һундлта кевэр, цань
уга хар санж, хар-цаһаниг йилһл уга шуд эндү һарһхинь гетжэ-
сн кевтэ авч одад дүрчксн бийһ... һартнь зертэ-зевтэ церг бээ-
һэд, тернь докъя өгхинь күләһэд, тана төлө тас таранавидн гиһэд
бээсн бийһ... Көвүд, эрлһэти, тиигж болшго гиж хөрэд, йосн йил-
һх, санаһан бичэ зовти гиһэд бээнэ гидг!.. Талдан улс болны, тер
Маслов эдн гидг хамг, яах бээсинь күн меддг арһ уга. Минь тним,
чик, үннэ төлө үкхэсн чигн ээшго, нег мөслсн большевик Кану-
ковин төлө, энүг харсж эс ноолдхла, тегэд, кенэ төлө, кезэ ноол-
дхв!»

Жалыков жавтхасн татад, цаасд һарһад авч ирв. Эннь, Цуг-
хальмгин съездэс хәрж ирн, Яндһа-Мацга нутга цуг ээмгүд хүүв-
лж, Кануковиг бэрнэ гидг хажһр гиж бурушасн, терүг сулдхтха
гиж неквр тэвсн шиидвр. «Ревтрибуналд күрч одснь лавта, болв
тиигжәһэд геесдрсн болхла, яахв гиһэд, батлад авад һарсн — эн...
Хохал, жаршлх, эмәх-күн өөрнь бээхш, дүргүлэд умшна:— Яндһа-
Мацга нутга күцэгч комитет 1920 жилин июлин 31 өдр бүкл ха-
нярн хурад, хальмг улсин өмн үр Кануковин күргсн ач-туснь те-
дү мет нк төлөд, ним саамд эс соңссар, эс медсэр тагчг бээж чад-

ниго болад, тер ач-тусинь эрк биш оньглти гиж, олна ревтрибуналас суржана. Нутга жүцэгч комитет ахлагч Котвыков».

Цаасдыг эвжэд, күнд-гийгинь сөржөх мет альхи деерэн чичрүлж үзэд хавтхлна.— Тер трибунал гидгнь ямаран юмснь кемжэнэ болв.— Хохал нүдэн аняд, уха туцхана.— Нутг кевэрн суржахинь, ним неквр тэвжөхинь оньглх эсий?— Уданар эвшөһөд, цуцрсар ардан яршг түшэд, сун кевтнэ. Удхш, үрглсн болжала, унтад одна...

Керм пирстнд ирм цацу Жалыков бууһад, балһс орад харна, дарунь ревтрибунал олад күрч ирнэ. Ахлагчнь дөч сээтр күрэд уга, бийэснь тавн-зурһан ах болхас даву биш, чирэ-зүсэрнь дүнхнхь—тиньгр болдг күн—хойр көк нүднь цевр көк теңгрин өңгтэ, нимтр шар үснь шарһ нариа солһн туссар алтрсн болад бээнэ. «Минь ним күн хажһр һарһх зөв уга,—гиж Жалыковин толһад эрлээд одна,—болһамжта, кинэн... алдх чиги зөв уга, эндүрх...»

— Мендвт,—гиж, Жалыков хавтхасн цаасдан һарһад, өөрдж йовна,—би, Жалыков гидг күмб, Далвнгас ирсм эн...

— Военком Жалыков!—гиж ахлагч адһсар босв.— Соцсж йовлав, меднэв...—Өмнэн бээсн стул тал заана.—Суутн, кели бээтн...

— Бидн, Яндһа-Мацга нутгахн, үр Кануковиг харсж, хойр хург кеһэд, тер хойрин шийдврмүд авч ирсм эн...—Хохал цаасдан ахлагчин һарт бэрүлэд өгнэ. Тернь авад, нежэдэр цаасдыг секэд хэлэн йовж, шуукрсн болад одна. «Керг дала сэн болдг өңг уга,—гигһэд, Хохалын дотрнь киит дөрэд одна.—Эсклэ яһад саланалдх билэ?»

Ахлагч цаасдыг өмнөн тэвн, нуһларинь тинилһсн болад, хойр-һурв илэд авб.—Түрүн тана хургин цаасн манд бээнэ,—гинэ.—Тадн бас негиг деернь невр авч ирсн...

— Улад, зөңг-зэ уга болад бээхлөнх,—болж, Жалыков эврэн келж йовна,—бас нег хурад хүүвлсн...

— Тер зөвөр жанһрта болад, үр Жалыков, негиднь һарһхин төлө, кесг-кесг хамгиг шинжлх кергтэ болв,—гиж трибуналын ахлагч келв.—Цуг көдлмшиг төгскэд, губкомд орулж өгхэр бээнэвидн.

— Губкомд гинтэ?—Жалыковин хойр нүднь сүрдсэр икдэд, «яахар?» гиж хээкрсн болна.

Ахлагч мусг инэһэд:—Үр Жалыков, дала аэх юмн уга гихэр. Илднь келхлэ. Кануковин гемнь ил, бийнь чиги нуужахш, болв зарһла харһулх дүңгэ биш.

— Тним болтхал...

— Би танас, үр Жалыков, талдан нег юм сурхар,—гигһэд, ахлагч столасн кесг цаас һарһад, өмнөн тэвб. Заагаснь негиг йилһэд, Жалыковд өгв.—Умшлт...

Авад хэлэхнь—Герценберрин бичг. Хохал доран шуд хавтаж одв. «Олна ревтрибуналд,—гиж Константин Рудольфович бичжэнэ.—Цугхальмгин Негдгч съезд хурах комиссин тогтаврар ию-

нин чилгчэр Харти Кануков гинэд, мөрн цергэ бригадын командир, теңгэ хазг-хальмгудын элч болж съездд ирсн күн бэргдлэ. Ревтрибуналд манцин кецэхи орулж өгсн хамг татухн, чик биш төлэдэн, терүнэ төриг күцц хайлхд нөкд болж чадшго.

Энүнэ туск Хальмг ЦИК-н хэлэц зөвөр сонжта,—тер цүүгэн, негдвэр гихлэ, хальмг һазрт, хальмг көдлэчнр хоорнд һарснь үнн, хойрдхла, ЦИК съездин хөөтк хамцу сүүр деер шииндсинь авхла, Советин йосна өмнэс күчр кевэр ноолдад, нам цаһачуд дахад зулсн хортдын геминь тэвж өгх болж зарлсн бээнэ. Тиигхлэ, Советин йосиг харсж, тер хортдла нег мөслж ноолдж йовсн Кануков, һарһсн гемэн тэвүлх зун холван зөвтэ.

Харти Кануков ямр күүһинь келхэр. Теңгэ хазг, хальмг, урднь багш йовсн күн. Политическ үүлдврэн 1905 жил эклэд, хаана цагт бэргдж, засгдж йовснь лавта. Хөөннь, 1910 жилэс авн 1918 жил күртл, заагарнь бичк-бички завсрта церглжэж. Октябрьск революцин хөөн теңгэ хазгудас боли украинцирэс мөрн цергэ партизанск отряд бүрдэһэд, тернь Теңгэ медлд Советин йос батлхин төлэ ноолдж йовсмн.

1918 жил Реввоенсовет энүг цергэ цуг хальмг эңгсин дээнэ-политическ бүрдэһэд боли һардачд батлсмн. Эн ода бас хойр хальмг полкс бүрдэх болж, арднь оржала. Хальмг политотдел һардгнь, типографинь олад, түрүн эврэ газет «Улан Хальмг» барлдгнь — бас энүнэ күчн.

Тегэд чигн цуг кесн-күцэсинь тоолад, съезд деер энүнд онц ханлт өргхэр седсн элчнрин седкл медгджэнэ, юнгад гихлэ Чилгрт болсн съездин өдрмүдт эврэ хальмг цергчнрэн үзэд, удавр, анцхун хальмгуд ямр дүнгэ ондарж, чадмг, мерги, һавшун болснднь йосар өврснь алдг уга.

Советин йоснд боли мана Улан Цергт Харти Кануков цань уга дурта болдгнь лавта. Андратов гидгнь, Ээдрхнэ медлин хальмг, хазг, хуучна цергин ах унтер-офицер. Улан Цергт дуртаһан боли итклтэһэн цаһачудла кесн дээллдэнд болмар үзүлсн, үлгүр болм зөрмг, чадмг комэск.

ВЦИК-н элч К. Герценберг:

Умшад, бас нег энд-тендэһэр хэлэсн болж йовад, Хохал келжэнэ:—Чик, мел чик! Константин Рудольфович хажһр бичх күн биш, көгшн большевик, ЦК-н мандатта ирлүс! Ямаран сээхн ма-нахсин аалиг медж: Советин йосна хортн болж ноолдад, цаһачуд дахад зулж одсн улсин геминь тэвж өгх, Советин йосна төлэ цу-сан, эмэн эрвллго ноолдж йовх улан командир, большевик Кануковиг болхла... Жалыков аралдад, хойр нудрман шүүсн дусмар атхад оркна.—Йосн аалин үчр юунд бээхинь меджэнтэ? Иим нер-тэ, төртэ, тоомсрта, хурц-хурдн келтэ күн таһичин толһач болж одх гинэд, неринь будад холдулна гидг тер. Зөрц кесн йовдл!..

—Меднэвидн,—гйж трибуналын ахлач зөвшөрв,—санаһан бичэ зовтн, дала юмн болх уга гйж санжана. Танд, үр Жалы-

ков, ханжана. Иим, нег мөслсн чик тоолвран ээж, эмэж сольл уга үннэ төлэ арднь орад йовдгдтн.— Ахлач зөвэр тулад, келхэн диглсн мет билэ, цаарлад бээв:— Би танас, үр Жалыков, иим нег юм сурхар. Келит намд илднь. Кануковиг теңгсэхн, ижлихн, орсмуд татхда...

— Орсмуд гинтэ?

— Ээ, келхд, Герценберг хойр бичг илгэв, Новиков бийнь ирлэ.

— Иван Михайлович?

— Тер боллго. Баһ Дөрвдэ военком. Энүнэс наадкснь, нутг кеварн, эс медсн боллдад, тагчг, теңгэхн бас... Юнгад?

— Мининэр болхла, эдитн Кануковиг медхш.

— Дөрвдэхн медхш гийэ, бузавнр яһжахмб?

— Бузавнр гиж, Кануковтн баһдан Сальск эргндэн үүлдхэс биш, наадкстнь эс күрсидэн шаху, цергэ халхар йовалм...

— Орта тертн, орта...

— Бас нег учр, мининэр болхла. бээнэ: дөрвдмүд съезд деер йос булалджасн «сэн залусан» дахва, бузавнр гихлэ, яһвчн хальмг керг-төрэс хоан үзүлвэ.

— Энтн чиги орта, үр Жалыков!

— Дота һазрахн Кануковиг меддгнь,— гиж Хохал күцц цээлһс гиж санад цаарлна,— хальмг цергэ энг болдгнь мел манахснм. А комиссар Кануков цергчнр дундан дегд күндтэ, терүгинь цуһар меднэ.

— Та, үр Жалыков, сонжим кевтнь тоньлһвт,— гиж ахлач босал, маасхлэж һаран өгнэ.— Танла таньлдж күүндсидэи йосар байрлжана. Санаһан бичэ зовтн, губком Кануковин кергиг хэлэхлэри, алдг орулх уга. Байрта харһж йовий...

Удсн уга, Хохалыг көөлдн гишн, бичг ирнэ. Кануков ханлт өргсн, партийн чаһи шоодврла харһдг болвчн, цергэн орад йовжана гиж бичж. Нурвн-дөрвн сар давсна хөөн бас нег бичг илгэж. Ока Городовиковла хамдан терүнэ дивизьд, Негдгч мөрн цергэ 6-ч дивизьд разведкин халх толһалж йовхан бичж.

* * *

Гражданск дээнэ һалв дотр шинкн үүдсн Улан Церг, кенз болвчн, цуг хортан дарад, һазаһас деермчлж ирсинь хораж көөһэд, дотрас шүд хазж бослдсн цаһачудыг күүчэд, диилвр бэрж, шин Советин йосан харссна хөөн, 1920 жилин чилгчэр орн-нутг төвкнүн тосхлтын керг-үүл күцэх болв. Хамгин эркн төрмүдин негнь — дээнэ көлд хамхрж-эвдрж, үрсн-тарсиг хэрү босхж, ясх керг учрв.

Хальмг улс эврэ таһчта болад, партийн халх көдлмш күч авч йовх учрар партин уездн организациг таһчинд хуврулх төр һарв. Коммунистическ ячейкс өдр ирвэс өргжэд, олнур влм өөрдэд, тедн дунд кедг көдлмшэн делгрүлэд йовна. Таһчд 300 шаху коммунистнр үүлджэнэ, болв тедн дунд хойрхн күүкд күн йовна.

Энүгэр үлгүр кеж хэдэвчн, ямр дунга нк кэдлмш — цээлхврн чигн, бүрдэмжин чигн кегдхн ил.

Нег үлү, зэрм ар назрар, хол бээх ээмг, хотдар ячейкс нарх биш, нам партийцир хатяр. Учр тийм болсар зэрм улс парти болн үүнэ политикий тускар амрсар медхш. Учр юундв гихлэ?— Цунар нурһлж крестьянмуд, кэдлмшч улсла залһдан, угадан шаху, тер учрар пролетарск сурһмж авч чаджахш, урдк кевэри культури, экономическ болн политическ өсөлт, төлжлтн йнр ядухн. Теегин нк зунь зөвөр уданд цаһачудын һарт бээснь,— тедн хальмгуд өссн, өөдлсн юмб?— нк харшлт болснь алдг уга.

1921 жилин февралн 18 өдр Хальмг Базрт тацһчин негдгч бүрдэчин партийн конференц кэдлмшән эклв. Энүнд 48 делегат орлцв. Эднэ хэлэх төрмүднь бүрдэчин керг-үүлэс хол давад, чинрэри земгэ гүн утхта болв.

Конференцд хүүвлгдсн төрмүдэс хойрнь ахлж, онц онцг эзлв гих кергтэ. Негнь — империалистическ болн нег үлү гражданск дээнэс көлтэ дегд идурсн, мсл хоосрж одсн гишц эдл-ахуг өндөлһх. Наадкнь — тер хамгт харшлсн деерэн, күчр ала-була нарһж, олна мууд орж, йос бурушаж йовх бандсла ноолдһн.

Хальмгин коммунистирин элчир паргин күслинь чигн, күцэх төринь чигн, энүнэ һардгч болн залгч илчнин тодрха сээнэр меджэхинь конференц илдкв. Тегэд, тацһчин комитет болн наадк органмуд сунһгдсна хөөн даалһврта сеглэтр болсн Чавчан Арш цуг делегатири болн коммунистирин нерн десрэс телнэ нег мөслгч уха илдкж, «коммунизм хальмгудыг герлүр болн медрлүр авч ирх» гиж батар илжэхэн герчлв.

Малын халх дегд дор орад, нам чилхдэн күрснь ил. Тэрэ-темсн бас угала эдл болсн бээнэ. Заһсна халх чигн деерлхх юмн уга. Тегэд, һазрин кэдлмшиг ясуулх, тэрэнэ аһу өргдүлх болж, урһц идх, уухд күрдг болдгар цуг арһан олзлх кергтэ гиж конференц шиндв. Тер төлэд тег эргэд үүүлдэд йовдгиг байлж, эмтн хотлад бүүрдг болдгар кэдлмш бас кех кергтэ болв. Малын тоог певчк өөдлүлхнн төлө ялхдан дээнэ өмнк кемжэнэ өрөлдн күрч авхин кергг, мах орулж өглһнг цаг зуур бойвчи зогсах зөв көөлдж автха гиж ЦИК-д даалһгдв.

— Ахрар келхлэ, ахлулх төрмүд дала, алькин чигн хооран сааж болшго,— гинэд, бийнь бийдэн келэд, Жалыков стол һатцас босад, терз тус олад зогсв.— Болв цуг төрмүдэс ахлхнь, Жалыков чамд, тацһчин военкомин дарукд, партин тацһчин комитетин, членд негн — шулун гидгэр бандитириг хог таслх керг. Эди алькдчн күчр харш болад, эмтнэ сүр дарад, шуд алх-булхин ард...

— Ода эн нег анди — Маслак гинэд, һазр дорас гишц һарад ирв,— Жалыков ормдан ирэд сууна, өмнөн кевтсн цаас авад хэлэжэнэ: «Григорий Маслаков, лавта ирсн зэңгэр болхла, Негдгч мөри цергэ Эармин комбриг сэнж,— гиж умшжана.— Командованя закврар заквр кел уга, буру-бусхл йовдл һарад йовсндан

трибуналла харһн гихләрн, засгас эһһэд, Маслаков контрреволюционн хаалһд орна. Махновец Брован бандла негдх болж үгцнэ. Болв тернь Бердянск алднд күүчгдснэ хөөн, арһан бархларн, Маслак Тец темцж мөлтрж һархан хээнэ.

Суулдад, кесг йовад орксна хөөн нег станц деер на-ца буулдсн, Сарпулин медлә һазрар гүүдэд орх болж мордлдад һарна. Командир болдгнь чигн, командир бишнь нег үлү, хааран, яахар йовхан эс меджэснь ил. Болв зуур улачудын нег кавдивизион болн йовһн хойр рот бэрэд, бу, зер-зевинь болн тов, 20 пулемет, сум ачсн хойр тергинь булаж авад, командирмүдинь болн коммунист-ринь негн күртлнь хахла, зуг тегэд Маслаков урвачлж йовхинь, Советин йосна өмнөс ноолдж йовхинь эмтн тавлад медсн, баг-багар, нежэдәр-хошадар чигн эклэд зулжадгчн.

— Комбриг боллго од, кишкә ноха!— гиж, ууртан бүтж Жалыков аралднэ.— Эврә анддан яахв гижэхнь, деернь эн чөткр Маслак һарч ирвш!..

Үлдл тави зун нөкдтә, мөрднь сән, зер-зевнь күцц Маслак Хальмг теегәр орж ирсн, Ремонтна, Манцин, Баһ Дөрвдә болн Ик-Цоохра селэд, хотдар довтлсн, өөдән-үрү уга өлкэдэд бээдг чигн. Тер дарунь банд Советин йосна цутхлц гиж, Чилгрүр дэврнэ. Бээрн милицин бички баг, Манжин Сарц толһачта, Маслакас эл уга, сөрлт өгэд, бүкл хойр частан тесэд халдна. Болшго болхлань, чидлэс чидл давхла, эдн цухрад, теегүр һарна. Банд Чилгрин эмтнэ өлг-эдинь тонад, мал-геринь кудад, кел бэргдсн 30 күүг тедүкн авч һарад хачкдг болна.

Партийн таһнчин комитетд болн ЦИК-д дээнэ сүүр гиж бүрдәгдсн, цуг контрреволюцла кегдх ноолдаг эн һардж ахлна. Иим чинвртә цагт ик эәмшг үзүлжэхнь Маслак, Сычев, Московченко, Дараган-Андрианов, Мөңгтин Шуурһч, Шануна Оки эднә банд болна.

Теднлэ ноолда кех онц әңгс — Хальмг ЧОН гиж һарһх төр тәвгднэ. Эрткнә, Ик-Цоохра, Хошуда, Баһ Дөрвдә нутгудур болн Ремонтна уездүр эрки зөвтә элчнр йовулгдна. Жемр эәмшг харһхла, дор ормднь дээнә бээдл зарлж, цаг түдлго коммунистир, комсомольцир болн активистир цуглулж, сөрлт өгч, ноолдх зөв өггднэ.

Дээнә сүүр Жалыковиг Аһшур йовулна. Үүнә даалһвр бачм болчкад, эрки — губвоенкоматд учрсн эәмшгиг күргж келсн деерән дөң сурх, чидлән негдүлж, хамдан ноолда кех болж үгцх.

Мел тер дарунь шишлц мөрн цергә отряд бүрдәгдсн, деернь немр Баһ Дөрвдә сотнь өггднэ. Эний Новиковин һардврт зөвәр бат күчн болсн, диг-дарань чигн йосн цергә әңгәс тату биш чигн. Эднд нөкд болж Ик-Цоохра, Харухса, Манцин, Эрткнә, Ремонтна милицир нег ик баг болж негдсн, бас бандитирлә ноолдх болж нег мөслсн, белн бээнә. Цуг теегәр цәәлһврин политическ

көдлмш өргөр делгрүлгдж, контрреволюцас Советин йосан, эврэ зөвөн харсхур эмтиг зөрүлсн, ашнь му биш болна.

Дарунь гилтэ Маслак зөвөр шүрүтэ цоклтла харһад муурдх-ларн, эн дадмг доск, эртэр зулж һарад, Ремонтна уездэр болн Сарпулин медлэ захар хорһлж, тендәһәр бәэхтә, байн хамгиг. азд-эср, хулха-худл кедг хамгинь цуглулж, бандын геевриг күцэв. Заагарнь эн Брова, Канарь, Мөңгтин Шуурһч эднә бандла залһлда бәрәд, хоорндан негдх болж үгцсн бәэж. Маслакин шурдсн седклнь невчк төвкнәд, зөргнь немнә, тегәд чигн эврәннь андн үүлдврән байлх биш, улм авглж өргдүлнә. Генткн эн санмср уга бәэсн Элстүр дәврнә. Советск учрежденьс болһиг күүчәд, цуг хамгинь шатаһад, тараһад, кассинь шавхж тонад, складсинь хоосулад, һуч һар коммунистнр болн комсомольцнр хаж ална. Тедн дунд нутга күцэгч комитетин ахлач Будан Эрнжән, партин комитетин сегләтр үр Наумов, сотня командир үр Селезнев болн военкоматын кесг көдләчнр, цергчнр бас хагдж. Санмср уга бәэснә ашнь тиим кецү болж.

Эн бандын ардас көөлдн гихлә, Маслак, хулхач нохан шинж-тә доск, бултад, ә тасрж одна: альд йовхнь, яһжахнь медгдхш. Тиигжәһәд, генткн һарад ирнә, дәврәд, цокулад, зула-булта йовж, эн Ремонтна өмн, Жуург салан көвәһәр, хулста, модта болсн һазрт бәэснь медгднә. Дор ормднь бәрх гиж йовсн — болсн уга. Банд әәмшг учрсинь медәд, саак зулад һархар седсн, терүнднь эдниг күргл уга шаһад ирхлә, арһан бархларн, бәрлдәд бәэв. Күчр гидг цоклдан болад, хадг чавчдг хойр негдәд, һару чигн ик, хойр талас тегш гим.

Бәрлдәнә гүдүд йовх Новиков зөвөр халж одсн, хойр талан селн чавчад, хадад гишң йовна. Генткн хәлэхнь: цаһан бор мөртә күн дел дерләд орксн, захлад гүүлгәд һарч йовна. «Маслак!..— гиһәд, энүнә дотрнь төөпрәд одв.— Алдж болшго!..» Новиков, «чу» гиһәд дәвсн болла — хар кеернь хагдад, удасн уга, цаһан бориг күцәд, негл алд дүнгә хоориднь үлдв.

— Маслак, зогс! — гиж Новиков хәәкрм цацу, наадкнь ардан эргәд, ярзасн болв, хахар седснь лавта, болв Иван Михайловичин чашк түрүлв, шуд күрсәр татн чавчсн, Маслак хойр әңгрәд, цаһан мөрнь улан явр болад одв.

Үкдгнь — үксн, үлдл болснь, Гробов Сычев хойр толһачта тарад гүүлдсн, көл-толһа уга, Теңгә үзг темцәд, текәлдәд одв.

* * *

Партин таңһчин комитетин даалһврта сегләтр үр Марбуш-Степанов наартха гисн учрар Жалыков күрәд ирнә. Тернь өмнәснь тосад, һаринь авч мендлн йовж: — Яһжана, Хохал Манджиевич, бандитнр чиләд угайн? — болна.

— Чилхәс, үр даалһврта сегләтр, чинвриг улм икдүләд йовна. Баһ Дөрвдәс ирсн зәңгәр болхла, Шанунахн гиһәд, Окн Манж

хойр, улм адрад... Военком Новиковд бичг илгэж: «Цоохр Яван, ксмер Цоорха Яван болхар эс бээхлэ, эндэс эндрин бийднэ эрл!» гиж. Тегэд, би Баһ Дөрвд орад ирхэр. Новиков багшм болдм, большевик, итклтэл болдг күн...

— Тер банд гидгнь ик юмний?— гиж Марбуш-Степанов соньмсна.

— Уга, хөр шаху чигн.

— Тедид чидл эс күрдвн, тегэд?

— Бэргдхш гинэ,— болж Жалыков шуукрна,— генткн һарч ирэд, күүчэд, кудад, уга болж одна гинэ. Альд, юн болжахиг чимк күртлнэ медчкнэ гинэ. Хотн болһнд эврэ улста, цуһар садн-элгн, таньл-үзл чигн. Хавсрад шаххла, Ханата нуурин хулсар орад, орм-торм уга одна гинэ. Тернь бүтү чигн: нигт болчкад, өндр. Хөрн күн биш, хөрн дивизь уга болж одм чигн.

— Бас альдаһар үүмэтэ, Хохал Манжиевич?— гинэд, Марбуш-Степанов босад, эрст өлгэтэ картур одв. Жалыков дахлдад, өөрнө ирэд зогсв.

— Эрктнд Мөнгтин Шуурһч, Хошуд Көтчнр хойрин хоорнд Тегусов Боова, Манцин Кец эргнд Очан Озн...— Жалыков карт деер кесг һазр һарарн хатхад заана...— Энд-тенд бас чигн үүрмг-заармг бандмуд һарсн.. Болв эднэс урд һазаһас оруд, талдан область, краяс көөгдхлэрн, нааран, у һазрур зулж һарч ирсн бандмуд таражана, ик-ик бийснэ зер-зевнэ күцц, мөрднэ сэн, нурһлж мел офицермүд... Келхд, полковник Корнилов гинэд, одак генерал Корниловин ачнэ, зу шаху өзднүд дахулсн, Тең талас орж ирсн кесг пулемет энүнд йовдгчн. Кень чигн, үр даалһврта сеглэтр, хулха-булаһарн, аврлт угаһарн нег-негнэсн тату биш. Тер хамгиг үзж, теднэ нааднэ болн зоогнь болж, шарклдм болхнэ, шарклжахнэ — тегин хальмг...

— Амр биш, күндтэ Хохал Манжиевич,— гиж Марбуш-Степанов саналдад, маанһан илэд бээнэ.— Гражданск дэн дотр эркн болжасн дээнэ коммунизмин политик бийэн барна гидг эн. Тегэд чигн Владимир Ильич шин экономическ политикүр (НЭП) орад, продрозверсткиг продрологар сольхмн гисинь шидр бидн, Арвдгч съездин делегатир, дөңвидн. Учрнь юундв гихлэ?— Крестьянин эврэ дурарн эдл-ахуһан эд-бод кеж, авсн эдл-уушан бийнэ медсэрн, чадсарн хулддг болтха гижэнэ. НЭП, партин тоолврар болхла, орн-нутгиг угархаснэ харсж, социалистическ экономикн ул тэвхд, көдлмшч классин болн крестьянствин ни-негиг батлхд, капиталистическ авг-бэрцтэ хамгиг шахад уга кехд, социализм диилхд күргх зөвтэ. Тер учрар, үр Жалыков, бандмудыг эрк биш уга кеж, эмтиг төвкнүлж, тедн партин заасиг күцэхүр шундг болдгар төвкнүн бээдл теткх зөвтэвидн. Медгджэни? Тер учрар, Хохал Манжиевич, бидн энд зөвчлэд, танд, таңһчин комитетин членд, талдан көдлмш даалһхар.

Жалыков тагчгар Марбуш-Степанов тал хэлэхэд орхсн, терү-
нднь «ода ю намд даалхар?» гиж сурснас тодрха болв.

— Хальмг танһчин революционн трибунал хардх болад бээвт.

Хортн элвг, хажһр-эндү дала, цаг чинрвтэ... Партин танһчин
комитет танд ицжэнэ.

— Даалһврас, нег үлү, партийн даалһврас, күн болж хооран
цухрад угав, үр даалһврта сеглэтр.

— Иткжэнэв,— Марбуш-Степанов харинь атхв,— талдан хэрү
танас күлэжэсн угав, үнэн келж.

— Баһ Дөрвд орхар бээсэн яажви?

— Йовтн, Хохал Манжиевич, зүг шин хуучн хойр үүлэн нег
аю күцэх болад бээвт...

Ханатын көвэд, ик-ик шуург гим бөдүн, өндр болчкад, нигт
хулсна захл Шанун Окн зөгсжана. Өөрнь баахи көвүн, шувтрадл
оддг бээдлтэ, арвн дола-нээмнэс давад уга болвчн, келсн үгн
«наг-наг» гиһэд, өвгн күн кевтэ, мууха юмн. Ииминь тегэд чигн
«нкин чееж, баһин бөгс» гиж келдг болхугов? Тегэд чигн энүг
наһцхнь өкөрлэд, «хавтха шар» гисн, тернь йосн нернд тохрсинь
келхм.

— Чи, Шар, саг йов,— гиж Окн нимтр сахлан нежэдэр үмтэ-
хэр седсн мет татад-татад, орминь хойр-һурв илэд, өмнэн, холдан
харвсн бээнэ.— Минн келснэс хажидг болвзач! Бод гиһэд, герүрн
одад, юн болжахинь, яһжахинь медэд, арһул, тагчгар хэрү күрэд
ир. Үлү нег ишкм кеһич, чамаг, харлдсн зеегэ гиж, эгчинм көвүн
гиж хэлэшгов.

— Наһцх, киидэн намаг хөржэнэт,— болж Шар эврәһән кел-
нэ.— Кемр эвнь харһад ирж гилэ, кемр Цоохр Яванла зөрлцэд
харһж гилэ...

— Уга, бичэ гисиг меддг күн биш болвзач?— Окн шүрүлксн
болад, дунь чаһрад, хойр нүднә һаллзад одв.— Эвинь олж тоһ-
лһж чадшгоч, эврән муулян эдлхч, терүнэс урд мана кергт лавта
харшлхшч...

Шар, харм төрж һундсар гүүнәр саналдад, хуухан маажна:
Арһ уга намд, наһцх, тана келснэс һарч чадшгов. Зөв гисн болит,
би терүг!— Араһан тачкнулад, нудрман чичрүлэд авна.— Бээсн
геринь түүмрдэд, бийинь шуд чир нүцкәр!..

— Ээ, көтлэд, намур авч ирх билэч, а?.. Чи, чикәрчн цоксн
элжгн болсн, Цоохр Яван цорхасн, цергнь арднь шаргсн...— болж
Окн «күр-күр» инәһэд, зеегән дөөглэд, наадан кесн бийнь, цаа-
һан, дотран байрнь өөдлж, зүркнь бульглж, нам жөөлдсн болна.
«Белтрк биш, минн зе йосн чон, шуд шүүрсән алдшго!— гиж төл-
һаднь донһдсн болна.— Зүг дегд халун, зөргн одачн һәрһтәвр.
Хөрж эс бээхлэ, ю татхнь, яахнь темдг уга».

— Наһһа, намар наадан кежәнэт, би болхда...

— Уга, зеегэ минь,— гиж Окн ээм деернь һаран тәвнә,— наад
бәрнә гисн юмб? Терүг, цоохр үкмриг, хармлж бээжшив, чамаг

орилхас биш. Чини хаж чавчлдснас — толһачи намд кергтэ, зеегэ. Ухатач, хара биш сурһультач, хурц келтэч. Ямаран сээхи эвтиь орулж бичсэн эврэн нам меджэхшч. «Цоохр Яван, цоорха Яван болхар эс бээхлэ» гиж, талдан кен мадн заагас келх?

— Тегэд, наһһа, бй хэрэд яахви?

— Күргн ахд, Пүрвэд, эгчд мөнд кел. Аакиннь амтлад чанси цэ у, амр, болв талын улст бийән бичэ бардмл. Юн болжахинь, яһжахинь күргн ах сурлдан угаһар бийнь келэд бээх. Соңсад. годлад, бод гиһэд күрэд ир. Эс медгджэни?..

Харһуһар хотарн орж йовхнь, нохас яр-яр гилдэд, гүүлдэд лашна. Шар тотхад, доран зогсв. Дууһарнь эврэ «Балткан» йилһэд таньжана. Бавһр барган тосад, неринь келэд дууджла, тернь гүүж ирэд, келднь шахлдад, гинисн болад одв. Наадкснь э тас-рад,— хуцлдан альд?— өөрнь дахлдси, хэрү һарв. Тегэд, эрк алхад, герүрн орхла, экнь һуулмтын иргд сөгдэд орксн, һал деерк хээснд чанси цээһән самрад болһжана.

— Уй, арвтм минь,— гин, сарвлзад босж йовна.— Сээхән инь-гм минь, альд, яһад, кенэ төлэ иигэд...— экнь уульцнад, көвүн талан өөрдх хоорнд тедүкн суусн эцкнь хоолан ясад оркв. Тернь үг-күр угаһар көвүнд чигн, эkd чигн ил: таасжахш. «Яһлджана эдн, хөн, хурһн кевтэ маальлдад» гиснэс чигн даву.

— Менд бээнт,— гиж Шар келэд, уралан һарн, эцктән күрэд, һаран өгв. Дарунь, тегэд, экүрн ирэд, өмннь зогсв. Тернь көвүһән «шаб-шаб» гилһэд үмсэд, асхрулж йовна, белдк альчурарн нүдән арчад бээв.

— Нэ, болж эмгн, һазаһас ирсн күн дееркән тааляд, көлән дарх... хэрнь, халуһар цэ өгхичн...

Тос төвэд зандрулад орксн цээг Шар сорад уужана, эцкнь тагчг, көвүһән дораһар ажглад, муухн бээхинь, даарад, өлсэд йовхинь медси бийнь ууд авад, эс керглсэр:— Ямаран йовлдита, бүрн-бүтн?— гинэ.

— Бүрн,— болж Шар саналдна,— танд хойрадти наһцх халун менд кел гилэ.

— Хээмнь,— гиж саак экнь асхрулси, ода дүүдән сана зовжахнь, нег үлү, терүг дахси көвүндән зүркнь урсжахнь лавта, нульмсиһдан күч күрч яджана.

— Қиити, хот-хол хэтэр... Тадн ямаран бэәнэт, баажа? Энтер гих юмн уга?

— Манд юн болла, ээм бүтн, геси цадхли, селкл тарһн,— гиж тендэс экнь хэрү өгв. Эцкнь хойр нүднь шилвксн болад, цәңклээд, саак хоолан ясад оркв. «Намаг келэд уга бээтл, чи яһжахмчи?» гижэхин темдг. Терүгинь медси эмгн таг болад одв, көвүнь бас ду һарси уга.

— Өцклдүр би Ставк орад ирүв,— болж Пүрвэ холаһар эклжәнэ, кедү ээмшгтэ, чанһ болвчи, көвүһән чочах, сүрдэх санан уга.— Балһснас Жалыков тидг күн ирж, трибунал чигн, дэәнэ ха-

лх зархин ахлалч. Цоохр Яван нег бичг авсн, тер Жалыковиг күчр уурлулж. Келнэ гинэ: «Шануновиг шарад хуухлад болвчи хулснас харһж авнав!» гинэд хээкрэд бээдгчи. Күчр халта, шуд шатад бээнэ гинэ.

— Баажа, кен келнэ? Маниг сүрдэжэх угайи?

— Ольдн Бурха харһсн келв.

— Наадад Бурха болсний терти?— гиж Шар инэмсглнэ.— Бурж эс бээхнь аюдан, а?

— Хаһад оркдг күн билэ, болв...— Пүрвэ тулад, яһж эвинь олж келхэн хээсэр бээнэ.— Болв эс сонссн болхла, яһж цааһаснь тиим юмн харна? Эс харч ирхлэнь, Ханатын хулсиг түүмрдэд харһж авхм гидг...

— Дэрк, дэрк, бурхи-багшин гегэн минь,— болж эмгн өөдэн хэлэж зальврна,— му көвүним хэлэж, харж йовит, хээрхи...

— Окнд кел, хэлэти, зөвчлти, минийһэр болхнь, үндэн шаху. Бурдг Бурхаһас харх тоолвр биш. Невчк немэд, деернь дел, сүл урһасн, тернь алдг уга, болв тадниг шаххар бээхнь ил...

— Увлин тенгр киити, кеер бээнэ гидг күчр...

— Мини му уханд болхнь, тадн гемэн сурад ирхнь, одак амнист гидглэ харһх билэт. Үвл чилтл гер-гертэн бээлдэд, юн болхинь, яахинь ажглад, хавр ирхлэ, цааранднь яах-кеехнь медгдэд бээх, а?

Көвүн «яахинь би яһж медхв?» гисэр хойр ээмэн холькна:— Нанцхд келнэв,— гинэ,— бийснь медг...

Тегэд, нурв-дөрв хонсна хөөн Шануна Оки бандан дахулсн Ханатын хулснас һарад, Ставк хэләһэд мөрлнэ. Арднь дахлдсн нөкдирнь энүгэн иткдг болвчи, «яһна йир?» гиж жиг-жиг гисн, тоолвртан авлгдсн йовна.

Баһ Дөрвдэ сотнь зерглэд орксн, захднь Новиков — Маслакин цаһан бор деер маңхасн, өмн тустаһарнь хар кер мөртө Жалыков дүнгэсн бээнэ. Бандитир нежәдэр харч ирэд, эднэ өмннь зер-зевән хаяд, хооран һарад һудылдж, һазр шаһасн, нам нүдэн өөдөн кехш. Зуг ор-һанцхи Шар, хэлэхнь, Окнас бийэснь чигн даву гим сенклзэд, шуд толһаһан өргэд, бээх бээдлэрнь дүнхнь, «арһулд-жати, атаһан таднас авч болх!» гиж хээкрн алдсар бээнэ. «Акад юмб? Бичкн, гени болад иигжәхмб, аль?..»— гиж алң болсн Новиков энүг чигн, наадксинь чигн ажглсн бээнэ. Хэлэхнь, цуһар чигн харһул болдг улс, сурһуль уга, хурц-хурдн биш, тегэд, Окна үгд орад, даһад, тенж йовх улс. Зуг көвүн йилһрэд бээхэс биш. Эн адһм угаһар ирэд, бууһан хайн, сотнь тал хэләһэд, мусхлэсн болад, эргэд, хэрү һархар седжәнэ.

— Көвүн, түрд гилч,— гиж Новиков келв,— нернчи кемб?

— Шар... Хавтха Шар.

— Кедүтөвчи?

— Арви долата.

— Намд чи бичг бичлчи?

— Яһна?— гһһд, көвүн бирчисн болад одв. Новиков тал хэлэсн хэлэцнь, шуд мөсн гим, киитн. «Насн баһар биш,— гиж Новиков ашлвр кенэ.— Хортн гидг хортн — эн! Бичснь ил, нам түңгөн нуухар чигн бээхш. Цань арһнь уга болад тесжэхнь ил, эсклэ яахнь темдг уга. Зуг намд бас арһ уга. Гемән сурж ирсн күүг тосж авхас биш, талдан зөв уга».

Тер хоорнд Жалыков эмэлин дөрә ишклж босад:— Үүрмүд!— гһһд, сотньд нерэдэд хээкрснь — киитн аһарт хэңкисн болад одв. — Тадниг, Баһ Дөрвдә сотня цергчнриг, Советин йосан харсх эркн чинртә кергт зөрмг, чадмган үзүлж, кесг темдгтә диилвр бәрси́дти таңһчин военкоматын перн деерәс халунар йөрәж, ханлт өргжәнәв. Ура, үүрмүд!

— Ура-а!— гисн сотня дун негн болад, дүүрэнд тохрад, цацааһан доңһдсн болад йовна.

Жалыков хоолан ясад цаарлжана:— Нег үлү, Маслакиг, терүнә 500 толһа бандыг, товта, пулеметта күцц бээсинь күүчлһнд цань уга зөрмгәр орлцснтн темдгтә. Тегәд чигн тана военком болн командир үр Новиков цаһан бор мөр унсинь эврән үзжәнәт. Энүнә ач-тус гидг ик. Тана сотниг сурһад-сундлад, ахр цагин дунд цергә әңг кеснь, ямр чигн хортн харһж гилә, тесәд цоклдад бээх чадмг, зөргтә тадниг кеснь берк. Тегәд, Хальмг таңһчин военкомат Иван Михайлович Новиковд цаһан мөңгн час зүүлһжәнә. — Жалыков хавтхасн татж авад, Новиковур өөрдәд, бәрүләд өгхин өмн часиг цевәснь өргәд, цуһараднь үзүлв.

— Ура-а!.. Ура-а!.. Ура-а!..— гһһд, һурв саамлад сотнь хээкрснд һазр чичрсн болад одв.

Дарунь Жалыков бандур эргәд:— Залус,— гинә,— тадн һарһсн хажһран медәд, гемән сурж, бийстн ирсн учрар Советин йосн гемитн тэвж өгчәнә. Чикдән, күн кевтәһәр бәәһд, хар мөртә юм һарһл уга, олһла хамдан бод гһһд йовхлатн, кенитн чигн күн көндәшго, ам аһнашго. Болв, кемр үгән идәд, саакан татхла, урдаснь келчкхәр: кенитн чигн эрвлшговидн. Эс келлә гивзәт. Хәрнь тер. Хәртн, бичә марттн мини келсиг.

Бандитнр эс итксәр ормалдад, нег-негнүрн чигн хэләлднә, сотняс чигн нүдән авлдхш, хачквза гиж әәлджәх өнгтә. Окн ним гиигнәр төгсх гиж санж йовсн биш, бас алһтрсн бийшь терүгән медүлшго саната, эс медсн болад махлаһан дарж өмсәд, көндрәд һархлань, наадкснь дахлдад, йовад одцхав.

Һурвдгч бөлг

Нарт делкән болн гражданск дэәнәс көлтә кесг жилмүдт цадтлан хот идәд уга улс дән-дажг даргдв чигн хумран хаңһаһад уга. Саак дүту-дунд, тату-тартг өөд өндәлһхш. Селәнә эдл-аху дегд дор орж одсн, терүнәсн һарч яджана. Эдл-ууш гидгнь күчр ядурад, дөрвн холванд баһрсн, өөдлж өгчәхш. Нам өөдлдг чөлә үзәд

уга. Хөрдгч жил орн-нутгин өрэлднй гишн урһц йир бичкн болсар, зөвөр түрү үзгдв. Тернй баһ гисн кевтэ дарук хөрн негдгчнй кецүхн жил болв. Үвлнй цасн уга, киитнй берк, хар цодарн зовасн болхла, хавр-зунднй хурин үндстэ юмн дуслж өглго, халун һаң хамг тоотыг шуд шатаһад, хоосрулчкн, Хальмг теегт тэрэн һарх биш, нам идг болх, шоваһад, малын хамр хатхх өвснэ зүүлтэ юмн үлдсн уга.

Хавр му болвчн, хур-чиг орад ясрх гиж нээлсн, басл чигн муу-лян эдлж тэрсн... Һазр эд-бод кедг хамг татухн деер тэрх экн угадан шаху болв. Тегэд, Советск правительствин зааврар кесг губерньсин күч-көлсчнр түржэх Хальмг танһчд үнн ах-дүүһинэр, дөң-нөкд болцхав, эрэ бийсднй күрхэсн хувалцад, тэрх эк илгэв. Теднэс зүсн-зүүл инвентарь бас ирв. Келхд, хоша бээх аһшихн 31 минһн пуд буудя, 840 пуд боднцг өгв. Ээдрхнэ кедлмшчир һазр эд-бод кех хамгиг ясх кесг мастерской бэрж дөңнв.

Хаврин кедлмш земгэ түргэр, цагтан кегдсн, зуг хату үүлтэ һаң тер тоотын унгднй суув. Тэрсн тэрэг, теегиг кевтнй шатаһад, шуд гилгдг кечкн, амтнэ бээдл басл кецү: сүүдрэс деер биш.

«Малнь өргүлөд, бийснй харһнад... Өлдөн, өргэрн гишн дөң-пж, эрэ-эрэ көлөн чирж йовх улс, нег үлү, бичкдүд үзхнй, шуд зүркм ишкрад, бульглад, амарм һарн гисн болна,— гиж Жалыков арһан барж шуукрна.— Заһсна халхиг чанһах кергтэ!..»

Үүнэ селвгар кесн то-дигэрнй көл кеж, Хальмг ЦИК шиндээ һарһсндан: «Танһчин һазрт бээвчн, үүнэ медлд уга заһсна салгудыг эрк биш эврәһән кеж эдлхмн»,— гиж тогтана.

Ижл көвөхн — дундаснй бахлур күртлнй, Ар Кавказ, Украина болн Сиврин өрөлнй гилтэ шатж одсн учрар правительств кесг бачм төрмүд темдглнэ. Тер тоод харһнжах райодыг Эрсән наацк губерньст даалһад, дөң-нөкд болхиг некиэ. Хальмг танһчиг Орловск, Курск болн Воронежск һурвн губерньд даалһсн, тедн беркл сана зовснй ил, бээсэрн хувалцна, эрвлхн.

Тиигж, эрэ торлдад, муульта кевэр түрж, киитән дотран авч бээлдхнй, саак хар мөртө бандмуд һарч ирэд, бээрн, ирүд уга өгт-мж, хулха-булань улм икдж, амтнэ мууд оржана. Цуһараһаснй саак есаул Сычевин болн Шапуна Окн хойр үүср уга гинэ: эрвлхиг чигн, хээрлхиг чигн меддг угажн.

Сычев гидгнй, Маслакин өөрхн нөкд бээсн, андн толһачан Валуевкин өөр алгдх саамд бандын үлдл дахулад, Ар Кавказ орж зулсн, зөвөр болад, невчк сана авад, ю-күүһән күцэсн, тооһарн элвсн, хэрү Хальмг теегин захар орж ирэд, ширгэхин на.

Энүнлэ теслцж сөрлцх цергэ энгүд уга, ар һазрар өөдөн-үрү уга өлвкж, Сычевин банд басл күчр, аврлт уга юм татж, амтиг шарклулж йовна. Хальмг теегэр орж ирэд уга йовж, холас амтиг үргэж сүрдэхин кергт эн Зимовники алднас хар мөртө үүлдврән эклсн, «холын зэңг холвадан» гинэд, тернй улм өсэд, өргжэд, соңсад бээхнй, хуухин үсн босм. «Кресты селэнд цуг активистириг

чашкар чавчж. Крылов күүрт Советин ахлач сеглэтр хойраһинь кецү гидгэр зоваж алж».

Тиим зута зэнгс гихэс,— худл болхла юн үг?— бандын өмн живрлж писэд, ээхинь — ээлһхэс биш, зэрминь, хулхач-худлч хамгинь, байрлулад, тедн бандыг тосж гүүлдэд, тиигх дутман Сычев улм күч авад, һалзурдгнь давад йовна.

Ремонтна уездэр, Манцин Кецэр, цаарлад, Эрктнэ, Ик-Цоох-ра Харухса путгудар бандитнр өлвклдэд, бөөрн партийн болн советск учрежденьсиг тараһад, күүчэд, басл эмтнэ мууд орж, цусинь уухин нааһар йовна.

Уг сүүлднь Сычев теңгс көвөн Бирюзьяк гидг ик селэнд дурлж, цутхлнган кесн, Күм һолын хойр талаһар орсмудтнь чиги, хальмгудтнь чиги амр уга. 1921 жил чилж йовтл, банд гентки Эрктн тал орж ирэд, нутга Советин кассиг тонад, харһнжах эмтнл, нег үлү бичкдүлт, хот-хол, һуйр хулдж автха гиж һарһж өгсн мөңгиг кевтнь авад, цуг хамгинь хамхлад, шатаһад... багш күүкиг болн дала хальмгудыг бийлөһөн авч одж. Эдниг Бирюзьяк селэнэ баячудт батрак кеж өгч.

Шануна Окн бандан бэрүлэд, бийнь йосна өмнөс дэкж аальжиил һарһшго, эмт хутхшго, хулха-була кешго болж амн үгән өгэд хэрж ирснэс авн сар үлү талан болв. Энүг йоснахи чиги көндөхш, таварн, седкл тарһн гер-бүлтөһөн, элгн-садтаһан илэр, ээх, чочх, бүлтх уга, саһамр бээнэ. Зуг кедг керг уга, хара сууна гидг, басл кецү. Яахнь, ю кехнь медгдхш. Кесгэс нааран сөөнэр, цадтлан мах идэд, угаһан санна. Босад-босад, алж идэд бәи гихлэ, һазак малынь то уга юмн биш, тиигхлэ, талданар арһлх кергтә болна. Тегэд, дүүһөн, Манжиг наар гилһнэ.

Тернь удхш, күрч ирнэ:

— Ах, дуудыта?

— Су, Манж, нааран,— Окн өөрән бээр заана, бийнь чирөһөн үмгэд, тагчг. «Иигхләрн сонжта болдг билэ,— гиж дотрнь жигжиг гинэд, ахан дораһар ажглна,— ю ухалж, яахар бөөхнь кемжәнэ,— болв хара дуудвр биш...»

Тер хоорнд Окн хоолан ясад, чаһрсн болад одна:

— Асхлад, Манж, хувцап өмсэд, белн бээжэ, ээх, чочх юмн уга, бичэ сүрд...

— Болвчн, ах, яахм гихэр?

— Йовад, певчк сергэд ирхм.

— Хааран? Яһад?..

— Яһад, яһад... Янхлын орсмудыг невчк...

— Бидн, ах, йоснд амн үгән өгсн бөөнм...

— Би чамаг да босххм гижәни тиигтлән?

— Тегэд, яахм гихэр?

— Мах кех кергтә, эсклэ һазак шитмчн хоосрн гижәнэ. Үзгдх-ший?

— Үзвчн яахв? Хулха кехмб, тегэд?

— Бийнь орж ирх гиньд күлэхнь — угалм...

Харцнурад, эмти земгэ э-вөөһөн олсна хөөн ах дү хойр мор-
дад, доргшлад, Ижл темцэд харна: хаалһин хажуһар, зөвөр уух-
нар, совг-совг хатрулси йовна.

— Яңхлын орсмуд бэрсэн хара тэвхш гидг, — болж Манж кел-
нэ, — али цокдгнь тсмдгтэ.

— Теднчи хулха кеснднь биш, бэргдснднь цокдг улснм. Бэрг-
дэд керг уга, Манж минь... Тер төлөд юуг чигн урдаснь ухалад,
шинжлэд, диг-даг кечкх кергтэ. Ода хаарап, кенэд одж йовхан
меджәнчй?

— Би яһж медхмб, эс келхлэти...

— Мана һашун Дамбас Яңхлур нүүдг Ваньк Козловиг эс
медичи?

— Меднэ. Тегэд, Ванькиг тонхмб?

— Тонх гини? — Оки дүүһәри наад кенэд иһәнэ. — Ванькд нег
суврха үкр бэәнэ, тарһи юми, һаха... Түүгинь аухм, болснь тер.
Хар цодла мөр һаршго, киитнд эмти дулан герәсн һаршго: ман-
шцгнь махиг өөктәһәснь, цадтлан иджл авдг цаг. — Оки келидән
дегд авлгадад, тавгар дүүрц тарһи махи өмннь ур һарчах кевтэ
шуд жилвдән күч күрч эс чадхларн, шүлснь асхрад, кесг саамлж
«хулд-хулд» зальгна.

— Ах, Ваньк мана эрки нээжлм!

— Тиигх дутман сән, хар уга!..

Селәнэс зөвөр уухнд бээх бички довн деер ирж, ах дү хойр
буулдна. Мөрдән дорнь тушад, Яңхл тал харвхнь: ямр чигн шуу-
ган-дууган уга, тагчг, нөөрт даргдсндан шаху. Бас чигн зогсолт
жаһад, йовһар селэ орад харна.

Ах дү, хойр Козловин хашан ардаһар ирэд, кесгтән зогсна.
Зөвөр уухнд харцну гер харлж үзгднэ, нань сара, бас болси хам-
гнь үрглжлнэ. Сонжта юм чигн медгдхш, нам нохань ки уга. Мөр
болад, гүүһэд йовж эс одси болхнь. Оки — өми, арднь Манж да-
хлси, хашаһур орад, шитм авцта юм давад, саран иргд зогсна:
— Чи, Манж, минь үүнд ширлдэд, сун өкэ, — гиж ахнь хоолдан
шахж шимлднэ, — хойр нүдән чирмдг болвзач, хэлэ! Кемр герәс
күн һарч ирхлэ, эсклэ цааһас, уульнц талас орж гилэ, чонынар
ууль. Чацһар ууль, сонсгддг болдгар...

Тиигн, Оки зальврсн болла, сара эргэд йовад одв. Эн үүдн-
днь күрчкси, невчк тотхад, хойр талан хултхлзад хэләжәнэ, болв
урдк кевәри, э-чимән уга. Гер харцну терзәри гилиси чигн, харл-
си чигн болна. Тер дарунь Оки ик хар оньснг бүстән йовси төм-
рәр сөнглэд, үүдиг арһул түлкэд оркв. Цааһас малын бүлән үнр
канкпад одв. Бас нег энд-тендән хэлән орхнь — кевтси үкр босв.
Оки энүнд күрэд, ташаһинь илэд, зооднь күрэд, давад, толһа
талнь маажж йовна: үкрт таасгджахнь ил, ирглси болад бэәнэ.
Оки уяһинь дорнь авч хаяд, эврәннь деесәр оосрлад авн, үкриг
көтлэд һарад бээв.

Зөвэр уухид харчкад, Оки зогсна. Өөр нь дунь зерглэд оркхи бээнэ: гүүнэр саналдад, ардан хэлэнэ, ду йир хархш.

— Нэ, ода дала ээх юмн уга,— гиж Оки дүүнэн чиги, терүнэс урд бийн төвкнүлнэ,— мөрдөн күрхлэ, болснь тер...

— Э-чимэн уга, нохас чиги тагчг,— болж Манж ээнэн өгч йовна.

— Иим салькта киитид нохас бас архан хээлдсн болхугов,— Оки мөрн деерэн мордад оркв, Манж бас үлдж йовхш. Тегэд, ахнь үкриг көтлсн, дунь тууж өгсн, барун талан, хашун Дамб хэлэхэд харна.

— Ах, яахар?— гиж Манж сурна.— Хэрхм бишви?

Тернь хэрү өгсн уга, эс сонссн болад йовна, зуг, «нохадь, кезэ үүнд ухан орхмб?— гиж санна, болв терүгэн келх санан уга, киидэн ю хээж хордахв.— Мел тенг эс болхла, медх эсий? Кедү дахулж чирж йовнав, дастха гинэд, зүркнь невчк батртха гинэд».

— Бидн, ах, зүн талас ирсн бээим...

— Эх, Манж минь,— гиж ахнь шуукрна,— невчк ухалхла, яһна?

— Уга, би таниг үзгэн алдсн болвза гинэд...

Оки «күр-күр» гинэд инэнэ:— Чи эс алдснд би алдхмб? Иигж хардгм, мөриг хашун Дамб тал орулхар. Ваньк тенд бээсн, тер улс ода хама бээхинь меддг, тиигхлэ, хашун дамбихниг харлл уга, талдан хотнд бээх маниг харлшгоlm. Ирхдэн чиги бидн тустан эс ирсиг медсн угайчи?

— Уга,— гиж Манж саналдад, ахиннь мекд өврнэ.

Хашун Дамбин нааһар ик һуурһл хардг, гүн юмн, кезэнэ зөвэр һол бээснь лавта, терүгэр орлдад ирнэ. Оки зүн талан хажинэд, утднь көөһэд, туршул йовж йовна. Үкр, арднь мөртө Манж, үлдж одхв гиж саглсар, дахн һаңхлдад йовна.

Өр цээхин өргн дор, гегэн орхас болвчи хол, харһувр кемлэ эди бички нуурин көвөн нигт хулсар ирэд орна.— Болва,— гиж цуцрсар саналдж, Оки мөрн деерэсн бууна, тамтрад, унтрсн хойр көлөн селгэдэр сажад бээнэ. Манж эврәннь мөриг тушн, ахиннь мөр бас тушад оркна.

Оки, дахлд гисэр дүүдэн докъялчкад, үкриг көтлэд, цааран гүүдэд орна. Бичкэкэн арл болсн халцха деер ирж зогсна, Тегэд, барун хариниһ һурвн хурһар үкрин хамрас таг атхад, хамгин өвд-күртэ юминиһ эн меднэ, зүн һарари өврэснь авад, күзүһинь мош-кад оркхи — үкр түншсн болла, тамтрад, хольврад унад одна: дөрвн көлөрн ки тиирэд, басл босхан хээнэ, зуг болжахш, тол-һаһинь өндөлһхш.

Тер кевэри Оки һоснаниһ түрөһэс балг татж авад, үкрин күзүг илсн болжаһад шааһад оркхи — цусн цацгдад, улаһад түргл-жэснь баһрад, хар күрүтэд ирв. Удсн уга, үкр кесг ки тиирэд, өврэри һээр синчсн кевтэ билэ: арснь чичрэд, бийнь менрсн болад, эмнь һарад бээв.

Окн үкр деерэс босад, хулсн-зегснэ зүүлтэ юмар һаран, утхан арчи бээж,— Манж,— гинэ.— ю-кү таслад, наадк цусн деерэн хай, эсклэ өөрддг арһ уга, күзүцэ болхвидн...

Ах дү хойр үкриг удахш, өвчэд, арси деернь эцглэд, тулм-тулмар тэвэд авад оркна. Негэг бийнь ээм деерэн авсн, дүүһән бас ав гинэ, тегэд, Окн түрүлсн, алнтрсн Манж арднь дахсн, һазр гер болсн юмар орж ирнэ. Тернь цань уга гидгэр далдлгдсн, хулсн-зегсэр таг хучата, деегэрнь орж ирн-иртл, тас медгдхш.

Нежэд тулмиг авч хэрх болсн, дөрвн тулмиг үлдэх болсн, герүр зөөһэд, дотрнь дарн, бийинь күчр кевэр нээһинь олж хучад далдлад оркна. Үкр алсн орман бас зөвэр арднь орж цеврлэд, хулс-зегс деегэрнь цүврүлэд, илмн-жилмн кеһэд оркна.

Төрнь күцсн, ах дү хойр зерглсн, сов-сов гиж хатрулад, хотарн орж аашна.

— Эмти бослдад уга,— гиж Манж ахдан келж йовна,— нег чигн күн һаза үзгдхш.

— Эмтэхи нөөртән авлгдад, зүүднэ сээнинь үзжл йовдг болхугов,— Окн тер бийнь хотыг захас зах күртл харвад авна,— тиигх дутман сэн... Ирн бийэри мах чапулад, идэд авчкхм. Махн болтл, дуг гиһэд авхла, ма хойрт болжана, үлдлинь асхндан...

Махн болад, һарһн гижэхнь, һазаһас Манж орж ирн,— ах,— гинэ,— мөртэ күн аашна!..

Орн деер кевтсн Окн өсрж босад, хээстэ махиг шүүрч авад, тедүкн, орна көл тал тэвэд, деерэснь таг кеһэд хучад оркна. Талдан хээс шүүрч авад, һал деер углад, цэ чанх ус дотрнь ке гиж гергндән зачна. Бийнь үкс һарад, Манжиниг орна. «Эврэн эс хэлэхлэ, яһж далдлснь, яахар бээхнь темдг уга» гиж ирхлэ, орм-орм уга, илмн-жилмн.

Таасад, Окн һазаран һарад, ю-кү кесн болад, эргэд бээхнь, мөртэ күн шуудтан эднэ тал аашна. «Ваньк!..»— гиһэд, дотрнь кииг дөрэд, хээрсн болад одна. Басл чигн ширтхнь, мөрнь таньгадад бээв.— «Шар бээжлм, нохадь, хар өрлэ яһж йовна, күүнэ сүмс авад?»

Шар мөн, ирэд, бууһад бээв. Мендлад, герүр орн йовж, ямр бээхинь, яһжахинь чигн сурад, эк-эцкэсн халун менд авч ирсән келсн, өнг-зүсинь, бээдлинь ажглхнь, дегд санамр, тавар. Ээх, сүрдх юмн угадан шаху. «Дими чигн йовсн биз,— гиж Окна дотрнь төөнрж, бийинь төвкнүлнэ.— Эгч чигн илгэсн, менд медэд ир гисн...»

Болвчи батлс гиһэд сурна:

— Дими йовбчи, Шар? Хар өрлэ...

— Хар өрлэ гини? Деерти үд болж йовналм...

— Герүр ор, цэ у, кергән кел...

— Керг дала юмн уга, хапр-жапр...

Йосар төвкнсн Окн түрүлэд, ирсн зееһән дахулад, герүр орна.

— О, зеегэ күрэд ирвш!— болж Окна гергн Анкш байрлсн болна.— Эгч, күргн ах ямаран?

— Сэн,— гиж гийч уралан нарад сууна.

— Дигтэ цээлэ харһж ирвэ,— гийһэд Анкш эврәһән кели йовж, ааһсар цэ кежәнэ.

Оки Шар хойр ширэд суув. Анкш залу талан хэләсн, хойр нүд-иднь сурвр гилвксн, «яахмб, һарһхм бишви?» гисн болад одв. Оки эрә гекэд, чирмэд оркв: һарһ гижәхнь ил. Анкш арһул хуча-бүркә болсн хамгиг дарата хәәсн деерәс авад, бүркәсинь өргэд оркхла, махна дааврта, еңсг сәәхн үнр канкнад, хамр авад, шүлс һоожулад бәәв. Мел дарунь ик чигн тавгар дүүрн махиг,— өөкн-борнь тегш гихәс, дегд тарһн болдг өнгтә, шуд шарлад, тнигх дутман жилв улм күрнә,— Анкш авч ирэд тәвэд оркв.

— Шүүс ке,— гиж Оки келәд, хойр ханцан хооран кеһэд, шам-лж йовна, цуг бәәдлнь «иджл авх кергтә» гисн бәәнә.

— Белнлә, кечкләв,— гисн гергнь бичкн ааһта шүүсиг эднә өмннь тәвн, бийнь доран сөгдәд оркв,— идхнтә, эсклә көрч одх...

— Зеегә, ид, бичә эмә,— гийһэд Оки ик чигн зүсмиг, мел өөкн тернь, шүүрэд шүүслжәһэд, амндан кен, үмкәдл бәәв: жажлжах-угань медгдхш, үүмүлсн болжаһад зальгчкна. Хойр оочарнь тосн һоожад, хойр һарнь бас тер, болв төр түүгәр кежәхш, шүүрәдл үмкәд бәәнә. Хуучна үгд ордгар «салаһарнь тосн һоожна» гидг эн кевтәлә? Гийч чигн һаһцхасн дутжахш— шүүрлһнь бас гем уга. Ода деерән кен чигн ду һархш, тагчг.

Болв цадад ирснь ил, Оки кекрәд, шүүрдгнь невчк номһрад, хурһн болһан доласн, хооран суух дүңгә бәәнә:— Зүркнд күрәд, һульһули гийһэд бәәсн бийнь, хойр нүдн, му заята юмс, ханж өг-хш,— гисн ээи мусхлзад, гийчүр хэләнә. Тернь бас күзүцә болсн, ханад, чираһәснь герл һарсн бәәнә.

— Эврә юмн бәәжлә эити, һаһцх,— Шар хоһсн гилтә тавг тал өргәрн заана, алсн үкр келжәхнь ил.— Кесгәс нааран иим мах, ним кевәр идәд уга биләв. Йосар чеежм девтвә.

— Чамаг, зеегән ирхинь медәд, бордсн һунан аллав,— болж һаһцхнь канкшлна.— Нә, зеегә, кели бә, зәңгин сәәнәснь...

— Цаатн Сычев гийһэд, Кавказ талас орж ирсн, өмн бийиг таражадгчн, бас чигн энд-тенд төвкнүн биш гинә. Биди яахмб, һаһцх? Иигәд, ичәндән орсн зурмн кевтә бәәлдхмб?

— Хавр күлөх саната биләв, дулархиг.

— Маһахнд төр төвкнн гийһэд,— Шар бирчисн болад одна,— мана сотьниг өмәрән, тер нутгудт нөкд болтха гиж йовулсн, ода деерән эәх юмн уга, һаһцх.

— Яахм гихәр?

— Аһшихн харһнжах хальмгудт дөң гиж, буудя-юм цуглулсан күргж өгхмж. Маһдур мана өөгәр тер ачлһснь һархмж. Мини-һәр болхнь, тинм, амар бийнь орж ирж йовх юмиг, һаһцх, алдад керг уга. Буудя хавртан чигн үлүдшго.

— Зөвтө үг! Зуг лавтайй?

— Лавта,— гиж Шар гекв.— Намаг, наһцх, ээмгин ахлач сег-
лэтрэн киж авхар бээнэ,— тегэд, наар гиснднь одлав.

— Намий?— Оки шуд өсрэд одна, ормаһад, эс итксэр зеегүр,
ширтсн, тас чирмлхш.

— Нань умшдг, бичдг сурһульта күн уга болхла, яһната?

— Манахсиг наар гих кергтэ.

— Би дуудчксь, наһцх. Кесгинь кесгэс нааран нам үзэд чигн
угав,— Шар босад, һархар седнэ.

— Уга, зеегэ, тиигж болшго,— гиж Оки хөрнэ.— Чи ода кеплэ
чигн харһх зөв угач. Минь иигэд бээснчи, дораһар, эс медгчэр
зэңг өгчэснчи дала юмн. Тер төлэд чи урдкан уңгарнь уга кесн
күн болад, цань уга цевр, чик бээж, бийэн иткүлх дутман, үнчн
өсэд бээх зөвтэ. Мел сүүдр чигн чам деер тусх уга болдгар бер-
кл саг бээх кергтэ. Дораһар, күргн ахар дамжулж залһлда кех-
мн, зуг бидн хойр, талдан улс орлцулхмн биш. Чи, ухата көвүн,
яһж хоран, кепд күргхэн эврэн медхч. Хэлэ, шинжл, йилһрэд
бээх... Иигэд, зеегэ, хэр, меид йов, герткстэн меид кел...

Тегэд, Шар хэрж йовна. Мөрнь арһул, хатрхв-бээхв гиснэ
хоорндаһар савлэсн, бийнь терүнэ йовдл дахж хавтасн, тоолвр-
тан авлгдсн: «Наһцхин келдг үнн,— гиж дотрнь төөнрнэ.— Тедн
дотр эврэ болж өгх дутман мини үн өсхнй алдг уга. Медхм,
үзхм, соңсхм дала, тиигхлэ, би наһцхдан чикнь, нүднй болхм
лавта. Тиигхлэ...»

* * *

Оки бандан цуглулад келжэнэ:— Ода эс болвчи, нар-ус нар-
һад, Ханарн орхм, залус.— Тер төлэд хотап батлх кергтэ. Эндр-
манһдурт нег ик төр күцэхмн, тегэд, хавр күртл эс медсн болад,
чикэн атхад кевтхмн. Бедртн, белн бээтн, би эврэн йовад, ю-күү-
һинь шинжлэд ирнэв...

Заавр авсн залус бедрх болад хэрлднэ, толһачнь мөр тохж
авад, Яңхл орад һарна. Үд кецәһэд, зөвөр болсна хөөн эн селәһәр
орж ирнэ. Уульнчин утар йовад, тал дундаһар бээсн лавкин һаза
одж бууна. Мөрөн уяд, олң-татурины сулдхад, нәһинь олсн бола
бээж, Яңхлын ар захур харвна, зуг юн чигн үзгдхш. Кесг болсна
хөөн лавкур орна.

— Гришк, меид!— гиж Оки хоолан ясн йовж, һарап лавкчд
өгнэ.

— Аа, Окои!— үксн-хатснь босж ирсн мет байрлсар тосж,
һаринь атхна.— Маниг мартад уга билч!

— Таншцгинь мартп гивчи, гесн мартулхш,— Оки гесән хойр-
һурв цокад авна.— Нә, наадн-шогас урд ямарап бээлднэт?

— Ямарап гихв, иигэд-тиигэд, бэәнэвидн гиси нерп...— Лавкч
гүүнәр сапалдад, хойр талан заана.— Хот-хол чигн уга, эд-тавр

... Хэлэхинч, хоосн тэгэрмүд... һарһад десринь тэвн гихлэ, тэвд-
гнэ уга.

— Тадн, икин түв һазрт бээх улс тиигжэхлэ, маншг, кеер йовх
хамхулмудыг, яһжах гинэт?— Оки, лавкд нань күн уга бийнь,
тагэр десгэр лавкчур өкөһэд шинлднэ:— Невчки цээһин юмн, Гри-
шк, олдх угайн? Дарсн-марсн бээдг болвза, а? Арһлхичи, арһта эр
бээнмч!..

— Арһлхугов,— гиж Гришк марзана,— зуг үнтэ. Балһса нег
жуулыг яршг цэ авч ирлэ, сурсинь өгэд авбув. Меднэв, хальмг
но хатэр болсар тадниг түржэхинь. Кедү кергтэ?

— Кевтнь авнав!

— Уга, болшго. Наадк миин таньлмуд яахмб? Бас толһань
овдсн, яхлсн-яарсн ирлдхугов.

— Кедүг өгхэр, тегэд?

— Тави ширэс үлү арһ уга.

— Ода яахв, Гришк, чамла ноолдхм биш,— харм төрсэр Оки
саналдна. Бийнь цааһан: «Чамаг иим зөөртэһичи медсн болхнь
юнх күн!»— гиж ухална, терүгэн дархар худлахар байрлсн бол-
на — Бас хээрлх юмн угайн?

— Нань юуһан чамд өгхви?— Гришк хэлэцэри «уга» гинэ.

— Эд-таврас юмн угайн?

— Невчки сэрпүн олдх...

Тиигжэхинь, һаза шууглдсн болач одв. Гришк терзэр хэлэн:
Мууха дала көлгн болжахмб? Цуһар ачлһта,— гинэ.— Чумакуд
кевтэ...

Оки керглсн бээдл һархш, бас чигн авх юм хээсэр эрэд болһ-
ниг бүртксн бээнэ. Хэргэд, кесг күн һазаһас орж аашна. Ардан
эргэд хэлэхинь — арзалдсн, ик-ик юмс, шуд лавк дүүрч одв. Тэмк,
манс, хустг сурлдсн, алькин чигн уга болсн, тегэд, негнь хэчкн-
көнэ:— Манахна лавкс хоосн, энд нег үлү бээж...

— Тапахна гисн, залус, альдасвта?— болж лавкч соньмснэ.

— Аһшас...

Залус һарлдв. Удсн уга, чинихнь, хард-хурд гисн тергл көрө
һазрин адрунд цокгдсн, хаалһарн болв. Оки ардаснь терзэр хэ-
лэсн: 25 тергн, ядхдэн хөрэд пуд ачлһта. Буута йовхнь — һүрвхи
күн. Негнь — өмнк тергнд, наадкнь — дундаһар, һүрвдгчнь — хам-
гин ардкд суусн йовна.

Теднэ хөөн кесг болад, бас чигн ю-кү Гришклэ күүнэд, дала
юм, кергтэ, керг уга тоотыг энүнд даалһсн, Оки хэрх саната бээ-
нэ. Лавкч үүг дораһар шинжлэд, келсинь, бээх бийинь ажглсн:
«Иигж күн номһрдви? Йосар ааль-жиилэн хайсн барата»,— гиж
лилвр кенэ.

Мендэн келэд, дару-дарунь иржэх болад, Оки һарна. Мопдж
лин, довтлс гисн бийнь, эн бийэн хөрэд, арһул мөрнэ йовдцгар
селэнэс һарна. Дарунь, таньдг бички довуган ташрли, «чу» гинэд
тэвэд оркснд амр бээсн деерэн даарсн мөри дор ормасн довтлад,

Ик Манлан ордг хаалһар нисэд йовна. Тиигх дутман мөрнэ гүүд-
ллэ тоолврнь урлдсн, герт орсн богшурһа үүмж, на-ца терэ цок-
дг мет толһа дотрнь хурлэж, «тоң-тоң» гисн болна: «Теди Займи-
шд күрч хонхар йовхнь алдг уга. Оратж ирх. Болв селэнд күргэд
керг уга. Зуурк багцд тосхла — болжана. Зуг ора болж өгтхэл,
харһурад!..»

Тегэд, Оки ирн бийэри, босад зогсжаһад гишн нег ааһ цэ
ууһад, белн бээсн бандан дахулад һарна. Ора болж йовна, эдн
багцин тус, нег садрг дотр бээлднэ, хүүв кежэнэ.

— Күн болһн нежэд мишг авхла, — тави пуд болх эсий? — гиж
Оки келжэнэ.

— Кевтинь авхм бишви? — болж Манж сурна.

— Ачлһта тергэр яһж зулж һархар? — Ахнь уурлад, шилвкэд
авна. — Нежэд мишг авсн бийнь — зун пуд! Зальврад идхлэ —
дала... Зуг шууган-дууган уга болдгар кехми. Тер төлэд, манахс,
түрүлэд бууһинь авчкх кергтэ. Бийсннь көндөрһэд керг уга, йовг...

— Харһурж йовна, — гиж негнь өөдөн хэлэв.

— Улм сэн, — болж Оки таасв. — Оньглад сонсти гихэр. Багц
дотр цувад зогсхми. Түрүн терги намла зерглхлэ, сүл терги чам-
ла, Манж, туслх. Күн болһнд терги... Бууһан зөрүлэд, хай, буу-
һан гиһэд, һарад ирхлэ, хайл уга хааран теди оддмб?..

Мел сансар болсн, нежэд мишг һуйр, һурви винтовк авсн, бан-
дитир земгэ омгта хэрж аашна. Эднэ зэрмнь тиим амр олзла
харһсндан байрли көөрэд, хүүгдждл йовна.

— Хавтха Шар яһла? — болж нег залу Окиас сурна.

— Эцкнь керлдэд, тэвсн уга. Көвүһән дэжж йовулхшинь гинэ.

— Терти, Оки теңгр, маниг дошулад оркхм бишви?

— Уга, — гиж Оки шүрүлксн болад одна, — чи бийән хэлэ, а
Шарин тускд бичэ санаһан зов... Намаг келж уга болһадийи? Эцк
көвүн хайраһинь батлди болхнь батллав. Тегэд, тадниг сурхар,
Шариг мартти, тодлврасн, толһаһасн авч хайтн! Умш чиги бичэ
үлдэти!..

— Харм, Оки теңгр, харм! Түүнэ ухань, билгнь, зөргнь!.. Авһ-
ир, Цаһан-Нур, Дунд ээмгэр биди күүчхд түүнэ һарһад йовсн
аальнь гихлэ... — дууч аман бэрэд, ода ирж өврсн йовна, — дэрк,
дэрк, Дунд ээмгин ахлач Цеднэ Сарңиг үснэснь чирэд...

Оки үнндэн дурго болсар үүнүр һаллзад, нам хамрнь сартхл-
зсн болад одв: — Уга ке, март гихлэ, уңглад суух! — гиж аралл-
жана. — Баахн көвүн, бэг болхи гертән! Эсклэ йовг, сурһуль сург,
арһта болхла, йосн-ямын захас чиги татлдж йовг, түслх, дөң-нө-
кд чиги болх зам харһад бээх... Кен медлэ? Тегэд, цуһар сонсти
мини заквр: йир яһдг болвчи, юн учрвчи, кентн чиги Шариг үзж,
медж йовсн угат! Кемр негити эн заквр эвдж гилэ, намла, мини
һарла харһхнь алдг уга! — Оки барун нудрман деер өргэд чич-
рүлжэнэ. — Бас батлад, тодлад, авчктн гихэр...

Саак бичкн нуурин көвэд ирсн, хулсна захд зогслдсн бээнэ.

Оки мөрн деерэсн бууһад, мишгтэ һуйриг өргж авад, өөрөн арһул тэвб. Наадкснь яахар, ю кехэр бээхинь эс медж, алң болцхасн, тагчг хэлэлдэд бээнэ.

— Манахс, яһжанта?— гиж Оки хоолан ясна.— Бууцхатн, өөрөн бас буулһад, нааран, эн мишг деер хуратн...

— Энтн, тегэд, юн болжана, а?— Нег залу хойр талан хулт-хлэж, наадксурн хэлэсн, дөң хээжэнэ.— Авч хэрхм бишви?

— Тиигж бэргдхчн дуту бээсн болхла, Канур, авад хэр,— Оки энүгэр наадан кежэхнь ил, мусхлэад, нусан нийһэд, хамр, аман арчад бээнэ,— Цоохр Яван эдн амрлдад одх...

— Тегэд, яһсн сэн болх?

— Дав деер батар далдлх кергтэ: шууган-дууган номһрад, э-вээдэн ортл, герүр умш чигн өөрдүлэд керг уга. Маниг харлхнь, нам ирэд негжхнь чигн маһд уга. Һуйр һархла, яах гидг түүнд бээнэ. Харһнжах улсиг хоос дахулсн, кедү күүнэ эмнд хорлсн — негн, эмтнд чидл үзүлсн — хойр, бу, зер-зевинь буласн — һурвн, тонсн — дөрвн, Советин йосид харшлсн — тавн...— Оки тавн хурһан өмнэн сарсалһад, күн болһнд үзүлнэ.— Мел дор ормднь хава гиж һундж болшго эсий?

Теднь тас э тасрад, тагчгрж одна. Күн болһн тус-тустан һазр шаһасн, одахн деврэд һари гижэсн байр, өргмж хамгнь зовлнд тохрсн — авч хэрх седкл хама?— хар эмэн ахлулсн бээлднэ. Оки на келсн тедү дүнгэ орта деерэн дегд дааврта болсар эдн шуд диинрлдж одсн... Оки болхла, бас чигн келс, күцэс гиж ухалсн, цаарлна:— Батын ээж уульдг уга гидг. Тер учрар үүнд цуһар арзалджахар үрвэд хэрцхэтн. Чи, Манж,— дү талан хурһарн заана,— үлд, намд нөкд бол. Сэн гидгэр эвинь олхм, далдлхм...

Залус мордад йовад одцхав. Ах дү хойр мишгүдиг аөөһэд, одак һазр гер дотран хурана. Урдк кевэрн, нам түүнэс чигн да-вуһар нээһинь олж дарсн, хэрхэр бээлднэ.

— Невчкн мах авх күн...— Манж мартжв гисэр хуухан маажна.

— Бас ю авх билчи?— Оки шилвкэд, бүтэд одна.— Махн һархла, һуйр һарснас амр болх гиһэдий?...— Дэкж эн үг келсн уга, тагчгар мөрнүрн одад, мордад бээв. Дүнь бас ду һарчахш, мөрндэн күрэд мордсн, ахан көндрхинь күлэжэнэ. Тернь бас нег батлсар ар-өмнэн хэлэһэд, тулсн болжаһад, йовад бээв. Генткн ардан эргэд келнэ:— Хама, яһж дарсан күүнд ам аһһадг болвзач! Медхшив ги!.. Эчн цагнь тиим болж одв: меднэв гиснэс — медхшив гисн үнтэ...

* * *

Яду, түрү болсарн дегд эмтнэ мууд орсн 1921 жил чилж йовна. Цөөкн үлдсн малаһ, цээһин үс кежэх үкрэн бэрнэ гидг беркл күнд болсар эмтн харһнад, өргэрн дөңнэд теслцж үвлэжэнэ. Хэрнь, орн-нутгин өрэлднь гишн тиим түрү учрсн бийнь Советск

правительство хот-хол илгәһэд, эс доһиһэд, эс дамжһен болһала, нам күн үлднә гидгнь кеңү.

Лаган гийһэд — теңгс көвэд бээх, зөвәр ик селән. Орс, халһм гуднь семрү, заагарнь хасгуд, маңһуд чиги хара биш. Нурһм, мел зайсчир: һолын, теңгсин шүүгүлд йовдгнь олн, бәрэд авч өр снг эд-бод кедгнь, салгудар кәдлдгнь бас элвг.

Тегәд, лаганахи, һанцхи эди чиги биш, теңгс көвәхн цуһар, усна пийчәр, заһсар кәл келдсн, теегихнәс невчк деерхи үвлз-жәнә. Илһнь келхлә, бас күн жилвтх дала юмн уга, болвчн келчк арһта. Ардк һолдан гәлм татсн, эсгхлә килвә хайсн бийнь чанж идх заһсан, үүрмг, муухн чиги болг, бәрнә.

Өлсх, түрх, зовх тоотыг дуту уга үзүлсн хөрн негдгч жил тегсв. Мууһан авад әрлтхә, дәкж тинм му бичә үзгдтхә гиж, цуһар зальврж, урһжах хөрн хойрдгчиг элвг-делвг болх, хамг түрү-зү-дүг хамад уга кех, бәәдл-жирһл мана ясрх гиж пәәлсн лаганахи Шин жилдиг тосад йөрәлдсн, чидл күрсәри, чадсарн угтлада бәәт-лнь, гентки январий хойр өрүн таш-ваш болад, үүмлдәд одна.

Тинги гихнь, есаул Сычевин банд болна. Цуһар согту, хадг, хамхадг, шатадгнь теңкәп уга чиги. Эди Бирюзякд Шин жил темдгһсн, уулджл, көөрлджл бәәдг болна. Сычев бийнь шал согту, пәәхлсн, дәәвлсн, столас столур одад, күн болһила чирк харһулсн, өлкәдәдл йовдгчн. Гентки эн зогсад, зелиж одсн нүдәри энд-тәндән хәләсн болжаһад, пистулан татж авн, өөдән һурв хаһад оркна. Цуһар өсрж босад, ормалдад одна.

— Зергүд, соңстн нама! — гиж Сычев хәәкрнә, бийнь пистуларн деер хүрүлсн, кесг зонһад авна. — Шин жилд белг эс кесн — мана ик эндү! Терүгәп чиклх кергтә. Минь ода йовхм, Лагаг одж авхм! Мөрдәп тохти, зергүд!..

Согтуһар һарад довтлсн бандитнр адһлдж, өр цәәхәс урд Лагагд күрһәр, амрар энүг эврәһән кех саната, көөрлджл йовна:

— Тустап найхн дууна, хаалһар болхла, зуунас тату биш гинә...

— Шин жил угтсн улс маңһарлад, толһань өвч эс бәәхнь...

— Санапр унтсн улсиг иөөрмү кевәрнь орнднь бәрэд, дотр кийлг, шалвртайһинь көөж һарһад, киштнд чичрүлхлә... «Хи-хи», — гиж иеф ик шар залу элк хатна, — үүл түүнд бәәнә!..

Лагаһар банд орн гиж йовна. Гентки таш-ваш гисн болад одна. Халһан экләд, улм чаңһрад, сумн асхрдгнь давад приә. Эн тәнд хәәкрлдәд, чишкәд, үргсн мөрд иицхәлдәд, хәләхнь, сәрәхләд-сәрәхләд унладад чиги йовцхана. Сычев чочн тусчкад, нам сүрдәд һарад зүлхар седсн бийнь тотхад оньгһна. «Хасар дүниһинь, дала чидл уга, — гиж ашһна. — Хәрү эргәд гүүлдхлә, ардаснь көөлдәд тарахнь алдг уга. Яһдг-кегдг болвчн дәврәд, бөк-цохан эс олхла, сәп биш!»

Сычев дәрә ишкәж босад, пистулан хойр талан хүрүлн бәәж: — Нама дахти!.. Нама!.. — гийһэд, мөриә дел деер өкәсн, хан йовж

тонглад, уралан шурһад орна. Энүг дахлдад, банднь бас сана
овсн, дэврнэ, һаруһарн һару эс кеж йовхнь ил.

Ахр гихэс биш, зөвэр чанһ бэрлдэн болв. Эрктнэ нутга сотнь
омгэ сөрлт өгч, зөвэр ик һарула бандыг харһулсн бийнь, чидлэс
овл давсн учрар Лаган Сычевин болв. Эн дегд хордхларн: «Ю
чинн бичэ эрвлтн! Кениг чигн бичэ хээрлти!»— гиж заквр өгнэ.
Танн зөв авсн бандитир Лагаг шуд булһчад, тонхинь — тонад, эс
болхинь хамхлад, шатаһад, селэг куддм болхар кудна. Военком
Хренов командир Эльдеев хойриг олд үзүлжәһэд хана. Болв Сы-
чев Лаганд удхш, өлг-эдниг ачж авад, Бирюзьяк орад эрлнэ. Тинг-
хлэ учрта: Ээдрхн талас кермэр церг күрч ирхлэ, тескәшго гиж
сана.

Баһ Дөрвдэс болн Лаганас ирсн зэнг зөвэр үүмүлнэ. Партин
танһчин комитетд болн ЦИК-д хүүв кеһэд, Сычев Шанунов хой-
риг уга эс кехлэ, амр уга гиж шииднэ. Бюрон болн ЦИК-и члдэ:
военком Маслов ревтрибуналын ахлач Жалыков хойрт эн төр
даалһгдсн, хойрулн чигн чидлэн, арһан эрвлшго болж нег мөсл-
сн лавта. Нег отряд дахулсн Маслов Баһ Дөрвдэн оржана. «Би
тер кишвэ домбриг яһдгчн!— гиж эн аралдна.— Һазринь чигн мед-
нов, бийсинь чигн, жууксиг, үзж, сонсж йовлав. Бээрн сотьнла,
үр Новиковла хавсрад шаххла, удашгов. Тенгр болдгинь би тер
андн, Шануновд, үзүлсв!..»

Болв Жалыковин даалһвр зөвэр жаңһрта. Сычев гидг — Ша-
нунов биш. Бийнь хазг офицер, есаул, банднь бас нурһлж мел
хазгуд, зер-зевнь дуту уга, бийсн шуд өлкөдлдэл, полкас тату-
биш. Тингхлэ, эдниг дарх чидл кергтэ. Тер учрар нег сотьниг Жа-
лыков бийнь толһалх болна. Деернь невр хойр ик отряд — дэ-
нэ теңгсчир өггджәнэ. Негинь үр Бжизанский, наадкинь үр Пав-
лов командлсн, усар Лаганд одж һархмжи. Тенднь Элдәшк Янд-
һа-Мацга сотьнтаһан күлөжәх болна...

...Зөвэр оратж одсн, эмтн э-вөөдэн орчксн кем. Пүрвәхн асна
хотай уухар бээнэ. Тингжәхнь, үүдн арһул секгдэд, күн орад ирв.
Һалын иргд сөгдсн Кензә ормаһад, үүднүр хэләхнь — герлэс юмн
үзгдл уга, һарарн хальчлн бээж: — Кембе? — гинэ. — Кен орж
ирвэ?

— Бив, аак,— гинэд, Шар хоолан ясв.

— Энгрвчи?— Экнь сарвлзад босж йовна.— Дигтэ цээлэ хар-
һж ирвч.

— Адһмта йовнав,— гисн Шар уралан һарад, эчкиннь өөр
одад сууна.— Ямаран бээцхэнта?

— Иигэд-тиигэд бөөлднөвидн.

— Чи мууха адһмта йовхмчи? Юн болва?

— Таварлдг арһ уга, баажа,— Шар харм төрсэр саналдна.—
Цаати танһчин военком Маслов нег ик отряд дахулсн ирж. Мел
Цоохр Яванла онцлдад бөөдгчн.

— Маслов гинчи?— Эцкнь нимтр сахлан имрсн бээнэ.— Хөөчин Боз гндг күн терчин. Манахна юмн. Амрашгонь ил...

— Нанцхд эрк биш күргтн, арһан хээтхэ.

— Ода кениг йовулдмб? Эврэн довтлж гилэ, дегд хол...

— Уга, баажа, танд болшго.

— Би яах?— һалын иргэс Кенээ дууһан өгнэ.— Хэрнь, сонж уга болх.

Сөөни бийднь бачм зэнг авч ирэд, хэрү һарсн эгчэн йовулч-кад, Ханьн иргд үлдсн Окн хавхд торсн чонас тату биш. Зулн гихлэ — зулдг арһ уга. Бан гихлэ — бээдг арһ уга. Седклнь шур-дад, шугшад, түншэд, хойр нүднэснь заядар нульмси турглад, арчсн бийнь болхш, ард-ардасн һарад бээнэ: «Бэрлдж гихлэ — тескэшго! Эс бэрлдхлэ — амрашго! Хөөчин Боз Цоохр Яван хойр Ханьг эргүлэд бүслчкэд, гетэд суухасн хэршго. Тер учрар дав зуур болвчн иджэх һуйр, мах нааран авсн болхнь. Манжиг йовулхнь, һанцар авч ирж чадшго. Нөкд өгхлэ, нуувчм секгдх. Манжиг дахулад, эврэн йовхла, залус му санх: маниг хайчкад, ах-дү хойр эрлв гилдх. Яһдм болхмб? Мел һанцар йовад медс!..»

Окн мөрэн тохж авад, довтлад һарна. Кесгтэн түүлгэд, бичкн нуурин хулсар орж ирн, һазр герүрн адһна. Хэлэхнь, тер кевэрн, кен чигн көндөсн юмн уга. Арһул деерк дарсн, хучсн хамгинь авад, секэд орн, хойр мишг һуйр, нег көл көрө мах һазаран һарһна. «Эрвлэд идхлэ, кесгтэн маднд күрх...— гиж санх хоорнднь, талдан тоолвр адһад хээкрсн болад одна: — Таднд күрчэнэ! А гертксчн яахмб? Ки киилхмб?»

Минь тингж санн бийэрн, эи нег мишг һуйриг өргэд авад, мөрнүрн ирнэ. Һуйриг эмэлин өмн көндлн хаяд мордн, дор ормасын довтлад һарна. Удсн уга, гериннь һаза ирж буув. Тосад һарч ирсн гергнләнән нам сээтр мендлсн уга. Мишгтэ һуйриг өмнән авсн, герүр орулад, үүдн хоорнд хайв. Бийнь цааран адһсн, унтж кевтсн күүкдтән күрэд, толһаһинь илж йовна. Дарунь өкөнэд үнрчлэд, үмсэд, хооран һарв.

— Кесгтән иргдх бээдл уга,— гиж ардан эргж, гергндән келв.— Кемр намаг сурад, мөшкэд бээхлэ, тас ирхш, медхшив ги. Эн босад зогсжаһад гишн нег ааһ цээг киитэр ун, довтлад йовж одна.

Саак һазр герин өөр ирн, Окн хулсн дотрас өөдән хэләнэ: өр цэн гиж йовна. «Му заян, гертән күн кевтэ суудг чигн арһ уга,— гиж харм төрнэ.— Кен гемтэ? Чамаг кен гертэсчн көөлэ? Эврэн!..»

Эрэ гиж бүкл өдртән тессн, киитнд даарад, дотраснь дагжулад бээсн бийнь, Окн эвинь олж мишг һуйр көл мах хойриг эмэлин ар өмн хойртнь теңсн, мордад һарна. Мөрнө чанһ йовдлар, түүнэ аюһар земгэ кевэр ухалгдсн, толһад эс орх юмн уга. Болв

ю эс ухалвчи, негл төр: «яһна йир?» гиж дотрнь мөсн болж киит-
рүлнэ.

Сөөнь өрөлин алднд Оки совг-совг хатрулад, Ханарн орн гиж йовхнь: «Зогс!» — гиһэд хээкрсн киитн аһарт хэцкнэд одв. Оки, чочн тусчкад, эн сүрдэд, «чу!» гиһэд дэвэд орксн, мөрнь дор ор-
масн хагдсн мет хурдлад, хулсар авад орв. Ардаснь көөлдн, «таш-таш» тилһж жесг хасн, тов лугшснас чигн тату биш болж, мөснэ чикнд хадгдна.

Мөрнэ үкн гүүхэр ирсн Окниг наадкснь тосад буулһж авна.

— Бү... бүслчкж кевтэм,— болж тернь тетнж, хулсна захур өргэри заана,— ке...кезээһэс авн?

— Үдин алднд ирдлэ,— гиж Манж ахдан хэрү өгв.— Тана одсн һазр ямаран?

«Хавар уга» гисэр Оки занһхас биш, ам анһасн уга. Бийнь тамтрад, унтрсн келэн тинилһсн болад, йовадл бээнэ. Суухар седхнь, зүркэн дарж сууж болжахш. Дотрнь шулм орсн кевтэ шуд кетлэд гүүхин на, амр-дая өгхш. «Дэрж, дэрж, күн тиигж чочдви? Зүркм пард гиһэд, хайрна болһув» гиж одак «Зогс!» ги-
сиг санн, чичрэд одна.

— Алдрад һарсн болхнь, ардан хэлэл уга одхм бээж,— бо-
лж Оки саналдна.

— Алддгас, Оки теңгр, авад унх талан һарч одж кевтэ,— гиж нег нөкдн бодна.

...Өрүнднь, һарн өөдөн девшэд, зөвэр болчксна хөөн Маслов Новиков хойр Ханын захд, уухнд зогссн мөрд деерэсн буужахш, хулснас дурнаван авхш. Болв йир юн чигн анч авгдхш.

— Эн ик хулсна альднь йовдг болх гиж бидн таажасн, үр Маслов, одак мөртө күн манд хаалһинь зааһад өгвш,— гиж Но-
виков келжэнэ.— Аль алдар суухинь тавлад медсн... һарһж авх кергтэ!

— Яһж?

— Зөв гихлэти, үр военком, нег чигн сум үрэл уга һарһж үз-
нэв.

— Зөв,— гиһэд, Маслов гекэд оркна,— эклтн...

Новиков невчк уралан йовад, өөрдэд зогссн, хойр альхан нег-
дүлж, дунгинэр хээкрнэ: — Шапунов! Соңс, Шапунов!.. Кемр нег
час болад, һарч эс ирхлэ, бийсинти му хөв: шатаһад, Ханыг
түүмрдэд меднэвиди. Хэрнь, эс келвэ гивзэт. Дигтэ нег час бо-
лад, шатаһад бээхв!..

— Оки теңгр,— болж бас нег нөкдн өөрдэд зогсна,— соңс-
жанта? Шатад, танд чигн, манд чигн тус уга. Эмдэс болхас биш,
эгрснэс — уга!..

— Яахм гихэр, а?— Окна нүднь цусвкад уласн, дотрнь һал
зерглсн мет очн өсрэд, киисн гисн болад бээнэ.

— Яахинь эврэн медти, Оки теңгр..

Цааһас, хулси Һатцас: «Шанунов!.. Сонс, Шанунов!.. Һар нааран, эсклэ... ша-та-нав!..» — гийһэд ор дарад хэнкисн болад, бас кецү.

— Уй, ним муульта Цоохр Яван бээдви! Үүнэс альдчи амр уга: герт кевтүлхш, кеер суулхш.— Оки уульхин нааһар аралдж, сув-селвг хээсэр нөкдир талан хэлэхнь, теднь бийинь аарглад авчкисн, селвг'өгх биш, сүр-сүмсн уга, сүүсилдэд, цутхсн зурмнас деер биш.

Тер хоорнд зөвэр болчкисн, өгсн цаг өөрдж йовна, болв хээкрдгнь уурч одв. «Акад юмб? Яһжахинь, яахар бээхинь эврэн үзс»,— гиж Оки ухалад, хулсна зах тал үрвэд йовхлань, цуһар ардаснь дахлдэд бээв, бичэ гиж, эн чиги келсн уга.

Хулсна заагар арһул хэлэхлэ, зөвэр уухнд Маслов Новиков хойр бээдг болна. Энд-тенд мөртэ улс, Һартан шатчах һал өргсн, докъя күлэлдж, шатахар, түүмр тэвхэр белн бээхнь ил.

— Арһ уга, залус, эврэн үзжәнәт,— гиж Оки өргәри өмнән заав.— Һаран өрглдэд һарх болад бээввидн..

Жалыков цуг чидлән негдүлсн, Лаганас өмөрлэд, Бирюзьяк темцэд һарв. Хотн, селәһәр эди орж йовхш. Кен медлә, юн болхинь? Довтлад зәңглчкхнь чиги бээхд маһд уга. Хавяна хажуһар, Жилктин деед бийәр, хаалһас холаһар һарч йовна. Хохал Элдәшк хойр зерглсн, Бжизанский Попов хойр дахлдсн, өмнк кергән бас нег нәрдүлж тоолж-томжж йовна.

— Күмән шар хулснд күргэд керг уга,— гиж Элдәшк эврәһән келнә.

— Күргхм, зуг орулхм биш,— болж Жалыков энүг чиклнә.— Кеер, эжго тег дунд, келн болсн Күмән шар хулсна иргд, олна хаалһас онц бээх Бирюзьякар хотлан кеж авсн анддуд санамр, амр-тавар бээхнь алдг уга.

— Лаганас авч одсан идж ууһад уга болх. Чилхлән, чилмрмүд, дөкәд Һарад довтлх, кудх, тонх,— гиж Элдәшк аралдсн болна,— бийсинь эс чилэхлэ!..

— Чиләхәр чи, бидн йовж йовнм,— Жалыков үр талан хэләһэд, нүдәри инәнә.— Тер төлэд, үүрмүд, бас нег батлчкхм тихәр. Ири бийәри цуһар Күмән хулсар орхм, амрч авхм. Өр цәәхин өргн дор бандитир тавлад нөөртән орсн, зүүд зүүдлжәх кемләнә Элдәшкин сотнь — ца захас, мини сотнь — на захас селәнүр дөврхлэ, нөөрмү анддуд сүр-сүмсән алдад, хулснур гүүлдхнь ил.

— Энднь матросмуд тосад хөгхлэ!..— Элдәшк «тиим эсий?» гисәр Поповур хэләнә.

— Матросар мааслдулад уга бээсн болхла, манахс чидлән эрвлх уга,— гиж Бжизанский келж йовна.— Алн цокх кергтә!..

Альхна эрән эрә үзгдм кемлә селәнә хойр захар «таш-пиш» болад күржннәд, лугшад йовна. Хэләхнь, сумнас, чашкас әмд һарснь тарвалдад, мөртәнә — мөрәр, нурһлж йовһар хулснур

судж йовна: цээлдэд, дотр киилг, шалврта, эмэн ахлулад зул-
дснь ил.

Түрүнь хулснд күрн гиж йовхнь, өмнэснь тосад, пулеметмуд
иргад одв: сарсаһад сарвлзад ундгнь дала, цаһан хувцта улс
үүмэд, үргсн хөд кевтэ хурлзад, нег-негэн дахлдсн, яахан олж
ишкана.

Сычев халда соңсн бийэрн манһарлад, толһань күндрэд, өвчө-
хөр керг кежэхш, шуд дотр киилг шалвр хойрта, көл нүцкн кевэ-
ри гүүһэд һарв. Халдан улм чаһһрад, өөрдсн болад йовна. Һа-
на уята мөрдэс негинь тээлж авн, һэрэдэд һарсн болла. Күм тем-
цэд довтлв. Хэлэхнь, энд-тенд цээлдэд, өмннь, арднь бас зулж
йовх улс дала. Зуг һол талас пулеметмуд лугшад, хэлэхнь, ха-
дад хаяд бээнэ, зэrmнь хэрү эрглдж йовна. Пистул, чашк эс ав-
сн, һар хоосндан Сычев һундна. «Теңгр цокна гидг эн! Кавказур
зулх кергтэ!.. Кавказур!..» гиж дотрнь шугшсн болна: мөрөн бич-
кн жим һатлһн бээдгүр залад, дел деернь утдан сунсн, толһаһан
дорагшан кеж ташрлсн, довтлжл йовна. Энүг таяд гихв, аль ал-
драд һарч йовхинь үзж дахлдв гихв?—эмд үлдсн хамгнь тарвал-
лад зулсн, басл эмндэн күрч йовцхана.

— Һарһж биш эдниг!— гиж хээкрэд, Элдэшк ардан дайлн,
довтлад һархлань, сотнь дахад бээв. Удасн уга, һатлһнд күрсн,
хаалһинь бөглэд оркв. Алдрад һарснь— һархас биш, үкснь—
үкэд, үлдснь бэргдэд бээв: геңгилдэд, көл, толһа нүцкн, дотр
киилг, шалврта, тернь бүс угадан унн гихлэнь, һарарн өргж өг-
сн— басл зута, эвд бээдлтэ гихэс...

* * *

Жалыков партин таһнчин комитетүр ирсн, даалһврта сеглэтр
үр Марбуш-Степанов сулдж, энүнлэ харһхинь күлэж сууна. Келх,
хаһлх керг-төр дала, тер хамган ухалад, тоолад бээнэ. Эклхнь—
Сычевиг дарлһна туск, төгсэхнь— заһсна халх. «Эн төриг эрк
биш, минь ода келж медулх кергтэ,— гиж Хохал шииднэ,—эск-
лэ бачм керг кезэчн чилшго, хооран сааһад, наадксиг ахлула
йовтл...»

Генткн үүдн секгдэд, Марбуш-Степанов һарад ирв, адһсар
Жалыковд һаран өгв. Мендлчкэд, үүдн тал заана:— Орхити эр-
жэнэв, үр Жалыков, бичэ намд өөлтн, бачм керг харһад, невчк
күлэлһснд...

— Учр уга, керг ахлулснд,— Жалыков түрүлсн, ээнь арднь
дахсн орлдад ирв. Суулдв.

— Үгин заагт, үр Жалыков, сэн йовж ирвтэ?

— Гем уга, үр даалһврта сеглэтр, Сычевиг хог таслад, Халь-
мг теегүр дэж өңгэшго болдгар кеһэд ирвидн. Бийнь, үлдсн-
тасрсн хамган дахулад, дотр киилг, шалврта, шуд нүцкэр, эрэ

зулж харсн, Терг хол темцэд зулв. Тенд үклэн олх, кен түүг ам-
рамб?..

— Ханжанав, үр Жалыков танд, бандас кэлтэ кедү эрки, бе-
рк хамг хооран саагдж йовна.

— Би юмб? Ханлтыг сонсх улс — сотня көвүд, матросмуд,
үүрмүд Бжизанский, Попов, Надбитов... Зөв гихлэти, би тедид
танһчин комитетин нерн деерэс күргэд келнэв.

— Эрк биш келти, ЦИК-ин нерн деерэс бас. Танд, үр Жалы-
ков, бюрон болн ЦИК-н членд, тиим даалһвр өггдженэ.

Эн хойр зөвэр удан күүндэд оркв. Эс көндөсн төр гиж нам
угадан шаху. Трибуналын тускар бас заавр, селвг авсн, күр төг-
ж йовна.

— Зөв гихлэти, үр даалһврта сеглэтр, нег эрки чигн төр тэв-
хэр, — Жалыков хоолан ясад оркна, — зуг зөвэр цаг кергтэ болх.
Ахрар, үкс гиж болшго...

— Келти, бичэ эмэти, хара юм келж цаг үрэдг күн бишлмт!..

— Ханжанав, — гиһэд, Жалыков өклв, — усна халх, заһсна
төр... Гражданск дэн эклхлэ, тер идэн-будан дотр холд болн тең-
гст заһс бэрлһнэ керг-үүлиг нег кеж эс залхла, дегд эк-толһа уга
болад бээв. Тегэд, 1919 жилин эклцэр Эддрхнд шишлн залвр «Об-
ластьрыба» гиж харв. Эн эргнд хасгин, хальмгин чигн һазр-усар
бээх салгуд, анндг орм хамг мел үүнэ медлд орсн, дурндан заһс
анндг хуурв. Тернь дээнэ бээлд диг-дараг зөвэр ясрулад, цуг
тоотыг чаһаһад, земгэ туслдг болвчн, талдан халхарн, эн эргнэ
баһ кели-эмти заһсна халх промышленность үүдэхднь харшлж,
тушаһан хальдав.

Бас нег учрнь, үр даалһврта сеглэтр, революцин өмн хорим
буслһдг билэ, Советин йосн тогтсна хөөн нег үлү. Усна көдлмш,
заһс бэрж, эд-бод кедг керг бичэ үзгдтхэ гидг, күчр күнд юмн.
Болв орс биш, хальмг, хасг улст түүнэс даву. Эдн нурһлж хам-
гин күндиң кеж, күзүцэ киити уснд шүүгүл чирж, давста таачк
салгар түлкдг болвчн, урдн ээнд һазалгдг бээсн «Областьрыбд»
бас тер: мөңгнэ бичкниң авдм, хотын мууһинь иддм.

Болшго болад, дегд дандхларн, көөркс, герүрн зулдм. Дэн
дотр, бэрсн заһснь алтнас үнтэ цагт, тиимнь орһдулын тоод ордг.
Нутга военком бээһэд, кедүһинь бэрж, кедүһин мууднь орж, ке-
лж, шоодж, хэрү көөж йовсн болхв! Яахв, цагнь тиим билэ, эск-
лэ заһс бэрдг күн үлдшго билэ. Хот-хол хатяр, түрү кемд заһс-
нас үлү хот альд?..

Тиигж һазалдгиг уурулх, көдлмшч улсин бээдл ясрулх болх-
ла, эрк биш эврэ заһсна промышленность һарһхас талдан төр
уга. Кесг саамлж нутгт чигн, танһчд чигн би төр тэвэд көөлдэ
бээж, эк татсм тер. «Областьрыба» Хальмг танһчла бооцад, тең-
син ар-деед көвәһәр заһс бәрх зөв өглэ. Ташр долан салг биди
нээмәдлж авх болвидн. Заһсна халхан өргжүлтхэ гиж манд дее-

рәс 100 минһн пуд давс, дала дөн-дамжг өггдсн, эврә «Калмы-ба» залвр һарла.

Мел хоосн улст эннь чигн дала юмн. Болв, үр даалһврта сел-лэтр, ода тер кемжән манд баһджахнь нуувр уга. Заһсчирин дам-шлт, өсәд, арһнь немәд, эд-бод кедг улсин эрдмнь улм өөдләд, ясрад йовна. Тийгхлә, заһсна халх промышленностиг өргжүлх кергтә, делгүүлх. Тегәд, би эврәннь тоолвран авч ирүв. Сун бий-эри эрэлчксн юмн биш, унтл, кевтл уга, өдртнь чигн, сөөднь чигн төр кеж, ухалж, тоолж-томжж йовсна аш,— Жалыков хавтхасн һарһад, цаас өгнә,— оньһад хэләхлә, медгдәд бәэх. Ахрар келх-лә, «Хальмг заһсч» гидг акционерн товариществ һарһхмн гижә-нәв...

Партии танһчин комитет болн Хальмг ЦИК Жалыковин селв-гиг хүүвләд, дөнх болсн, өөдән бичнә. Күч-көлснә болн Харсл-тын Совет Хальмг танһчд тийм товариществ бүрдәх зөв өгнә.

Тер учрар мел дорнь халх кесг төр һарна. Теднә хамгин эр-ки болн бачмнь — түрүн өдрәсн ави заһсна халхиг һартан авч залж, лавта өөдлүлх, өргжүлх арһта толһач кергтә болна. Танһ-чин һардвр нег дууһар: «Үр Жалыков, Хохал Манжиевич!» гилд-нә. Тийгж эн «Хальмг заһсч» товариществин залврин ахлач болна.

Жалыков эклж кәдлхәсн урд Ижлии бахлуриг, теңгс кәвәг кевтнь эргс гиж шииднә: «Һардхин, залхин, заахин төлә, альд юн бәәхинь, альд юн угаһинь, үлү-дутуһинь, тату-тартгинь эс медхлә, ямаран кәдлмш бәәдв?» — гиж тоолад, һарад йовна. Цуг салгуд эргәд, күчр нәрдүлж, хамг тоотынь бүрткәд, сав-санх, тө-лм-урх күртлнь хәләж ясхинь — ясулад, немр кедү, юн кергтә-һинь йилһәд авад оркна. Салга өлг-әд, сара-бас, гермүд бас бүр-ткж, нам мөс булдг вихтс чигн ажгүлж ясултн гинә.

Юмна түрүнд кех, күцәхиг тавлад медсн, нег аю әмтнә уха-седкл, тоолвр соңсж, эднлә олар чигн, онц чигн күүндж, хойр дәәнә кәлд хоосрад, угархдан күрсн заһсна халхиг яһж ахр ца-гин хоорнд өргж өндәлһж, өөдлүлхин төлә яахла сән болхинь бас зөвчлсн — тусан күргхинь алдг уга. Бийнь чигн үзсән, сонссан илдкж, сурхинь — сурад, сундлхинь — сундлад, селвгән өгнә. Тааста орм, олзта һазр, амр кәдлмш хәәлдәд, һарад-орад йовд-гиг уурулх кергтә гиж шииднә, одсн һазр болһндан, күүндсн әм-тн болһндан эн тускар сансан келнә. «Заһсн гүүниг хәәдг, күн сәә-ниг хәәдг» гинәд, кезәнә келчксн үг. Болв келхм тадидаң, үүрмү-дм минь, мел талдан,— гинә.— Ижл кәвә теңгс кәвә хойраһинь эргәд ирүв. Бәәдл альднь чигн нег ижл: өлн-түрү, дуту-дунд дала. Арһан бархларн, зәрмнь орм соляд, салгас — салгур, һолас — теңгсүр гүүлдәд, кишгән барад, мишгән үүрәд йовлддган уурхмн гихәр: киндән цатан үрәлһн — бийән зовалһн. Түүнә ормд, залуе, ханцан шамлад шунх кергтә, бинд туста болх, олд бас. Талдан

назрас, талдан улс ирж манд тер хамгиг ясж өгшгө. Эврэн кех зөвтөвидн!.. Эврэн!..

Жалыков партин таңһчин комитетд ирсн, Марбуш-Степановд цуг үзсн, медсән илдкжәнә: «Бээдл күчр му, тату-тартг күзүцә,— гийһәд, эн һарарн хоолан керчсн болна.— Тер тоотыг түргәр яс хин, ясрулхин төлө, үр даалһврта сегләтр, кадрин төриг һал маңнад халһх кергтә. Сән дамшлтта, олд тоомсрта, ардан әмт дахулх, омгшулх, меддг, чаддг һардачир кергтә.

— Тиймиң, хээртә Хохал Манжиевич, таңһчин комитетд бас кергтә,— гиж Марбуш-Степанов зөвшәрнә,— зуг альдас авһиң медгдхш.

— Заһсна халх, үр даалһврта сегләтр, өвәрц, күн болһн чадшгө. Тер учрар долахн кү темдглсн, тедниг өргәд, зәрмднһ салг өгхәр, зәрминһ залврт авхар...

— Долан гинтә?.. Кен-кениг?..

Жалыков цаас һарһад, даалһврта сегләтрт бәрүлнә. Терһ авад умшна: Һәрән Налж, Мухаран Бадм, Нәдвдә Элдәшк, Цеднә Һучн, Басгга Увш, Андрей Григорьевич Мещеряков, Алексей Иванович Езерский... Хм... хм... Зөв әс гидг учр намд мел уга. Зуг нег юм сурхар. Та эдниг сәәнәр медитә?

— Тави хурһан мет,— Жалыков өмнән зүн һаран сарсалһна.

— А Мещеряковиг?.. Терти хаана йосна ямт эсий?

— Үүгити би, үр даалһврта сегләтр, баһасн меддв. Советин йосна өмн, цаг зуурихн бээхд, бидн хамдан нам земск залврт чигн сунһгдж йовлавидн. Чикл күн. Сурһульта, әмти таасна, тоомсрлна. Түрүн өдрәснһ авн мана йос дахснһ тер, ааль-жиинл уга, үнәр бээдг күн. Наркомнац Халһмг энг чигн толһалжала, член ЦИК...

— Мини сурдгм, Хохал Манжиевич, учрта. Элүгити дораһар муутхж, кесг бичг орж ирсн бәәнә, хаана цагт халһмгуд эдлгж йовсн күн гиж.

— Худл, үр даалһврта сегләтр!— Жалыков өсрәд босад одна.

— Мана яндһа-мацгахнас суртн... Кен бичсинһ, яһад бичсинһ меджәнәв. Урдкнһ тийм Мещеряковиг биш, угатя йовсн, революционер, большевик Капуковиг ховлад, муулад, суулһхар седсн улс, кениг әрвлдмб?..

— Суутн, Хохал Манжиевич,— гиж Марбуш-Степанов маасхлһна,— иткжәнәв, танд, иткжәнәв.— Бийнһ энүг хэлән бээж, байрнһ өрггдәд, дотрнһ уудсн болад одна, ухална: «Иимнһ, чик, үннч һарнһ, элвг болхнһ яһна! Мещеряков үүнд кемб? Нег орс, тийгчкәд, хаана йосна ямт йовсн... Харсжах харслһинһ!..»

— Бас нег сурхм, үр даалһврта сегләтр, теңгс көвән халһмгуд одачн нүүлдәд бээдгиг баһрулхин төлө, эдн цуһар бүүрлдг болдгар хотдуд, селәд элвгәр һарһх төр эрк биш күцәх кергтә. Салгуд олд болх дутман, заһс бәрлһн өсх дутман, тернһ алдг уга,

көдлх улс улм кергэгдх. Тийгхлэ, олар хурад, бүүрлсн хотн, селэн болһнд школ, больниц, клуб, лавк болн нань чигн тоот хархла, эмтн улм шунж көдлх, күч-көлснэ харцнь өөдлх. Кергтэ хамгар эмтиг теткчкэд, көдлмш пексн туста.

— Тернь тер,— Марбуш-Степанов саналдна,— хайрха дала... Болв зайсна халхиг дөңл уга бээж болшго.

— Ханжанав, үр даалһврта сеглэтр,— Жалыков босад, харан өгнэ,— бидн, зайсчнр, күчэн, көлсөн эрвлшговидн. Цуг арһ-чидлэн, эв-арһан олзлад, темдглсөн күцэхвидн...

* * *

Үвлин тес арднь орж белдвр кесн зайсчнр чигн, салга көдлмш-чнр чигн басл гидгэр гөлм-урхан, сав-санхан арднь орж ясад, пэрдүлж диглэд, хавр болхиг, мөсн унхиг күлэлдсн бээнэ. Күүнд өөгдшго, кен чигн бийсинь меклшго, һазалшго зөв авчксн улс эрт тенгсүр орж, икэр зайс бэрх, элэдэр мөңг болһх сана зүүчксн, йир кинж бедржэнэ.

Жалыковд, эмтиг үгдэн орулсн, ода кергэрн, ашин сээһэр теднэ итклинь батлх болсн күүнд, амрл, суудл тас уга. Ижл көвөг эргэд ирн бийэрн удхш, теңс көвө орад харна. Альднь чигн күрэд, дуту үзхлэрн, хажуһарнь тагчг давхш, негинь олад, батлад, болэглад оркна.

Хойр дола хонад гишн ирсн, бийән уһажана. Тергнь, Екатерина Романовна, ус халулад, деернь кеж өгчэнэ. Хохал өкөсн, хойр далнь шоваллад, зөвэр муурсинь бардмлад бээнэ.

— Күн иигж эцдвн?— гнһэд тергнь хойр далнь һарарн дарж үзнэ,— тонталдад, арсичн шу цокад, һарн гилдэд...

— Учр уга, Катя минь,— тиж залунь толһа-күзүһән уһан бээж, заагарнь бөлвэлнэ.— Ясн бүтн болсн хөөннь, махн урһхнь юмн биш...

— Дэн-дажгин халхар йовад, бандсла көөлдэд, унтл-кевтл уга бээхлэ, сандг билэв: цагнь тийм, хортнла тийгж эс ноолдхла, чилмрмүд, чилж өгшголм гиж! Ода тедниг уга кеһэд, дарад, тараһад көөснэ хөөн, амр-тавар көдлмш һарсн бийнь, гертән эс бээнэч, мел кеер йовнач, ууж — хот уга, унтж — нөр уга, арсн ясн хойр болад...

Хохал толһа, күзүһән арчад, киилгән өмсж йовна: — Катенька,— гинэ,— би чамаһан мини зовлңиг меджэх гнһэд йовдг...

— Медвчн яахв?— болад, Екатерина Романовна шуукрад саналдна.— Көвүндән санам зовна, түрүлэд сурдг билэ, күлэдг. Ода нам ижлдэд хуурва: уга — уга... Өөрк улсас ичнэв.

— Юнгад? Юундан?

— Шидр һаза гергчүд күүнджәсиг зервк сонссн: юн гижэвө болһнач? Намаг өөгэрнь давад хархла, негнь негндән келжэнэ:

«Өөркчн багш болад канклзад бээнэ, бийнь залу уга болдг өнгтэ. Нег хар юмн ирж хонад, йовж одна».

— Намаг келжэхмб?— Жалыков ха-ха гинэд, элк хатад инэнэ.— Хонад йовж одна гини?..

— Чамд инэдн...

— Катенька, бичэ өөл,— Хохал гергнури өөрдэд, маннаһинь үмснэ,— эн хаврин соргиг эклэд, кедлмш эвтэн тусхла, амн анд-наран өгнэв, төрүц...

— Эрлһэ, Хохал, андһар гисн юн билэ? Би чамаһан эс меддг биш. Чини кедлмш гидг — чилшго, цаг, сул цаг чамд олдшго. Кедг юмн уга болвчн, чи хээһэд олхмч...

— Ода яахв, Катенька,— гинэд, Жалыков инэмсглн саналдад, столур ирэд сууһад, белн цэ авад ууна.— Меддгдчн ханжана. Нэ, тадн яһжавта? Ямаран бээвтэ?

— Бидний?.. Хойрулн чигн балһснд иждж ядад, мел эвгэрсн болад...

— Чи басй?— Жалыков өврсэр гергнури хэләһэд, инэмсглэд бээнэ.— Балһсна күүкн балһсндан бас күүнәшдвн?

— Чамаг наадан кех гиж сана билэв,— Катя залу талан өөрдэд шахлдна.— Өрүнд хойрулн школур һарад йовнавидн. Күн дала харһна, мөндлх биш, нам хэлэхш. Бидн чигн мөндлхшвидн... Мана Далвнд болхла, школд күртлән, тендэс хәрж иртлән, зууран кедү күүнлэ харһж, мөндлхлән — мөндлэд, күүндхлән — күүндэд...

— Тиигхлэ, хэрү нүүхм болвза?

— Бидн буру гишговидн. Ваня-Маца мел өцклдүр келжэлэ, Агаша ээжиг санжанав гиж.

— Намий?.. Сурһульнь ямаран?

— Ончтаһас ондан темдг авхш. Урж өдр багшнь кесгтән бийим бэрвэ, көвүнтн гинэ, Екатерина Романовна, күн магтж ханшго гинэ: ухата, болһамжта, һольшг гинэ.

— Давулж магтад тарадм болвза, а?..

Залу гергн хойр бас чигн кесгтән суулдад оркв. Эн хойрин байрнь цальгрн гисн, невчкн учрсн сул цаган нег-негндән белгж, ю-күүһәрн хоорндан хувалцж, таарад күүрлсн, нам сөөнь өрэл давад, кесг болчксинь кергтән авчахш. Бас кезэ иим байр учрна гихв?

— Удан бээхвчи, аль?..— Екатерина Романовна залуһиннь нигт хар үсинь нежэдәр гишн йилһсн, энд-тенд харһсн цаһан болсинь түүһэд хаяд, заагарнь нам үнрчлэд таалсн бээнэ.

— Хойр-һурв хонад йовнав,— гиж Хохал босна.— Хавр өөрдж йовна, хамг тоотыг чанһах кергтэ...

Лагана һолын көвэ дегд шуугата. Тенгсүр орн гижэх залус, заһсчнр, тедниг һарһж ирсн өрк-бүлнь, таньл-үзлнь; нурһлж медәтнр, күүкд улс боли бичкдүд, хоорндан келэд күүндснь нег-

дэд, нир-нир гисн болад бээнэ. Чинхнь, энд-тенд: «саглж, бол-
наж йов.. нег-негэн хэлэж, нүди-амн болжатн... Учр уга, санаһан
бичэ зовтн, хэрнь, бийсэн хэлэлджэтн» гинэд, сүв-селвг, заавр
дала.

Тенгсэ сав-санхс гихлэ, шуд зерглэд орксн, бичкн дольгана
аюһар эрэ нээхлсн, дээвлсн болад, урлданд орн гижэх күлгүд
кевтэ дор ормдан эрэ тесж, саннаһарн нааддг мет бээлднэ. Тедн
дунд шүүгүлэ савс, арднь уята пучалкснь һэрэдлдсн, унһта гүд
гнхм, үрглжлдэд, цань һордһр-һордһр эрйүшкс дор ормасн үргэд
довтлад һарн гисн үрэ мөрд кевтэ эднэ дарунь элэдхн-элэдхн он-
һцс яралдсн, шин хар хэврһнь гилвклдсн, бас дахн байслдад,
доран тоглад бээлднэ. Кесг савс жилкэн өргчксн, тернь бүрн-
күрж борлсн эргнэ өнгд цээж йилһрэд, чилм цаһан зүсэри төөн-
рж, нүд авлна.

Болв сав болһна, ик-бичкн гиснь йилһл уга, харул деернь улан
тугмуд делсж, салькна аюһар сэрвкж, күн болһниг уралан көтлсэр
омгшаж, байринь өргнэ, седклинь сергэнэ. «Өмннь болхла, эднэ
ормд зүсн-зүүл зер цоохр вымпел — манилкс делсдг, — гиж Жа-
лыков тодлсн, олн дотр зогсжана. — Теднэр, тегэд, кенэ савинь,
кенэ шүүгүлинь меддг. Ода болхла, эзнэ негн — улс: улан цусан
асхад, йосан һартан авсн харчуд бийснь эзн болжахин темдг —
деер делсжэх Улан тугнь!..»

Жалыков ардан эргһнь, өөрнь Мещеряков, Езерский, һэрэн
Налж, Нэдвдэ Элдэшк дөрвн зогсжана, бас «Хальмг заһсчин»
сав-санх ямр кевэр бедрж, тенгсүр орхар бээхинь үзж, һөөхж,
күн болһн эн тускд бас хүвэн орулсан тодлж байсжана.

— Андрей Григорьевич, — гиж Хохал Мещеряковд келжэнэ, —
би эднлэ тенгс орнав. Эврэн, нүдэри үзхэр седжэнэв, яһж, ямр
кевэр эклхиг. Тадн энд белн бээтн, бас нег ю-күүг сэн гидгэр диг-
лтн. Санхнь, маңһдур асхлад, сө дүлэд чигн, заһсн эклэд ирэд
бээх. Цаг үрәһэд керг уга. Эрвнц болһниг ачлһинь буулһад, хэрү
йовулад бээтн, заһсинь үкс гиж эд-бод кетн..

— Хохал Манжиевич, бичэ санаһан зовтн, торвр һарх уга, —
гиж Налж хэрү өгв. — Эзнэ заһсн биш, эврэ бээнм, нег хадр
үрәшговидн!

— Нэ, йовх болад бээввидн, — гинэд, Жалыков эднэ һаринь
атхад, мөндли бийэри салат, түрүн сав деер һарад ирв. Минь тер
агчмла жахринь өргсн болла, архланас алдрсн сав урсхул дахж
чичрэд көндрэд һарсн, салькна аюһар туугдад, хурдлх деерэн
һарчкв. Үүнэ ардас наадкснь дахлдад, басл чигн гүүдлнь немж,
цүврэд одв.

Усна көвөд бээх улс кесгтэн тарл уга, эргц эргэд, сав-санхс
үзгддгнь ууртл, һарарн дайлад үдшәсн, «элвгэр заһс бэртхэ,
олзта-орута иртхэ» гиж, йөрөхнь — йөрәсн, зальврхнь — зальврсн,
захас «тиим болх, тиигх» гиж дотран нээлсн үлдв.

Заһсчир, Жалыковин келдгэр, «панчад оддг хармуд», шуд чее-жэр адһсн, шулуһар тенгст күрч, «ходад дүүргэд утхх» болсн, хоорндан шоглсн, инэлдсн, Ижлин бахлулар орж йовна. Хулсн, зегсн харлад, эрс мет зогссн, шовуд ниргэд, авад һарад бээнэ. Болв тер хамгар күн төрүц керг кежэхш, мел өмнөн гердсн, савин гүүдл хашндсн болж тенүлнэ.

«Тенгс!.. Дөрвн талан делвәһэд, тенгрлә холдан теврлдэд, хааран хэлэвчи эн-зах уга үрглж усн налана!.. Хохал түрүн эврәннь йовдлан тодлна: «Өдрин тес гилтэ усчад орксна хөөн, асхн болн гижэхнь, Зольвн генткн докъя өгсн, «түрд титн, манахс» гисн. Тер ормдан гөлм татад хонсн, өрүнднь босхла, дала заһсн торсн!.. Ода яһна гиячи?»

Генткн шудрж йовсн сав гүүдлнь номһрад, жилкнь хураглад, дор ормдан чичрэд бөөв: «хард-таш» гилһэд, жахринь хайсн сонсгдв. Хэлэхнь, караван кевәри зогссн, негнәһнь чигн жилк цээхш, буугдж одсн, зуг харулмуднь шовалдад, улан тугмударн хоорндан дайлсн болад бээнэ.

Удасн уга, заһсчир гөлм-урхан йилһэд, тәвхинь — тәвэд, татхинь — татад, кехән кечксн, хотан уулдхар суужана. Тенгсә зокалар түрүн эдләр — хатасн хадриг хар өдмгтәг идчкәд, ардаснь агта хар хальмг цәәһәр дарулад оркдг зөвтә юмн. Тегәд, Жалыков бас хувән авсн, хадриг утднь шу цокад, зоһинь салһад иджәнә: энд-тенд шалжннсн болна, төртән эн авчахш.

— Сонсжанта, Хохал Манжиевич, торад бәәхинь! — гиж баахн шар көвүн байрлжана.

— Эн кевәри болхла, — медәтәвр одмн Бора сахлан илнә, — бәәс гижәһэд, гөлмән эргх кергтә, дүүрч одсндан шаху, мел «шал-шал» гилһэд...

«Тернь үни!» — гисәр, «шалд-шулд» болад, усн цацгәд, гөлмин һасн чичрэд, одв: — Мәәкр! — Шар көвүн һәрәдхин нааһар бәәнә, захин гөлмүр зааһад, бас чигн шалжнхинь күләсн ормана.

— Мәәкрчн гөлмим бичә шу цоксн болтхал, әврәл юмн болдг өңгтә...

Дөрвдгч бөлг

Заһсна халх толһалсн Жалыков үвлин туршар унтл, кевтл уга гишн арднь орж, хаврин соргиг цаглань, сән белдвртә тосхар аль-бисинь му биш күцәсинь таһичин һардвр үзә, медә, үнлә бәәнә. Болв 1923 жилин мартд хурагдсн һурвдгч партконференц деер энүг бюрод орулсн уга: эдл-ахун көдлмшт һарсн учрар. Терүгәриң Жалыков нам төр кесн уга, урдк кевәри көдлмштән цуг оньган өгсн, арднь орсн йовна.

Белдвр сән болсна, әмтнә бүрдәмж өөдән болсна аш — хаврин соргла «Хальмг заһсч» товариществ бүкл жилдән бәргддгәс

ик заһс бэрж, заһсчир эврәннь арһд, чидлд тавлад иткһн, олврнь зөвэр болһн, омгнь өсэд, шунлтинь улм өөдлһн... Салгудар эд-бод келһн — давсх, хатах, хутх болһн бочкх, йовулх хамг шатад гишн улм икдэд йовна.

Эклэд халурад бээв. Заһсчир тенгсэс һарч ирһн, намрин сорг эклтл эдн амрад, сав-санхан, гөлм-урхан диглж, ясж авх зөвтэ. Белдвр сән болхла, ашнь сән, өөдән болдгиг бийснь тавлад медэд авһн, тийгтн, нигтн гиж кениг чигн эвлэд, ээрэд керг уга. Тийгх дутмнь Жалыков кедлмшән чаһнаж, тетквр-юмг ясрулж, кергтэ тоотнь дуту уга болдгар кехэр басл зүткнэ.

«Хальмг заһсч» хаврин соргла олз-оруһан зөвэр өөдлүлж, лврэ мөнгтэ болчкһн, кергтэ хамган шипрүлэд ясад оркһн, земгэ батрһн, намрин соргиг өмккөһн сән белдвртэ, холван омгта тос-жана.

Дарунь гилтэ намрин сорг эклэд бээв. Серүн орчкһн, өдртнь дулан, нам халувр болвчн, сөөднь киитрэд хонна: усна уурар тингжэхнь ил. Намр эврәннь диг-дараһан алджахш. Сальки чаһ-һрһн болад, үзүртэ бийнь шуд шаагдад орж йовх мет. Эн тенгсиг бас амражахш, дольгарулад, дээвлүлэд одна. Тийгхлэ, өсрж, тогльжах сав деер йовна гидг — кецү юмн. Күн зээлгдэд, толһа, нүдн эргхдән күрэд, басл цогц зована. Нег сән — заһсн дала! Зөөдг эрвнцс күч күрч ядад, хойрин хоорнд торхш: ачж авад һарна — удхш, хэрү күрч ирнэ. Тер учрар кен чигн цуцсарн, зовсарн төр кехш. Заһсан чанж идчкэд, түр келэд, заһсна тосн хар өдмг хойриг хутхад зооглчкэд, ардаснь шөлэрнь дарулчкэд хармуд, зузан-зузан бийснь, шуд гилилдэд, гилвклдэд, сальк өрлдэд бээнэ.

Зуг намр йослх дутман улм серүтрэд, салькклад, оштрмлдг немэд, тенгс төвкнүн бөөдгнь баһрад, зэрмдән өдрин дуусн чигн адрад, басл мууд оржана. Тийгхлэри, хара бээжэхшлм: гөлм-урхиг шу цокад таслад оркһнь һөөһэ, мел уга келэд, торһн заһста-маһстаһинь сөнглэд авад йовж одна. Өдр болһн гилтэ гөлмин идэ, шүүгүлин холад, балбер, холтхс уйлдн гиж эмтн көшчөнэ.

Асхн болад оркхла, оштрм невчк номһрж өгэд, гөлм-урхан эргэд, ик-бичкн болвчн заһсан авад оркхла, савс хурлдад, караван болад одмн. Кедү дүнгэ цогц зовад, норад, даарлдад ирһн бийснь заһсчир — седкһнь тарһна учр: ардкһнь бичкн хотта-хоолта, бийснь кедлэд, олснда эзп, тийгхлэ, юунда эдн үрүдхв? — хурж авчкэд, ду-бийһин чигн ард орад одм. Болв ю-бис келэд, күүрлэд, яах-кеехән чигн хүүвлдм. Олн дотр келмрч улс, тууль, түүк меддг һарнь бас хара биш болдм, нам «Жаһһриг» келэд дуулдгнь йовдм. Зуг «Жаһһрт» кедү дүнгэ эдн дурта болвчн, келүлж дуулдм биш, юнгад гихлэ йорлдм: кезән-кезәнэс көгшэс келдгэр, «Жаһһр» келхлэ, эсгхлэ киитрдг, эсгхлэ шуурһлдг —

тиим чигн. Оштрмас дандад, йосар муулян эдлж йовх улс ээлд-
дм, нег үлү медэтнр — эрлхэтн гилдэд оддмн.

Иигж, олар караванд хурж, хоор-хоорндаа харлһн, сергм-
жэс нань олзта, туста болдм: нег-негндэн ижлдэд, үүрлх, иньглх
деер медэтнр медсэрн хувалцж, баһчудт дамшлтан заадм, үзсн-
сонссан келж дасхдм. Негнь, келхд, цахмуд хурад, шууглдад
бээхлэ, оньһ: ик заһсн аашхиг мед гидм. Наадкнь, яһж цаһан
заһсиг эвинь олж дегэлж, келкүрддгиг үзүлдм. Нурвдгчнь, яһж
цурхин амар зэнгддгиг, тернь төөмдснэс даву бат болдгинь дас-
хдм. Дөрвдгчнь, жилк яһж өргдг, буулһдгинь заана.

«Хальмг заһсч» товариществ өдр ирвэс улм өргжэд, чидл-
чивхнь немэд, сэн күлг кевтэ гүүх дутман улм халад, чанһрад
йовна. Үүнэ сав-санхнь, гөлм-урх, өлг-эднэ ясрад, тооһарн чигн,
чинрэрн чигн өсэд-өргжэд, көрцнь батрсн, күчнь кесг холван
болв.

Тийгж, көдлмштэн эдлвр кедг тоотнь элвж, заһс бэрдг болн
эд-бод кедг улсин тонь чигн кесг холванд өсэд, иим килмжд,
өөдэн оньгт икэр хансн эмтнэ шунлт гидг, цань уга болсн, цаль-
грн алдад бээнэ. Тер мет эднэ күч-көлснэ аш бас берк кевэр
өөдлв. «Хальмг заһсч» хавр-намрин соргт 2 сай пуд заһс бэрсн,
тернь давсн жилэ үзмжэс нурвн холван даву болв.

Эн Ээдрхнэ «областьрыбла» кесн бооцаһар болхла, олвриннь
нурвнаг бийдэн авх, нег хүвинь терүнд өгх зөвтэ билэ. Тегэд, цуг
хамг һаруһан даалһад, негхн жил дотр «Хальмг заһсч» цевр 4
миңһн арслца олз үзж, көрцгэн зөвэр батлж авсн, бас чигн улм
өсх, өргжх төр өмнөн тэвб.

Шин, 1924 жил эклв, кех-күцэх гидг — дала. Түрүн диилвр-
тэн омгшсн, терүнэсн даву үзмж бэрхэр шунсн «Хальмг заһсчин»
һардвр, үүнэ залврин ахлач Жалыков нег үлү, бас чигн өөдөн
зура кеж, терүндэн эрк биш күрхэр зүткнэ. Танһчин ЦИК эднэ
түрүн жилэ тооца сонсад, кехэр-күцэхэр бээх хамгинь чигн, бэр-
сн сэн ашинь нег үлү таасад, энүнэ һардврт — Жалыков, Меще-
ряков, Езерский һурвнд Москва орж, СССР-н хот-хоолын нарко-
матд одж, тооца бас өгтхэ гиж даалһна.

Жалыков эдн йовж одсна ард танһчин һардвр хоорнд үг һар-
на, үүнэ нег мөслсн бат зөргинь, итклтэ, чадмгинь темдглж, альк
чигн даалһвриг большевик кевэр күцэдгинь ончлж өврнэ. Доран
эдн хүүвлэд, кесн, күцэсн хамгинь ончлад, үр Жалыковиг Улан
Тугин орденэр ачлх сурвр өөдөн тэвх болж шиидвр һарһж, Рев-
военсоветд илгэнэ: «Хальмг танһчин даалһврта гисн көдлэчнрин
кесиг, тедн пролетарск революцин хамгин күнд, ээмшгтэ кем-
лэ дотр-дундын болн һазадын чигн хортила ноолдхд шунж орлц-
синь хэлэж үнлхлэрн, Хальмг улсин автономн танһчин ЦИК,
танһчдан даалһврта гисн нег көдлэч үр Жалыков Хохал Манжи-
евичин үүлдвр зааж келл уга бээж чадшго... — гиж бичнэ. — Үр

Жалыков даасн революционн кeргән зуурм кесн, эсгхлэ терүгән күцәхд хуурмлсн нег агчм чигн зааж болшго. Дәәнә халхд чигн, үүл даасн, эсгхлэ эдл-ахун әңд үр Жалыков кәдлдг болвчн,— рeволюцин кeрг-төрт түүнә берк итклтәнһ оньдин үзгдж, зөргнһ, чадмгнһ, үннч болн чик, кинән болн ахуч болдгнһ, ямаран чигн төриг халхд, олн дунд кех хамгт нег үлү, цань уга тидгәр эвинь олж күцәдг деерән, күн өврм, цуцрхан эс меддг, шулун-шудрмг. Энүнә революционн серлнһ улм өргжәд, түүдәд йовх дутман, таңһчдан эркин болжах кәдләчин үннһ мел өсәд, өөдләд йовна».

...Әәдрхнәс Москва ордг поезд адһсн, хаалһин ниилдвч болһнар харжинулад цоксн, хальж одсн домбрч хурһндан хурвч зүүчкәд шавддг мет айс алджахш, «луш-луш» гилһәд, тиигх дутман улм гүүдлнһ чаңһрсн болад йовна. Вагон киитн, ам-хамрас ур һарад бәәнә. Болв хотл балһс орж, «Хальмг заһсч» кесн-күцәснә тооца өгсн деерән, энүг цааранднһ өргжүлх, делгрүлх эркин тәр халххар йовх үүрмүд Жалыков, Мещеряков, Езерский һурвн киитәр киит кeж йовхш, нам төртән авчахш.

— Андрей Григорьевич, Алексей Иванович! Намаг Москвад ирн-иртл, бичә дуудтн — цуг долан жилә нөр тату йовхан бәрж авхар бәәнәв. Медвтә?

— Һурвн өдр, һурвн сө... Баһдх угайи?— гиж Мещеряков инәнә.

— Тернһ чигн, Андрей Григорьевич, дала!— Жалыков девлиннһ захиг өргәд босн, өөдән давшад, хамгин деер һарсн, утдан сунад кевтв. Зуг тер кевәрн унтад одн гихнһ — болхш. Цааран хәләһәд, нүдән анһна, болв эвшәлһж, эәрч йовсн нөр серәһәс алдрсн сазн кевтә сүүләрн дайлад, шүүрүлл уга оддг мет. Тиигх дутман эвгәрсн болад, энд-тендәһәрнһ үләсн чигн болад, эргәд-дуһрад, түүрчәд, толһад эс ордг тоолвр уга. «1923 жил му болсн уга,— гилһәд, заагарнһ бас сангдна.— «Хальмг заһсчин» кeргүүл гем уга, ашнһ сән, невчк дөңнж гилә, улм ясрх... Заһсчнрин олвр бас гем уга болсн, эдн дуту-дундан невчк һәәһәлсн, цааранднһ улм ясрулх... Эврәм кeрг бас му биш: орден өгтхә гиж сурсн — негн, Цугсоюзн Советмүдин Хойрдгч съездт сунһгдсн — хойр, партин таңһчин комитетин бюрод хәрү орулгдсн... Тиигхләрн, ЦК бийнһ тиим заавр өгчлм!.. Тернһ юмб гихлә?— Яһдг-кeсгдг болвчн бийим кесим-келсим деер медж, өөдән үнлсн йовдл эс болхий? Коммунист күүнд нань ямаран, түүнәс даву оньг кeрттәв?..— Жалыков таңһчд учрсн эвго йовдл болн терүг ЦК ямр сәәхн эвинь олж чиклсиг сергәлә.— Таңһчин һардвр хойр әңгрәд, цегинһ Марбуш-Степанов, наадкинһ Чавчан Арш толһалсн, хоорндан ноолдад, ка туслдна. Эн хойр ик ахлач пролетарск интернационализмин авг-бәрциг эвдж, негнһ икркдг шовинистическ хәләцтә, наадкнһ — бәәрн националистическ тоолврт авлгдж: хойрули чигн өөрхн таньл, үзл-эргнән дахулж, теднһ цуһар комму-

нистир болдгнь һундлта, цуг таңһчд хорлх дегд эвго, му, хажир бээдл үүдэв. Тернь таңһчин партийн-советск органмуд кех-күцэхд боомтг болж, цуг партин политик эвдж, келн-эмтнн хооридк залһлданд мууһан хальдаж, орс-хальмг гиж хувалцдгт күргсн дегд зута.

Хальмг таңһчин организацд учрсн хамгиг шинжлж, чиклхднь нөкд болтха гиж, ЦК шишлн комиссь йовулсн, терүнэ ашлвр күчр билэ «Партийн организац зөвөр күнд шалтгта, келн-эмтнь ар уга, хов-цүүгэнд авлгдсн» гисн. Партин таңһчин комитетин бюро болхла, комиссин ашлврар күүндвр келһд: «Финансин болн экономическ бээдлнь дегд му, күнд болсар, Хальмг автономн таңһч болж цааранднь бээж чадшго. Тер учрар үүнэ лавта бээдлинь цуг халхарнь күцц шинжлх бас нег комиссь илгэти, тер мет, таңһчин парторганизациг харш элмрмүдэс цеврлти, цаг зуур болвчи Хальмг таңһчас Чавчан Арш Мәнкрә Һалзи хойриг дуудж авхлати сән болх» гиж шиидсн басл кецү.

Комиссин ашлвр болн таңһчин парторганизацин сурвирг хэтһэд, ЦК мел талданар шиндсинь ВЦИК-н Президиум бачм кевәр Хальмг таңһчд дөң болж, мөңг һарһж өгч, һазр эдллһнэ туск кергиг эрк биш күцдгәр хаһлтха гиж даалһна. ЦК Чавчан Аршиг таңһчдан көдлтхә, бюрод Жалыков Һалзи Мәнкиров хойриг немр орулти гиж заана.

Тиигж, цаглань Центральн Комитет орлицж оньглсн төлөд таңһчиг уурулх төр буурсн, Хальмг парторганизаци хажһран чиклх хаалһдан орсн тер... Би хойраднь чиги эндүһинь зааһад, йилһэд келләв. Арштнь болхла: «Чи өөрән дахулсн эргнән, үр-өңгөн үгдән орулсн, теднчи нурһлж тана көтчирәхн, цуг хальмгудт му нер өгчәнәт». — гиләв. Миниһәр болсн уга. Тернь һундлта.

* * *

Поезд саак кевәри шуугж, шуржннж, нәэхлөд-дәәвлөд, хаалһини ниилдвч болһид «унт, унт» гиж эвлэд саатулсн болна. Тиигх дутман күүг нөр авлна. Жалыков унтад-серәд, дәкн унтад, басл бахан авч таварлж, нам зүүдлж йовна. Эргиднь теңгс налаһад, төвшүндән бүтж түншсн болна, дольгарсн-угань медгдхш. Иим кемд жилкәс тус уга. Тегәд, бийнь оңһц дотр чигтхләд, зогсад орксн, ик чиги чисәр хойр һардж түлкәд, татата гөлмс талан адһж йовна. Захднь ирәд, арһул өргж үзхнь — гөлмсн бүтү болна, шуд заһсар дүүрч чиги. Байрлад, — торна гидг эһлм! — гиж хәәкрәд, хойр һарари селн дайлад, ардксан дуудсн, нөкд хәәжәхнь ил.

— Серхичи, Хохал Манжиевич, серхичи! — гиләд, күн хәәкрәд, бийинь татсн болад бәәнә. Нөөртән, байрта зүүдидән авлгдсн, Жалыков соңсад бәәсн бийнь, серж нүдән секж ядад, нөөрмләд, чавас, нааран-цааран хүүхлзсн, нам харшлжах, эс унтулжах

күүнүр уурлсн, шүдән хэврэд, аралдж йовна.— Бос гихлэ, босхн-
чи, Хохал!..

Жалыков өндөн бийэри терзүр ширтнэ: — Москвайи?.. Андрей Григорьевич, Москвайи?..

— Мос-ква, Хохал минь, Мос-ква,— гиж Мещеряков уульцнад, нульмста нүдән арчи йовж, буру хандад одв.

— Андрей Григорьевич, яһва? Юн болва?

Тернь үг келсн уга, зүг өргэри Павелецк вокзал тал заав. Хэлэхнь, поезд гүүдлнь чилж, йовдлд орсн мөри кевтэ, эрэ көнд-рэд, арһул үрвэд, зогсн гиж йовна. «Акад юмб?» — болж ухалх хоориднь, гентки дотрнь махн тасрсн мет кирд гихэд, киит, халу дөрсн болад, цогц-махмуднь ирвлзэд, цуснь көлиң үзүр талас өөдөн, толһа талнь хагдсн болад одна: вокзалын фазань өкөлһж дсэрэс унжулсн улан тугмуд меирсн, хар-хар тасмар көвөлһсн зургуд... Владимир Ильич Ленинэ зургуд!..

Жалыков, сәэтр поезд зогсад уга бәэтл, һәрәдж бун: — Юнгад? Кезэ?.. Үнний?.. Эндү болвза?.. — гиж дарцсн улсас сурна, «уга, биш» гихиг үзг болһнас күләнэ, зүг зәңг кецү үниэри энүг толһадсн, модн хуһрм киити дотр көлс һарһад, нам даарсн болж медүлжәдг угачи.

Тииги гихнь, январин 21-д Горкд Ленинэ эмнь һарч. Хойр хонулад цогцинь Москва тал авч ирхлэ, энд, Павелецк вокзал деер, балһсн кевэри гишн тосж авсн, минь одахн Союзин Гер күртл күрглцэд йовж одж, тендэс цогцинь авч һархмжи.

Күңкл көтлврчән болн алдр багшан геесн эмтнэ һундлд кемжән уга. Харм төрж, халун нульмсан эс асхжах күн гиж, Колонн залд нам үзгдхш. Сәэхн залу, баахн көвүн чиги болг, күүкд улс гихлэ, келәд керг уга, цуһар нүдндән доһли нульмста, өөрә-һәрнь эргәд, гекад-гекад һарлдад бәәнэ.

Жалыков, Мещеряков, Езерский һурви бас әмт даһад, барун ам татад эргж йовна.

— Мел унтсн мет кевтнэ,— гиж Жалыков шимлдж йовна, зүг хоолднь юмн тееглгдсн болад, экрәд авна: пүднәснь нульмсн асх-рад, турглад одна. Терүгән эн арчжахш, хәрнь, Ленинэ чирәһүр ширтсн, дотран, бийдән келн йовна: — Хәэртэ Владимир Ильич! Иим һашута һундл манд үзгдж, таниһән сүл хаалһдти орулжах саамд, бийдти андһаран өгчәнэв: алдр нерити, алдр кергити мөц-кинд зүркндән бәрж, альд йоввчи, ю кеввчи, Ленинэ партин член гисн күндтэ цолыг әрүнәр хадһлж, йир будулхн угав!» Жалыков, басл чиги дүрити батлж тодлнав гисәр, ширтж хэләһэд, һурв гекад, даһад одна.

Болв иим күчр һашута һундлын бийнь Жалыковиг кех кергәснь, күцәх төрәснь гетлгсн уга. Эн СССР-н хот-хоолын наркоматд хойр нөкдтәһән ирж, «Хальмг заһсч» товариществ яһж көдлснә болн түрүн жилдән ямр күцмж бәрснә тускар тооца өгв. Тернь,

төгөд, кесн-күцэсиг зөмгө таасад, шишлң тогтавр парпсндан нигж бичнэ: «Энүнэ авсн олз-орунь ээдрхнѳнэс тату болвчи, тер кергин коммерческ ашас урд биисиннь бээри эклцин политическ чинринь ахлулж, тиим көдлмшиг бас чиги цааранднь өргжүлсн икл туста гиж тоолх кергтэ».

Тер учрар эн хамгиг... экономическ чиги, политическ чиги халхарнь тоолж, Хальмг ЦИЖ кесг салгудыг болн бэрх ормсиг «Хальмг заһсчин» медлә болтха гиж сурсиг наркомат дөннэ. Ташр тер салгудан болн заһс бэрх ормсан сэн ашта, олзта-орунта кевэр эдлдг болдгар «Хальмг заһсчд» 100 минһн арслң мөнгнэ өгйэ өгх болна.

Десрэс тиим ик дөң-дамжг авсн хальмг заһсчир басл эмндэн орж белдэд, 1924 жилин хавра соргиг сэн кевэр тосж, элвгэр заһс бэрх, икэр олз үзх саната нег мөслсн, күчр гидгэр бедрж, кесг кергтэ хамгиг арднь орж күцэсн билэ. Мөсн унм цацу эдн тенгсүр дегц орлдв, зуг хаврин сорг тиигж күлэлһсндэн нам күрсн уга: басл кавжрта, киитн деерэн оштрмта, заһсн йир хатяр болв.

Тер бийнь заһсчир икэр салврсн уга. Халунд сээнэр амрч авад, сав-саңхан, гөлм-урхан нээһинь олж ясад, салькн-савр невчк номһн болтхал гиж зальврлдад, тенгсүр дэки орлдна.

Саак оштрм һаньдглад, өдртнь чиги, сөөднь чиги амр-дая өгл уга бээсн бийнь зэрмдэн нам ки авхулхш гинэ, болв заһсчир зовсарн, цуцрсарн керг кел уга шунад, шудрад, ик-бичкн болвчи заһсан бэрэд, салькн номһрх, оштрмлдг зогсх гиж нээлсн йовдгчи. Тииглдэ йовж, эдн ямаран ик му үүл учржахинь, өөрдэд күрч ирсинь эс медснь, эс саглснь һундлта.

Ноябрин эклц бээсн, өдртнь оштрмлад, сөөднь номһрад, эмти амрч, хагсж авчкад, саак заһсна ард орлдсн, дала ээх, түрх юмн уга болна. Зуг генткн талхм-тачг киитрэд, модн хуһрм болсн, салькн ар-деерэн һарад, цань уга чанһрсн норд-вест адрхин на эргид таг харнһурж одна. Өр цээхин өргн дор гишн, эрйүшкиг юмн өргсн болна — хэрү шивэд, һазр цокад оркна. Медэтэ одмн Бора гүүж босн, хээрдсэн үзнэ. Салькн усиг тууһад, юм үлдэжэдг угачи. Татсн гөлм-урхас юн чиги эс үлдсн, асхн шидр адрж дольгаржасн усна орм харлад, хүүрэ һазр болад үлдсн...

— Хе-ей!.. Ээй!.. — гнһэд, Бора ор дарад оркрсн, һарарн өмнэн зааһад, тиигэд, гүүнүр адһти гижэхнь ил. Эн бийиннь өөрксэн биш, цуг наадкстан зэнг өгч докъялжахнь чиги ил. Тер хоорнд дорас нег хар толһа шовлэм цацу одмн хээкржэнэ: — Хей, кембчи, өөрксэн дууд, шулун жахран татж ав!.. — Тернь заавринь күцэтл, бийнь на-ца титл жилкэн өргэд орксн, эрйүшкиг усна гүүнүр залж йовна. Хэлэхнь, наадк савс бас дахлдн адһсн, һарад ирлдв.

Тиигж нег ик аэмшгэс зулж һарад, эсгхлэ һазр цокад, хамх

тусхнь, эсгхлэ хээрдэд, хоосн һазр деер үлдх бээснь лавта,— талдан, үүнэсн тату биш үүллэ эдн харһна. Туугдад хурдлсн, эмнэг үрэ мет туульж, һэрэдж йовх эрйүшкиг хойр жахр хайж, эрэ гиж зогсана. Тернь доран бухад, на-ца эрйэлхлэрн, келтс ги-цэ, дала болсн усн — кедүһинь кен эрлг медлэ?— деернь генткн көмргдэд, бичкн кают болсинь дүүргж, цуг хамгинь норһад, өлг-эд, хот-хол, гөлм-урх ура шуд көвөд бээдгчн. Тернь учр уга, бич-кн харульн хуһ тусад, жилктэ-милктәһән көлвржэх теңгсин күмсн болад, уга болж одна.

Теңгс улм адрад, шуд оркрад һаньдглад, теңгр һазр хойрт зөвлхин нааһар бээнэ: зайсна савсиг модна чимк шивкэс дорар өргэд-өргэд хайна. Деер күн теснэ гидг берк. Дор орн гихлэ, дүү-ри усн. Бора хойр нөкдтән усиг йүүх даалһвр өгнэ. Бийнь чиирг гисн Савлаг дахулад, ик жилкән эвкэд, батлад оркна. Дарунь савин залврик сүһлж авад, бас эвинь олна. Эннь хамхрхла, — сохрснас дор болхнь алдг уга.

Усиг йүүһэд, бичкн каютан невчк зээцүлснэ хөөн һазаһас Бо-ра Савла хойр орж ирсн, шал усн болна, холдан күрэд норж. Эдн цуһар чийгтэ хувцан тээлэд, мошкэд, энд-тенд өлгсн, хоц-хораһасн хүүрэ хувц һарһад өмссн, көлән дарад, амрад суулдна. Одмн һанзан нернэ, наадкснь тэмк оралдсн, бүлән утаг зальгж, хэрү хамр-амарн һарһж, паанцглулсн бээнэ.

Эрйүшк урдк кевэрн өсрэд тоглад, архлаһан таслад зулхар седсн мет шир-шир гиһэд, ниилдвч болһарн салад һарн гиһэд, яхлад-яарад бээнэ.

— Жахрмуд бичэ тас тустхал,— гиж Баша саналдна. Эн ур-днь малд йовсн, шикән зайсч болсн, ю-күүг сээтр үзж, медэд уга. Тер учрар зөвөр сүрдсн, болв түүгән нуухар, медүлшгөһар седсн, саһамрлсар сууна. Генткн эрйүшк күгдлсн болад одв.

— Жахр!..— гиж Савла одмн тал хэлэв.— Улм түүнүр туух!..

— Яһвчн — дурнь,— Бора зөвөр гүүнәр татж саналдн, шуук-рад авб.— Хээри гөлмс!.. Дәрк, дәрк, ямаран дүнгә арднь орж, Хохал эн хамгиг күцөлһлэ!..

— Эн һалв зогсхла, олдад чигн бээх, а?— гиж Савла одмнан төвкнүлх саната келнэ.

— «Жили цааран, амнаси юн һарчахиг эс медиэ гидг!— Одмн уурлсн болад одв, уульхин нааһар бээнэ.— Гөлмэс урд хар эмән авч һархан, һазр тавглж авхан кел. Керчэч һархла, үүл түүнд бээнэ. Бичэ үзгдтхэ гидг юмн тер!..»

Асхлад, салькн номһрсн, адрдгнь уурад, теңгс төвкнси болв. Сөөнь өрэл давсна хөөн салькн йосар зогсад, таг болж одв. Улм киитржәнэ. Тиигх дутмнь одмн сүрдсн, тернь наадкстнь бас халь-дсн, эдн зөвөр үүмэтэ бээлднэ.

— Альдаран эргнэ гилчи? Альдасн өрүндән үләнэ?— гиж Бо-

ра шуукрен, босад-сууһад, яахан олж яджана.— Кемр дотаһан һарч гилэ, көвүд, мапа хүв, деерэн һархла — хавар уга!...

Тер сө кея чиги нүдэн нам харһулсн уга. Ямаран нөр бээдв? Одми сөөни дууси ус шинжлэд, дару-дарунь бэрж үзэд, төр ке-жэлэ. Өрин өмн гентки: — Шуһрмг һарч одсн болхла, яһната? — гинэ.— Теңгр, бурхи медтхэ гихэс — талдан нээлвр уга...

Удси уга, өр шарлм цацу сүүкнсн болад, арһул порд үлэхэд бээв. Теңгсиг шуд илчкн мет тегш, нам көндрсн болхш.

— Нэ, көвүд, адһх кергтэ, үкс гих! — болж Бора чанһржа-на.— Зальвран тэвж авхми, һанцхи болвчи жилкэн өргхм, жингс одхм... Зальврад, керчэчэс зулж эс һархла, терүнд бэргдхлэ, хуурна гидг эн.

Хэлэхнь, энд-тенд харлад, цөөһэд, цуг савс адһлдсн, ээмшгэс зулж йовхнь ил. Болв кесгнь, хөөинь одж медгднэ, түрүн мөсид авгдад, сав-санхасн, гөлм-урхасн тас хоосн үлдж. Кедг арһ уга, хэрнь, эмэн авч һарснь ик юмн гихэс биш.

Үдин хөөн саак салькн чанһрад, оштрмлхдан күрэд ирв. Теңгс дольгарад, улм өгтмлэд, саак сав-санхсиг өргэд шивэд, деегшэн өмөрлүлэд, Дагестана көвэ хэлэлһэд тууһад һарв. Тегэд, энд басн-ик сав-санхс хурсн «Хальмг заһсчинэс» нань Ээлрхнэ, Даге-стана бийиннь чиги көөгдж ирсн — дала. Яахв ода? Хара күн бээжэхш, хамхрсн-эвдрсэн ясад, белдлдэд бээв.

Хойр өдр хойр сө һаньдглсн салькн эргэд, дотаһан һарв, мөсн туугдад уга болсн, теңгс цеврдэд одв. Тавлад тогтнад, номһр-сна хөөн цуһар чиги жилкэн өргсн, герүрн адһлдв. Тер кевэри салькна аюһар гүүлгэд, «Хальмг заһсчихи» Лагаһар орж ирв.

Эдниг Жалыков бийнь тосж авб.— Би тадниг урж олрэс ави минь үүнд күлэхэтэв,— гиж Бораг теврж мөндлн. биидэн шахи бээж келжэнэ,— тадниг кесгнь теңгсин күмс кечкн, би болхла, нег чиги агчмд маһдлсн угав. «Ирх, ирх, минь ода ирх!» — гинэд, күлэхэд бээсм тер. Би таднан меднэлм, тадндан иткнэлм!..

— Һару дегд, Хохал,— болж Бора келнэ.

— Һару юмб? Бнистн эмд-менд ирсити — дала!..

Алдр багш Ленин хорж гисн һашута зэңг Хальмг теегин ут туршар хурлзад, гүүдглэд, күн, өрк-бүл болһна седклинь уйдаж, харм төрүлв. Партии таһчин комитет болн Хальмг ЦИК цвг күч-көлсчирүр дуудвр кеж, улм зерглэхән батлхин төлө ни-неги хамцж, шултан холвти гиж дуудв.

Терүгинь нутг, ээмг, хоти болһн берк кевэр чинрлж тосв. Хүр-гуд хураһад, оли бийэри хүүвлэд, хээртэ Ильичэн гееси һунд-лан илдкж, эшүнэ заасн хаалһас кеи чиги, кезэ чиги хажигшо гиж анһарлж, ами үгэн өгсн, кесгнь дор ормдан, тер сүүртэн нег мөсөж шиидэд. Ленинэ партия зерглэнд эрк биш орхар седж, бий-

он автха гиж партиячкэсн сурсн, эрлн өгсн улсин то улм өсэд йовдгчн. Тедн заагт хальмг күүкд улс хара биш чигн.

Төгэд, хаврин дундаһар таңһчин тавдгч партконференц хураг-
цсн, кесг эркн төрмүд хэлэж хайлна. Тер тоод нег төрэр — Ле-
нинск дуудварар партыд орсн улсла кегдх кедлмшин тускар хүүв-
лж, онц шиидвр һарһна, юнгад гихлэ партыд шинэс, олар орж
прсн улсин ик зуһь кедлмшч, батрак. Тийгхлэ, таңһчин партор-
ганизацин эгцэн өрөлнь гилтэ сурһуль гидгэс мел хооснь алдг
уга. Тер учрар эднлэ кегдх кедлмшиг ардиь орж өргжүлж, өөд-
лүлж, гүүдүлх төр тэвгднэ.

Конференц партин таңһчин комитетин даалһврта сеглэтр үр
Борисовиг шииднэ, Хальмг ЦИК-ин ахлач бас сольгдсн, үр Мас-
лов эн үүлиг даажадгчн. Эн юмб гихлэ? — Партии Центральн
Комитет таңһчд юн болжахинь, яһжахинь алдг уга шинжлэд, хя-
лэхэд, залад бээдгин учр гих кергтэ. Илгэсн Марбуш-Степанован
дуудж авад, Чавчан Аршиг талдан кедлмшт һарһад, сээхн эвинь
олад, хальмгуд келдгэр, ар-өмкиннь ясад бээнэ.

1924 жилин майин 8-д ЦК Хальмг таңһчин коммунистирт перэ-
дж, шишлн бичг илгэв. Терүндэн кесг кедлмшин үзмжтэ хамгинь
темдглсн деерэн, партин Центральн Комитет таңһчд бээх зөвэр-
зөвэр дуту-дундсиг илдкж, «Советск боли эдл-ахун чигн халхар
учрдг онц, үүрмг төрмүд хайлхд орлицхар седдгэн хайж, биидэн
зуг бүрткмж, залмж кехиг үлдэти», гиж обкомд зааж. Тийгхлэрн,
хальмг улсин, нег үлү, одачн нүүлдэ бээх эмтнэ авг-бэрцлэ ирл-
цдг болдгар, цуг һардврин күчн-чидлиг нутгуд, ээмгүд тал тусхж,
шундг болти гиж.

Жилин чилгчэр партин ЦК үр Борисовиг дуудулад, тооцаһинь
соцссн, таңһчин парторганизацин кесн, күцэснэ зэрм үзмжинь
оньглад, тер тоод баг-багар хувалдад, дотран цүүгэд бээдгиг
уурулсна, партийн боли советск кедлмшт угатя, яду хамг элвгэр
орлицдг болсна сэн аш темдглж. Цааранднь чигн партийн кедлм-
шиг өргжүлхд, партийн боли советск органмудын кедлэчнр олнур
улм өөрдхд, бээрн парторганизацсин, ячейксин күчинь батлхд,
партийн улсин политическ боли техническ медрл тату болдгинь
уурулхд Хальмг обкомин оньгинь ЦК тусхаж. Тер мет партин
зэргэлнд малчнрас шунмһа, нүүрлгч угатынр, ялчнр, күүкд улс
орулж автха гиж.

Аль чигн халхд коммунистнр нүүрт йовж, үлгүр болсн, ардан
олн угатя, яду малч, тэрэч тоотыг дахулсн, ашнь му биш. Һазр
эд-бод келһн земгэ ярсн, тэрдг аһу һурви-дөрви жилин дотр
кесг холван өссн, малын халх бас зөвэр өөдлсн, тооһари өсэд,
чинрэрн ясрад йовна.

Болв заһсна халхд 1924 жил дегд кецү юм үзүүлэ. Һалвлсн
оштрмта намр «Хальмг заһсчиг» күчр гидгэр муурдулв: сав-сан-
хин ик зууһинь уга кеһэд, хамхлад-күүчэд, гөлм-урхиг гихлэ, юм

үлдэсн уга гим. Заһсчнр нам жилэ зураһан күцэсн уга. Тиигхлэ, юн олз-ору бээдмб? Сав-саңхасн, гөлм-урхасн хоосн үлдсн — не-гн, жилин дуусн гилтэ нариднь шатад, киитиднь даарад, оштрмла теслцэд йовж-йовж, «хаһрха хавтхта» герүрн орж ирнэ гидг — койр...

Тенгс көвөхн тенкэн уга гидг түрү-зүдүлэ харһж, харһнхин нааһар бээлднэ. Заһсн дала болвчн — күрдг арһ уга, сав-саңхасн хоос дахсн.. Күрдг болвчн, һар хоосн улс яахмб?— гөлм, шүүгүл хамган оштрмд өгэд хуурсн...

Учр тиим болсар РСФСР-н Совнарком, эмд бийнь яду көрн-гэсн, дээнэ хөөтк дуту-дунд, тату-тартг ода чигн далань ил, Халь-мг ЦИК-д гиж, тенгсин һалв оштрмла харһж, зер-зевэн гееж, эдл-ууш уга хоосн үлдж, икэр түржэх заһсчнрт болн эднэ өрк-бүлднь шөкд болтха гиж, мөнгөр 50 миңһн арслнга дөң болн 150 миңһн арслнга өгйө һарһж өгч.

Тиим кецү кемд усхсн ик оңыг болн дөң эмтнэ шурдсн сед-клинь земгэ кевэр төвкнүлнэ. Эднэ нүднд Советин йосна нилчинь өөдлүлж, энүнэ өр өвч үндсинь илдж, лавта эгл, угатя улсин йосн эн бээснд цугинь улм иткүлнэ.

Зуг тиим дала мөнгн хар ухата, буэр һарта хамгар дамжж орж ирснэс келтэ тенд эмтн түрэд, харһнад үкэд чилхин өргн дор бээхиг төртөн авл уга, хулхалснас келтэ тер мөнгнэ өрөл-дөрвөнэнь заһсчнрт күрч.

«Хальмг заһсч» товариществ уурад, ормднь Хальмг заһсна трест тиж һарсн, энүнэ залврин ахлачнь Жалыков болна. Эн өг-сн дала дөнгөр төр кеж, хаврин сорг эклтл заһсчнран тесл уга, теднәннь дөң-дамжгар сав-саңхан, гөлм-шүүгүл хамган ясж, бел-дж, дуту уга болдгар кех саната, саак унтл, кевтл уга гишн йовна.

Генткн «ирсн дөңгэс цөн ахлачир үлцэд, зөвөр мөнг авчкж» гиһэд, жирклэ соңсна. Жалыковин уурнь күрэд, чеежнь бүтэд, нам нүднь харһнурсн болад одна. Болв бийэн хөрнэ: «Сагл, ю-күүһинь йилһ, гилвсл!— иигжәһэд, худл зэнг болхла, яһначи?»

Нег дэкж пирстн тал адһад гүүж йовхнь, «мендвт, Хохал Манжиевич!» гисн болад одна. «Мендвт, мендвт»,— гиж, чочсн айстан келж дуусчкад хэлэхнь, өөрхн меддг нег ахлачин гергн болна: хар хурсх үчтэ, гилв-далв гиһэд йовдгчн. «Икл үнтэ юмн болхмла?» — гиж Хохал ухалад, үг-күр угаһар давна. Кедү күрд-гинь медс гиһэд, комиссиян лавк орад һарна. Ирхлэ, мел тиим, отхта хурсх үч өлгэтэ бээдгчн. 2000 арслң гиж бичэтэ болна. Нү-дэн эс итксэр эн өргәри үч тал зааһад сурна:

- Үннь — кедүви?
- Хойр миңһн...
- Лавтайи?

— Иткжэхшта?— гинэд, хулдач өвгн наад бэрсэр цецннэ.— Гергндэн авхарий?

— Уга, мини гергн үүгитн өмсш уга...

Дор ормасн Жалыков партин таңһчин комитет орад харна. Ири, нам бээни-угай гиж сурл уга, үүд түлкэд орн: — Мендвт, бачм кергтэ йовнав, болжй,— гинэ.

— Болж одсна хөөн, үр Жалыков, юн сурвр бээдв?— гиж Борисов соһьмсад,— келтн, сонсжанав...

— Мини ирдг, үр даалһврта сеглэтр, хара төр биш,— Жалыков келн йовж, уралан һарад, столд күрэд суув.— Нег зэнг сонсув, шуд амрл, суудл уга гишн бээнэв, иткхд — күчр, иткл уга бэн гихлэ, түүнэс чигн даву...

— Келтн, үр Жалыков, келтн...

— Аюлла харһад, түрэд-зүджэх заһсчирт дөн гиж правительств өгсн мөнгнд хулха орж гинэ. Та юм сонсвта?

— Юн гинтэ?— Борисов ормаһад одна.— Үнн болхий?

Жалыков меджэхшив гисэр,— гергндэн хойр миңһнэ үч авч өгч гихлэнь, нам итксн уга билэв. Болв эндр эврэн үзүв. Отхта хурсх үчтэ, гилв-далв гисн гергнь «хойр миңһнэ үчтэв, хүрсх болчкад күчтэ!» гисэр балһсна уульнцар һалдһлзад йовна. Тегэд, комиссионн лавк орад, минь тиим үч бээсиг сурхлам, үннь хойр миңһн гивэ. Эс хулхалхла, тиим мөнг альдас авдмб? Та, би жалварн авч чадхий? Уга, а тер?..

— Яахм гихэр, үр Жалыков?

— Яахм гисн?..— Жалыков шуд шилвкэд одна.— Би бюрон болн ЦИК-н член зөвөн эдлэд, үр даалһврта сеглэтр, танас суржанав: чадх улст шулуһар даалһтн, бүртктхэ, негнднь һарһж өгтхэ. Кемр лавта болхла, кен чигн болг, тииминь эрвлэд керг уга! Өли болад, түрэд, харһнжах эмтнэс, теднэ өрк-бүлин, көвүд күүкдиннь амиас идн гижэсинь булаж авсн элмрсиг, олна хортн гиж тоолад, революционн трибуналла харһулх кергтэ!.. Бидн үкэд-тасрад гишн булшг-деншг болһиг хоршулад, негдүлэд, эмт харсхан хээһэд бээхлэ, тедн, гергдэн наадулад...

Аштнь, тер хамг үнн болж һарад, хулха кесн улс засгла харһсн, толһач негнь, таңһчин ахлач йовснь, хагдх болсн, наадкснь зөвэр ик-ик болзгт суулһгдж.

Тиигж, хумсн-хурһан зууж, ю-күүһэн цуглулад, сав-санхан, гөлм-урхан ясад, диглэд, теңгсүр орсн заһсчир 1925 жилиг зөвэр сээнэр төгскв. Эдн өмнк жил бэрснэсн дөрвөн холван ик заһс бэрэд, заһсчирин олвр зөвэр сэн болв. Терүн деерэн, правительствин дөңгэр хамг тоотан ясад шинрүлэд, зөвэр күч авцхав. Жилкэр йовдг сав-санх деерэн невр һурвн моторкта болв. Эннь айта гидгэр Хальмг трестин көдлмшиг уралан кеж, үүнэ күцмж, үзмжинь өөдлүлв гих кергтэ.

Түрж, зүдж йовсн заһсчир бас зөвэр батрад, олз-орунь өсэд,

өрк-бүлнэ невчк бээхтэ болад, ондарлдад, эдл-уушнэ элвэд, өм-сх-зүүхнэ ясрад, дунь деер харлдад ирв. Ик баһ уга Советин йосндан тавлад итксн, үүнэ оньг, килмж гидг кезэчн, кениг чигн хайшго гиж ашлвр кесн ханлтан өргж, байрта, бахта бээлднэ.

* * *

1925 жил төгсв. Эн зөвөр өргмжтэ жил болв. Цээлһврин политическ көдлмш делгрж, ар һазрар, ээмг, хотар делгү орж ирсн, улан шуһус, клуб, библиотек энд-тенд һарад, умшдг, бичдг дасхд оньг өггдэд ирв. Май сард таһнчин VI, октябрь сард — VII парт-конференцс хурагдсн, хойрули чигн зэрм ээмгсин партячейкин көдлмшт ик дуту-дунд бээхинь илдкж, келн-эмтнэ государственн тосхлтд харһдг хажһр, эндүг уга кехд нөкд болх кесг төр темдг-лв. Тер төлөд бээрн Советмүдин нилчинь өөдлүлх, күцөгч комитетмүдин көдлмшинь чацһаж, эднэ көдлэчирин хань батлх керг учрв.

— Олн дунд партийн үлмэг өргжүлж, Советмүдин һардгч болн залгч үүлдвринь делгрүлх кергт О'КК—РКИ икэр туслх зөвтэ,—гиж партин таһнчин комитетин даалһврта сеглэтр Глухов өөрэн суусн Кануковд, Хальмг ЦИК-н ахлад келжэнэ.— Тиигхлэ, партийн болн государственн бүрткмжин кергиг хойр һардад авх, меддг, чаддг, итклтэ күн кергтэ.

— Нег мөслсн бат, атхсан тэвдг уга һарнь,—гиж Кануков зөвшөрв,— ээлһхэс урд тоомсрта болдг..

— Мел үнн,— болж Глухов дөһнв,— нег тиим күн бээнэ, зүг...

— Иван Кузьмич, Жалыков болвза?

— Мөн, Харти Бадиевич,— гиж Глухов илэнэ,— ма хойран тоолвр ижл болдгнь а?!

— Эрэ гиж өндөлһж авсн заһсна халх, тегэд, дор орх угайи?— Кануков даалһврта сеглэтр тал хэлэнэ.— Жалыковин күчн, нилч, дамшлт гидг угаһар яахинь күн меддг арһ уга.

— Уга, Харти Бадиевич,— гиж Глухов лавлв.— Минииһөр болхла, би эн өрөл жилин дотр Жадыковиг чигн, өөрхн эргинь чигн му бишэр шинжлсн, үүнэ нөкдиринь захас авад, юунд чигн тэвж болхмн. Чадх улс! Гаряев, Надбитов, Мухараев... Дөкөд дорас дала баһчуд өсж йовхнэ, хэлэжэсн, шамдһа-шулуи, чадмг биисны!.. Ахрар келхнэ, Жалыков биндэн зөвөр сэн-сэн селгэ белдснэ ил.

— Би, Иван Кузьмич, Жалыковин эргнэс негинь таньдг билэв,— Иван Михайлович Новиковиг, зүг заһсна халх хойр энгрхд тер Ээдрхнд тусснэ һундлта. Эвртэ зөрмг, чик, чадмг..

— Тиигхлэ, Харти Бадиевич,— Глухов чирэ талнь хэләһэд, хэрү күлэжэнэ,— Жалыков болад эс бээви, а?

— Зөв, Иван Кузьмич,— гиж Кануков гекв,— илднь келхлэ, нам талдаа ирлцх күн чигн уга...

Шин 1926 жил эклсн, партин таңһчин комитетин бюро түрүн сүүртэн хурсн бээнэ. Давсн жилин ашмудар күүрлэд, цааранднь ксх, күцэх тоотар хүүвлэд, хэлэх төрмүдэн төгскэд ирв. Чилг-чорнь сүүриг ахлжах Глухов келнэ: — Үүрмүд,— бас нег хайлх төр бээнэ. Таңһчин Бүрткмж Комиссин — Көдлмшч-Крестьянск инспекцин, ахрар келхлэ, ОККИ—РКИ-н ахлач шиидх кергтэ. Ямаран нэрн көдлмшинь эврсэн меджэнэт, партийн — государствени хойр бүрткмжиг ташртнь негдүлж, би деерэн даасн, икл йоста, зөвтэ болдгнь темдгтэ. Тегэд, би, үүрмүд, эн көдлмшиг үр Жалыковд, Хохал Манжиевичд, даалһхмн гихэр.— Глухов тедүки суусн Жалыков тал хэлэнэ, тернь, цуг цуснь чирэ талнь турглсн мет хар күрнтж улаһад, доран нүүхлээд одна.— Хохал Манжиевич, танас эржэхм, бийлэм күүндсн уга гиж, бичэ намд өөлти. Танд, партийн чигн, цергэ чигн диг-дараг тевчдг, итклтэ коммунист гиж иткэд, келсн угав. Би таниг өрөлхн жилд меднэв. Болв нег мөслсн чик, ааль-жиил уга, йосн пролетарск, интернационалистск хэлэцтэ болдгитн ончлж, кежэх кергитн тааснав, келжэх үгитн товчлнав. Тер учрар тана нериг, Хохал Манжиевич, чимк чигн сонж угаһар нерэджэнэв, тегэд, бюрон наадк члед намаг дөнх гиж ицжэнэв. Кен бас келнэ?

Кануков босв: — Би, үүрмүд, Иван Кузьмичин селвгиг үнн седклэсн дөнжэнэв,— юнгад гихлэ Жалыковиг итклтэ коммунист, зөрмг дээч, чадмг хардач болдгинь дегд сээнэр меддг төлөдөн тинм нэрн, партийн — государствени бүрткмж хардж залх көдлмшт мана Хохалас нань ирлцх күн уга гиж тоолжанав.

— Үр Жалыковиг эс меддг, нег үлү, эс таасх күн мадн дунд шаршго,— гиж Санж Башкаев келжэнэ.— Ямр чигн даалһвр өгч, Хохал Манжиевич чадх уга гиж, би хүвдэн, йир санхшив.

Нар өрглдхлэ, бюро цугтан, Жалыковас наадкснь, үгдэн багтв. Тиигхлэнь, эн босад, үг сурв.

— Би цергэ чигн, эдл-ахун чигн халхар көдлж йовлав,— гинэ.— Болв эн даалһжах көдлмшитн, үнэн келж, сээтр меджэхшив. Намаг иткэд, намаг үнлэд, ним нэрн төр деерм ачжахдтн ханжанав. Негл тадн, минн үүрмүд, намд ицжэхлэ, билэ гиж чадшгов, көдлнэв, чидлэн эрвэлхшив, цаган хармлхшив. Негл сурхм, минн ормд хойр нөкдинм негинь, эсклэ Налжиг, эсклэ Элдэшкиг тэвтн гихэр. Хойрули чигн тегш, заһсна халхд цээж одсн улс...

Жалыков эклэд көдлнэ. Шин керг медснэс, эс медсн ик, тиигхлэ, умшхл кергтэ болв. Учр-утхинь, төринь йилһж авс гинэд, басл арднь оржана. Владимир Ильич Ленин, ИКК—РКИ хойриг негдүлх селвг өгхлэрн, государствени, эдл-ахун болн нань чигн халхсин үүлдвриг өдр болһн алдл уга бүрткж чадх, теднд үлгүр, үзмж болх аппарат кехэр кинснь медгднэ. Партийн болн государ-

ствени бүрткэлһ нөгдүлһн йовдл орн-нутган залхд күч-көлсчир олар орлицхиг улм өргдүлһнһ бас тодрха болв...

Партий ЦК-н сеглэтр С. В. Косиорас Хальмг обкомни нернд онц бичг ирнэ. Түүндэн Станислав Викентьевич бээх дуту-дундсиг нуувр угаһар илдкж, тер тоотыг яһж чиклһнһ сэн болхиг тодрха кевэр селвглж. Бичг таһһчин партийн организацд, нөг үлү, ОККИ—РКИ-д, үүнэ ахлач Жалыковд эрки һардврнь болһнһ лавта. Хохал энүг эклцэһнһ сүл күртл чеежэр гишн дасад, тодлж авһн, аль чигн кергт чинһүрэн кесн бээнэ.

Советин йосн байн-нойн авцта хамгиг шаһад, эдл-ахунь өсдгт харшлад йовһн бийһн, кишвас, ааль-мек һарһад, зөөрэн баһлх биш, дораһар мел немэд йовһа. Эдн хурл-хувргин эргилэ толһаһан нөгдүлэд, дораһар әмт хутхад, антисоветск көдлмш келдэд, хара бас бээжәхш.

ОКК—РКИ, Жалыковин һардврт, таһһчин бээдл шинжлж, цуг дуту-дундсиг, эндү-хажһриг илдкж, арһта болхнһ, ахр цагт уга кеж, ясрулх төр өмнөн тэвб: — Шаһа мал-гериг, өлг-әдиг эзн бишэр хэләж хәрдг, үрәх-тарахин ард йовдгла, хулха-булала, хов-худлла чигн, күч-көлсч улсин неквриг һазалад, кергтән эс авдгла, бюрократическ авг-бәрцлэ делгү ноолда кеж, партий болн правительствин һарһһн шиидврмүд альд, яһж күцәгдж йовх күртл бүрткж, илдкх кергтә,— гиж Жалыков нөкдиртән заана.— Тиһгхләрн, манахс, буру үндстә, олна керг-төрт хорлтан күргх улс үүлд орад, аль-бис юмнд харшлхан хәэдгиг унгарһн уга эс кехлә, хавар уга. Болв, келхм, юн чигн юмиг болһаж, оньглж, гем уга күн гемшәгддг уга болдгар ардһн орж кинх кергтә, гилв-слх. Миниһәр болхнһ, үүрмүд, цуг бүрткмжиг деерәс, таһһчин учрежденьсәс эклхмн...

Иигж нәрдүллһн буру-бусхл саната хамгт эс таасгджахнһ ил. Эдн хухр-хухр гилдәд, дегд хордхларн, йос му келәд, бурушахар седж, хорлтан күргхән хәәлдж, аралджахнһ бас ил. Гентки Ремонтнас бачм зәнг ирнэ. Нөг асхн бандитир Федосеевск селәнә Советүр дәврәд, энүг ээлж: ахлациһнһ алад, керг-үүлиһнһ түүмрдәд, кассинһ шавхад тонж. Советин көдләч болһна пәтьриг күүчәд, өлг-әдинһ булаж, өрк-бүлиһнһ күчр зоваж. Болв тер хамг коммунистһриг ээлһһн уга. Эдн улм чаһһрж, зергләһән батлж, хортна өмнәс сөрлт өгч, көдлмшән делгрүлж, диг-дараһан ясрулхар зүтклдв.

Тер хоорнд деерәс заавр ирснд правительств урдк помещикудин үлдлиг туутха гинә. Партий таһһчин комитет болн Хальмг ЦИЖ эн төриг хүүвләд, шишлң комиссь бүрдәһн, толһаһдһн Жалыковиг батлв. Чледһн болж, һазрин залвр ахлдг Башкаев, ОГПУ-н әңгии һардач Брузгулис орв. Иим комиссьмүд нутгуд болһар бас һарһн бэәнә.

Төр амр биш, зөвәр нәри деерән жаһһрта. Нөг үлү, Хальмг

теегт, малын идгэс көлтэ һазр соляд нүүһэд йовдг, ор-бээр уга гишн йовдг хальмгуд дунд. Энүг белдж, күцэх улст, угатя бийэри үзсн, медснь чигн, эднэ политическ чигн таавр-бодврнь баһдхнь ил. Деернь немр болх, гүн, теоретическ медрл эрк биш кергтэ.

Тер хамг хара зөндөн чеежд, толһад бас орж иршго. Тнигхлэ, дасх, шинжлх, арднь эрх кергтэ болна. Жалыков бийнь, наадкснь чигн, эн эркин керг-төрин теоретическ учр-утхинь медж авхар шунна. Нутга комиссьмүдин илгэсн ээңгсиг ажглж, цугинь хамцулж, эврэ кесн ашлвр, дигэн йосна некврлэ, партин зааврла дүнцүлж кирцдг болв. Ташр нутг, ээмг һазрар йовж, дорнь одж хэлэж, юн болжах-яһжахинь йилһж авх керг комиссьт учрв.

Жалыков болхла, Яндһа-Мацган орхар шиндв. Энд-тендэс ирсн зэңгсэр дүнхинь, байн-бээхтэ хамг ааль-жиинл һарһад, мал-герён, зөөрөн нууһад, бултулад, то-дигд эс орулдг йовдг элвгчн. «Тиим юмиг эврэн үзж, йилһж эс авхла, төр дегд кавжрта, эндү һархнь алдг уга,— гиж Хохал ухална.— Очкад күрнэв! Энүг юуһан, альдаран кесинь, яһсинь күн намас нуушго. Амха, Отельдан эдн нуулһшго. Очкан мекинь медэд авхла, наадксинь илдкхд, теднлэ ноолда кехд амр болх...»

Жалыков хаалһд бедрсн бээнэ. «Кермд суухла, Оляһар орж һарх, түүнэсн Далвн орх... Дегд эргцтэ. Салгар дамжхла, дөт. Дэкэд, эврэксләһән харһн гижәнэв, эдн чигн хара биш келх» гисн Хохал заһсна пирст орад һарна.

Моторк йовн гижәснд суусн, «луг-луг» гиһэд, көндрәд һарсн болла, урсхул дахж хурдлсн, ардан ик цаһан хаалһ татад, эмсхэд-эцклэд йовна. Жалыков харул түшэд зогссн, хойр талаан һаахнэ: меддг, таньдг зургууд нүдиднь эрлзэд, шуд зүркнь меиңрэд, седклнь талвасн болад, басл айта. Холдан гердхнь, эц-зах уга делгү усн үрглжлэд калаһад, цэссн чигн болна, харлсн чигн болна, уухнд теңгрлэ негдэд, мануртад бээнэ. Деернь цаһан-цаһан цахмуд дөгсн, дольга шүүрлдж наадснь үзгднэ. Дорнь усн керчгдж, хойр эңгрэд, тнигхлөрн, төвкнүн бөөдлинь эвдсэр уршглжах мет түңшсн болад йовна.

Нарн сууһад, харнһури гиж йовхнь, моторк салгар ирж һарв. Жалыков хойр причалыг харвн бийэри, көдлмш буслад бээхинь үзжәнэ. Залус мендлнэ: «Заһсн, Хохал, эврэ болжана,— гиж адһлдна.— Эрэ күч күрчәнэвиди, эрвнцс күртл уга, түрәһэд бээнэ». Жалыков маасхлзад, дотриь нарн урһсн кевтэ чирәнэ герлтсн болад, хойр нүднь һал асад, байрнь деври алдад бээнэ. «Цаг ондарна гидг эи! — гиж толһаднь төөнрнэ.— Залус, эзи бийнь ирэд, хээкрэд, аэлһэд бээвчн, эс көндрж өгдго улс, ода болхла, бийснь гүүлдэд... Иим ик заһсн болна гидг!.. Эдн, аэрстэ һарта хармуд, невчк ю-күүһән ясж, чиклж авх, олз-ору өсх, седклнь сергх...»

Тегэд, сүл эрвнциг сулдхад, заһсинь салга сара-басур орулс-

на хөөн Жалыков залус дахад, эднэ бээдг герүр ирв: цевр-цер, урдкла эдл биш, дигтэ-дарата. Бички хар көвүн, кашевар, бешин амар орн гинэд бээнэ, хотан кечкесн, цээһэн белдчкесн, ке гихиг күлэжэхнь ил. Хохал эврэн тиим цаган санад, тиигхд ямаран күчр кемиг тодлсн, тоолврнь икл холд одсн сууна.

* * *

Жалыковин кедлдг бички хорад комиссь хурсн, үзж, медж нрсэрн хувалцж, альд, ямаран бээдл учрсар төр кеж, күүндж бээнэ.

— Классин ноолдан гидг, үүрмүд, ар назрар, ээмг, хотдар ода чигн кергтэ кевэр делгрэд уга,— гиж Жалыков келжэнэ.— Тер тускд яндна-мацгихи эвртэ гидг үлгүр болхми. Угатыр, ялчир болхла, байн, зээсн улсин үлмэнд орад, теднд меклгдэд, заасарнь дахад һанхлдад бээдгнь һундлта. Тернь юмб гихлэ? Политическ медрл уга, сурһуль-эрдмэс хоосн, харһун уршг. Келхд, Яндна-Мацгт баячудын малын һурвна кеснэ негхи хувнь то-дигд орсн, наадкинъ дарчкж, яһсн-кегснь темдг уга.

Мини меддг Очка зээсн, ээмгин Советин то-дигэр хэлэхлэ, угатя күүнэс эрвжэн уга деер. Тиигин гихнь, мал-герэн элгин-санидан болн зарц, ялч йовсн хамгтан хуваһад өгчкесн нертэ, цуһар теднд бичэтэ йовдгчн. Теднь үн келж өгл уга, мини гилдэд, залаһан таслад кевтдг болна. Бисинъ хэлэхлэ, көөрксиг, күүнэ зүркн ишкрм: шуурха-буурха кевэри, эрэ-эрэ йовлдна.

— Тиим юми, Хохал Манжиевич, Баһ Дөрвдт бас һарч,— гиж Башкаев үгд орлцв.— Цаһан Нуура зээсн Талтан Санж эмтиг би талан унһаж, үгдэн орулж авхар седэд, малаи арвадар-хөрэдэр таньдг, үздгтэн хуваһад өгч. Түүнэ хөөн цуһар, нам ээмгин советин болн партячейкин зэрм члед, шуд үүнэ келсэр, заасар бээдг болж.

Эн хойрин келсиг сонсж, тагчг суусн Брузгулис шуукрад босв: — Тегэд чигн кулак, байн улс йосна захас татлдад, нам партин зерглэнд орлдад йовдгнь тер. Кулакуд Данилов, Ткаченко — Элстд, Мисюрин — Улан Эргд бээрн Советмүдт сунһгдж. Ик-Цоохрт тиим негэр ээмгин ахлач кехэр седж. Ик Дөрвдэ Немхагинка селэнэ кулакуд негдж авчкад, дораһар антисоветск үүлдвр татад бээснь илдкдв. Эдн бээрн Советиг һартан авчкесн, эмтиг дурарн залдг бээж. Активинъ һээлэд, һазалад, угатыриг ээлһэд, дажрад, мууднь оржәж.

Баячудыг туутха гисн правительствени тогтавриг Хальмг танһчин бээдлд яһж күцэхлэ сән болхинъ шишжлж, комиссь кесг сарин туршар эн төриг ардинъ орж, аль чигн халхарнь ажглад, шишлц шиидвр һарһв. Терүндэн ним ашлвр кев: «Хальмг танһчин бээдлэр болхла, эврэ һазрин хувэртэ болн эдл-ахунъ помещик улсинлэ эдл йовсн төлэдэн урдк байн, зээсн, цойн хамг бас

помещик болж тоолгдх зөвтө. Тер мет, Хальмг таңһчин эмтнь һазр эдлһнд эврэ өвөрц авг-бэрцтэ учрар ик малта баячуд, зээснгүд, нойдуд, бийснь туслң һазрин хүвэр уга болвчн, дала хадлһна болн идгин аһуг эмндән эдлж, лавта эзнәһәр ээлж, эдл-ахуһан, гер-малан бийиннь күчн-көлсәр эс хэләж, өскж йовсндан, бас помещикүдин тоод орх зөвтө. Иим зээсн, нойн улсиг туулһн, феодальн, отг-ясна үлдлиг болн түүнә тоомсриг Хальмг таңһчд уңгарнь уга кех».

Тогтаврт түрүләд комиссин ахлач Жалыков, дахлдн хойр членъ һаран тэвэд, батлад оркв. Цаасиг Жалыков авад, өмнән бәрэд чичрүлжәнә: — Ода энүгән, үүрмүд, экләд күцәх кергтә. Көдлмш улм немхәс биш, баһршго, — гинә.

— Энтн, Хохал Манжиевич, эрклжәсн кесгиннь элкинь эвкүлх, — Башкаев босв. — Би йовх болад бээвүв, нег хург хурах күмб.

— Классин хортыг шахж, олна керг-үүләс онцлх кергт эдниг йилһж, сунһврт эс орулсн йовдл эврә сән ашта болв, — гиж Брузгулис келжәнә. — Эмт хутхдгнь, хов-худл цацдгнь, йос муулдгнь земгә баһрв. Тер учрар сунһачнрин шунлт өөдләд, хальмг күүкд улс сунһврт орлицдгнь өсв.

— Ташр деернь мана тогтавр ирхлә, тарна гидгнь тер баячуд, — болж Башкаев тавлад, мөндән келәд һарв.

— Би чигн йовнав, Хохал Манжиевич, — Брузгулис босв, — көдлмш кех дутман мел немәд бәәнә, сөөһәр чигн көдлгднә.

Тиигжәхнь, үүдн секгдәд, «орж болхий» гисн болад одв. Хәләхнь, Кануков, арднь Хомутников дахлдсн, орж аашна.

— Ямаран сурвр бәәдмб? — болж, Жалыков босад, тосж авб. — Хальмг революционн полк кевәрн дэврәд орад күрч ирвш.

— Мууха дэврж йовхмб? — гинәд Хомутников икәв. — Үлдән өргчксн, ү-дә уга жахан?

— Хохал Манжиевич, би йовхар седжәсн, ода нам үлхх зөв сурх болад бээвүв, — гиж Брузгулис келв, — нанд дэкж им учр харһдм биш, кезә би та һурвиг цуглулна гихв.

— Владимир Александрович, та ю келжәхмта? — Жалыков доран су гисәр боссн орм талнь заав.

— Мини тиигдгм, Хохал Манжиевич, учрта болхларн — учрта. Би Ик Дөрвдә нутга нег төрәр кесгәс нааран арднь оратав, болв йилһрж өгхш. Хартн Бадиевич теңд нутг толһалжәсн, Василий Алексеевич та хойр цергә улс, тиигчкәд, әмт таньдг, меддг болсар таднас цәәлһвр авхар. Төр зөвәр жаңһрта...

— Ик Дөрвдә гинтә? — Кануков ормасн босад одв.

— Зуг цагтн ямаран? — гиж Брузгулис орлиц.

— Келтн, келтн, Владимир Александрович, тана кергәс кен цаг хармлдмб? — болж Жалыков зөв өгв. — ЦИК-н ахлач таңһчин военком хойр хошадлад, хуучн үүрән хәәһәд ирдгәрн — цаг бәәхнь ил.

— Тиигхлэ, зөв гижэхлэти, зөвөр холас эклх болад бээвүв,— гийһэд, Брузгулис амрад одв.— Ил хортिला ноолдхла, күнд, далд йовхла, ноолдси — даву күнд...

— Орлигиг олж авх кергтэлм!— гиж Хомутников инэмсгль.

— Хэрнь гийит, Василий Алексеевич,— болад, Брузгулис кест саамлж гекв.— Тиимнь, дээнэ зер-зевэн арчад дүрчкси, цаган күлэжэхнь хоорндан дораһар шивр-шивр гилдэд, белдэд бээси деерэн, мана эндү, дуту-дундыг эвэрнь көвкэлһж өгэд, эмтнэ сед-кл, тоолвр салвлхан хээдгнь оли. Бийснь эс медси боллдад, нам үүлд орлдад, эсклэ эдл-ахуһан хэлэси, тагчг, э-чимэн уга, чикэн атхлдад...

— Яах билэ теди, чикн уга толһас?— гиж Кануков дөннв.— Аю толһаһинь бас чавчад өсргчкх бээси...

— Тедити, Хартн Бадиевич, чиктэ,— болж Брузгулис зөвшөрсн уга.— Келхд, Шарвин гийһэд, чиктэ болхларн, зөвөр сонр... Ах-рар келхлэ, анди болчкад, анди!.. Цаһачудын «диилвринь» угтж, генерал Деникинд шишли йөрөлин сунһуг илгэж йовси, тедниг орж ирхд нутг толһалжаси элмр. Зүг терүгэн нууһад, эс медси болад...

— Би түүгити меднэв, харһж йовлав,— гиж Кануков келжэнэ. — Зөвөр оврта, улан-шарнь йилһрси, ик чирэһэснь тоси цуси хойр дуси гиси болси, у-элвг, үнтэ хар костюм өмссн, тешкэдси ик гестэ, аю авцта, балц-балц гиси йовдлта күн. Мел олла сэ хээси болси, ю чиги медси болси, тиим, бийэси наадксан тас хооси гиж сандг. деегүр доск.

— Тиим болхла, Владимир Александрович, юуһинь күлэлһэд бээнт?— гиж Жалыков сурна.— Бэрчкх!..

— Бэрхэс урд ю-кү бас чиги йилһх кергтэ. Манас тер альд-ран чиги одшго,— гиж Брузгулис Жалыковиг төвкнүлв.— Гражданск дэн дотр Ик Дөрвдт «нутга эдл-ахун залвр» гиж бээси, терүнэ толһачир, Шарвин эди, цаһачудын диг-дара магтад, өргэд, нөкд болад, дөннэд йовснь лавта. Болв терүг бас чиги нэрдүлж шинжлэд, «залвр» кенэ зааврар, кезэ бүрдэгдсинь, ю кех, яах бээсинь, кен түүнд ордгинь, ода альд. ю кез йовх күртлнь йил-һж авх кергтэ.

— Деернь бас иег залвр бээснь һарч ирв. «Ик Дөрвдэ нутга начальникин залвр» гиж. Бас кү амрах организац бишнь ил, нам түрүнкэси даву нэрн, нуувчин юми бээж. Тиигхлэрн, эн хойр «залвр» хоша бээх Сальск округин контрреволюционн багла, «Көндлн-Хутхвр улс» гидглэ, залһлдата бээж: дораһар үгцэд, Советин йос бурушаж, түүнэ өмнөс ноолда кех саната, хорлтан күргхэр шүд хазлдж йовснь илдкгдв. Ода арһан бархларн, эс медси боллдад, цаһан ирх гиж күлэлдјэх кишвэс...

— Сальскин гинтэ?— болж Кануков ормав.

— Хэрнь, Хартн Бадиевич, Василий Алексеевич, та хойриг,

тер «Көндлөн-Хутхэр улс» гидг багин тускар соцсн, медсн болв-
нат гихэр? Янвчн тер назрин улслмт..

Кануков Хомутников хойр «уга» гисэр нег-негнүрн хэлэлдэд,
эммэрн хольклдв.

— Ик Дөрвдэ хойр «залврт» орлцж йовсн 56 күн манд темдг-
тэ. Кесгнь урдк кевэрн эс медсн боллдад, сенкэлдэд бээнэ, тер
тоод Шарвин бас. Удшго, цугинь илдкхлэ, күн болһн хүвэн авх..

Тавдгч бөлг

Танһчин цутхлнгиг Эдэрхнэс теегүр һарһж, хальмгудт бийс-
днь өөрдүлх төриг Цугхальмгин Негдгч съезд ЦИК-д даалһла.
Зуг танһчин цутхлн болх һазр темдглхд күрлдэд ирхлэ, үг негэр
һарч өгл уга генүлдгчн. Зарминнь тоолврар болхла, танһчин цут-
хлнгиг холдулж, хоосн теегүр гүүдүлж болшго чигн: хаалһ-хачр
му, залһлда кехд түрү. Тер учрар энүг Ижлэс, икин түв Эдэрхнэс
дегд уужулад тус уга тилднэ. Талдан тоолврта хамгнь теегүр,
үүнэ дунд талнь, танһчин ик зунь бээршсн һазрур заадг болна.
Бас нег багнь цутхлнгиг Бээшнтд үүдэх кергтэ гиж зүткдг сэнж.

Иим түлклдэн үгдэн багтхд харшлад, хоорнднь нам цүүгүлн
гиһэд, зөвөр түрәһэд бээж. Уг сүүлднь 1925 жил танһчин Сове-
тин V съезд цутхлнган Элстөр кехмн гисн шиндвр һарһна. Терү-
гинь ВЦИК таасж батлад, Хальмг танһчин һардврт шин балһс
теегт тосххднь кергтэ дөң болтха гиж РСФСР-н Совнаркомд даа-
лһсар, тегэд, шишлж тогтавр һарсн бээж.

ОКК—РКИ-н ахлач болна гидг икл зөвтэ үүл. Даалһврнь үүнэ
түүнэсн чигн даву. Болв Жалыков альднь, кезэ, яһж тесэд, күр-
тэд йовдгт күн алң болхмн. Ямаран чигн эркн, шин керг һархла,
эн орлцл уга йир бээхш.

Цутхлн болх теегин хотл балһс бэрх төр түрүн өдрэсн авн
цуг хальмг улсин, күч-көлсч эмтнэ эркн кергнь болж, күн болһ-
на уха, седклинь ээлв. Энүнэ тосхлтд нөкд болх комитетмүд гиж
танһчд, нутгудар болн аэмгүдэр бүрдэгдсн, танһчин тиим коми-
тетиг һардх даалһвр Жалыковд өггдв.

Эн даалһвр ямр күнд, жаһрта болвчн, хооран эс цухрдгнь
ялтмлж, амриг эс хээдгнь лавта, тегэд, түрүн агчмаснь авн Эл-
стин тосхлтын төриг онц оньгтан авч орлцв. Эврэн орлцсн деерэн
танһчин һардврас эклэд, адг селэн, хотн күртл, күн болһн орлц-
дг болдгар көдлмшиг делгүрүлв.

Элстин эргниг ажглж шинжлж, энүнэ зура кех болад — нег
баг, шин балһсиг усар теткх төр хаһлх талдан баг ирж. Балһ-
сиг альд, яһж, ямаран эсвэр бээрлүлхлэ ирлцхинь, ке болхинь
Москваһас ирсн профессор Коршунов һардж, зура кежэдгчн. Эн
балһсиг бээсн селәнлэ залһлдулж, деернь немж бэрхлэ, түргэр
өсхднь, бөсхднь нөкд болх гиж шинднэ. Тиигчкэд, Элст һурвн ик

балһс — Сарпуль, Ээдрх, Аһш ордг хаалһ деер бөөхинь тустаг болн эндәһәр төмр хаалһ орулх тоолвр бөөхинь тоолх кергтә гиж профессор селвглв.

Элстин тосхлтд нөкд болх комитет түрүн өдрәсн авн цээлһврин көдлмшт оньган өгч, арднь орв. Үүнә ахлач Жалыковин партиа дуудвр хальмг орс хойр келәр барлгдсн, нутг, эәмг, хотн болһар тархагдж, хальмг, орс уган седклинь ээлв:

«...Эврә таңһчин хотлта болх гисн — хальмг әмтид таңһчиннь эдл-ахуг түргәр делгрүлж, улм батлх эв-арһ үүдәх,— гиж Жалыков бичлә,— эдл-ахун күчилә хамдан, алдг уга, хальмг болһна крестьянск эдл-ахуһь өсәд, өргжәд йовхнь ил... Ода күн болһн балһсна тосхлтд шунжл орлцх зөвтә. Элстиг бәрх керг күн болһнд икл хәэртә. Мөңг өгчәхнь, һаруһинь даажәхнь деер йоснахн, таңһчин ЦИК, болв деернь бас чигн кергтә... Мана цуг олна эр-кн кергт орлцтн гиж суржанавидн. Мөңгн бичкн гиж бичә әмәтн: тадна орулж өгсн деншг болһн, арслң болһн икл үнтә болчкад, туста. Тадна негдсн дем гидг, мана таңһчин хотл тосхх кергт батын бат цементнь болж, терүн деерән цааранднь түүг өскж, өргжүлж, цецглүлх алтн... Цуһар бәәсәрн Элстин тосхлтд дөңгән күргтн!»

«Хохал Жалыков бийнь манур дуудвр кеж!.. Хальмгин түрүн балһс бәрхд нөкд болтн гиж.. Арһта болхла, юуһан чигн бичә әрвлтн гиж!..» — болад, хойр күн харһвас төр кеж хүүвлсн, Элстин тосхлтд гиж чидл күрмгәрн, чадсарн дөңнх болсн, таңһч бүклдән ниргәд, шуугад одна. Мал, гер, мөңгн деер нам әмәл, тергн, ишкә гер күртл илгәдгчн. Дөрвдә баһ хурлахн Барвнцг нур шидр бәәсн хадлһиг нәәмәдлж хадулад, терүнәс авсн 150 арслнган өгүлж. Ик Дөрвдәс хойр модн гер, төмр хаша-хаацтаһан йовулгдж. Теңгс көвәхн нег өдр бәрсн заһсна шацган кевтинь Элстин тосхлтд орулж өгч.

Шин үүджәх балһсна түрүн гер өндәлһх болсн, цуг әмти хурсн бәәдгчн. Орминь кемжәләд, дөрвн өңцгтнь һас цоксн, хоорнднь багана татад бел кечксн, герин улынь тәвх нүк малтхла, чо-луһар экләд, эрсиг босхад бәәхмжн. Тегәд, Элстин тосхлтд нөкд болх комитетин ахлач Хохал Жалыков ахр үг келәд, тосхлт эклжәхинь зарлв: «Минь ән ормд, үүрмүд, Хальмг автономн таңһчин хотл — Элст балһсн эклжәх учрар, бидн цуһар туужлгч ик чинртә төр күцәлһнд орлцжах улс болжанавидн. Нег ормдан тесл уга, мел пүүврин ард йовдг хальмг, эндрәс авн хуучн авъясан экләд хайн гижәнә: малч йовснь тосхач болн гижәнә. Кеер йовснь балһсна күн болн гижәнә. Тер цаг ирчксн, бидн эврән, эврәннь һарар, күчн-чидләр түүнд эк татн гижәнәвидн. Ода деерән, манахс, Элст балһсн гиж, карт деер биш, һәэр деер уга. Болв үүнә тосхлт иигәд эклжәнә. Мана күсл: «балһсн болх!» гисн үнд тохрснь лавта!»

Тиигж кели, Жалыков кевтси күрз авад, эклэд малтв. Татата багана көөһэд, хойр алх дүнгэ малтчкад зогсв: — Нэ, көвүд, цааранднь бийстн кетн, сэн шунлтта, өөдөн күцмжтэ йовтн,— гиж йөрөһэд йовад одв.

Тосхлт эклм дару,— кезэ балһсн болж күцхинь, кен күлэж тесдмб?— таңһчин зэрм учрежденьс Элстүр эклэд нүүнэ. Эрдм-сурһулин энг сурһулий шин жилиг эврэ хотл Элстдэн эклнэ. Дарук хөрн нээмдгч жилин хаврар, сүүлнь зунар наадк учрежденьс бас күрч ирнэ.

Бээдг гермүд угаһас көлтэ зөвөр түрү үзгдэд, басл чигн дутудунд һарад бээсн бийнь күн түүгэр төр кезэхмн уга, шуд һаза гишн бээлдсн бийнь деер-деерэн ирлдэд, ииргэд, шуугад бээнэ. Зэрмнь ишкэ герт бүүрлсн: «шуд дунд һара байнаһар бээнэ!» гиж шөглсн, аль чигн тату-тартган нам оньгтан авхш. «Бидн тиигтлэн хальмг болдган уурсн биш,— гиж канкшлдгнь баһ биш. — Мана өвкнр келдгэр «һал зерглсн һазр — бээрн, мөрөн тушсн һазр — идг». Түүг мартж болшго, манахс!»

Өрөлхн жил дотр түрүн тавн гер бэргдсн, теднэ хойрнь хошад давхр болна. Энүгэн күч-көлснэ икл диилвр гиж цуһар тоолжачнь ил, юнгад гихлэ дор ормднь, Элст эргид юн чигн уга болсар, шин балһсиг зөөж бэрх кергтэ болв. Модн, чолун, хулсн-зегсн, хадасн күртлиг энд-тендэс, аль биш һазрас, Аһшас, Ээдрхнэс, Дивное талас зөөжэхнь лавта. Көлгнь нурһлж — цар, темэн, мөрн...

Урднь Чумакин зам гиж нерэдгдг бээсн, ода Хальмгин зам болсн ик улаһ хаалһ теегин туршар утдан сунад, арһмжлад, энүгэр өдр, сө гиж күн хэлэхш, тергд, хаяд машид чигн дүүгэд, негл үзг темцсн, Элст орад йовлдад бээнэ. Эмтн хээкрлдсн, темэднь хэкрлдсн, зөвөр шуугата.

Тег гихлэ, дөрвн талан талвасн, зуна һанд улм халж, шуд һалар киилсн болна, борлад, холдан харлад, жирклэнд чичрсн мет мануртна. Урһмл болсн хамгнь өгрж одсн, зуг певчк арһтань — халуг чигн, киитиг чигн тегш даадг, хальмгла хойраннь хувнь негн гим — бор шарлжн. Эн йир бийэн өгхш, нарн, салькн, шуурһн гидгтн намд юмн биш гисэр бээнэ. Эргид мел шора, элсн. Тиигжәһэд, хү хүрүлэд, эргсн-дүһрсн болад, улан шора өөдлэд, теңгр тал хаалһ татад одна. Деер теегин эзн — һард делсн, нег ормднь хадчксн мет көндрхш. Дор зурмн хаалһин амнд шова-сн, өмн хойр көлән өрчдөн шахад, мөргүл кесэр зогсснь үзгднэ.

Кедү дүнгэ күнд, күчр болсн бийнь арһлхан хээж, хуурмглхар седсн хальмг уга бээснь «кеер хонад, кец дерлэд» йовдган мартж, бээршх болсн, балһсан тосхж, басл чигн эмтнэс дутшго сана-та шунж, шамдһалж йовхнь алдг уга. Күн болһн захас ууһн би-чэч Манжин Нимгрин шүлгиг нег-негидэн чеежэр умшж:

Хальмг, ишк уралан.
Ладуур, алхан чацн агх!
Хотл балһсн Элстэн
Хад чолуһар бэрхэр адһ!—

гигж омгшасн хол хаалһд болву, хотл балһсна тосхягд болву —
өргмжтэ кевэр, арднь орж чаһрдгнь айта.

* * *

Өөдрхн, 1927 жилин ноябрь өрөлдчкн, намрин сүл сар чилэд
уга бийнь үвл эртхн эклчкн, зөвөр киити: өдртнь нарна күчөр
невчк тэвгдсн болхас биш, өрүн-асхнд, сөөднь — нег үлү. Ташр
нимтр цасн орсн, дөрв-тав хончкв, зуг хээлх бээдл уга. Хэрнь,
доран хатурад, мөснд хуврхин на болсн, көл дор шухтнад, ялан
күүнд даалһсар яһлалад, ярклад одна.

Тер хамгиг адһсн Жалыков нам оньглж йовхш. Таһчин IX-ч
партийн конференц эндр секгдх зөвтө. Эн терүн деер кех докла-
дан бас нег шалһж хэлэс гиж, герүри асхн авсн, эрт босад, түүн-
лөһөн сууһа сууж, невчк орати гив. «Ичкевт, партконференцэс
алдгдж, дала делегатын нүдид наадн болхла!» гиж, чеежэр адһ-
сн, үкс-үкс гинэд, гүүхин нааһар йовна.

Тиим шүрүтэ орж ирн, ода чигн цаг бээхинь медж, невчк
төвкнсн, хувцан тээлэд, бички дөрөһөр өөдөн нарна. Хэлэхнь,
делегатнр энд-тенд онцлдсн, ю-бис келэд, инэлдсн бээлднэ. Жа-
лыков харһснлань наран өгэд мөндлсн, зэрмлэнь уухнас геклд-
сн, то-диг кежэх улст күрэд, нерэн бичүлв.

Конференц таһчин комитетд болн ОКК—РКИ-д партячейксн
нутга комитетмүдин көдлмшинь чаһнаж, үүлдвринь ясрулхиг,
эдл-ахун халхд коммунистнрин шунлтынь өөдлүлж, партийн болн
государственн диг-дара батлхиг некв. Баһ Дөрвдэ болн Эртнэ
нутгудт зөрм партийн, советск көдлөчнр үүлэн олзлад йовснь,
тиим коммунистнр партин перинь, чинринь будж йовснь буруша-
гдв. Тедн көдлмшэсн һарһгдад, зарһла харһад, гемэн эдлснь алдг
уга. Болв тиим йовдл дэкж бичэ үзгдтхэ, тер төлөд партийн ко-
митетмүд болн коммунистнр улм зерглөһөн батлж, тооһарн өсж,
көдлмшэн чаһнатха гиж конференц заав.

Иигэд, һурвн хонгт болсн конференц, көдлмшэн төгсэв. Таһ-
чин комитетин шин хань бүрдэмжин пленум кехэр хурсн бээнэ.
ЦК-н элч босад, цөн үг келж, пленумиг секв: — Үүрмүд! Ода нег
хаһлх төр бээнэ. Партин таһчин комитетин һардвр сунһх керг-
тэ. Иван Кузьмич Глухов талдан көдлмшт һарчана. Партин
Центральн Комитет ормднь тана таньдг, сээнэр меддг үүрити —
Хохал Манжиевич Жалыковиг сунһтха гиж селвглжэнэ. Тегэд,
тадннг дөннх гиж ицжэнэ...

Мел тагчг болж одна. Көндрж, ханялдж, хоолан яслдж бээснь
тас уурад, шуд гетжөһэд, толһадснас тату биш, диннрлдж одж

ним. Болв удсн уга, гентки серл орси кевтэ ниргэд, дард бослад, альх ташв: «Чик!.. Зөвтэ!.. Жалыковд — ура!..» гилдэд хээкрлдж юмна.

Невчк тогтнад, төвкнсн болхлань, ЦК-н элч цааранднь келжэнэ: — Дегц альх ташж таасад, ним өргмжтэ кевэр тоссити, партин Центральн Комитет эс эндүрсинь илдкж, үр Жалыков ма-на чигн, олн тадна чигн седкллэ ирлцж, тиим өөдэн, чинртэ даал-һвриг эрүнэр күцэх гиж иткүлнэ. Эн, ахрар келхлэ, аль чигн хал-харн эвртэ бат, нег мөслсн, чикл күн... Шамдһа көдлэч... Авсн даалһврмуд күцэхин тускд арднь орж, хооран цухрх эс меддг... Халун, догшн болвчн, политическ болһамж, һольшг хойрнь зөвэр өөдэн... Дамшлт, медрл, тоомср һурвнь тегш, келж чигн чаддг, кеж чигн чаддг... Тиим, аль халхарн чигн бер тегш коммунистнь алдг уга. Тадн заагт ийм күн өсэд боссн йовдл, Советин йосн эгл күүнд ямр тустанинь герчлсн деерэн, Хальмг танһчин партийн организац ямр дүнгэ төлжсинь үзүлжэнэ.

Цуһар ниргүлэд, альх ташжана. Саак: «Чик!.. Зөвтэ!..» гиж хээкрлднэ. Үг келх зөв сурад, Иван Кузьмич Глухов босв: — Би таднур ирэд, хойр жил дундур болув, — гинэ. — Түрүн кемд, хөө-ннь чигн, олн тадна дөң, селвгэр күчр, күнд хамгт тесэд, көдлэд йовсм ил. Медснэс эс медсм ик билэ. Учр тиим болсар, үүрмүд, танд үнн седклэсн ханлт өргжэнэв, цааранднь чигн үүл, кергтн улм сэн жүцмжтэ болж, өсж-өргж йовтн гиж йөрөжэнэв. — Пле-пум кевэрн босад, ниргүлж альх ташна. Глухов «ханжанав» гисэр хойр һаран өрчдэн бэрэд гекэд бээнэ, тегэд, невчк төвкнхлэнь, цааранднь келв: — Үр Жалыковин тускар цөн үг келхэр. Үүнлэ көдлхд амр болчкад сонһн билэ. Хамдан көдлдг үүрмүдэсн, эннь — ахлач, тернь — ахлач биш гиж хэлэдм биш, тегштнь нек-дм, бийэсн некдгнь холван даву болдгнь алдг уга. Эндү, хажһр үзхлэрн, даалһврта сеглэтр гиж тагчг бээдм биш, илднь келэд хуурдмн. Болв тиигхлэрн, күүнэ мууд орж, һундалһн угаһар зөв-тнь зааһад медүлдмн. Тернь нам чидл немэд, дөң болдмн. Олн дунд икл тоомсрта болж, түнгэрн омг авч деерлхх, караг-жараг угань таднд темдгтэ. Үүнэ тиим зэңг-бээрнь сүл жилмүдт, ОКК — РКИ толһалжахднь нег үлү, манд медгдв. Эн өгсн заавран кү-цэгдсинь, эс күцэгдсинь эрк биш йилһж, арднь орж некдгнь, кер-гтэ болхла, нам көдлмшч улст күрч, теднлэ зөвчлж, негиднь һар-һдг тиим: — Та юн гиж санжанат? Яһж кехлэ, яахла сэн болх? — гидгнь нам үлгүрт тохрснь лавта. Тиигж, кенлэнь чигн тегштэн үүрлж селвлцнэ гидг, ө-һундл эс һарһсн деерэн күн болһна даал-һвринь өөдлүлнэ. Тегэд, би үнн седклэсн үр Жалыковиг сунһх селвгиг дөңнжэнэв.

— Бидн бас! — гинэд, негнь хээкрэд оркв. Терүг дөңнж, «зөв» гисэр наадкснь альх ташлдв. Глухов эдниг дахад ташн йовж, маасхлзад суув.

ЦК-н элч босад, невчк арһулдти гисэр һаран өргв, тегэд, ном
һрсн болхлань, адһж: — Бас келх күн бээни? — гиж сурв.

— Келчквш!

— Чик!

— Зөвтә!

— Тиигхлә, үүрмүд, — болж ЦК-н элч эклв, — партин Халым
танһчин комитетин даалһврта сегләтрт Хохал Манжиевич Жа-
лыковиг сунһхмн гисити һаран өргтн гихэр. — Пленумд орлцачир
һаран өргв. — Үр Жалыков нег дууһар сунһгдв. Хохал Манжие-
вич, таниг нааран һартн, орман ээлтн гиж суржанав. Цааранднь
пленумиг һардх күн та болжанат.

Жалыков босад, уралан һарч йовна. Ар нурһнднь альх ташл-
һн улм чанһрсн болад бээнә. «Халун юмн бээж, — гиж дотринь
төөрнә, — юмннь медгдг уга кевтә билә. Ода болхла, шуд...»
ЦК-н элч энүг тосад, һаринь атхж йовна, йөрөжөнә.

— Ханжанав, — гихэд Жалыков келн, үг келх зөв сурв.

— Келтн, келтн, Хохал Манжиевич, — болж цаадкнь маасхлз-
сн, һарарн невр дайлад авна.

Жалыков нүдән өргэд, цуг әмтиг харвад оркв: цуһар чиги
байрта, бахта, альхан тас әрвлжәхмн уга. Тегэд, олна седкл,
ухан иим бээснд, бииднь дурта болдгт ханад, байрнь дөврэд һа-
рн гисн, хоолднь бүлктрэд, киилгиннь зах уутһрад, кинь давхцсн
болад... — Үүрмүд! — гихэд, эн зөвтнь келәд орксн, бииднь шуд
ор дарад хәәкрсн болад одна. Терүндән невчк үүмсн, алмацсн
болжаһад, бийән һартан авч төвкнәд, экләд келнә: — Эидр, минь
ода, би тана нег эгл үүртн, икл иткмжтә харһсн, байр өргмж
хойрм буслад, күч күрч яджанав. Хәәмсм минь, тадиһдан келхм,
эн — Коммуна партин болн Советин йосна нилч. Эдниг угаһар
бидн кен биләвидн? Минь иим тоолвр, ухап мана толһа, чеежәс
кезәчн хөөһх зөв уга. Ор-бээр уга, отг-нутг уга, тал-талдан тар-
валдж йовсн халымгуд негдәд, эврә автономн танһчта бәәдгнь...
Үрднь өсәд, төлжәд, бииснь йослад, әмтнлә әдл хөвтә, тегш зөв-
тә, улм өсх, өргжх хаалһд орсн, шунж йовхнь... цуг хамгин ил
герчнь.

Би, тегэд, алдр Лениһ партин Центральн Комитетд болн
тадид, үүрмүдтән, үнн седкләсн иим ик итклдти ханж, терүгитн
әмни әрүн даалһвран гиж күцәхин төлә арһ-чидлән, нам әмәг
чигн әрвлш угав гиж, андһаран өгчәнәв. Ханжанав тадид, үүр-
мүд!..

Асхлад, ора талан Жалыков герүрн ирв. Үүдн сөкгдм цацу
кен аашхинь үзәд уга йовж, хөмөстә күүкнь хойр һаран теләд:
«па-па-па» гисн, мальжһлзад тосв. Эцкнь күүкән һар деерән авн
өргәд, хойр-һурв хаяд хавлсн болад, хәрү тәвб.

— Папа кийтн, арһулджа, — гиж өкәрләд, толһаһиннь или,
деерк хувцан тәәләд өлгжәнә, адһжахш. Гергнь залуһай үзн, оц-

царсинь темдгнэ. «Иигдг күн бишлм, шуд шуугад, инэхэд орж ирдг бээнм. Чирэ-зүснь, бөөх өнгнь чигн талдан. Юн болсмб? Яһ-смб?» — гиж дотран хүүв кенэ.

— Хохал,— гиж арһул, жөөлэр келнэ,— конференц чилви? Умаран болва?

— Чилвэ, Катюша, чилвэ,— болж, гергэн ээмссинь үзж, төвк-цүлхэр Хохал инэмсгдв,— залуһичн даалһврта сөглэтр сунһва.

— Яһад?..

— Яһад гисн?— Жалыков инэнэ, зөрц сергилгэн үзүлс гиж, күүкэн шүүрч авад, биидэн шахад, хамрарн энд-тенднь һожһнуулна.— Централын Комитет, үүрмүд панд түдү дүнгэ иткжэх болжана, Катюша!..

— Чадхйчи, Хохал?— Екатерина Романовна өөрдж ирэд, өрчднь шахлдна.— Йөрөжэнэв!. Күндл болх, а?

— Гийгн бишнь ил, болв Жалыков партин даалһврас кезэчн хооран цухрад угань бас ил.

— Йоста Жалыков гидг энлм!— болж гергнь инэнэ.— Одак орж ирсн, эрэ көндрэд, үрвсн болсн, талдан күн билэ, а?

— Гентки деерм тиим күнд ачлһ ачад оркхла,— бүкл таһһч толһалж, зална гидг наадна юмний?— эс ээдг болвчн, зөвөр үргүв гихв-яхв?.. Көвүнчн яһла, Катюша?

— Һаза наадж йовна. Миша Иванов Заки Нуриев хойр ирэд, үүнд шимлдлдж билэ, һарч одцхав.

— Мөс орсн болкугов?

— Уга, конькинъ тер кевтнэ, авсн. уга. Нэ, су, хотан ууйа. Өлсж йовнчи?

— Йовна, Катюша, йовна,— гинэд Жалыков күүкэн буулһв,— мамдан од.. папачн һар-нүүрэн уһасв..

Тер даруһь эмсхсн, эңклсн Ваня-Маца орж ирв, на-ца хувцан тээлэд, эцктэн шахлдж йовна:— Кезэ ирситн үзсн угав,— гинэ.— Заки бидн хойр бултсн, Миша маниг хэн гиж, хэн гиж...

— Бултсн болхла, намаг яһж үздмчи? — болж Хохал инэмсглэд, көвүнәннь толһа илнэ.— Йов, һаран уһа, хотан уухм...

Йиринэ эрт босдг Жалыков, тер авъясан Москвад чигн эвдсн уга. Эн, гегэн орм цацу, хувц-хунран адһж өмсэд, һазаран һарв. Хотл балһсн дүүгсн-дүрклсн болад бээнэ. Өмннь гишн, өргн уульһичн туршар, хойр ик-ик бахнын хоорнд улан кенчр көндлн татсн: «ВКП(б)-н XV съездин делегатһрт халун менд!» гиж деернь бичэтэ. «Чамаг бас йөрөжэнэ, үр Жалыков» гиж ухалн, үрвэд, Улан талвн орс гинэд, һарад йовна.

Владимир Ильич Ленинэ Мавзолей тал ирэд, үүдн туснь зогсна: махлаһан авад, өкэс гинэд менрсн бээнэ. Кесг болад, һурв гекэд, махлаһан дарж өмсн, хооран һарна. Тегэд, телүки зогсад,

Мавзолей нээхнэ. Иим сээхнэр кеерулж, эврэ гидгэр чимж, модар бас кедгт өврнэ. Күндлгч харул янж зогсдгинь, кезэ, ямр кевэр сольгддг күртлнй оньнж соньмснэ.

Спасск бээшн деерк ик час — Кремлин курант эклэд цокад бээв. Хэлэхнй, — энүнэс төвнй уга гидг! — нээмн болчкж. «Йовж, невчкн хот ууж авчкад, ирнэв гиж, одж бичүлх кергтэ, — гиж Жалыков адһна. — Эндр, 1927 жилин декабрин хойр шинд, үдин хөөн, партин Арви тавдгч съезд көдлмшэн эклх эөвтэлм, ирчкэд, санамрлад, балһс нээхэд йовдг. Намаг хээж эс бээдг болхнй?..»

Тер кевэри Жалыков йовад, цуг кехэн кеһэд, хэрү аашна. Көл дорнй Улан талвнгин хад таш-таш гиһэд, тахта мөрн йовх мет. Курантс арв цоклһнла, эн Спасск үүдэр орад ирв. Харулч зогсаһад, цаасдын хэлэв.

Кремлин дотраһар йовхнй, соньн хамг дала, нүдн хальтрм. Ик чигн хонх дүнгэнэ. Зөвэр кемтрхәнй, — мууха зузан юмб? — иргднй кевтнэ. Хан-хонх гидгнй ил!.. Хол биш хан-товнй маңхана. Өөрнй дала сумн тонталдна, мана тецгс көвөн тарвсмудас тату биш.

Дарунь Жалыков Ик Кремлевок бээшнгин үүдэр орж ирв. Бас харулчир бээсн, саак цаасдын хэлэсн, негнй тиигэн ор гисэр заав. Тегэд, хувцан тээлэд, бийэн ясад, гилвксн сээхн цаһан хад дөрэ деегэр делгсн үстэ кевс ишкэд, кердг болһиг нежэдэр тоолсн мет өөдлж йовна: өмнэн хэлэхнй, хойр талнй чигн — шуд зүүдн, гилв-далв гиһэд, нүд авлм. «Хаадуд үнгэр йовж, һазадын, дота уга сээчүд сольвджасн бээшнд хар яста, харһу йовсн хальмг йосрхж, хүүвлнэ гидг! — Минь тиим тоолвр толһаднй орм цацу Хохалын бахлурт юмн тееглгдсн болад, кинй давхцсн, киилгин зах уутърсн болад одна. Болв Хохал бийэн хөрнэ: — Янжанчи? Ингтлэн урсад, хээлэд йовх... Бас чигн үзхчн дала, сагл!..»

Өөдөн һарад ирхнй, өмннй гилтэ «Д» үзг наадксас йилһрэд, «наар, наар» гисн болна. Ирэд, туснй зогсн, баахн шар күүкнлэ мендлэд: — Джалыков, — гинэ, — Хохал Манжиевич.

— Мендвт, мендвт, үр Джалыков, — гиһэд, тернй инэмсглэд орксн, шарһ нарн деернй мандлсн мет эргнднй гегэрсн болад одна. Күүкн кесг цаас өгнэ, негнд йовх сурвсмудт хэрү өгэд, бичэд үлдэтн гинэ.

Жалыков күүкнэ өөрнй сун бийэри удадхш, бичэд өгв. Генткн Хохалын ээмиг күн дарсн болад одна, эргх хоорнд: — Үр Джалыков!.. Харһна гидг эн!.. — болад, хэнкнэд бээнэ.

Эргхләнй, өмннй Киров хойр һаран делсн, маасхлзад:

— Хээртэ Хохал Манжиевич, менд! — гинэ.

— Сергей Миронович! — гиһэд Жалыков уралан ишкнэ. Цаадкнй татж авад теврэд, бийүри шахна...

Дарунь эн хойр онцлдсн, зөвэр таарч күүнджәнэ.

— Таниг, Сергей Миронович, Ленинградт йовхити би мед-

нэв,— болж Жалыков келнэ.— Тегэд амр бишинь бас меднэв.

— Чамаг, военком Джалыков, би нам геешэд хуурлав,— гиж Киров келжэнэ.— Иигж, Кремльд, съездин делегат, обкомин толнач болж ирж харх гиж, нэ болтха, санси уга билэв.

— Обкомд сунггад, Сергей Миронович, сар күцц болад угав, зөвөр жаһрта үүл гихэр.

— Учр уга, военком, шүлгч келдгэр, «амр манд зуг зүүднд орхас биш...» Нэ, дэжж гелнгүд гүвджэхши?

— Уга,— гиж Жалыков давси йовдл сергэж,— би танд амн үгэн өгси бээнм... Болвчи, күн гүвдж ханшго элмрмүд,— гинэ.

— Яһна?

— Зунаһа Манцын нутга гелнгүд хаана йосиг хэрү тогтахла, сэн болх билэ гилдэд, ном үмшлдж. Одак гүвдүлдг Хамба лам эдн Чемберлена нотын тускар сонси: «Ода Советск Эрэсэ хуурна гидг эн, түүнд кенчи маши, станок, көвч өгшго» гиж байрлж. Ямаран кишкэс гинэт!..

— Тернь тер, Хохал Манжиевич. Болв Ленинградт зөвөр кавжрта,— гиж Киров саналдв.— Мана орн-нутгин бээдл делкэд улм нэрдси учрар: Англьла дипломатическ залһлдан эвдрси, Польшт мана элч Войковиг алси, Китдин революц цаг зуур даргдси... Тер хамгиг олзлад, антипартийн баг «найн һурвна зура» һарһси, түүгэн «хойр зун толһан тоолвр» гиж, өөдөн үнлж нерэдси... Толһан то ухана то хойр ирлх зөв уга эсий, а?

— Толһа — толһаһарн, ухан — ухаһарн болхгов!

— Хэрнь гиһич. Болв тер антиленинск хэлэцтэ өздүгүдлэ ноолдан төгсэд уга. Тедн цокулад, күүчгдэд йовси бийснь хорлтан күргх саната, залһлдаһан-таслшго болси, дораһар, бултнһуһар харһж хүүвлж, хара бээлдхш. Съезд деер, хэлэжәһич, бас буда хутхар седх...

— Яһж тесэд бээнтэ, Сергей Миронович?

— Яһж гисн? Би, тиигтлэн, һанций?.. Мини эрки нөкд гидг эн!— Киров зун һаран өргэд, тавн хурһинь сарсалһна.— Негнь, партин Центральн Комитет. Хойрдгчнь, партийн зерглэнэ цеврнь болн ни-негнь. Һурвдгчнь, зун миһи һар питерск большевикүд, теднэ һурвна кеснэ хойр хувнь — көдлмшчнр. Дөрвдгчнь, жирн миһин көдлмшч баһчуд, комсомольцнр. Тавдгчнь, партийн биш актив, профсоюз. Тегэд, баһий?..

Ик Кремлевск бээшггин сүүрин залд цуг делегатнр ирад, орм-ормарн суулдчкси, съезд көдлмшэн эклв. СССР-н Совнаркомин ахлач А. И. Рыков һарад ирв. Эн, партин Центральн Комитетин нерн деерэс, түүнэ даалһврар, съездиг, ахр үг келж, секжэхэн герчлв: «Партин дотрнь бээх чик биш, хажһр хамгла залһлдата тоотыг кевтнь съезд уга кеж, партин цуг күчиг, цуг көдлмшч классин күчиг социалистическ обществ тосхх кергүр залх

гиг, үнн седклэсн нээлж йөрөһэд, большевикүдин Цугсоюзн коммунистическ партин XV-ч съездиг секх зөв суржанах»,— гив.

Съезд кевэри дегц босад, ниргүлж альх ташснд, Ик Кремлевск бээшн шуд өрггдэд һари гиж бээхнь, дунд алдахар негнь «Интернационалыг» эклэд авхла, наадкснь негн күртлэн дахснь лавта, ца-цааһан күнкнэд айслад бээнэ. «Басл сүртэ! Басл омгта!— гиж, дуулн бээж, Жалыков санна.— Күн болһиг дуудж омгшулсн үгмүднь өргмжтэ болчкад, зөвөр халун, түүгэн дахсн сээхн айслань авлцад... Басл айта!..»

Дун төгсв, цуһар суулдв. Съезд һардх президиум шиидх болсн. Кен-кенинь умшад бээнэ: сонсж йовснь чигн, сонсгдад угань чигн харһна. «Хэлэ, Киров,— гиж Жалыков таньдган йилһж тодлна.— Микоян... Орджоникидзе...»

Дарунь президиум орман ээлх болад, неринь заасн улс өөдөн һарлдв. Киров, Микоян, Орджоникидзе һурви зерглэд суулдсн, хоорндан ю-бис келэд, инэлдсн бээнэ. «Ээ, эн хойрла намаг Сергей Миронович хөрдгч жил Азербайджанд таньлдулсн... Мана сотньд XI-ч Ээрмин Реввоенсоветин күндтэ революционн Улан Туг бэрүлж өггдсн... Намд биидм кавказск чашк зүүлһгдсн...»

Съезд деер хайлгдх долан төр батлгдв.

Съезд йөрөх болж, үр Клара Цеткин үг авсн, цуг делегатир ниргэд, альх ташлдад, шуугад одна. Энүг, нер һарсн немш коммунистиг, һарад ирхлэнь, цугтан босад, альх ташж тосна.

Клара Цеткин Коминтерна нерн деерэс XV съездиг йөрөж, халуһар келснэ хөөн энүг президиумд сунһх селвг орж ирнэ. Делегатир дэки ниргүлж альх ташж, тер селвгиг дөццнэ. Цааранднь, түрүн сүүр чилн-чилтл, кесг фабрик, заводын көдлмшчир, тер мет крестьянствин болн угатя, яду хамгин нерн деерэс йөрөлин үгмүд келгдв. Тедн заагт Китдин компартин ЦК-н элч үр Ся Цуфан халуһар йөрөв.

Манһдурк өдрнь бүклдэн, өрүни болн асхни сүүр хойрулн, Центральн Комитетин Политическ докладт һарв. Энүг үр Сталин кесн, съезд цань уга гидгэр оньглж сонсв. Дарунь ЦК-н бүрдэмжин тооца болн Центральн шүүврин комиссин тооца өгснэ хөөн цуг һурви докладар күүндвр болв.

Декабрин тавнд асхар болсн сүүр деер Киров үг авб. Эн итклтэ гисн, тоомсрта гисн большевикин неринь сонсн, залд бээшн эмтн альх ташад, ниргэд одв. Жалыков үүнэс нүдэн авлго хэлэжэнэ. Сергей Миронович манхаһад һарад ирв. «Үүнэ зөрг, күчи, иткл һурвны! — болж Хохал байрли жилвтнэ.— Кенд чигн, юунд чигн нуһрж өгшго, шуд төмр гим. Тегэд чигн партыдан болн цуг орн-нутгтан олна дур ээлсн...»

Киров хоолан ясад, эклсн болла, келх дутман улм халад, үг

болһнь үзүрлэд, күн болһна зүркинд шаагдсн болад йовна. Жалыков тиигх дутман ю чигн алдх санан уга, Кировин амнас һарсиг хавлад тодлад бээнэ: «Мана кeргиг харшлт угаһар, сән аштаһар цааранднь чигн кехин төлэ,— гижәнэ,— оппозицин элчнриг эрвлж, сана зовж, күмни кевәр хоринь буслһл уга бээхин төлэ, би санжанав, ода болжах XV-ч съезд деер, урднь XIV-ч деер эс кесән, эрк биш күцэх кергтэ: мана оппозициг цань уга нег мөслж, цань уга чанһ болн аврлт уга кевәр авч хайх кергтэ...

Цуг хамг көл дор оралдж йовх, алң болж, маһдлж йовх тоот туужин садргт тусх зөвтэ, мана хаалһ гидг, зуг уралан, зуг диһлврүр!»

Киров үгән төгскв, болв келсинь таасж дөннжэхән илдкж, альх ташсн делегатнр кесгтән зогсж өгл уга бээв. Үүнэ келснь тедү дүнгэ седкл, уханлань ирлцсн йовдл гих кергтэ. Тегэд чигн съезд троцкистск-зиновьевск оппозицин шамдһа гисинь, Сапроновск багиг бас, партяс көөһэд, анд кеһэд, оппозицд орлцж, түүнэ хэлэц тархана гидг, партин зерглэнд бээлһилэ тас ирлцшго гиж зарлна.

«Селән һазрт кегдх көдлмшин тускар» гидг төрэр үр Молотов доклад кев. Энүг Жалыков икэр оньглж, цань уга кевәр соньмсж, ю чигн алдшго саната соңсв. Тиигдгнь учрта, юңгад гихлэ Хальмг таһһч бүклдән селән һазр болсар, цуг үүнд келгдх, темдглгдх хамг кергтэ, туста болхнь алдг уга.

Эн эркн төрэр съездин авсн шиндвр өөдән чинртэ болснь ил. Селәнэ эдл-ахуд социалистическ авг-бэрц цааранднь өргжэд, батрад йовдг болдгар пролетарск орн-нутг цуг эв-арһан олзлж-хиг, тер төлэд селән һазр классин политикиг чинрүлж нөрдүлсн, государственн зуралгч-диглгч нилчинь чанһасн, кооперативн тосхлт өргдүлсн, көдлмшч класс күч-көлсч крестьянствла хамцхиг батлсн хаалһар йовх кергтэ гиж съезд темдглв.

Негл социалистическ экономик үүдэх керг учрна. Тер төлэд производственн бээдлиг селән һазрт бас ондарулж, селәнэ эдл-ахуг машиндлх кергтэ болна. Тер хоорнд крестьянск үүрмг эдл-ахус капиталистическ авг-бэрцтэ улс элвхин көрн болдгт бас үүл бээнэ.

СССР-ин селәнэ эдл-ахуг коллективизацлх керг, партин хамгин эркн, ахлулх төр болж, аль-бис халхарн өргэр делгрж йовх зөвтэ гиж съезд заана. Тиигхлэ, өдгэ кемд эзнэ үүрмг крестьянск эдл-ахусиг хоориднь негдүлж, ик-ик коллективс кеж, ондарулх керг, цуг партин селән һазрт күцэх һол төрнь бөлж һардгнь тер чигн. Түүнлэ хамднь бас нег эрк биш күцэхнь — кулачествиг нег мөслж уга кех керг болна. Тер учрар селән һазрт капитализм делгрлт авшго болдгар, терүнд боомтг болх, крестьянск эдл-ахусиг социализмин хаалһар көтлх кесг шин эв-арһ олзлх кергтэ гинэ.

Партийн-бүрдэмжин кэдлмшиг ясрулж, угатя, татухи бээхтэ хамг дунд партийн үлмэг чаңһахин төлө Советмүдэр болн кооперативсэр бээдг угатынрин багмуд батлж, ялчир, угатынр дундас шамдһа, нүүрлгч болдгинь партыд элвгэр орулж авх, селэн һазра кооперативн болн советск органмудыг партийн кэдлэчирэр теткх болна.

Тер мет, Центральн Комитетд, губком, обком, окружком болһнд селэн һазрт кэдлмш келһэр онц энгүд һарһх болв. «Ахрар келхлэ,— гиж Жалыков бийдэн ашлвр кенэ,— Владимир Ильичин кооперативн зураг цааранднь күцэхин төлө мана партин кех ноолдана төрмүдиг съезд тодрха кевэр темдглв гих кергтэ».

Серго Орджоникидзе кесн докладар өргн күүндвр һарч, босж келсн делегатнр бээх дуту-дундсиг, эндү-хажһриг чигн нуувр угаһар илдкв. Эн төр бас Жалыковин онц оныг ээлж, икэр соньмсаснь лавта, юнгад гихлэ бийнь мел одахн күртл ОКК—РКИ толһалад, бас тер хамгар төр кеж йовснь ил. «Келэд, сонсад бээсн, цуһар эс болвчн мана таңһид бас харһдгнь, харһхнь чигн алдг уга,— болж Жалыков санна.— Тер учрар, тодл, Хохал, эмгн ю келнэ, яахла сэн гинэ, бичэ алд, ирчкэд, эврэ кэдлмштэн олэлж үз, үүрмүдтэн кел, за үлүдхн уга...» Тегэд, эн бийдэн бичж авснь: «Партин ни-негинь харлһнд болн дисциплиһинь чаңһахд ЦКК-н кесн үүлдвринь съезд таасв. Цааранднь чигн государственн аппаратыг ясрулж хасхд, бюрократизмлә ноолдхд ЦКК—РКИ оныган тусхаж, кэдлмшч, крестьян улсиг энүг күцэлһнд өргэр орулдг болтха гиж съезд заав».

Тийгэд Цугсоюзн коммунистическ партин XV-ч съезд кэдлмшэн төгсөв. 18 өдр делегатнр партин кех, күцэх эркн төрмүдэр хүүв келһэд, кесг-кесг чинртэ, кергтэ хамгиг темдглв. Эн съезд селэнэ эдл-ахуг коллективизацлх төр күцэхүр партиг залсн деерэн эдл-ахун тосхлтын халх болһнар социализм уралан дэврхүр белдсн съезд болж, туужд орв.

* * *

Съезд чилснэ хөөн Жалыков терүрн адһсн уга. Бүрүц ирсн айстан Москвад бас чигн бээһэд, кесг эркн кергтэ хамгиг эс хаһлхла, съезд зааж темдглсиг күцэдгнь бэг, нам баһ-саһар эклнэ гидг арһ уга. «Мана теегиг индустриализацлх болхла, түрүлэд кесг күчтэ-күчтэ төр күцэх кергтэ,— гиж Жалыков хурһ дарна.— Социалистическ промышленность өндөлһж, терүнд шүрү, күч өгхин төлө материальн-техническ, социальн болн нань чигн зүсн-зүүл көрй бүрдэх, түүг нег өдр, нег һазрас одад авчкдг юмн биш. Тер учрар экономик ясрулх, өргжүлх тускд хамгин һоллгчнь — селэнэ эдл-ахуг социалистическ хаалһд орулж ондарулх керг болх зөвтэ. Гегэн-герлин халхар бас кех, күцэх гидг — күзүцэ. Кезэнкэс күртсн харһһу тамиг гегэрүлхин кергт кедү күчн, чидл.

төгсгн кертгэ? Тиигчкэд, алькинъ чигн хооран саадг, эннъ бээжэг, хооннъ гидг арн уга, дегц, нег аю кех, күцэх кертгэ. Эсгхлэ кезэ, анж хальмг улсин оцл, харнгу болдгинъ ясрулж, наадк улсла тегшлж, тангчдан социализм тосхнав гихв?.. ЦК орх кертгэ, Совпаркомд, Госпланд одх...»

Тегэд, ЦК-д ирсн, кенэснъ эклдм гиж йовхнъ, Киров харйна, нуд байрлад одна: — О, Хохал Манжиевич, мезд! — гиж харинь атхна. — Хэрэд угавчи?

— Хэрхэс, Сергей Миронович, намд кертгэ, хамг күзүцэ. — Бидн Хальмггин түрүн балһс бэржэнэвидн. Хоосн тег дунд, хол... Одрхнэс нурвн зун дуунад... Яшкуль эс меднтэ? Терүнэс цааран бас зун дууна...

— Яшкулинъ чигн картар медхэс биш, одсн угав, — гиж келсн Кировин хэлэцэр болхла, ца, холдан ширтсн, талдан тоолврт авалдсн бээдлтэ. — Чамд, Хохал Манжиевич, намас кесг холван күнднъ ил. Би, келхд, питерск кэдлмшч классан босххла, намд эс күцэх юмн гиж йир уга, чамд... Хэрнъ, кецү, күнд харһад, чидл күрл уга бээхлэ, бичэ эмэ, дууд, бич...

— Ханжанав, Сергей Миронович.

— Учр уга, бээсэрн хувалцхугов, — болад, Киров ээм деернъ харан тавэд, дарад авна, — ода, Хохал Манжиевич, йовхм, үр Сергод одхм, нөкд болхнъ алдг уга...

Орджоникидзе күүрэн төгскэд, трубкан тэвн, стол эргэд харч ирв. — Нэ, мездвт, үүрмүд, — гисн, харан өгч йовна.

Киров харинь атхн бээж, Хохал тал заана: — Үр Жалыков, Хальмг обкомин даалһврта сеглэтр.

— Кедү маниг эн таньлдулхмб, а? — гиж Орджоникидзе инэһэд, Жалыковд харан өгнэ. — Мезд, военком Жалыков!.. Кавказд харһсн бээим, тинм кемиг мартж болдви? — Эн стол талан одад, телефоһар дуудна. — Анастас Иванович, орад ирж чадхвчи?

Удхш, Микоян күрч ирнэ. Цуһараланъ мездлэд сууна. Жалыковиг танһсн бээдл харсн уга.

Орджоникидзе мусхлэчкад, Хохал тал зааһад:

— Жалыков, — гинэ, — Хальмг обкомин даалһврта сеглэтр.

— Хохал Манжиевич, — болж Киров немнэ.

— Микоян, Анастас Иванович, — гинэд Микоян харан өгнэ. Жалыков босад, харинь атхна.

Киров Орджоникидзе хойр «пиш» хаһрад инэлднэ.

— Эн болжана, — гиж Серго дамбрлсн бээдл харһна, — таньдг күүһэн мартна гидг, сэн үндстэ үүл биш, а?

— Юн сэн юмн бээх билэ, — болж Киров йовулж өгнэ.

Микоян хулмлзад, эмэжэхнъ ил, Хохалд келнэ: — Кевйэлсн болнав таниг, зуг... кезэ, альд харһлавидн?

— Хөрдгч жилин май, Азербайджан, — гиж Жалыков нөкд болна. — Арвн негдгч Дэри...

— Военком?..— Микоян маннаһан цокна.

Эдн зөвэр таарад күүнднэ. Жалыков цуг зовлн-түрүһән нуувр угаһар келнэ.

— Тиим бээдлд шин һардач,— гинэд, Киров Хохалур заана,— альдас, ю авхан, яахан олж ядад алмацсн...

— Учр уга, үр Жалыков, манд юн кергтәһинь, яахла сән бол-хинь тодрха кевәр диглж өгтн, тийгхлэ, тана неквр хэлэж хал-лхд амр болх,— гиж Орджоникидзе келнэ,— нөкд болнавидн, билэ гидг зөв манд уга. Тиим эсий, Анастас Иванович?

— Тиим, тиим, Серго.

— Кемер нань чигн керг харһхла, дөн, селвг керглсн цагтан бичэ эмэ, Хохал Манжиевич,— гиж Орджоникидзе күүриг ашл-на.— Илднэ келхлэ, үр Жалыков, нигж өсж төлжсндчн йосар байрлжанав. Хэләтн энүг, Советин йосн ямр дүнгә түргәр күүг өскөд, өргөд оркдгин ил герчнь!..

— Мел үнн,— болж Киров зөвшәрнэ,— нутга военком йовсн, ода бүкл таһчин партийн организац толһалж, партин съездт орлцж, ямр эрки төрмүд халһж йовна?

— Үгин заагт, үр Жалыков, съезд ямаран болва?— гиж Орджоникидзе сурна.— Таасгдви?

— Таасгдви гисн?— Жалыков мусхлзад, Серго тал хэләсн, хойр нүднэ гилвкөд, герлтсн болад одна.— Съезд мана партиг зөрмг, нег мөслсн салдсннь үзүлвэ: насн баһ, цогцн бат, чид-лнэ дала!.. Зуг хортан дарх саамдан энд-тендән авсн шавнэ эд-гж өгл уга генүләд йовхлань, терүгән нам ях гил уга, нег мөслж шулулсн, ода тас эрүл деерән һарчксн бээхнэ лавта.

— Хм, ямаран сээхн дүнцүл,— гиж Микоян өврнэ.

— Хирург сән болад!— Киров Орджоникидзе тал зааһад, шог-лж йовна.— Шуд сана өгсн угалм!..

— Ассистентирм арһта эрмүд билэ!— Орджоникидзе хойр үр талан хэләнэ.

— Эдгсн болхла, салдс, эрчминь теднэ эрх, а?— Микоян инәнэ.

— Бийнэ эдгсн салдс, басл кех, күцәхән тоолсн адһж йов-хнэ,— Жалыков келхәр бээхән үзсәр маасхлзна,— олна ик машинг эрв уга эвдрсн... Деернэ, хэләхлэ, цөөкн улс, кулак, байн, зээсн болсн хамг залрсн; олар түлкүлсн йовдгчн. Салдс уурлад, деерк элмрсиг авч хайн, машинг ясад, эврәксән өөрән суулһж авад, тави жилэ ик ут хаалһд орсн, торвр уга одхнэ ил.

— Эннэ чигн эвртә төв!— гиж Орджоникидзе таасна.— Ямр сээхн эв-эвтән тусжана, а?!

Съездин шийдврмүдәр агссн, Орджоникидзе эднэ селвг-дөң-гәр омгшсн Хохал Жалыков хәрж аашна. Санань: Хальмг таһ-чурн ирн бийәрн хамг темдглгдсн, зуралгдсн тоотыг күцәхин тө-лө хаңцан шамлад шуух гисн... Поезд чигн үүнэ тоолвринь дахж

адһсар хаалһин ниилдвч болһнд «хард-таш» цокси, хурдлх дее-
рон һарчкснь лавта, дүүгэдл йовна.

Терз тус зогссн Хохалын нүднд делгүдэн цээж, үрглжлж йов-
си аһу гентки өнгөн соляд, толвтад, нам цасн мел уга болад,
борлад, харлад ирв. «Балһсн эклн гиж йовх кевтэ,—гиһэд, Жалыков
келтс гиж, өмнөн харвхнь, тедүкнд Ээдрхнэ һалмуд үзгдэд, цээ-
һэд, дуудсн болад бээв.—Хөрн доладгч иигэд чилж йовна. Шин
жил эклхнь юмн үлдсн уга. Намаг ирх гиж манахс эс күлэжө-
хнь ил».

Тер хоорнд поезд төмр тагтар күржинэд орж ирн, түүг шуд
циссэр давад һарад одв. Тиигх дутман паровоз гүүдлэн улм чаң-
һасн кевтэ: «Бичэ санаһан зовтн, би тадниг шин жилэс өмн күр-
гхв... күргхв... күргхв...» — гиж саамлж давад, сальк өрэд хурд-
лад йовна.

Гентки поездин шүрүнь хәрсн кевтэ гүүдлнь номһрад, нам
арһулдсн болад ирв. Тавар, тагчг йовси эмтн үүмлдсн болад ирв.
Хэлэхнь, түрүнь хош-хораһан авад, үүдн тал һарч йовна. Жалы-
ков бас босад, чемодаһан татж авч, үүднүр адһв.

Удсн уга, поезд живж ирэд, вокзалын тус зогсв. Паровоз,
чидлнь чилж күчндсэр, эмсхж, эңклж, һолан цокси, шиигэд-пи-
гэд зогсв. Жалыков һазаран һарад ирв. Ээдрхн үүг өөрдж одсн
сән өдрин, урһж йовх шин жилин байрар тосжахнь лавта: зүсн-
зүүл шам зүсн-зүүл өнг һарч шатсн, эмтнь земгә кеерсн, күн
болһн арһта гисән өмссн ил, инэлдсн, шууглдсн, байр-бахнь кем-
жән уга.

Жалыков тедүкн бээсн кәлгн тал ирн мендлчкәд:

— Канал тал күргитэ, ах? — гинә.

— Канал болхларн, альд? — гиж бөдүвр сөөлнкә дууһар жо-
лач сурв.

— Армянск тагтас хол биш, Ик Балдинск уульнц... Хойр дав-
кр улан чолун гер эс меднтэ, ах?

— Су,— гиж негхн үгәр жолач зөв өгв. Дарунь гиигн тергн
кеерсн балһсна уульнцсар хатрулад һарсн кевтэ билэ: торһсн
уга; Хохалыг герүрн авад күрч ирв. Тегэд, эн хойрдгч давхр
деер гүүһэд гишн һарн, бички хар товч дарад орксн — ца, гер
дотр жиннэд одв. Минь тер агчмла тоб-тоб гиһэд бички, шулун
кәлмүд держннэд хурдлж ирн: — Кемби? — гинә. — Кен аашна?

Хохал күүкнәннь ду соңсчкәд, дотрнь шуд хү кәллсн болад
одна, болв терүгән дарад, дууһан бөдүрүлэд келнә: — Цал буурл
сахлта цаһан аав ирж йовна. Шин жиллэ йөрөж, шикр, балта
түгәж йовнав. Эс альвлдг күүкст элвгәр өгнәв.

— Ма-а-ама!.. Цаһан аав ирвә!.. — гиж күүкн жиннэд гүүһэд
йовад одв.

Дарунь чаңһ-чаңһ йовдлар Катя аашна. Үүдн секгдэд одв.
Цаһан аавиг үзхәр седжәсн күүкн ца эцкән үзчкәд, невчк хулмл-

зад, алытрси болчкад: — Па-а-апа! — гиж хээкрэд, эцкүрн гүүв. Тернь өмнэснь тосад хавлж авн, бийүрн шахад, кесг саамлж үнрчлнэ. Күүкән теврн йовж, гергнүрн одад, халхаснь үмсэд оркна. Ца хораһас Ваня-Маца гүүһэд һарч ирв. Хохал көвүһән би талан шахн, толһаһинь илв. Тиигчкэд: — Нэ, Шин жилитн йөрөжәнэв! — гинһэд, һурвлахинь теврэд, тус-туснь үмснэ.

Гергнь инән бээж, үсэн ясад келнэ: — Хохал, герэд орийла, үүдн хоорид... Эмтн юн гих?..

— Яһна?.. Хажһрий.. — гиж Жалыков байрлсн, күүкән теврсн, көвүһән кәтлсн, герүрн орна. Катя инэж арднь дахсн, залуһиннь чемодан орулна.

— Ас нааран! — гинһэд, Хохал чемодаһан секэд, күүкидән сәэхн чигн наадһа өгнэ. Тернь дегд таасхларн, шуд чишкэд одна: белгиг авад, бийдән шахад, нааран-цааран хойр мел йовдлсн бәәнэ. Даруһ эвтәки фотоаппарат һарһад, көвүндән өгнэ. — Зург цокдг дас, Ваня-Маца, сонһн керг... Цааһас нег оралһата юм һарһна. — Катенька, — гинэ, — мә, чамд...

— Ханжана, — болад, тернь авн, юуһинь хэлэхәр секн, шуд чичрэд бәэв: көк торһн бүшмүд!.. Катя өрчдән нан йовж, ца хорад орж одла: удхш, шин бүшмүд өмссн һарад ирнэ. Нүр үздгин өмн хэлән, хойр-һурв эргчкэд: — Ханжана, белгдчн, йир таасгджана, — гинһэд залуһан үмонэ.

— Мама, — гичкэд, Ваня-Маца хойр эркәһән үзүлнэ, — йосн актриса!..

— Катюша, — Жалыков чемодан тал заана, — шикр, балта йовна...

— Эднчн, Хохал, белгәрн төр келдэд, нам ю чигн үзж, меджәхш. Би эврән чигн деерлжәхшив...

— Катюша, ямаран бәэвтә?

— Гем уга, үрвэд...

— Нэ, тиигхлэ, хуучн жилән үдшәхм, шинән тосхм, — гиж Хохал келнэ, — би һар, нүүрән уһанав, тадн тоовр белдтн...

Жалыковихн дөрвүлн суулдсн, зандрсн сәэхн жомбаһар урһжәх хөрн нәэмдгч жил тоссн, байрта, бахта, ик-бичкн уга амулн, тиньгр бәэлднэ.

Зурһадгч бөлг

Шин жилиг Эәдрхн цасн угаһар, хоосн хар цодар тосла. Ода чигн цасна зүүлтә юмн уга. Хүүрә кинтн нег кевәрн, хәрнь, салькн үзүрлэд, нам үдин нарид невчк тәвгдж дуларсн болхш. Жалыков эн хамгиг оньгтап авхш, балһсна цутхлнгар, уульнцас уульнцур орж дөтлсн, драмтеатр тал адһсн йовна. Эндр, январин йионд секгдх Эәдрхнә партактив деер эн доклад кеж, XV-ч съездин тускар келж өгх зөвтә, тегэд, өрәлхн час үлдсн... «Январин

йисн... Январин йисн...— гиж гентки толһаднь төөрнэ.— Хөрн
хурвн жил хооран, эн өдр хаана церг Петербургин кәдлмшч улс
лаһад, туужд Цуста воскресенье болж орад үлдсн... Хөрхн хурв-
хн жил дотр ямаран ик хуврлт һарв? Эмт хатн гиж йовсн хамг
элд?.. Халһж, дажрулж йовсн хамг ода ямаран?..»

Эәдрхн балһсна партактив кәдлмшән эклв. Ахлгчнь энүг ахр
үг келж секәд, XV-ч сьездин делегат, партин Хальмг таңһчин
комитетин даалһврта сәгләтр үр Хохал Манжиевич Жалыковд
үг өгчәхән зәңглв: театр дүүргәд хурсн балһсна коммунистир
ниргүлж альх ташв.

Жалыков трибунур һарч ирсн, альх ташлһн нөвчк номһрхинь
күләжәнә. «Минь үүнд, иигж Сергей Миронович кедү дәкж зөгс-
сн болхв?» — гиж санна. Тер агчимлань урдсар һалвлсн 1919
жил толһаднь орад, кесг хамг сергәгднә. Балһсна иргднь гишн
цаһачуд ирчксн, энүг авхар седж, шүд хазжах цаг. Ташр Троц-
кий «Эәдрхиг өгчктн, экләд нүүтн» гисн. Киров түүгинь буруша-
һад; өөдән зәңглхлә, Владимир Ильич сунһуг илгәсн: «Эәдрхиг
сүл күртлнь харсх кергтә» гисн. Тегәд, минь эн трибун деерәс
Сергей Миронович: «Эәдрхнә эргид ор һанцхн болвчн коммунист
үлдсн хөөннь Ижл һолын бахлур советск билә, бәәнә, басчн бәәх»
гиснь, Владимир Ильичин сунһугд хәрү болн балһсна большеви-
күдин андһар болж, цуһараһинь омгшулснь лавта.

— Үүрмүд! — гийһәд, Жалыков докладан эклв.— Цугсоюзн
Коммунистическ партин XV сьезд селәнә эдл-ахуг коллективиза-
цлх төр күцәхүр партиг залсн деерән эдл-ахун тосхлтын халх
болһнар социализм делгрхд белдвр кегч сьезд болж туужд орсн
мөн..

Тиигж партийн сьездин туужлгч шийдврмүдиг тархалһна кәд-
лмш Хальмг таңһчд эклв. Жалыков цуг партийн, советск болн
һань чигн активин өмн тодрха төр тәвб: онц күн болһнд, күч-
көлсч болһнд күргж, эрки чинринь цәәлһж медүлж, темдглсинь
күцәлһнд өргәр орлцж, шундг болдгар делгү кәдлмш кетн гиж
заав.

Жалыков «Улан Тег» газетин редакториг дуудулна. Тернь ирн,
сүл һарсн кесг газетмүд даалһврта сәгләтрин өмн кевтхинь, зә-
рм-зәрм ормсар улан бекәр татж-татж орксиг үзнә: «Керлдхәр
бәәнә,— гиж дотрнь киит дөрәд одна.— Ода юн болад одсмб?»

— Уралан су,— гиж Жалыков өмнән заана,— күүндх кергтә.
Бичәд, барлад бәәситн хэләсн, тату, тодрха биш, эврә үлгүр баһ.
Ав эн газетмүдән,— болад, хамад өгнә.— Сәәнәр, оньглад хәлә,
ажгл: альд, яһад татсинь ол, медгдәд бәәх. Онц даалһвр өгхәр —
«Селәг коллективизацлх төрмүд» гиж, шишлн статья белдх керг-
тә. Терүндән сьездин шийдврмүдәр һардвр кеж, мана таңһчд, ма-
на бәәдлд темдглсинь яһж күцәхлә, сән болхиг цәәлһж, үзүлж,
медүлх кергтә. Бичә икәр адһтн, болв бичә удтн..

— Тана нер тэвхмб, Хохал Манджиевич?

— Уга,— гиж Жалыков бурушав,— мини нер тэвхлэ, терчи заавр болж харх... Сув-селвг болдгар кех кергтэ. Бичэд авад ир, хамдан хэлэхм... Мел дарунас малын халх кооперацин кедлэчирин съезд хурахар бээнэвидн. Тиигхлэ, ор-ханцхнд орхнь олчидлэн негдүлхлэ, амр, сэн болдгинь үзүлж, олз-оруһинь зааж тодрха кевэр бичх кергтэ. «Ханцхн модн һалд өр болдго» гидгил үлгүрэр цээлххмн...

— Съезд гинтэ?— болж редактор соньмсна.

— ТОЗ, эртүл болн нань чигн тиим негдлтсин делегатнр хурж, яах-кеехэн хүүвлн гижэнэ.

— Тиигхлэти, Хохал Манджиевич, тер статьяд һоллгч орм ээлхнь кооперац эс болжану?

— Мел мөн,— Жалыков зөвшөрсэр кесг гекв.— Түүнд бээх дуту-дундыг илдкж, нуувр угаһар заах кергтэ. Тернь — негн. Хойрдхла, дуту-дундыг яһж уга кеж, яахла сэл болхинь, үлгүр болм нийцэ, негдл ю кедгинь, яһдгинь үзүлж бичх кергтэ. Нурвдгчнь — күн болһн нийцэнд орулж өгсн малар олна сүрг бүрдэж өскх, өөдлүлх төр. Тер тускд альд, ямр дамшлт бээнэ? Хамгин эрхнь, дөрвдгчнь, худлар үүдсн колхозмуд харһдгла ноолда кех төр. Байн, кулак болсн хамг негдэд, колхоз болсн болад, государствас дөн-дамжг авчкад, тарж оддг йовдл бээнэ. Тииминь олж, ичринь барж, илднь заатн. Болв, сэн үлгүр, туста дамшлт бээхлэ, хажуһарнь һарч биш, нээһинь олад, умшсн болһн меддгэр, иткдгэр бичх кергтэ. Хэрнь, тер, хээртэ үр редактор...

Бадм Майоров йовад одв. Жалыков босад, көл-һаран тинил-һэд йовн бээж, ухална: «Одак,— гиж һарсн редакторин ард хаагдсн үүдн тал хэлэн санна,— арһта залу, чадмг, медрлтэ. Хөрхн долата-нээмтэ. Тер бийнь ю эс кеж йовба? Хөртэдэи — нутга воешком, хөөннь чигн... Ода болхла, хойр газетин — орс хальмг хойрин редактор. Гем уга бичнэ, келнь сэн, хурц, төв. «Таһичин ээнг» түрүн номертэн «Юуна тускар газетд бичхмб?» гидг статьяд ямаран тодрха кевэр зааж: партин XV-ч съездин шиидврмүд цээлһж күцэх керг; бээри Советд суңһлһиг сэн бүрдэмжтэ, өөдөн политическ кемжэнд белдж күцэхин төр, күч-көлсчирин арһ-күчинь эдл-аху өөдлүлхд, нег үлү, малын халх, заһсна халх, кооперац өргжүлх керг; хальмг улсин эрдм, сурһуль, эрүл-мендинь делгрүлх төр гиж. Тиигхлэрн, кедлмшч, угатя, яду хамг олар олна төрт орлицг болдгар, газетд тедн бичэд, барлгдад бээдгнь айта. Шин үгмүд һарч ирсн: марксист, экономист, пятилетка, колхоз, оппозиц болн нань чигн хамг, терүг умшач меддг, тодлдг болдгар ямаран эвинь олж цээлһж өгнэ. Күүкд улсин чинринь өөдлүлх, тедид оньг өгч, олна төрт орлцулхд газет онц оньг өгнэ. Ахрар келхлэ, газет чик хаалһд йовна. Тернь — редакторин күчн...»

Жалыков ормдан ирэд сууна: — Пуф,— гинэд, гүүнэр саналд-на,— кех-күцэх улм немэд, дор-дорасн, ца-цааһасн төр һарад, не-гнь негнэсн кавжрта, нэрн, эрхн... — Эн өмнөн кевтсн цаас авад хэлэнэ. — Эврэ таңһчин керг баһдсн кевтэ ода талын улсин, тед-нэ һазр-усна тускиг халһхд бас орлцх болад бээвүв...

Тийгдгнь: Дора Ижлин край-гинэд һарх болсар, терүнэ ханьд Ээдрхнэ, Сталинградск, Саратовск һурвн губернь деер Хальмг таңһч орх болсар Центральн Комитет бүрдэмжин бюро гиж үүдэсн, терүндэн Жалыковиг бас оруулж. Тернь юмб гихлэ?— Шинэс үүджэх крайин партийн организацин түрүн конференц, Совет-мүдин негдгч съезд болн профсоюзин, комсомолын халхар бас тийгж хурах керг учрв. Хурахас урд тедниг белдх кергтэлм. Кедү кех, күцэх һарх?..

ЦК-н бүрдэмжин бюро негдх губернь болһиг, Хальмг таңһчиг бас, онц-онцднь шинжлх болж, теднэс цуг халхар күцц, тодрха то-диг некнэ. Эндү, хажһр орад одх гиж саглси, деернь биидэн сэн гидгэр йилһж авс гисн Жалыков цуг бел кегдсн то-дигиг, ашлвр болһиг оньглж хэлэсн, басл арднь орсн бээнэ. Тегэд, шин крайин ханьд оржах Хальмг таңһч зөөрэрн, чидл-гүүдлэрн яма-ран гихлэ?— Советин йосна түрүн жилмүдэс өдгө күртл, арвн жил дотр ондарад, мел талдан болснь алдг уга. Эмти чигн, эдл-ахунь чигн хуврж өсэд, өргжснь лавта! Болв хоша бээх, негджэх губерньслэ дүнцүлхлэ, ода чигн теднэс хол тату.

«Тернь учр уга,— гиж Хохал Манжиевич эврәннь тоолвран ашлна,— дала ээх юмн уга. Үүнэсичн хол дор йовснь темдгтэ. Арһулджати, цагнь ирхлэ, тер дуту-дундыг уга кеж, аль-бис хал-хар таңһч тегшрхнь алдг уга. Мана үүрмүд — ээдрхнэхн, аһши-хн, шартухн дөң болх, чидлэн хармлх уга. Бидн негдхлэрн, нег-негидэн нөкд болхар, нүдн-амн болхар, өсхэр, өргжхэр тийг-жәнм...»

Жалыковин иим тоолвр, нээлмжиг таңһчин арвдгч парткон-ференц улм батлв. Энүн деер ЦК-н бүрдэмжин бюро шин край яһад, юуна төлэ һарһгджахин тускар тодрха цээлһвр өгэд, ода деерэн крайин Үүдэгч түрүн партийн конференц белдвр яһж кегджэхин тускар шишлң тооца кев. Бүрдэмжин бюро докладтан Хальмг таңһчин тускд илднь иигж заав: үүнэ кемжэ, кирцэһинь өөдлүлж, Дора Ижлин крайин дундын үзмжд күргх төр — край-ин партийн организацин кех, күцэхин эрхн гиснэ негнь гиж.

Дарунь, 1928 жилин сентябрь сард, крайин Үүдэгч парткоп-ференц болв. Деер келгдсн хамг йосар батлгдж, тер тоотыг кү-цэлһн шин һарси крайкомин оньгас алдрх зөв уга гиж заагдв. Эн конференц деер Жалыков партин крайкомин болн үүнэ бюрон членд сунһгдв.

Хальмг таңһч шин крайд орсна туснь түрүн өдрэс авн үзгдэд бээв. Жалыков крайпланд бийнь одна, зөв-учран күргнэ: — Таң-

Һч ода күртл тави жилә зура уга бәәхиг, терүг кеж, диглх эрдмтә улс угаг, таниг, хәэртә үр, медтхә гихәр. Тегәд, маһа тиим дуту дундыг мартл уга, кезәчн тодлж, дөң-нөкд болж йовти гиж сур хар...

— Таңһч ода күртл тави жилә зура уга гидг — дегд, — гиж крайплана ахлач келнә, — тиигхлә, тана облланыг дөңнх кергтә Мел эндрин бийднй бүкл бригад экономистыр йовулнав. Кедү кергтә болна, түдү бәәх...

— Ханжанаһ, танд, — гиһәд, Жалыков босад, һаран өгнә. — Эһәрнй нег күрәд ирти, хальмг һазр-ус үзхт, биисинй медхт.

— Ханжанаһ, — гиж цаадкнй зөвшәрнә, — эрк биш однаһ. Эн-дәс, күүнә келәр үзж меджәхәс, эврән одад һарси талдан... Санаһан, Хохал Манжиевич, бичә зовти. Кеһр тана таңһчд кергтә гихлә, крайплан хармлх уга, үгән өгчәнәһ. Танла иигж таньлдсидан икәр байрлжанаһ. Сән күцмжтә, өөдән үзмжтә йовти гиж йөрәжәнәһ. — Эн хойр бас нежәд һаран атхад сална.

* * *

Хөрн нәәмдгч жилин хавр земгә жөөлн, сән таалта болв. Хурчиг хара биш болсар дулан йиринә дуту угань ил, эргид мел көк-рәд, ноһарад, басл айта: сад болһн оһн зүсәр цецгләд, канкнад, аһар гихлә, киһлж күн ханшго.

Жалыковихн асхна хотан уучкән, унтхас ода чигн эрт болсар күн болһн хув тускарн төр кесн бәәнә. Ваһня-Маца умшжасн дегт-рән аһад, тагчг болж одв. Ёунта Наташа һаадһаһан унтулжаһ бәәдлтә: буһид хухр-хухр гинә, дала юм келси болна, сәәтр медгдхш. Екатерина Романовна һилх Надюшкдан, һарад хойрхн сар болси отхн күүкндән көк өгчәнә, үүһләһән күүрләд: — Биди иим ик болчкән, һапа маһиг сәәтр үзәд угалм, һам таньшго, а? — гиж, бичкн хамртнй хурһнаһнй үзүр күргж, әрә көндәһәд өкәрлси сууна. Заагарнй кесг хамг толһаднй орад, сергәгдж йовна. «Наташаһ зөһәр муудан орж һарһси, тегәд, эмчир дәкж бичә гисн... Хохал, кесг һамас көлтә әәж сүрдсндән, һам бас һарһ гиж ам аһһасн биш. Болв яһр бичкдүдг дуртаһинй эврән меддг төләдән зәрәд үлдәси... Ода әһлм — Надюша...»

Генткн «кор-кор» гилһад үүд цокв. Буһид һааджасн Наташа босн, чинһсәр ормачкад, үүднүр заав.

— Ванечка... — гих хоорид көвүн бийнй гүүж босад, үүднә һохиг тәәләд оркв. Үүдн секгдәд одв, цааһас орж аашх эцкән үзн, Ваһня-Маца тосуд сарвләд, шаһлдж йовна.

— Па-а-аһа! — гиж Наташа хәәкрн, хойр һаран өргәд, гүүж аашна. Хохал күүкән хавлад гиһн аһад теһрси, уралан һарад, гергндән күрн, халхаснй үмсәд оркв.

— Нә, цуһар мендвт? — гинә. — Яһж бәәнәт?

Екатерина Романовна көк өгдгән төгскәд, күүкән өөдән кепәд, чирә бийинь эцктнь үзүлнә:

— Хәлә, папа, ямр маниг болсиг!..

Нүр-һаран уһасн Жалыков, бичкән өвр деерән бәрсн, Наташан өвдг хооридан шахсн, байрнь дүүрн, цальгрн гисн, маасхл-зад бәәнә. Көвүн хот кежәх эхдән ю-күүнднь нөкд болж йовна. Эн хойр йир ни-негтә, хооридан эңкр бәәхнь Хохалын нүднәс алдрсн уга. Тиигх дутман үүнә байрнь улм деврнә.

— Би, Катюша, тадниг авхар ирүв,— гиж арһул Жалыков келсн, шуд бу хагдсн мет болад, көвүн тергн хойрнь чочсар ор-малдад, нег-негнүрн хәләлдәд одна. Терүгинь Хохал кергтән эс авсар немнә: — Өрүндән машин ирхм, ю-күүһән баглад, белн болх кергтә. Би үд күртл кергән күцәж үзләв, үдин хөөн йовад бәәхм...

— Элстд бидн элд бәәхмб?— гиж Ваня-Маца сурна.— Балһсн ямаран?

Жалыков түрүләд ю келхән олж эс чадад: — Элст, көвү минь, шинки өндәжәх балһсн,— гинә. — Ода деерән дала юмн уга. Болв үүнә иргчнь, Ваня-Маца, сарул. Танһчиннь хотл болх, теегиннь һолта зүркнь болх хүвтә. Мана бәәх гер шинки бәргдсн, Ленинә пертә уульнцар, балһсна цутхлнд бәәнә. Хойр давхр, арви зурһан пәтьрта, дүмбр юмн. Бидн хойрдгч давхртнь һурви хора эзлх болжанавидн. Эмтн нүүһәд-нүгшәд, пер уга. Тадниг ода күртл көндәл уга бәәдгм — Надюшкиг невчк боожтха гиһәд...

Гиигн машин теегин хату хаалһар жирс-жирс гиһәд, хара биш харһсн нүки, адрун болсн хамгт цокгдад, көвкләд йовна. Арднь ачлһта машин дахлдсн, икәр хоцрж үлдх санан угав гисәр, басл чигн бәәсэн һарһсар дүүгәд дүркләд, шил нүдмүдәри шилвкж, төгәс дораснь һарсн шар тоосн нигт будн болж өөдән халһрад чиргдәд йовна.

Өмн суусн Хохал, тоолвртан авлгдж үрглсәр, тагчг, нүдән ань-сн болж йовсн, гентки гедр эргәд: — Хәләтн, гөрәсд!— гинә. Тарһн бийснь, әрә бийән дааж гүүлдж йовна.

— Басл келнә!— болж Ваня-Маца инәнә.— Хәләхит, бийән әрә даах биш, һәрәдж йовх һәрәдлһинь!

Цуһар чигн, Наташа күртлән, терзүр ширтсн, хурлзәд, хурд-лад һарч йовх сүргин ардас хәләлдж, һәәхмж, өврмж кесн йовна.

— Оо, һәрд, мел ик бийәри!— гиж Ваня-Маца деер делсн шор-у заана.— Доран шуд менрч одж гихм...

— Энчн, көвү минь, һәрд биш, элә,— болж Хохал келнә,— һәрдин нислт гидг — талдан!..

— Эрк биш намд үзүлтн, нәйн?..

Асхлад, һарн хурдндан ори гиж йовх кемлә, машин хурдлад ик толһа деер һарад ирв. Жалыков ардан эргәд хәлән, залачд

келнэ: — Зогсаһич, һарад, көл-һаран невчк тинилһий. Ачлһта машин күцж ирхинь күлэй...

Цуһар буулдсн, кацкисн камбин үнртэ теегин цевр аһар киилж, эргидэн һээхсн бээнэ. Хавр земгэ хурта, чиигтэ, жөөли болсн учрар урһмл берк күч авч һарснь алдг уга. «Идг сэн, хааран харвчн — шалу! — гиж Хохал дотран байрлна. — Дор ормасн экләд хадж болхмн. Тегэд чигн мал-харин чинэнь өөдэн, тарһн бийснь, хөд шуд миитр-миитр гилдэд.. Саахн гөрөсд хэлэж йовсн, эрэ бийэн дааж гүүлдж йовналм».

Гентки эн деер һәрд үзнэ. Тернь тенгрт хадгдж одсн кевтэ хойр живрэн утднь делчкисн, нег ормдан менрсн, тас көндрсн болхш.

— Ваня-Маца, хэлэлч, хан һәрд! — гиж эцкнь өөдэн заана. — Живрэн мел көндөхш!..

Көвүн берк соньмсж, кесгтән тагчг һээхж бээһэд: — Икл деер йовна, басл омгта, хэлэхд.. Талдан шовун нам тесж өөдлнэ гишго.

— Наадад хан болсм биш, — болж Жалыков келэд, көвүнәннь ээм деернь һаран тәвэд зерглэд зогссн, бас һәрдәр төр кеж һээхнэ. — Ик кермд ик усчлт гиж өвкнр хара келсн үг биш, көвү минь. Терүг медж йовх кергтэ.

Тер дарунь ачлһта машин эдниг күцж ирэд, хахсн-цахсн болла — таг болад одв. Залач һарч ирн, көлән һәрт буулһад уга йовж, дөрә деерәс сурна: — Элстән һээхжәнтэ?

— Элст гинтэ? — Ваня-Маца залач тал эргэд, худл-үннинь эс медж, алмацсн бээнэ.

— Элст мел өмнчн бээнэ, Ваня-Маца, — Жалыков өргәри заана. — Ода эн толһа деерәс буухла, балһсар орад бээхвидн..

— Хм, балһсар, — гиж көвүн алһтрсн, Элст тал нүдән өгсн зогсжана. — Балһсн гихэс, бийнь уга. Цөөки гермүд, нам нег модн чигн шоваж көкрснь үзгдхш.

— Бичә адһ, көвү минь, түрд ги, — болж Жалыков сапалдана. — Ода деерән Әәдрхилә эдлцж өгшго, хол тату, нам балһсн уга. Эврсән, эврә һарарн, күчн-чидләри Элстән босхж... Удх уга ямр сээхн, эвтәкн, өдгә балһсн болдгчн!.. Йоста хотл болдгар элвгәр мод тәрэд, көкрүләд, бийинь кеерүләд, цөцглэд, дүрклэд бээдгәр кехвидн. Эрк биш кехвидн!..

— Аль цага юм келнэ? — гиж Екатерина Романовна иткхш. — Жалыков, невчк татхла, яһна? Келхд — амр, кехд.. Модн урһх-угань...

— Урһх-угань гисн? — Жалыков доран өсрэд гишн авна. — Чи, Катюша, иткжәхм бишвчи?

— Уга, — гиж гергнь инәнэ, — хүүрә тег дунд, халун һанд, усн уга һәрт...

— Арһулджа, гемән сурдг үүл учрхла, тегэд медхч, — гиж

Жалыков эврәһән келн бәәнә.— Эн гермүдин цааһар, дора, Эли-стинка һолын көвәһәр ик парк бәәнә: нурһлж хар модн, ик-ик юмс, савиһәд, сарсаһад, сүүдртә бийһы!..

— Һол бас бәәни?— болж Ваня-Маца байрлна.

— Бәәнә, бичкән юмн, нам Болдаһас бичкн...

Жалыковихн бәәх гериннь һаза ирәд буулдн, хойрдгч давхрт һарлдад, патьрарн орв. Хойр эләдхн хорань хоосн, эдниг күлә-жәхнь ил. Һурвдгч бичкһәрнь Хохал бийдән көдлмшин хора кесн, энүндән зуг бәәдгнь: стол, хойр стул, эвтәкн орн тер хамгинь гер-члнә.

Эцкиннь хораһур Ваня-Маца орж ирн, хоосн эрст өлгәтә пистул чашк хойриг үзкәд: — Ого!— гиһәд, өврн соньмсад одна. Эн уралан зогсад һәәхнә. Дәәч кавказск чашкнь дегд кс, сәәхн: бәрмткнь һәрдин толһа дуралһж кесн, хойр нүдинь бичкн-бичкн бадм чолуһар нүдлсн, цааһаснь һал шатсн болад бәәнә. Пистулнь бас зөвәр өвәрц болдг өңгтә, юңгад гихлә энүн деер, чашкднь чигн, цаһан мөңгн халад сиилж бичснь дегд сүртә: «Х. М. Жалыковд — күндтә революционн селм — XI Эәрмин РВС» гиж.

Көвүн чашк пистул хойриг деерәснь илж үзнә: «Иим бийһы ам аңһаж келсн угалм,— гиж Ваня-Маца дотран һундрхсн болна.— Уга, нуухар биш, тиим, көөрч эс чаддг, караг-жараг уган үүл. Одахн Улан Туг орден авсинь зуг газәтәс бидн медвш...»

Генткн эцкиннь адһн уурлсн болсн дун: — Ваня-Маца яһлачи? — гиһәд одна.

— Энд йовнав,— болад, көвүн гүүһәд һарна.

— Ю-кү зөөлцхнчи, ора болж одвш...

Удсн уга, Жалыковихн хош-хораһан әмтнә дөңгәр герүрн орулад, певчк төвкисн, шин ормд Екатерина Романовна бичкн хот кесн, хотан уух болад суулдна.

* * *

Хальмг таңһч түрүн тавн жилә зураһан күцәхин төлә шунмһа ноолда кеж, цуг халхар делгү өслт, өргжлт теткхәр седжәхнь ил. Болв дуту-дунд, тату-тартг элвг болсндан, альк чигн тускд зөвәр жаңһрта бәәдл учраж, басл мууд орна. Өдгә промышленность уга, техническ эрдмчир, дамшлтта көдлмшчир хатяр, төмр хаалһ тас уга, автокөлгн бәәнә гисн нерн болдгнь, ямаран зөөр, көрн альд, кедү бәәхнь йилһрәд уга, әмтн болхла, теегин туршар энд-тенд, салу-салу йовдг хамг басл харш болна.

Хамгин түрүнд заһсна халхиг болн селәнә эдл-ахуг өргжүлх төр ахлв, юңгад гихлә таңһч цаһан заһс болн хар түрс орулж өг-лһәрн орн-путгт темдгтә орм эзлж, сән тохмта маларн, өөдән чинртә махарн, торһн ноосарн нег үлү йилһрх болв. Эи тоотыг күцәхин төлә делгрүлж, социалистическ авг-бәрц ахлулх керг учрв. Тиигхләрн, угатя, яду хамгиг негдүлж, коллективизацлх

кемжэг 31 процент күргэх төр тэвгдв. Болъ терүгинь Москва хасад, 24 процент үлдэв. Тийгхлэрн, бачм, адһмта кевэр негдүлхд танһч одачн белн биш гиж заав. Нег аю һазр эд-бод келһиг өргжүлхд ик оньг өггдв. Келхд, Ик Дөрвдиг буудя урһадг нутгт тохраж, тарэнэ аһуг 91 миңһн гектарт күргх темдглгдв.

Тегэд, тавн жилэ зураһар болхла, Хальмг танһч өдмгэр болн нань чигн тэрэ-темсэр бийэн кевтнь теткдг болж, малас авгддг эдл-уушин һарциг зөвөр өөдлүлхиг күцхмжн.

Эн тоотыг күцэхин төлө делгржэх ноолдаг партин танһчин комитет, үр Жалыков толһачта ахлси, коммунистир ВКП(б)-н XVI-ч конференц орн-нутгин цуг көдлмшч, крестьян улсиг оларн социалистическ дөрлдэ делгрүлтн гиж дуудсинь халунар дөннж шунв.

Дарунь танһчин комитетин болн ОКК—РКИ-н негдси пленум болси деер партин XVI-ч конференцин дигин тускар үр Жалыков доклад кев. Тер мет, Хальмг парторганизацид цеврлһ кехин болн колхозн тосхлтын тускар бас өргн күүндвр һарв. Теорийд болн политическ бээдл-жирһлд баруһур хажидг йовдлла нег мөслж ноолдх болж, мана танһчд гихлэ, шишлң оппозиц уга болвчн, түүнэ үндстэ нег му — эврэ нутг, ээмг ахлулдг, эврәһән татдг, өөрнч шинж бээдгнь илдкгдж, терүг уга кех шиидвр авгдв. Коммунистир XVI партконференцин тогтаврмудыг нег дууһар дөннж, партин зерглэг цеврдхх төриг эрки гиж, эрк биш күцэгдх зөвтэ гиж батлв.

Хальмг танһчд партцеврлһ кех болж, Москваһас шишлң комиссь ирнэ. Эшүг танһчин комитетин бюро, Жалыков толһачта, тосж авад, тер чинртэ төриг яһж, альдас эклхинь хүүвлси бээнэ.

— Мана керг гидгтн, үүрмүд, нэрн, цань уга болһамжта, күчр кинэн болх зөвтэ,— гиж комиссин һардач келжәнэ,— хамгин нэрн элгг мет, талын ю чигн алдх зөв уга. Үүгөр орад һарна гилдг, ө-шуһу, бүтү дотрар орж һарснас тату бишнь лавта. Танһчин һардачһрас авн эклси сән болх гиж бидн санжанавидн. Зүг кенэс эклхинь эврсән, үүрмүд, йилһтн.

— Юуһинь йилһхв?— Жалыков үүрмүд талан хэләнэ.— Һардачһрас эклси мел чик, юнгад гихлэ эдн цеврдж авчад, тийм көдлмшиг нутгудар цааранднь кен гижәнэ. Тийгхлэ, дамшлт кергтэ. Түрүн хэлэхд тэвн күн эс болхий?

— Болх, болх, Хохал Манжиевич.

— Тийм болхла, намас эклэд бээтн.

— Уга,— гиж комиссин һардач келнэ,— бидн түрүлэд тер тэвн коммунистин туск цаасдын хэлэж шинжлнэвидн. Цааранднь партийн хург хуранавидн. Зүг терүнд кен болвчн, партыд уга чигн улс орлцж, ямр чигн сурвр өгч чадх зөвтэ. Мана тоолврар болхла, тедн хамгин эрки гиси «зарһч». Кен, ю кеж, яһж йовсинь үзж, медж, сонсж йовси, тедид аэх, эмэх, геех юмн уга. Бо-

лв бас нег батлхм, үүрмүд, ним: хажр, हुндах, хорсах чигн сурврмуд харххла, бийэн бэрх кергтэ, уурлхм биш, зөвтнь, бод гиһэд, болм дүнгэ хэрү өгх кергтэ. Коммунист гидг ямаран бат, цевр, тевчгү болдгинь үзж, медж, тодлж йовдг болдгар... Үлгүр биидэн кедг болдгар..

Зөвэр ут хораг дүүргэд гишц хурсн эмтн суулдна, партийн хург эклчксн бээнэ. ЦК-н шишлн комиссин толһач босад, цугинь бүртксэр, захас зах күртл гүүлгэд хэлэчкэд эклэд келв.

— Үүрмүд,— мана халх төр негн болсар бидн нигэд, тана таңһчд партцеврллһиг эклжәнэвидн. Хамгин түрүнд үр Джалыков Хохал Манджиевич, партин таңһчин комитетин даалһврта сеглэтр, хэлэгдн гижәнэ. Хохал Манджиевич, уралан һартн, нааран,— гиһэд комиссин ахлач столын өнцгт бээсн стул заана. Жалыков һарч ирэд сууна.— Урднь цеврллһ кежәсн биш, тегэд, цуһар меддг болдгар, ямр диг-дара ирлцгү болхинь цээлһэд өгчкхэр. Түрүлэд хэлэгджэх күн бийиннь тускар ахрар келж өгх зөвтэ. Хургин улс, сурврмуд бээхлэ, эмәж, хорлдан угаһар сурх зөвтэ. Даруһь үг келх улс үг авад, келж чаджана. Медгджәни?

— Бээнэ!— гилдсн болад одв.

— Нэ, тиигхлэ, Хохал Манжиевич, таниг сонсжанавидн. Келтн.

Жалыков босад, бас цугинь захас зах күртл харвад авна: таньдгас эс таньдгнь элвг болж медгдв. Эн хоолан ясад, хойр көлән доран селвсн болчкад келв: — Би теңс көвэд угатя күүнэ өрк-бүлд 1887 жил һарлав. Арвн һурвтаһасн авн эклж, заһсна халхар көдлж, шүүгүлд чигн, салгудар чигн йовлав. Бичкидән кашевар болад, өсхлэрн, шуд харһсинь кедг болсн, нам плотовой орж, эмт һардж көдллэв.

1918 жиләс авн большевистск партин член болдв. Советин йосна түрүн өдрәснь гишц үүнэ цергләчнь болж, Яндһа-Мацга нег эәмг толһалж, ахлач йовлав. Өрәлхн жил көдлэд, нутга военкомд сунһгдад, гражданск дән чилн-чилтл церглүв.

1921 жиләс авн таңһчин военкомин нөкднь болад, ревтрибунал толһалад, заһсна халх һардад, ОКК—РКИ ахлад, 1927 жиләс авн партин таңһчин комитетин даалһврта сеглэтр болж йовхм эн.

— Болви, Хохал Манжиевич?— гиж комиссин ахлач Жалыковур хэләв.— Немх юмн угайи?— Тернь «юуһан немхв?» гисэр хойр ээман холькв.— Тиигхлэ, намд сурвр бээнэ. Ксн, юн болж альдаран сунһгдж йовсан келтн гихэр. Бас чигн сурвр өгх улс бээх, санамрдх зав өгшговидн, тер учрар ахрар, тодрха болдгар хэрү өгчәтн.

Жалыков уха тунһасн болжаһад, хоолан бас нег ясад келжәнэ: — Эәмгин нутга Советмүдт сунһгдж йовлав. Цугхальмгин Негдгч съезд деер таңһчин ЦИК-н членд сунһгдсн кевәри эндр күртл болав. 1921 жиләс авн партин таңһчин комитетин болһи үүнэ бюрон член болдв. Дора-Ижлин край һарснас авн крайко-

мин бюрон болн крайисполкомин член бас болв. XV' партийн съездин болн Цугсоюзн Советмүдин съездин делегат сунһгдж, эднэ көдлмштн орлцлав. Мана Улан Цергин арвдгч өөнд правительств намаг Улан Туг орденэр ачлла. Ахрар келхлэ, минн туск, үүрмүд, эн. Алдг чигн һарсн, бичэ эмэтн, суртн.

— Суутн, Хохал Манджиевич, суутн,— гиж комиссин ахлач босв.— Үр Жалыковд сурвр өгх күн бээни?

— Бээнэ,— гинэд, тал дундаһар нег залу босад одв. Зөвэр ик оврта, тарһндан шихисн, тешкэсн ик гестэ, дүүрн чирэтэ юмн: инэг-инэг гисн, бээдлинь хэлэхн, «энүгитн бэрэд авчкув!» гиж хээкрн алдсн тиим. «Одак Шарвин гидг эсий?» гилдсн болад одв. — Ээ, Шарвин!— гин, залу сурвр өгчэнэ.— Та, Жалыков, дэн уга цагла дээнэ орден яһж авсмта? Кен, юнгад, яһсндтн өгсмб?

Жалыковин цуснь көл талас өөдөн хагдсн болад, чирэнь ирвлээд, халу дөрөд одна. Ууртан бүтэд, хойр нүдн уутьрсн болад, хэлэцн киитрэд одна. Болв бийэн хөрэд, сана авч киилэд келнэ: — Кен, юнгад өгсиг Республикин Реввоенсоветэс суртн гихэр. Намд болхла, чашким атхултн. Яһж хүрүлхлэ, шүрүтэ болдтинь, ямр кевэр хортна толһа өсргдгинь эврэн меднэв, үзүлж чадхв.

— Тана өгсн хэрү чик, Хохал Манжиевич,— Капуков, дор ормасн босв,— зуг үүгитн дээнэ шидрэр йовад уга, дэрин үнр үнр-кэд уга күн күцц медшго. Тегэд, таниг дээч хаалһан келтн гихэр.

— Келтн, үр Жалыков, бичэ эмэтн,— Василий Хомутников тендэс дөнив.— Чикнь сертэдг, нүдн бүлтэдг болдгар. Эврэн медж йовг, ижлдэн келж йовг!

— 1918 жил билэ, зөвэр үүмэтэ цаг,— гинэд, Жалыков тодлжана.— Яндһа-Мацгт, таһч биидн эк татж, хальмгуд, баахн көвүд негдүлж, партизанск авцта отряд бүрдэсн, зертэ-зевтэ 33 цергч болсн... Дээч матросск отрядла хамдан демиж. Ээдрхнэ шидрк Чолуна эргэр, Яндһа-Мацга аэмгүд, хотар һарлдад бээсн үүрмг бандс дарж, ик замар, теегин туршар бээх комендатурс харж, Кизлярин нааһас авн Ээдрхн күртл диг-дара теткж бээлэвидн. Тернь — негн.

Хойрдхла, отрядын тоог өскэд, 150 күргсн, бүкл сотнь болж, XI-ч Ээрмин медлд орж, Мөңгтин Шуурһчин, Жимбиевин бандсиг күүчэд, толһачринь бэрж, пролетарск зарһин һарт өглэв. Губревтрибуналын шийдврэр тер андд хагдла.

Һурвдхла, нутга военком болж, 1918 жил Яндһа-Мацга 1400 хальмг цергт йовулсн, теднэс Хальмг революционн түрүн полкс бүрдсн болдг. Ташр 7500 көдлмшч улс хураж, күч-көлснэ фронтд орулж өглэв.

Дөрвдхлэ, 1919 жилин эклцэс авн 1920 жилин дунд күртл ма-на Яндһа-Мацга нутгт бээршсн XI-ч Ээрмин нег эйгэ штабин даалһвр күцэж, дээнэс тас һарлго гишн цаһачудла ноолдж йовлав.

1919 жил цаһачуд мана нутгар шурһад орж ирэд, Ээдрхи балһсн ээмшгтэ бээх цагла, байн Глебов гиһэд, Чолуна волостной ахлдг, политическ банд толһалж босад, эөвэр чинвр үүдэхлэ, эврәннь сотнярн терүг дарад, алдгинь алад, үлдсн тэвн һурвинь штабд өглэв. Орһдул, бултул болж банд һарсн Эрдниев, Нимгиров эдниг, 60 өздүгүд бээсинь бэрэд, бас штабин һарт өглэв.

Цаһачуд Шин Салг тал дэврэд, тенд мана флот бээршж, һазра цергт дөң болж, Ижл полын бахлуриг харсжасн болдг. Тегэд, штабин зақврар Яндһа-Мацга сотнь аашсн цаһана цергиг тосж цокад, холдулад көөсмн.

1920 жилин май сард XI-ч Ээрм цаһачудыг Хальмг теегэс көөһэд, Кавказар орулх саамд мана сотнь үүнэ нег энгнь болж, бас күчр кевэр ноолдсмн. Тер кевэрн бидн Бакуд күрэд, түүг советск кеһэд, цаарлад, Евлах станц деер Гянжа балһснд бослап болсиг дарад, диилвр делдж, гражданск дээг чилэж, хэрж ирләвидн.

— Танд, үр Жалыков, өмннь ачлвр бээли?— гиж зүсвр залу сурна.

— Бээлэ. Хойр дэкж революционн күндтэ селмэр ачлгдлав. Реввоенсоветин зүүлһсн пистул чашк хойртав.

— «Ода яһад орден өгсөмб?» — гиж сурдг хара сурвр биш,— гиж комиссин ахлач келнэ.— Энүнд би хэрү өгнэв. Жалыковиг даалһврта сеглэтр болхас урд, һурви жил хооран, Хальмг таһичин һардвр үүнэ кесн ачинь тоолж, өөдэн үнлэд, 1924 жил үүг орденэр ачлтха гиж правительствэс сурсмн. Тенд эн төриг хэлэһэд, даруһас темдглгдх Улан Цергин арви жилэ өөнлэ харһулж ачлхмн гисэр үр Жалыков 1928 жил Улан Туг орденэр ачлгдсмн. Медгдви, тегэд? Хэрнь тер. Ода сонж күн һарһх уга гиж санжана. Бас кен, ю сурхар бээнэ?

Сурвр өгдг тешиһр залу ардан эргэд оркснд дорнь бээсн стул яагад-яргад одв. Эн ардан зерглэд суусн залус тал ширтэд, нүдэрн бэрж идн гисн болад бээв. Тиигхлэ, цаадкснь хоорндан түлклдсн болад үүмлджэнэ. Болв негнь арһул босв, тетисн болад суржана: — Жалыковиг байн күүнэ көвүн гиж сонслав. Эврэ шүүгүлтэ, эрвинцтэ бээсн, эмт нээмэдлж, эртүл бэрж йовла гиж. Үний?

— Таһи худл! — гиһэд, Жалыковиг хэрү өгтл, хээкрэд, Элдэшк босв.— Би меднэв, хамдан, хойрули көдлж йовлавидн! Һанцхн би биш, мана теңс көвөхн цуһар меддг — хоосн дөз билэ. Худл гихлэ, тер Иван Михайлович сууна келх.

— Угатын угаты билэ,— болж Новиков ардас дууһан өгв.— Байн болхла, салгт көдлдви?

Бас нег залу босв.— Үр Жалыков, таниг кү гүвдхдэн ик дурта гинэ. Үний? Баһуда хурлын гелнүгүдиг шилврлж, малас дорар

туусн бээжт. Бораша Тавк гелнгин геринь булаж азад, Далвнт бийдэн бэрүүлсн, дотркнь мел үстэ кевс бээж гинэ.

Жалыковин халхнь ирвлээд татгдад одна. Эн араһан зууж тесэд, арһул келнэ:— Гелнгүд гүвдсм үнн. Дэн дотр, цаһачуд орж аашхла, Лаган деер дала зер-зев, хувц-хунр, хот-хол хортна болн гижэх учрар, нань нөкд кедг улс уга төлэд, гелнгүдиг сурхла, бийärm наад бэрлдхлән, тесж эс чадад цоклав. Тегэд, теднәр ачулад, тер дала зөөриг хортна өргн дорас авч һарлав. Энүгити цуһар меддг юмн. Үр Киров үлү гидгәр керлдж, хажһрим заала. Лавта, гем мини билэ.

Гелнгин гер булаж авч гисн худл. Далвнт модн герт бээлэв, зуг кенэс авч бәрсинь медхшив, юңгад гихлэ намаг нутгур ирхд тер гер билэ. Дотрнь үстэ биш үсн уга кевс уга бээсиг әмтн келх, суртн. Үр Надбитов, үр Новиков эдн үзж йовснь лавта.

— Таниг, үр Жалыков, кү цокдган ода чигн хаяд уга гинэ?— болж бас негнь сурна.— Көдлжэх улсла дегд модьрун, аюдан нам хээкрэд, му келдгчнт. Одахн Шартуһас ирсн студент тана хорас уулад һарад гүүжлм.

— Көдлмшт уурлх, керлдх чигн харһна, инэх бас учрна. Көмр кенд болвчн уурлсн айстан му кесн болхла, хар седкл угам ил, бичэ өөлтн гиж сурхар. Студент көвүнэ туск орта. Би таңһчин культштурм толһалжах төләдән цуг культармейцнрлә харһад күүндлэв. Олн дотрас нег көвүн өвөрц болж медгдв: бээх бээдлнь чигн, өмссн хувцнь нег үлү. Тегэд, энүг үлдәжәнэв. Бээдлнь дегд зута: һордһр цаһан шалврта, дүд цаһан башмгта, деернь — делвәсн шиләвк, күзүнднь — зер-цоохр галстук, һартнь — сармлсн тайг... күүрләд, ю-кү сурхла, тас хоосн, ю чигн медхш. «Дассичи энви? — болжанав.— Юунь му?— гижәнэ.— Чи минь эи кевәри нутган орхарий?— болжанав.— А яахм билэ?— гижәнэ.— Чамаг эцк, экчн, тегэд, таньһи? Үргх угайи?— болжанав.— Үргэд чигн бээх, зерлг юмс,— гижәнэ.— Эх, чамаг!...» — гиһэд, уурлад, бүсән таальх хоорндм зулад эрллэ. Хойр-һурв эс орасидан әвр һундрхлав. Болв чинһхнь, эк-эцк талан әмтнә дүнгәр одсн зәңгтә билэ.

— Сурһульти ямаран? Ю чиләлата?— гиж бас нег зүсвр күн соньмсна.

— Сурһуль угав, школд орсн уга билэв, эврән даслав.

Комиссин ахлач босв.— Үр Жалыков школд эс орснь үнн. Болв үүнә медрл, дамшлт, политическ белдвр гидгнь өөдән сурһульта күүнәс тату биш. Тегэд чигн парть, Центральн Комитет энүнд ним ик даалһвр өгэд, иткэл, бүкл таңһч һардулад йовдгнь ил. Терүгинь үр Жалыков эндр күртл үнн седкләри, йоста коммунист кевәр күцәһэд, цусан чигн, көлсән чигн әрвлл уга йова. Миниһәр болхла, үр Жалыков партцеврллһиг сән гидгәр, илднь, чикднь лавба. Зөв гисити һаран өргтн гиж суржанава,— болад, комиссин

эхлач харан өргв. Комиссь цугтан эдниг дахад, цуг хурсн улс бас терүүд багтв.

Мел эн кевэр, нэрдүлж партцеврлһ кеснэ ашт, партин зерглэнэс 247 күн харһгдв. 313 күн партийн шоодврла харһв. Буру үндстэ хамгас тийгж сулдад, таһчин парторганизац тер хоорнд хойр зун шаху кедлмшч, угатя, ялч улс зерглэндэн орулж авад, зөвэр батрв. Тооһарн жигн баһрсн уга. Иим төр күцэлһн партин чипринь цань уга гидгэр өөдлүлв.

* * *

Партин крайком Хальмг таһчин бээдл-жирһлинь гүүнэр шинжлж, олна экономическ кев-янз тегш биш, дегд зер-цоохр гиж ашлна. Тернь юмб гихлэ? Индустриальн пролетариат угань — негн, ода чигн хуучна, кезэнк авг-бэрц бээһань — хойр, арсм-дерсм, кедг, кулацк татврта, байжхан хээдг хамг харһдгнь — һурвн. Тийм болсар кели-эмтнэ политикин тускд шовинистическ хэлэц һоллад, талданар келхлэ, аль-бист орсмуд деерлкж эзрххэр седсн бээнэ гиж, крайком темдглнэ. Терүнэ хажһринь медл уга зэрм хальмг коммунистнр «ассимиляторск» хажилт кеж, илднь келхлэ, орсин авг-бэрциг эврәһэсн өөдөн тоолж, эврәһән һолж, бииснь ондархар, хүврхэр седнэ гиж, крайком бас заана. Хойр хажилт хоорндан өөрхи болж, нег учр-утхта, нег күслтэ төлөдөн өдр-бүрин кедлмшиг партийн чик хаалһар залхд икэр харшлна гиж, крайком илднь келжәнэ.

«Тернь лавта,— болж Жалыков шуукрад, хартан бээсн цаасн дээр эрэлэд юм бичсн болла, хооран кеһэд оркв,— зуг бас нег, теднэс тату биш хажилт бээнэ, тернь хальмгуд эврәһән ахлулдг йовдл. Крайком энүг тас сергэж уга. Болв тийм буру юмн бээхинь би эврән меднэв. Тийгхлэ, эс үзсн болж нүдән аньх, эс сонссн болж чикән бөглх зөв угав. Эсклэ, өөрнч хамгла, нутг, ээмгән, һарсн-төрсән татдгла негдхлэ, сән юм үзүлшго. Алькинь болвчн унгарнь чавчх кергтэ! Тер төлэд партийн, советск, комсомольск организацсин шунлтынь улм өөдлүлж, кедлмшинь чанһа, Жалыков!..— Эн босад, терз тус одад зогсна: цань юн болжахиг, яһ-жахиг һээхсн бийнь тоолвран хаяд уга.— Ленинградцир, хөрн тави миңһнэ тоод ирсн 109 коммунистнр, кедлмшч классин элчнр, сән дөң болжахнь алдг уга.— Жалыков XVI партконференц деер Кировла харһсан санна. Зовлц-түрүһән, дуту-дундан келэд хуваалцхла, Сергей Миронович маасхлзад, ээм деернь һаран тэвэд келснь: «Толһаһан өрг, үр Жалыков! Түүнэс үлүг даасн бидн ода дандхмб? Уга!.. Хөрн тави миңһнэс нань, талнд, чамд, дээч үүртән, дөң болтха гиж, питерск кедлмшчнр-большевикүд онц йовуланав. Сээнэр, эвинь олад нөкд ке. Тедн ю даалһвчн, ардинь орад кехэс чидлән, медрлән, дамилтан эрвлх уга, нег үлү, олд дунд сурһмжин-политическ кедлмш кехэс. Эн халхиг, Хохал Манджи-

евич, чаңна. Эврэн конференц деер сонсвч, социалистическ дөрл-дэн гиһэд, ямр өөдөн чинр зүүжэхиңь. Энүнд үлү шууган-дууган тас керго, хоосн амн бас зокшгө. Бичкн чигн болг, зуг лавта кесн, күцэсн, амд керг альдн чигн ахлх зөвтэ».

ЦК-н Политбюро «Делгү коллективизац кегдсн һазрмудар кулацк эдл-ахус уга кехин туск төрмүд» гидг тогтавр һарһна. Терүнэс иштэ Хальмг таңһч бас кулакудан класс кевэрнь уга кех болсн, комиссь бүрдәһэд, облисполкомин ахлач Пүрвән Анжурар ахлулна. Болв ЦК бичэ адһтн, саглтн гиж, күцэх зөв эс өгнө. Ташр хоцрһу баһ кели-эмтнэ һазрмудар коллективизац кехин тускар талдан тогтавр һарһна. Бээрн партийн организацисиг нүүрлгч аграрн райодар коллективизац яһж, ямр кевэр кесинь бичэ дурахар седтн гиж саглулв.

Болв эн тогтавриг таңһчин һардвр арднь орж күцэхэр седсн уга. Эдн хойр эңгрэд, үгдән багтл уга түлклдв. Нег талнь — ЦК-н зааврас давж болшго гиж зүтксн даалһврта сеглэтр дахсн улслаһан болв. Талдан хажуднь — үүнэ дарукнь, бас бийән дахсн улслаһан. Эдн бээрн авг-бэрц муухн меддг, болв деерэс ирсн, нүдн-амн болх, дөңгән күргх гисн шижтэ үүрмүд негдж нурһдна: бидн юуһарн, келхд, Шартуһас татув, ю хээж саглхв, үкс гиһэд, коллективизац кеһэд хуурулхмн гиж адһна.

Уг сүүлдн, Жалыковиг угад бюро кеһэд, 1929 жилин декабрин 24-д «Делгү коллективизац — цагнь ирчксн төр» гидг тогтавр авна. Энүгэрнь болхла, нээмн нутгин һурвнь (Ик Дөрвдэ, Баһ Дөрвдэ, Манцин) һучдгч жилин хавр эклтл, коллективизац келһиг төгсэх, наадксн — өрөлдүлх даалһврта болж.

Һурвхн сар дотр тиим эркн чинртэ төр күцәнэ гидг — дегд күнд, болшго юмн гиж Жалыков тоолад, бас нег хүүвлэд, эшүнэ болзгинь хооран сааж үзий гисн селвг өгнө. Бюро деер даалһврта сеглэтриг тоота күн дахна, ик зунь тогтавр мана чик гилднэ. Даруң хурагдсн пленум бас тер тогтавриг батлна.

Үүрмүдн — таңһчин комитетин болн бюрон члед — коллективизац келһнэ эрүн учрар омгшулгдсн, цань уга сән, күцэх гисн ссдклар адһжахинь Жалыков медэ бэәнэ, тегэд, мини келсиг төртән авсн уга, селвгим дөңһсн уга, бийим дахсн уга гиж өөлжэхш. Зуг үүнэ ээдгнь — талдан һазрт, икэр төрө тэрдг, урһадг улс дураж, тедниг дахлдж, адһж коллективизац кех гисн мана таңһчд ирлцшго гижэхинь темдг. Керэ һалу дахад уснд чивдг мет гиж эн сансн бийнь, бюро пленум хойр һарһсн шиидврт багтл уга, терүг күцэл уга бээшгов гисн, Жалыков чидлән, эв-арһан, күчән эрвлхш.

Ода, бюрон шиидврэс иштэ, шин колхозмуд дор-дорасн һарад, тонь иклэд, олна эдл-аху өссн, өргжсн болад, шуугадл йовна. Тиигх дутман, түрүн колхозн хавр өөрдх дутман, Жалыковин ээж, саглж йовсн илдэд, бюрон шиидвр, коллективизац келһиг

адһахми гиснь хажһр болж, тернь зүн тал хажилһж, буру ашан үзүлэд ирнэ.

Коллективизац келһнд дегд йос уга кевэр адһчкснь нуувр уга. Энд-тендэс ирсн зэнгэр болхла, эмтнэ дурила, седкллэ тооцдг хуурсндан шаху. Келхд, невчк уха туңһаж, орхв-бээхв гижэсн күүг сельсовет тал дууддгчн. Ирхлэнь, ахлачин өөрнь пистул ил кевтдгчн, мендлхлэнь, мендин ормд сурдгчн:

— Советин йоснд дуртавчи?

— Дурта.

— Тиигхлэ, колхозд яһад орхшив гиһэд, аальлад бээшэч?

— Би орхшив гисн угав.

— Тиим болхла, сэн,— гиһэд, цаас өгдгчн,— мэ, эрлһ бич, орулж автн ги...

Иигж колхозд орулна гидг — йосар күч үзүллһнь ил. Күч-көлсч крестьян улсин нүднд коллективизац келһнэ чииринь, алдр учр-утхинь бууруллһн. Зуг энүг үзэ, медэ бээсн бийнь, Жалыковд «бичэ, сагл, арһулд» гидг арһ уга. Эврәһән кежәнэ, мана шиидврлэ зөвшәржәхш гихнь бас бәәнэ. Эн, таңһчин комитетин даалһ-врта сегләтр болвчн, партин член, тиигхлэ, олна шиидврәс һарх зөв уга, терүг, седкллэнь эс ирлцвчн, күцэлцх зөвтэ.

Зуг тиим учр-утхинь кесгнь эс медж, нам халурхад, «төмр» Жалыковиг нуһлад, эврәһәрни кеһэд авчксн болж, өрггдэд бээв. Тер хоорнд партин Централын Комитет тогтавр һарһсндан, колхозн тосхлтд эврә сән дур ахлулхиг некж, деерәс зааж «шахд-гиг» бурушах кергтэ гив.

Мел даруны гилтэ, февральд, ВКП(б)-н ЦК хоцриһу йовх келл-эмтнэ райодар коллективизац келһнэ туск төриг хойр саамлж хэләһэд, өмн йовх, нүүрлгч райод дураж, тедниг дахлцхар седсн эндү гиж, һазр болһнд эврә, бәәри авг-бәрцлэ ирлцүлж, ямр эварһ, янз сән болхинь халәж кехиг некв. Болв тиим тодрха заавр, сәэнд орхар седж чеежәр адһсн, түрүн йовудын ашар омглж, земгә халурхчксн манахст, эс күрснь һундлта.

Баячудын мал-геринь авч, шин совхозмуд, колхозмуд олар бүрдәлһн, социалистическ эдл-ахун өсж батрлһн ар һазрар клас-син ноолдаг цань уга гидгәр хурцдулж, һал авад, түүмр шатхд күргв. Кулакуд, эднә сөөвнүднь тагчг чикән атхад бәәжәхш. Эдн әмт хутхж, мал-герити колхоз өңгәр, кевтнь авчкх гиж ээлһсн деерән, Советин йос му келж, дала хов-жив тархаж, олна кергт харшлдгнь давад ирв. Эднә үгд әмти орад, мал-герән тараһад, алдгинь — алад, уга кедгинь — уга кеһэд, эвтәлэд авчкв. Нучдгч жилин үвл, хавр дотр таңһчин малын һурвнань уга болна. «Шуд шулм, эрлг шуучад, тасчад авч одснас дор»,— гиж Жалыков шуукрна.

Зүн тал хажиж, коллективизац келһнд йосн бишәр адһж, күч үзүлсн хамгиг кулакуд болн урдк цаһачуд алдсн уга. Әмт хутхад,

альхд чигн дораһар харшлад, олна зөөр үрәһэд-тараһад, түүмрлэ харһулдг деерән, давад, шунмһа активистирин эмнд хорлдг болад ирв. Тернь баһ гисн кевтэ, Советин йосна өмнэс түкрэд, эн бээж тадниг амрашго гиж хордана. Тегэд, Баһ Дөрвдэ һурвн ээмгөхн негдэд, Ик Маллан, Ик Бүһс, Баһ Бүһс һурвна залус, 100 һар улс, зертэ-зевтэ бослда кеһэд, бууһан-селмән авсн, нутга цутх-лң — Баһ Дөрвдиг авхар һарад йовна. «Ставкиг авчкхла, Сталин-град, аль Элст орхнь медгдх!» — гиж хээкрлдж йовдгчн. Зүг бээрн милиц үкс гиж зэнглэд, Сталинградск милицин дөнгәр тер сөөднь эдниг тараж көөһэд, уга кесн...

Тингжәхнь, Сталинэ бичсн «Күцмжәс толһа эрглһн» статья барлгдсн дару, «Колхозн жисэнд партзура хажигдснлэ ноолдхин тускар» гидг партин Центральн Комитетин тогтавр һарад ирв. Колхозн тосхлтд орлцлһн — эркн биш эврэ сән дурна йовдл гиж терүнд дәкн заагдв. Ик процентин төлэ зүткж, күч үзүлж кол-лективизац кедг бурушагдв.

Жалыков эн тогтавриг авад, кесг саамлж, цань уга гидгәр оньглж умшад, «яһвчн, минн чик болж һарвш!» — гиж дотран санал, байрлхас биш, нег чигн күүнд ам анһаж, «кен зөвтэ бээж?» гиж сурсн уга. Тернь бас учрта. Тиим хажһр шиидвр һар-снд эн хамгин түрүнд бийән гемшәжәнә. «Чи, Жалыков, даалһв-рта сегләтр болж, юнгад эс тедниг үгдән орулж, күцц цәәлһвр эс өгвчи?» — гиж бийнь биидән сурвр тәвэд, хәрү өгч чадхш. — Тедн, үүрмүдчн, колхозн тосхлтын теоретическ болн практическ учр-утхинь сәәнәр йилһж, медж уга гидг тер. Бас чинн гем!..»

Таһичин комитетин бюро ЦК-н тогтаврар мел дарунь хойр дәкж ик күр кеж, урдк эндү шиидврән чиклхин төлө терүнд ямр хажһр бәәсинь йилһж, тодрха кевәр зааж, кесг эркн, бачм керг-үүл күцэхиг темдглнә. Һардгч парткөдләчнрәс онц багмуд бүр-дәж, нутг болһнур йовулна. Эдн дор ормднь негинь олж, зүн тал хажилдж, йос эвдсн хамгин эндү-хажһринь чиклх болна. «Адһад, ик процентд авлгдж, коллективизац келһнд буру һарһсн улсиг хөрж, теднә эндү, хажһринь зааж медүлх кергтә. Эс медхлә, кень чигн бийәсн үзг. Адһсн күүкн аавиннь баран биид гиж, мана өвк-пр наадад келчксн үг биш. Эмт әәлһэд, күч үзүлэд колхозд орул-дг, йосрхж, деерлkdг хамгин унгинь таслх кергтә. Тиимин хаалһ манаһас талдан болх зөвтә. Болв, үүрмүд, саглтн, цуһар тиим бишнь нл. Ю-күүһинь йилһж, сәәтр медл уга дегд давулад, эрә-синь үлү эргүлэд, тараһад оркдм болвзат. Тингхлә, эндүһәс даву эндү һархнь алдг уга: жола алдрж одн гижәнә. На-ца гилдэд, коллективизац келһән хаяд, аюднь тәвэд хуурдм болвза. Уха-сә-гәһән алдл уга, бод гиһэд, эвинь олад кех кергтә, — гиж Жалы-ков эднд сүл заавр, селвгән өгнә. — Йовтн, партин әрүн үгиг күн болһнд күргж, толһаднь ордгар, зүркнднь багтдгар цәәлһтн».

Жалыков бийнь бас әмтилә дару-дарунь харһж, шин тогтав-

рар күүндвр кeж, түүнэ учр-утхинь илднь, нуувр угаһар келж өгнэ, бээрн үлгүрэр илдкнэ. «Юн чигн юмнд, үүрмүд, эндү һардг зөвтэ. Зуг түүгән медж, бийән гемшэж, чиклхән хэәнэ гидг — орн-путгт биш, онц күүнд земгэ тоомсрта йовдл. Келж-келж, энтн ма-на медрл татун, дамшлт уган үүл» гисинь оln өргәр дөннж зөв-шәрнэ.

Зуг тер эндү хажһриг чиклһнэ аш таңһчд дала сән биш бол-на. Негхн сар дотр коллективизацин кемжән һурвн холванд баһ-рна. Тиигх дутмнь таңһчин комитет көдлмшән улм чаһаж, ахр цагин дунд бээдлиг ясад, урдкаснь чигн давулад оркна. Тер уч-рар, угатьнр чигн, бичкн бээхтән чигн эврэ сән дураp колхозд ордг болна. Коллективн эдл-аху улм өсөд йовдг болна.

Ар һазрар һарсн эндү-хажһран чиклх көдлмшән кесн деерән, зөвәр элвг материал цуглулсан шинжлж, путгудар болн аэмгүдәр социалистическ тосхлт күцэлһнд ямр сән, му бээхинь, үлгүр чигн кех, үлү һаэлх чигн харһдгинь гүүнәр ажглж, ашлх кергтэ болна. 1930 жилин апрельд партин таңһчин комитетин болн ОКК—РКИ негдсн бачм пленум хурагдсн деер, обкомин даалһврта сeгләтр үр Жалыков доклад кесндән, коллективизац келһнд бәргдсн кү-цмжсйн болн һарсн эндү-хажһрин тускар мел илднь, үлү-дуту угаһар келв. «Эврэ эндү-хажһран бидн олыг бийәсн холжулж үргәсмдн ил... кемр тедниг хәрү бийүрн кех болхла, бидн эрк биш хажһран гемшэж, илдкж келх зөвтәвидн,— гиж эн заав.— Зәрм ар һазрин көдләчнр ним нәрн, жанһрта бээдлд әәж, сүр-сүмсән алдсн төләдән гемән медх биш, давж тусад, сүрдәд, би эндән көдлж чадшгов гиж, зөвән кургнэ, зулхар, әрлхәр сөднэ. Тернь — мел хажһр хэләц,— болж Жалыков шалһна.— Һарһсн хажһран һарһсн һазртан, һарһсн улс дундан эврән чиклх зөвтәвидн, күн-длнь буурад одх гиж әәхм биш. Иим хэләц лавта ленинск, боль-шевиcтск болж, партин некврлә ирлцхнь алдг уга».

Пленум таңһчин комитетин бюрон тогтавриг хажһр гиж буру-шаһад, һарһсн эндү-хажһран, йосн биш йовдлан чиклхмн гиж шиидв. Тиигхләрн, «тату нуһлснд орхнь — давулад нуһлсн деер» гидг, тас керго юмн, тер барун тал хажисн оппортунистһрин хал-ьч гиж пленум темдглв. Энүнәс иштә үүдсн эвго, манд тус уга, харш йовдл, «кулакудт класс болж батрхднь нөкцлсн деерән угатьнрин толһа эргүлж, дунд бәәхтә тоотыг кулакин үлмәд тус-хаж, коллективизацин учр-утхинь дор орулж буурулад, делгрлт-днь боомтг болж, үндән тушаһан күргжәнә» гиж тоолгдв.

Иим тодрха цәәлһвр өгч, чик-хажһринь илдкж зааһад, бүр-дәмжин халх көдлмшиг ар һазрар өргжүлж ясрулсна хөөн колхо-зин тосхлт делтрж, шинәс күч авч өсв. Тиигх дутман классин нооолдан бас өсөд, улм хурцдад, шүрүлкәд ирв. Болв партин таң-һчин комитет, үүнә даалһврта сeгләтр үр Жалыков, урдк эндүһә-сн үлгүр авч, тиним юм ода һарһшго саната, басл чигн көдлмшиг

нэрдүлхэр седнэ. Зуг шулуһар кех, юуһинь уданар татад, аранж глад бээх гилддг дэки соңсгадад, хухр-хухр гилдэд, чанһрад, саак хойр эңгред түлклдэд, зүтклдэд ирдг болна. Жалыков даруклаһан басл эвинь олж күүндж, хайлхар седхнь — болхш.

* * *

Көк теңгсэ ар захин залвр заһсна халхд зөвөр ик чинртэ, темдгтэ юмн. Энүнд Ээдрхнэ, Хальмгин, Дагестана заһсчир цуһар ордг чигн. Толһалдгнь — Иван Михайлович Новиков. Көдлмштэн эртхн ирсн, санань: «хаврин сорг эклхин өмн өргн дор болвчн, ю-кү диглс; кемер дутжах, харшлн гижэх бээхлэ, ода эс чиклж, эвинь эс хээхлэ, цагтан дегэ цокхнь алдг уга. Тингхлэ, Хохал келдгэр, гилвслх кергтэ». Тегэд, трест болһна то-диг авад, бас нег онһад, ажглс гинэд, сун гиж йовад, үүдн тал адһад, эрэ секн, ца бээсн күүкид келнэ:

— Машенька, намур кү бичэ орул. Сулдсн цагтан эврэн келнэв.

— Сэн, Иван Михайлович, кениг чигн орулхшив.

Тер хоорнд, кесг болчкснь ил, юнгад гихлэ Новиков Дагестана цаасдыг төгсөһэд, Хальмгинд орхар седжэнэ. Генткн үүдн секдэд, Машенька орад ирв.

— Иван Михайлович, бичэ уурлтн,— гинэ,— үр Джалыков гидг күн ирсн, келхлэ болхш, цол угав гинэ.

— Жалыков гинчи?!— Новиков хэлэжэсн цаасдан хооран хамн, босад одна.— Чи, Машенька, яһжахмчи? Член ЦИК күүг эс орулна гидг!..— Эн бийнь адһж гүүһэд, үүд секнэ. Цааһаснь Жалыков эрк алхад орад ирнэ. Новиков гиичиг татж авад, күзүдэд тевриэ.— Менд, Хохал минь, менд!.. Иигж нег үзлцхм бээжлм!..

— Иван Михайлович, биитн ямаран бээнтэ?— гиж Жалыков соньмсн.— Һазаһин өңгтн, күндтэ минн багшм, гем уга.

Маша эн хойрин өөр башрдсн, яахан олж ядсн бээнэ. Юуһинь эс медж бас нег эднүр хэлэн, арһул һарна. Үүдиг ардан хан, нурһарн түшэд зогссн бээнэ: «Ода кениг чигн орулж болшгонь лавта,— гиж санна.— Соньн, кень болхви, юуһнь? Басл эңкр, йосн ахдүүһинэр хойрулн харһснь... Багшм гиж Иван Михайловичиг келвш. Иим сурһульчта гидг.. Член ЦИК эс гиви? Өрчднь темдг уга болдмб?..»

Эн хойр таварн суулдсн, ю-бис келэд, күүндэд, кесг мартгдсн хамгиг сергэлдж йовна. Салгар чигн орлдад, теңгсэр, теегэр эргэд, бандитириг күүчэд уга кесэн, кениг, яһж бэрсэн бас келлн бээнэ.

— Ода ирдгм, Иван Михайлович,— Жалыков нигт хар үсэп хооран кеһэд оркна,— таниг үзс гинэд... Манахс хаврин соргт ямр белдвр кежэнэ гиж, эврэн үзж медхэр һарлав. Өөртн, иргдтн ирчкэд, яһж хажуһартн һархв гинэд...

— Седклдчн ханжана, Хохал минь,— Новиков үүнэ чирэ тал хэлэн бээж, сурна: — Болв нөг уга ирсн угач гихэр. Цагчн дегд үнтэ, минн энкр үр Жалыков. Кел, бичэ эмэ.

— Келхлэ, дала, Иван Михайлович,— гиж Жалыков саналдн шуукрна,— төр зөвэр нэри, жанһрта болсар күн болһнд иткж келхэсн хорнав. Юн гиж санхнь, яахнь темдг уга. Тана селвг кергтэ...

— Кел, кел...

— Бюром хойр энгрэд, зэрмдэн нам зөвэр эвго юмн һарад бээнэ, Иван Михайлович. Коллективизац кех төр хэлэх деер, үгдэн багтл уга хойр энгрсн, ода чигн тер кевэри бээлдэвидн. Хэләһэд, ажглад бээхнь,— өөрдх биш, улм холжсн болад йовнавидн.

— Цуһар нөг ижл тоолврта болшгоlm, Хохал...

— Тернь медгджәнэ, зуг... мана энгрдгтн, Иван Михайлович, дегд эвгэхн хаалһд орсн төлөдөн биидм таасгдхш, мел үүндм һолиһэд амрахш,— гиж Жалыков өрчән цокна.— Эшн түрүнд бидн коллективизац кех төр хэлэх деер хойр энгрэд.. Би, намаг дахсн цөн улста, төр дегд нэри, тер учрар адһаж, зүдрэхм биш гилдхлэ... Минн дарукм, деерэс ирсн орс күн, ик йоста, зөвтэ, дөң-нөкд болх, нүдн-амн болх даалһврта илгэснь лавта, кесг бийинь дахсн улсла хамдан «уга, гилднэ, цаг үрәж биш, адһж коллективизац кеж төгсэхмин» болна. Шарту, Аһш, Сарпуль заалдна. Мана һазр чигн, эмтн чигн талдан, авг-бэрц, заң-бээр оңдан, көдлмшч класс уга, адһхм биш, саглхм гихлэ, болхш. Намаг угад эдн бюро хураһад, «Делгү коллективизац — цагнь ирчксн төр» гидг тогтавр һарһж. Би түүнләнэ зөвшэрсн угав, дэки бюро деер тэвжәнэв, зөв-учринь келсн бийнь болсн уга, тогтавр чик гилдвэ. Пленум деер тэвхлэ, пленум бас эдниг дахва.

— Хм,— гиж Новиков ормаһад, алң болна,— нарий?

— Удсн уга, «Колхозн жисэнд партзура хажигдснлэ ноолдхин тускар» гиһэд, ЦК-н тогтавр һарад ирснд ик процент күцхин төлэ адһж, күчэр эмтиг колхозд орулдг йовдл бурушагдв. Ардаснь бас нөг тогтавр һарснд мана ижл, хоцрнһу баһ келн-эмтнэ һазрмудар коллективизац кехлэри, нүүрлгч аграрн район дурахар бичэ седтн, адһад керг уга, саглтн гиж ЦК заав.

— Тиигхлэ, Хохал минь, чини зөв бээжлм,— болж Новиков байрлв.— Хэрнь, чи алдх зөв уга биләчл!

— Үнән келхлэ, Иван Михайлович, зовлң минн талдан. Тиигж амрар хойр энгрчкэд, шуурсн ааһиг нааж болдго гишн, хэрнь, улм холжсн болад йовнавидн. Келхд ичкевт, ода нам орс, хальмг гиж хувалдхдан күрсн бээнэвидн. Тиим юм үзж, седклдән бэрж йовсн биш, намд тернь йосн зовлң болжана. Манд тиим уга болдг били, а?

— Сән биш, Хохал минь,— гиж Новиков келжәнэ,— меджә-

нэв зовлэгчигч. Кемр юм эс нуусн болхла, кевтнь намд келсн болхла — чини зөв. Тийгхлэ, бичэ э, крайкомд кел, Центральн Комитетд курлд, Миронычд, Сергод од... Хажһричн заах, зөв болхла — дөнх, бичэ э, ээхм биш, Хохал.

— Би, Иван Михайлович, мел ээжэхшив, ичхэс биш.

— Зөв юмндан яһад, юунас ичнэчи?

— Даалһврта сеглэтр төлөдөн. Теднэ эндү — минн болх зөвтөлм, би...

— Уга, күндтэ үр Жалыков, чамд, даалһврта сеглэтр болж, деерэн авх гем бээнэ, авшгонь — бээнэ. Деер хэлэхчиг, оппозициг ямр кевэр цокв, а? Мироныч Ленинградт яһв?.. Бийлэчиг эдл, нам зэрм халхарн, келхд, белдврэрн гихлэ, давуны чиги ил, тегш зөвтэ, йилһм уга партич член улс, эндүһэн бийснь даах зөвтэ. Минн селвг — уралан, военком Жалыков!..

Хохал байрлж босад, һаран өгнэ: — Ханжанав, хээртэ Иван Михайлович минь. Тийм седкл бээвчиг, алмацад, чикв-хажһрв гиһэд йовлав. Эх, басл зэрмдэн хээгднэт, Иван Михайлович!

— Яахв ода, Хохал минь, парты илгэсн талнь йовхас биш, манд нань зөв угалм. — Новиков часан хэлэнэ. — Деерчиг үд болж йовдгчиг, манаг орхмн, цэ одж уухмн, чамаг гертксләһән таньлдулсв, эсклэ мел зангар медхэс биш, үзэд угалм.

— Тана үгэс һардг зөв намд уга, Иван Михайлович, — гиһэд Жалыков босна. — Цэ ууж авчкад йовнав. Һәрэд күрч хонхар...

— Кесгэс нааран үзэд угав, керг-үүлнь ямаран?

— Заводнь улм өсэд, өргжэд, бийнь улм чанһрад, шатад бээнэ. Заһснь дала, өдр-сө уга гилтэ эд-бод келднэ. Тийгхлэ, директорт ямр суудл бээдв?

— Менд кел, балһсн тал ирхлэрн, эрк биш намла харһтха...

Колхозн жисэн улм күч авч делгрэд, шин эдл-ахус һарад, батрад йовна. Тийгх дутмнь байн, бээхтэ хамг шахгдж, ууртан бүтсн, арһан барж, яахв гихлэрн, хухр-хухр гилдэд, олна кергт хорлхан хээж, йир юн чиги му кехэр гүүдгнь ил. Классин поолдаг өдр ирвэс улм чанһрад, күчрдэд йовхла, ямаран амрл олд бээдв? Гетлдхл кергтэ болна, чикән, нүдән өгх. Иим чинвртэ бээдл партийн организацигн көдлмшинь улм нэрдүлж, диг-даранднь харшлж, нам хоорндан аарта бээхинь чиги эвднэ, юнгад гихлэ тал-талдан тоолвр, он-ондан седвэр һарч, зүтклдүлдгнь чиги хара биш. Нег үлү, колхозмуд эклж бүрдэх саамд һарһсн эндү, хажһрагн чиклх деер нег-негән гемшәлдж, цүүгүлэд авдгнь нуувр уга.

Хамг кесн, күцәсиг диглж, үнлх болсн, ташр цааранднь кегдх, жүцәгдхиг темдглж зуралх болсн, тийм эрки төрмүд хэләж халлх десрән, ташр һарсн эндү, хажһриг шалһж, әнгрдг, йилһрдг, хуваллдг тоотыг бурушәж эвцүлх, эвтнь орулх эрки болн чинртэ даалһврта таһчигн XI партийн конференц көдлмшән эклв. Энүг

белдхд чигн, хурахд чигн Хальмгин парторганизацин үүлдвринь болн бээдлинь шинжлж, үүнэ өөрхи кех, күцэхинь, алькнь ахлх, түргдхинь, яһж бүтхинь темдглхд партин крайком икл дөн болж, сүв-селвгэрн болн керг-үүлэрн бас нөкцлв.

Даалһврта сеглэтр үр Жалыков тооцана доклад кесндэн кесн-күцэсэн өргл уга, дуту-дундан дарл уга, эндү-хажһран нул уга, мел илднь, бээсэрнь, нег мөслсн партийн кевэр чикднь келж өгв.

Крайкомин элч, үүнэ бюрон член агитпропэнгин толһач Григорий Исакович Бройдо, энүнд Хальмг танһч кевтән даалһгдсн, хэлэж, дөн-нөкд болжах зөвтэ, конференц деер босж келхлэрн, партин келн-эмтнэ политикин тускд онц оньг өгч, зааһад чигн, селвглэд чигн, эндүһинь — эндү гиһэд, хажһринь — хажһр гиһэд, келж, цээлһж өгв. Алдр Ленинэ зааврар һардвр кеж, оларн икр-кдг шовинистическ хэлэцлэ ноолдхиг, иим йовдлыг дарж уга кех кергт һоллгч нилч орс үүрмүдт бээх зөвтэ гив. «Икркжэх орс шовинизмлә, хальмг биш, орс коммунист ноолдхд амр гиж,— үр Бройдо йилһж темдглв,— эн көдлмшиг нег мөслж, батар кехдэн хальмг ээхнь лавта, юнгад гихлэ барун тал хажһнэд оддм болв-зав гиж, бийим эврәһән татдгт тоолвза гиж саглх».

Тер мет, бээрн улс эврәһән ахлулж татдгт сөрлт өгч, тиймлэ ноолда кехиг Григорий Исакович бас некв. Энүнд хальмг коммунистир бийснь эс күчлхлэ, нег-негән чиклж, хажһринь эс заахла, талдан келн күн келсиг бийдән му кехэр, харшлхар бөөнэ гиж санхнь, нам өшәркхм чигн болжана.

Цуһар ни-негн, ах-дүүһинэр бээхин кергт күчн-чидлән хамцулж, үгән нег кеж, коммунистир — орс, хальмг уга негдхлэ, тегэд, мана төр уралан йовж, күч-көлсчир сән ашта интернациональн сүрһмж авхнь алдг уга гиж эн заав.

Конференц хэлэх төрмүдән кевтнь хүүвлж хаһлад, партин крайкомин шалһлтд багтж, терүнэс иштэ келн-келэр хувалдж, хоорндан меткәлддгән уурулж, диг-дараһан ясрулх шийдвр авб. Даруһас хурагддг партин XVI-ч съездин делегатд танһчин комитетин даалһврта сеглэтр Хохал Манжиевич Жалыков сунһгдв.

Доладгч бөлг

Сталинградск' поезд гүүх дутман улм чанһрсн болад, шууга-дл, шудрад йовна. Терз һатц теегин салькн үүнэ хурдила тесл-цж ядад, дандад, шуукрад-дуукрад, негт нам шугшсн-яһлалсн болад, басл муудан орж йовх өнгтэ. Энүнд сун бийэрн, гегэтэ бээтл кевтсн Жалыков сөөни дуусн унтсн, нөөрнь тавлад хансн, цогцнь земгә гидгәр амрч, нам гиснь лавта, болв эн босх седкл уга, бас чигн таварлж көлврсэ гиж санна. Тер хоорнд шинкн төгссн съезд толһаднь орж, үзсн-соцссн хамг сергэгдж йовна. Сергей Миронович Политбюрон член болвш,— гиж Хохал тодл-

на.— Мана күн маасхлзад, үнн, байр, иткл хурви үүнэс асхрн гисн болад... Келэд орххлань, кедү шуугжасн бийнь ки тасрад, кийнэн дотран авлдсн болад... Үүрмүднй толһаһан өргж сөңкэлдсн, марзалдад, нүднй гилвилдэд бээхлэ, хортнй хойр ээмэн хураһад, агчад, дорагшан һудылдад одналм!.. Зогсжа, Жалыков, юн гиж ода келвэ? «Бидн барун тал хажилһиг социалистическ тосхлтын өдгэ кемд хамгин эркн болн һоллгч ээмшг гиж эврәннй партийн зокалмудт орулхларн, зуг келчкхэр седэд биш, кееһин төлэ биш, агитац, пропаганд кехэр келчкхсн юмн биш... Эркн гисн кергән күцэхэр — мана алдр хойр сай ленинск партй лавта хад болтха гиж, тегэд, диилвр делдж өсж йовх социализмин хаалһд көндлн зогссн хамг цуһар толһаһан энүнд цокулж хамхлдг болдгар кехин төлэ шунх кергтэ». Ямаран үгмүд!..

Крайком селвг, заавр өгсэрин төвкисн уга, Хальмг таңһч көлд орхд дөң болтха гиж, үүнэ көдлэчнр төлжж, медрлэн өөдлүлж, дамшлт авхднй нөкд болтха гиж йовулсн улсан: Федорович, Яковлев болн нань чигн үүрмүдиг, даалһсн даалһвриг күцэсн уга, итклиг дааж чадсн уга гиж, бийсэн партин таңһчин комитетэс даву санж, партин авг-бэрц, хэлэц эвдснднй эдниг цугинь хэрү дуудж авб.

Централнь Комитет болн крайком зөвөр олн улс, дамшлтта чигн, медрлтэ чигн партийн көдлэчнр Хальмг таңһчур йовулв. Тедн дотр Михаил Алексеевич Бурмистенко гиһэд ирсн, таңһчин комитетин хойрдгч сеглэтрт нег дуһар суңһгдв.

Эн босад, бийэн иткж, иим күндтэ даалһвр өгсн таңһчин коммунистнрт ханлт өргэд, юн чигн кех, күцэх хамгас чидлэн, медрлэн, арһан эрвлш угав гиж келснй эмтнд дегд таасгдв. «Өңг-зүсэринь хэлэвчн, чик, ухатал болдг күн,— гиж Жалыков санж сууна.— Наснь баһ болвчн, медрлнй гүн, дамшлтинь хара биш. Чирэнь тиньгр, хэлэцнй сергли, хойр нүднй — мел болһамж, дегд алдад оркх угань ил. Палд-цалд чигн уга, келсн үгнй товчта. Үүнэс үлү нөкд олдм биш чамд, Жалыков, хэрнй, эвинь олад эдл».

Сталинградт күрч ирхнй, тосжах машин күлэж бээж, Жалыков торсн уга, сууж авн: «Уралан,— гинэ,— гүүлг!» Машин дор ормасн хурдлсн, балһсна дотраһар эргэд-дуһрад, захлад һарад ирв. Урһа модд, сад, багц хамг делгү көкрж, усна көвөһөр, нурбоодг болсна көвөһөр хулсн, зегсн ноһарж, нүд аадрулж, серү та-тж йовсн, генткн мел ондарсн болад одв: дөрвн үзг уудсн болад, холдан жинрэд, харлад, борлад... «Мана тег эклэд бээв,— гиж Жалыковин амнас алдрм цацу хойр нүднй өмнөн, хажу талан үзжэхд харм төрч, зүркнй үүнэ шуд шугшсн мет менрэд, хатурад одв.— Өрэлхн сар дотр өгрж одж! Йовхдм мел талдан билэ, арһта...»

Машин Барванцг нур эргэд һарад ирв. Хойр тал үрглжлэд

ноһарси, көкрси болад бээнэ, нам хэлэхд байрта. Юмб гихлэ?— Хаврар нуурин усн деврэд, дора һазриг дүүргсн бээсн, одахн күртл хагстлан зогссн ил. Тиигхлэ, унднь тав бээсн һазрт урһмл, хулсн-зегсн болвчн, ноһарад бэл уга яһдмб?

Зуг өмнөн ширтхнь, өнгнь дегд зутавр. Теңгр һазр хойрин ниилдвч күртл нег ижл — борлад, нам харлад, басл кецү, уйдвр-та бийнь шуд оркрад уульх дүнгэ. «Борлдгнь, адг-ядхдан, буурлда шарлжн болхнь яһна,— гиж Жалыков дотран аралдна,— хөд тежэл кен гижәнм!»

Тиигж йовхнь хаалһин амар тэрсн тэрэн эклэд бээв. Тэрэн гихэс, шуд зүркн ишкрм: эрэ бултаһад һарси, кенз кевэрн, дорап өгрж одж. «Уй, һарцнь ямаран эвртэ билэ!— гиж Жалыковин дотрас цааһас алдрад һарси болад одв.— Хээрн көлсн, экн!.. Буудя чигн биш, өвсн чигн биш...»

Һаңгин үүл. Хаврин дуусн хурин зүүлтэ юмн эс дуссн, зун чилн гиж йовна, бас тер. Һаң гихлэ, улм давад, өгтмлэд, нарн болхла, өндэснэсн авн сун-суутлан һалар киилэд, һазрин мууднь йосар орна гидг эн. Бултаһад һарси ноһаг дорнь шатачксн, тэрэг нег тө дүнгэ болхлань өгрөһэд, беткрүлэд хуурсн, нам юунд чигн бийән эс өгдг буурлдан бийнь күчнь буурад, муурад, эрэ шовлэжана. «Шинки үүдсн колхозмудт ямр му заян,— гиж Жалыковин толһад төөнрэд, өрчднь хатурад, киит дөргэд, нам заратрулсн болад одна.— Көлд сээтр орад уга күүкдин өмн тееглсн харш мет. Хажуһас дөң эс болхла, алхж һардг альд?..»

Жалыков хәрж ирн бийэри күчр күнд, кецү бээдл учрсиг хүүвлэд, ЦК-д боли правительствд соңсхх болна. Эднэ өмн кесг төрмүд тэвж, оданас авн кергтэ дөң-дамжг эс күргхлэ, икл му болх гиж иткүлнэ. Тиим үүл учрснас көлтэ нам Советск Хальмг таңһчнь арвн жил болжах өөниг дарук жилднь темдглх зөв сурж, хооран саатха гинэ. Правительство сурсн хамгинь дөңсн дее-рэн, тер жилднь Хальмг таңһчиг буудя шанд орулж өгхэс сулдхх болна.

Деер чигн, дор чигн цуһар тиим кецү бээдлиг медж, дөң-нөкд болхар шунжавчн, үр Жалыков, даалһврта сеглэтр биндэн, партин таңһчин боли нутга комитетмүдт, партячейкс күртл бас, невчк саһамрлх, ууд авх зөв чигн, зав чигн тас өгхш. «Эрки төр ма-на эндртэн — олна малд үүлдэн өгх өвс-тоос белдлһн, эсгхлэ киш-гән барад, мишгән үүрэд бээхмдн ил. Тер учрар, үүрмүд, таварлж биш,— гиж алһаж, арднь орна. Эп бийнь Элст деер удан бээхш. Йовж-йовж ирэд, хойр-һурв хонхас давхш. Цаасд хэләһэд, бюро, эсгхлэ талдан хург болхд орлцад, кех-күцэхиг хооран саахш, хаһлх төрмүдиг хаһлад, хүүвлхинь — хүүвлэд, негн талнь һарһчкад, йовад бээнэ. Тиигхинь нөкднрәсн бас некнэ.

Нутгуд, ээмгүд, хотдуд эргж, альд, юн болжахинь, яһжахинь арднь орж шинжлэд, бээрн комитетмүдин пленумд, эсгхлэ бюрод

орлцж, партийн, профсоюзн, комсомольск, колхозникудин чигн хургудт орлцж үг келхлэрн, кегдх, күцэгдх тускар заахларн, ода деерэн хамгин эрхн, хамгин нэрн төр мана — олна малд үүлдэн өгх хот белдлһн гиж, онц темдглнэ. «Атхар, умшар чигн, үүрмүд, өвсн киитэ малын өргинь көндөлһх юмн болхла, цуглуулх кергтэ, эсгхлэ үүлдэн дегд түрн гижэнэвидн. Биистн үзжэнэт, тег шатж одсн, идг уга, зэрм һазрар тас халцха, хамр хатхх юмн шовахш. Тер учрар мал эцж одсн, арсн-ясн хойр гим, күүргнь ил, үвлин киитнд уйдж, дааж ядад бээхнь лавта. Эс дөнхлэ, өвс-тоос эс өгчэхлэ, торлцна гидгнь берк. Тиигхлэ, манд, үүрмүд, санамрлдг, таварлдг учр уга. Хулсн-зегсн чигн болг, һолж биш, хадх кергтэ, хурах...»

Өвс-тоос белдхлэ, зерглэд, нам ахлад, бас нег бачм төр һарад ирв. Тернь — тэрэ хуралһн. Шатад, өгрэд, беткрэд, эрэ-эрэ толһалж урһсн тэрэг кевтнь цаглань хадж, цокж авх кергтэ болв. Бичкн, яду болвчн, буудяһинь геевр угаһар түүж, атх-атхар чигн хоршуулж авх — негн, соломинь бас һару угаһар, умш-умшар түүж авх — хойр... үүлдэн малд өгчэх хот болхнь алдг уга.

Жалыков Ик Дөрвд орад һарна. Күрч ирхнь, хэләһэд, ажглад, келсинь чиннэд йовхнь эднэ бээдл дегд йос уга самһа. Эндр-манһдур тэрэ хуралһн эклн гижэхнь дуту-дунд дала, тату-тартг элвг. Келэд заахла, кень чигн уга гихш, кехэр, күцэхэр сарсхлзад гүүхэс биш. «Зөрц иигжэдг болхий? — гих ухан үүнэ толһад нааран-цааран гүүдглж, һазаран һархар седнэ. — Хортна ааль-мек болхий?»

Минь тер агчмла нег тодлвр сананднь орад ирнэ: — Ик Дөрвд гидгтн, Хохал Манжиевич, наадк нутгудас зөвэр өвөрц, — гиж Брузгулис келлис, — сурһульта улснь элвг, байн улснь бас хара биш. Цуг ааль эднд бээнэ, юнгад гихлэ эмтн келснэснь, зааснась һархш. Гражданск дээнэ хөөн эдн зер-зевэн арчад-турчад, тослад дүрчксн, һазаһин үзлд бод гиһэд, чикәп атхад кевтнэ. Зэрмнь советск церглэч болсн, зэрмнь герән эргэд, эдл-ахудан үрвсн, «цаг мана ирх» гиж нээлж күлэлдсн.. эвнь харһад ирхлэ, олна керг-төрт харшлад, кехән кечкэд, эс медсн болад... Тиим, далд бээх хортдла ноолдна гидг амр биш.

— Эх, хортн, хортн!.. — Жалыков аралдад, хойр нудрман шүүсн дусмар атхна: хойр халхнь селгэдэр татгдсн болад, гүрснь «луг-луг» гиһэд одна.

Өдрин тес эдл-ахус эргэд, хотнас хотнур йовад, зөвэр цуцрад муурхдан күрсн Жалыков орахн Бээинтүр ирэд, певчк цэ ууж авчкад кевтнэ. Удхш, нөөртән диилгдэд, сарсаһад одна, нам зүүд чигн үзсн юмн уга. Серэд, түрүлэд нег нүдән, дарунь бас негән секнэ. Өр цээһэд, гер дотр йосар гегәрж одсн, терзин шилд нарна герл тусж гилв-далв гинэ. «Нэ, иигэд болжана, бос, унтхар ирсм бишч, — гиж Жалыков санн, орн деерэс өсрэд бууна. Делгэтэ

бичкн маралжн деер зогсад, хар-көлэрн сажад, сегсрэд, кесг суу-
над, босад авна.—Цуцрсн эрлж, цогцм гиигрэд, земгэ...»

Адһж бедрэд, невчк цэ ууж авн, нутга комитет орад харна.
Санань: бюро эклтл, ю-кү диглж, белдж авх гисн, адһсн йовна.
Күрч ирхнь, нутга хардвр цуглрсн, өнгөрнь болхла, зөвэр сүрд-
сн, ээсн болсн, сэн биц. Жалыков мөндлэд:—Яһва?—гинэ.—
Юн болва, үүрмүд?

—Зэңг сэн биш, Хохал Манжиевич,—болж даалһврта сег-
лэтрнь шуукрна.—Үахан Авһнрт тэрхэр белдсн экиг хулха авч,
орм-торм угачн. Кердэтд кесг скирд өвсн шатж, эрэ унтраж.
Цань, Цорост кесг мөрд үкч...

—Негхн сөөһин дунд,—гиж нутга ахлач аман бэрнэ,—мел
үгцсн кевтэ...

—Үгцэд кенэ гидг тер,—болж Жалыков ашлв,—нег бешин
утан. Хэрнь, дегд йос уга самһа билэла, хортна ааль!..

—Хортн гинтэ?—нутга ахлач ормаһад одна.

—Үүртн, иньгтн, цаһан седкләр кеж гиж болхий?—Жалыков
энүнүр ширтэд хэлэнэ.—Хортнь алдг уга. Зуг намд негл юмн
сонжта. Теднэ мекд им амрар авгдад бээдг тадн—лавта медл
уга, аль меджэсн биитн зөрц нүдән аньлдад бээдгтн медгдхш.
Йилһх кергтэ, негнднь һарһх. Эндрин бииднь Элстэс дөң дууднав,
а тадн эврэ чидләрн цаг түдлго арднь ортн, олж автн...

—Хохал Манджиевич, бюро яахмб?—болж нутга комитетин
сеглэтр сурна.

—Яах гисн?—Жалыков шуд шилвксн болад одна, саак хал-
хнь татхлзад, ирвлээд одна. Эн бийән хөрэд, һартан авада, арһул
немнэ:—Бюроһан эклтн, хэлэх төрмүдән эрк биш хэләтн, хоо-
ран сааж болшго. Салврад, алдад-унад бээхләтн, хортн амрад
бээхгов. Тедниг надкстн, бээрн ГПУ толһачта, хээвчн болжана.

Дарунь бюро эклэд бээв. «Минь эн йовдлас эклж, иигж сам-
һа бээж болшго гиж, үлгүр кетн, уха автн гиж келс, цааранднь
төрмүд ард-ардасн цүврэд одх» гисн Жалыков чиннэд сууна.

Цуг таһчиг, захаснь зах күртл эргэд, альд, ямаран керг-
төр яһж күцэгджәхинь эврәннь нүдәр үэж, дуту-дундынь, эндү-
хажһринь илдкж, ясхинь, уга кехинь некж, керлдхинь—жерлдэд,
дөң кергтәднь—өгх болад ирсн Жалыков, стол һатц суусн, цаасд
хэләһэд, ирмәг деернь бичәд, һар тәвэд, оркад бәәнэ. Сүл цаасиг
умшад төгскн: «Мууха дала юмн хурсмб, муудан орж чилә-
вүв»,—гиһэд, цуцрсн хойр нүдән нухад босна. Терзүр одад, цань,
һаза юн болжах, яһжахинь һәәж зогсна. Туснь бәэсн гер эргэд,
хойр күүкн гүүлдэд һарад ирв. Хойрулн һартан дегтрмүд бәрсн
йовна. «Шин бээдл гидг эн!»—гиһэд, дотрнь байр гүүдглэд, зүр-

кинъ бульгулад авб.— Шин бээдл гихэс, культштурм яһж йов-
хинь, юн кегдсинь, цаарандиь яахинь йилһх кергтә!»

Тегэд, Жалыков диглсн бээнә: сүл һурвн жилин эргид, мана-
хс Шартуһин дамшлт олэлж шунсн учрар, сурһуляс мел хоосн
болдгиг уурулхин тускд му биш көдлмш кегдсн лавта. Болв со-
циализм делгү цуг халхар дэврэд орж йовх кемд тер күцәсн, ке-
сн хамг татуджахнь ил; бас нег эркнь — школд орх наста бичк-
дүдт эрк биш сурһуль дасхж, эклц школын медрлтә кех гисн.
Тиим болсар чигн XVI съезд эн хойр төрт ик оньг өгч чинрлж,
хоорнднь заг угаһар негдүлж хэләһэд, «өөрхн болзгт партин кү-
цәх дээч төр» гиж өөдән үнлсн, манд гихлә, заквр...»

Тер учрар эрдм-сурһулин халхд онц оньг өггдж, энүг улм
делгрүлх, өргдүлх кергтә болв. Танһчин күцәгч комитет шишлң
тогтавр һарһсндан олна эрдм-сурһулин әнгәс цаас авсн күн бол-
һн бичкдүдән эрк биш школд өгтхә гиж заав, аальхар, түүг бу-
рушахар седсинь ялла харһулж, нам күчнәс кегдх көдлмш йову-
лж засглхмн гив. Тиигхләрн, һанцхн 1930—1931 сурһулин жилд
нээм күрсн бичкдүдиг цугинь, негн күртлнь, йис күрсинь — найн
процент, арв күрсинь — ядхдан өрәлинь эрк биш школд орулх
кергтә гиж темдглв. Эн хамгиг һардж, залж күцәх шишлң ко-
миссь танһчд бүрдәгдсн, нутгудар, әәмгин болн селәнә Советмү-
дәр штабс һарч, дөң-нөкд болх заавр авб.

Танһчин комитетин бюро эн төриг онц хуувләд, даалһврта
сегләтртән онц даалһвр өгв. Тер учрар Хохал Жалыков нерн дее-
рәсн партин болн комсомолын нутга комитетмүдт, партийн болн
комсомольск ячейкст, цуг культәәрмин цергчнрт, багшнрт болн
һань чигн активистарт ил бичг бичв. Тернь танһчин барт һарһснд
эрдм-сурһуль дасхлһиг делгү чаһахин төлә танһчин гегән-герл
болгч чидлиг кевтнь олэлхмн гив. «Эн кергиг хооран сааж бол-
шго,— гиж Хохал Манжиевич бичв,— эсгхлә, кемр бидн гегән-
герлин халхар һоллгч, негинь таслх хуврлт эс күцхлә, шуд адр-
мар өөдлж йовх үүдәгч күчиг, нег үлү, селәнә эдл-ахуг, теткж
чадшговидн. Гегән-герл гидг юңгад өөдлх зөвтәв гихлә?— Күч-
көлсч хальмг чадмг, өөдән серлтә, социалистическ эдл-ахун куль-
турн тосхач болж һарх зөвтә». Тиигхләрн, эрдм-сурһулин халх
көдләчнриг «беркл эрвлж», зуг тас хоосн, көдлмшән эс медринь,
эсгхлә серл-седвәрнь талын болдгиг көөхәс биш гиж заав. Зуг
унг-дәннь ирлцжәхш гиж, сурһульта-эрдмтә улсиг бичә көөхәр
седтн, бийинь хэләтн, хәрнь, тииминь эрвләд, дөңнәд, эврәһән кеж
үзтн, сүв-селвгтнь багтж йовтн гинә.

Тер учрар цәәлһврин көдлмш улм өргжәд, йовуднь чигн яс-
рад, янзрад йовсн бийнь сурһуль-эрдм. болма дүнгәр делгрж,
йосар күч авч өгл уга, түрүн темдглгдсн, эрк биш күцәх хойр тө-
рт — лкбез всеобуч хойрт чидл күршго бээдл һарад ирв. Тиигх-

лэ, Жалыков басл чигн нэрдүлж шинжлэд, кесн ашлвран крайкомд күргж, эс дөңхлэтн юмн болшго гинэ.

— Яһсн сэл болх?— гиж үр Бройдо соньмснэ.— Яахм гихэр?

— Григорий Исакович, край кевэрн хамцад, цуһар чидлэл нег кеж эс дэврхлэ, мана хальмгин хоцрлт гидг кесгтэн даргдж өгх бээдл уга,— болж Жалыков сансан келнэ.— Шарту, Сталинград, Эдэрхн шунж эс орлцхла, хавар уга, мана бийсимдн шүдн даашго. Бичкдүдиг яһад-кеһэд болвчн сурһжаһавидн, бөдүн улст һар күрчэхш, ахрджана. Багшир уга. Болзгнь ахр курс секэд, багшир белдсн, хойр-һурви зун кү педтехникумд, пединститутд орулсн бээнэвидн. Болв багш болад ирсинь хэлэжәһэд, талын, советск, комсомольск чигн көдлмшт илгәнэвидн. Тиигхлэ, мана хаһрха бөглрхш, тер кевэрн...

Партийн крайком Хальмг таһнчиг харһу бээдлэснь һарһж авхиг түргдүлхин кергт цань уга эрки болчкад, бачм хамгиг күцэх болж темдглнэ: амтэр, мөнгөр болн бас чигн кергтэ тоотарнь теткхин төлэ цуг Дора-Ижлин, юмна түрүнд ик балһсдын — Шартун, Сталинградын болн Эдэрхнэ күчн-чидлиг олэлх болна. Тийм дөңгөр омгшсн Хальмг таһнчин комитет сурһуль уга болдгиг делгүднь уга кехин төлэ цаг үрэшго, һазр үлдэшго болж шииднэ. Эврэ чидлэрн, болс-бүтсэрнь кегдж йовсн көдлмшиг аль халхарнь чигн өргдүлж, урднь үзгдэд, медгдэд уга шуилт теткх болна.

— Би, Григорий Исакович, элд сурцах хальмг көвүд, күүкдлә харһхар седлэв,— гиж Жалыков келнэ.

— Яһна? Харшлдг улс бээни?— Бройдо ормасн босад одна.— Таһнчин һардвр эврэ баһчудла харһхар седхлэ, кен билэ гидмб?

— Уга, Григорий Исакович,— минн келхм талдан. Би теднлэти ирхн болһндан харһдв, күүнддв. Түрү-зүдүднь дөң-дамжг болнавидн. Эсгхлэ, хэлэж, харж эс бээхлэ, гертэсн хол йовх юмс, яахинь күн меддг арһ уга. Болв ода харһхар седдгм: цугинь нег һазр хураһад, кех, күцэх эн ик төриг цээлһж өгхэр седлэв.

— Мел чик, Хохал Манджиевич!— Бройдо байрлсн босв.— Би түүгити талданар тоолад...

Тегэд, Хальмг баһчудын хург Карл Марксин нертэ драматическ театрт болв. Энүнд Шартун университетд, Ленинэ нертэ комвузд болн наадк кесг институтсар, техникумсар сурчасн көвүд, күүкд хурна. Жалыков ирнэ. Өөриь Григорий Исакович Бройдо, Хальмг таһнчин дээнэ комиссар Василий Алексеевич Хомутников болн нань чигн кесг улс йовдгчн.

Хургиг Бройдо секэд, Жалыковд үг өгнэ. Энүг босхлань, театрт хурсн баһчуд ниргэд, альх ташна. Хохал Манжиевич хансар гекэд, театр дүүргэд хурсн баһчудын зерглэг захаснь зах күртл гүүлгэд харвсн: «Удл уга, эдн цуһарн номан төгскэд, эмчир, багшир, инженермүд болад, хэрж ирхлэ!..» — гиж санм цацунь, зүр-

кнь бульглад, байрнь деврэд, асхри гиһэд, эрэ күч күрч бээнэ. Болв бийән хөрэд, невчк ууд авад, эклэд келнэ.

— Дүүнрм минь!— гиснь көндө театр дотр ца-цааһан күңкисн болла: шуд хаһ-туссн мет дегц ниргүлж альх ташлһнла авлсн, дүүрән болж, булң болһар тарв.— Кемр бидн мел одахн күртл...— гиһэд, хальмг улс хаана цагт ямр дүңгә күчр зовлң үэж, дажрулдм болхнь дажрулж, байн, нойн зээсн жууксин мухла болж, үвл, зун уга теднэ малын ард дахлдсн, көрхднь — көрч, шатхднь — шатж йовсна тускар келв.— Тедн, нойн-зээсн болсн хамг, маниг зөрц харһу тамд бәрж, сурһуль-номас хол кеж, хоос дахулж, нүднь гегә үзчкх, толһаднь серл орж одх гиж ээж, харшлж йовснь ил. Ода, дүүнр минь, цаг талдан. Манас далдлж, бултулж йовсн тоотыг, келхд, уул хальмг бичг, эсгхлә уурхан саң мет байн, урн үгин зөөр илдкж дасж авсн деерән, бидн эврә, шин, өдгә пролетарск эрдм-билг үүдәх, кев-янзарн термдн лавта мана болдгар, учр-утхарн йоста социалистическ болдгар кех зөвтөвидн. Тер төлэд, дүүнр минь, йовх кергтә, әәмгүд, хотдуд эргх, әмтиг сурһх, сурһуль-эрдм заах кергтә. Тиигхләрн, таднасн сурхм негн: зүг эврә келәр, күн болһн меддгәр, тодлгддгар келж, цәәлһж өгдг болх кергтә. Сурһуль-эрдм тату, нам мел хоосн чигн улсла, Советин йосн, Коммуна партъ теднә биисиннь келәр күүндх зөвтә!

Тадн, дүүнр минь, ээж болсн эврә теегән орад йовх болжанат. Энүгән эрвң тенгс кевтә оштрмлулж, эрдм-сурһуль гидгиг эргән цокад, долдалад бээдг дольган мет хөрлт, сөрлт эс меддгәр, делгүдән көөс цахрад бээдгәр кех улс тадн болжанат. Амр керг бишнь ил. Кесг сарар йовжанат. Кеер чигн хонх харһх, кең чигн дерлгдәд бээх. Тиигхлә, хувц-хунран батлв гиж гем уга. Балһснд өмсж, сәрвкж-дәрвкж йовсн, тенд ирлцшго. Кен тал, яһад одж йовхан мартад керг уга.

Эврсән ухаллт. Кемр урлан, хумсан ширдсн, чичрдг торһ өмсн, дал-ээмнь гихлә, чир-нүцкн далалзад... Эсгхлә, күзүнднь галстук унжсн, толһа деернь үнтә һар шиләвк залрсн, һартаң матхр тайг бәрсн, бийнь гилв-далв гисн көвүд хотар орж ирхлә, теегин малч, тенгсин заһсч кен гиж тедниг санх? Нойн, зээсн улсин салтр гих. Келситн сонсдг болвчн, иткшго. Минн бийм ниднәһә нег көвүг көөһәд һарһлав. Мана хальмг улс ода деерән угатя, харһу, мууд дассн эгл. Тер учрар эдниг гилв-далв гисәрн, балһсна ке-кемсг болдгарн үргәж, бийәсн холжулад керг уга. Хәрнь, тер, дүүнр минь. Үлгүрт ордгар «толһата болхла — ухалх, сүүлтә болхла — шарвадх» гидг. Ухалх юмн дала, гилвслх...

Эврә литератур, эврә театр бас үүдәх кергтә. Тавн көвү йилһж авад, жалв өгәд, күчәр бичтн гиһэд суулһсн, ашнь му биш, эклэд барлгдж йовцхана. Альднь чигн мел тер. Бидн хамгин түрүн болжахиг мартад керг уга. Келү цаг давбчн, мана тускар

келх, бичх. Тиигхлэ, дүүир минь, уралан!..— Баһчуд дегц босад, ииргүүлж альх ташад, кесгтэн зогсж өгл уга бээв.

Тиигж культштурм Хальмг теегэр делгрж, күч авч орж ирв. Темдглсн тоотыг белдлһнд болн күцэлһнд орлцх 5 минһн баһчуд хурагдв. Культээрмийн нанцхн сурһуль-эрдмин, гегэн-герлин төр күцэж йовсн уга. Эдн коллективизац кехд, өвс хадхд, тэрэ хурахд болн нань чигн эркн кергүд күцэлһнд орлцж, байн-бээхтэ хамгла ноолдхд бас нүүрт йовснь, эс аэдгнь, эс эмэдгнь олнд үлгүр болж, шин хаалһар уралан шунхднь нөкд болж омгшулв.

* * *

Харцһурж одсна хөөн Никт күрэд ирнэ: шинкнэд-пиикнэд сүүгсн чеежнь көөргэс тату биш, хамр амн хойрарн дегц ки авчаа. Икэр адһснь ил. Бийнь, өнг-зүснь дегд өвэрц: ормаһад, хултхлзад, хойр нүднь һалвлад, сүрдснь бас ил. Орж ирц, мөндсөнд угаһар: — Эцк яһла?— гинэ.

Делгр алң болсар энүн тал хэләһэд, тенд, ца хорад бээнэ гиж, өргәрн заах хоорнд үүдн делггдэд, Өмкэ бийнь һарад ирв:— Яһва? Юн болва? Мууха үргж йович, Никт?— болна.

— Үргл уга яһ гинэт?— Никт цуирсар шуукрад, өөрнь, үүдн хоорнд бээсн стул деер суув.— Цаатн ГПУ-н һурвн көдлэч ирж. Брузгулис бийнь йовна.

— Үкмр Жалыков йовулсн болхугов,— гинэд, Өмкэ бас суув. Энүнэ чирөнъ генткн халу дөрсн болад, чидлнь чилэд, көл-һарнь сулдсн болад одна.— Яйна йир? Шиншх, амрашго...

— Одаксиг батлх кергтэ, эцк.

— Басл батлсн боллав,— Өмкэ саналдна, болв бийн һартап авад, невчк төвкнж йовхнь ил,— ам алддг болвзат гилэв. Эсклэ нежэд үкр өгх биш, эжитн эргүлхв гилэв. Бас чигн хэлэж, дөцнж йовх боллав.

— Өгх болсан, эцк, өгэд хуурх кергтэ. Нэргтэ улсиг эвэр эс эдлхлэ, эвдрлдж — сэн биш...

— Өгэдл бээхугов.

— Эндүһән, эцк минь, эртэснь эс чиклхлэ...

— Эндү гинчи? Ямаран?

— Күн болһила бидн онц-онц күүндл уга... Негнь, келхд, түрүн бэргдж гилэ, наадксан, маниг эрвлх болһадый?..

— Намый?— Өмкэ ормаһад, босж йовна. Лавта ээмшг минь ода энүнд күрснь алдг уга.— Никт, орад күүндхм болвза? Үүдн хоорнд, босн-сун бээж, юн күүндвр гихв?..

Эн хойр ца хораһур орлдж йовна. Өмкэ, ардан үүд хаах хооридан эргэд келнэ: — Делгр, цэ эс бээни? Нааран авад ир.

— Цэ белн,— гинэд, Делгр адһж босад, ардаснь цэ, һуйр, тос орулж өгн, хэрү һарч ирв. «Ода ю татсн болхв эдн?— гиж эн

ухална.— Сүмсн уга бээлднэ, бодхнь — хара юмн биш кевтэ. Дегд...»

Сөөнь өрэл болж йовна, ца хорайур орсн хойр харч ирхш, нам бээх-угань медгдхш. Делгр залхунь күрэд, эвшэнэд ирнэ, зуг наадк герткс унтад уга юмнд күрдэнэд кевтхм биш, күлэх кергтэ болсн, арһнь уга, уитри гижэх шам кевтэ чирм-чирм гиһэд сууна. «Ода юуһан күүндэд бээдвн? Мууха эс чилдг үгви? Яахар, ю кехэр? Эн хамг байдад, бас чигн деернь немхэр, зөөхэр нигдв-яһдв?— гиж дотран эн уурлад, хойр талан харвад авна.— Хоосн улс яһж эмд бээдгт алн болдм биш жахан?»

Һаза генткн «хард-таш» гисн болла — үүдиг делгэд, Чакура эмсхсн орад ирв. Бээдлнь дегд эвд: салваһад-сарсаһад, һолац цоксн... Энүг үзн, дегд чочхларн, Делгр өсрэд босна.

— Чакура, яһвчи?

— Тарна гидг эн, бергн!— Чакура уульцнад, өргнь хавшад одна.— Теңгр цокна гидг эн!..

— Яһва? Юн болва?— гилдсн Өмкэ Никт хойр ца үүдэр шаһалдсн, нүдэрн Чакураг бэрж идлди гижэнэ.

— Муутлыг авад йовж одва,— гиж Чакура арһул келсн, бу хаснас давуһар лугшсн болад одв,— һурвн күн ирэд; негжэд...

— Эврэн үзвчи?— Өмкэ Чакура тал өөрдж йовна.

— Мини келдг терлм,— Никт шуукрад, «яһж алдад орксм энви?» гисэр хултхлэна,— ода маниг авхар эс аашдг болхнь?

Өмкэ гер дотркан эргүлэд хэлэсн, цуһар чигн захас харм болжахнь ил, эрст өлгэтэ кевсэн илэд уульцнна: — Хээрн гер-малм... умш-умшар, деншг-деншгэр хоршулад, цуглулад...

— Одак үкр гидгтн яахмб?— болж Чакура сурна.

— Үкр?.. Ямаран үкр?..

— Үкр өгх болад, маниг эвлэд, тадн йовулсан... мартчквта?

— Аюдан юн гинэ? Болһа...

Чакураһн нүдн дотриһь һал асад гилвкэд одна. Эн доран эргэд, һархар йовна. Никт сана авсн кевтэ сарвлзад одна.

— Та, эцк, яһжахмта?— гинэ.— Кенэ-яна уга үлдх үкрмүд эрвлэд!..— Бийһь Чакура тал эргэд немнэ: — Һазаһас дурта үкрэн ав, герүрн күрг..

Чакура һарад одна. Никт эцкүрн өөрдэд, хоолдан шахж, уурлн шимлдсэр: — Кемр оралдж гилэ, эцк, би уга билэв,— гинэ.— Та деерэн цугинь автн...

— Чакура эдн чамаг бээлэ гихлэ, яахмб?

— Бээвчи, төрт орлцсн уга гитн. Зарцир мини, би эврэн йовуллау гитн. Медгджэни?

Генткн дэки хард-таш болад, Чакура орад ирв: — Одакстн һаза күрч ирв, буулджана,— гиж келн, асхрулад уульһа.— Тана үгд орад, үкр авхар седэд...

— Болж, Чакура, баавһа кевтэ яһжана?— гиж Никт хөрэд,

үүнүр өөрднө.— Чакура, тодл: тадниг эцк йовулхд би бээвчн, юмнд орлцсн угав. Эцк ханцарн таднд зааһад, үкр өгх болад йовулла. Медвчи?— Никт ардан эргэд, эцк талан келнэ.— Би йовнав, уга бээсм деер болх..

Үүдн арһул секгдэд, Никт һарад одв, нам менд чигн келсн уга.

— Хээри мал-герм! Кендэн үлдэжэнэв гихв?!

— Мал-герэс урд бийэн хэлэхита,— болж Делгр келнэ,— хар толһаһан хармлх...

— Хармлдг, Делгр, давла,— гинэд Өмкө сууна.— Лиж угаи үүл, нам чик селвг өгдг юмн уга. Мини му үүлэр тер бэргдэд хагдж эс гини, чавас.

— Хагдж гинтэ?— Чакура ормаһад, хойр нүднь бүлтәһэд одна.

— Эх, эн йосиг!..— гинэд Өмкө шугшна.— Зөв өгсн болну, би энүг!..

Һазак үүдн секгдсн болв: чаңһ-чаңһ ишкдлтә улс орж аашхнь соңсгдв.

— Делгр, чи үлдх болжанаң, хэлэжә, харжа..

— Намар кен хэлэлһхәр бээдмб?— Делгр эврәһән келнэ.— Нег хажуһас көвүстн, наадк хажуһас — йосн...

Партии Централын Комитет «Коллективизации тускар» бичг илгәснән, эн төриг парторганизацис невчк сулдхад оркснас көлтә, йовуднь хашиңдсиг заасн, крестьянств дунд шунмһа политическ көдлмш делгрүлж, колхозн жисәнд шин, күчтә өөдлт тетктн гиж, коммунистнриг дуудв. Тер учрар таңһчин комитет коллективизации сар хонг кех болж шиидв, шин колхозмуд бүрдәтн, бээхинь икдүлж, тедниг кергтә хамгар теткж батлтн гиж, нутг болһна өмн төр тәнб.

«Яһж йовхинь, альд юн болжахинь эврән одж бүрткс, медс,— гиж Жалыков ухална.— Жил дегд хүүрә, хур-чиг тас уга, халун һаң теегиг шатачксн... Идг уга, белдсн өвсн-тоосн хәтәр... Үвл ямаран болхинь меддг арһ уга. Тиигхлә, урдаснь сәәһинь эс хәәхлә, хавар уга. Доталнав, теңгс көвәд күрч хәлэх кергтә».

Хар машин хурдлх деерән һарчксн, «хаалһин ут гидг намд юмн биш» гисәр цоклһ болһнд көвклзәд, дүүгәдл йовна. Хаалһ бас энүнлә һаңж дөрсәр, «чилшгов, баргдшгов!» гисәр холдан жиирәд, матиһэд-һотиһэд, нәрдәд-уудад, улм цаарлад, көтләд, сунад йовна. Дотрнь басл бүтү: хара зөңдән көлсн асхрад, сар-сар гинә, хурц нарн шил һатцас күүнә чирә, махмуд хээрж ирвлзүлнә. Хажудк терә секхлә, халун салькн һалар үләнә, тоорм бас амрахш. Ардан хәлэхнь: дууна шахуд нигт тоосн цоонград, деер, теңгрт үүлнлә хутхлдсн болна.

Хаалһас хол биш йовх нэг сүрг үзгднэ. Хэлэхнэ, шуд зүрхн ишкрм: үкрмүд генгилдэд, эрэ зогсжах болж медгднэ. Эднэ хавснь яралдад, дал-таша болсн хамгнь шовалдад, арсинь шу цокад һарн гисн...» Цекр зунар иигж, өргүлхдэн күрч, муудан орсн мал үүлдэн яахмб?— гиж сансн Жалыков барун һаран зүрхн тусан бәрсн, арһул илнэ чигн, деерәснь дарад, ниткрнэ чигн, зүг тернь хавчгдад, шахгдад тэвгдхш. Болв Жалыков тоолвртан авлгдсн, энүг оньгтан авч йовхш.— Ухал, Хохал, арһл!— гиж толһаднь төөнрнэ.— Үүлдэн үүнәс чигн дор болх, адһ, шамда... Мал иигжәхлэ, юн үсн, тосн, махн бәэхв? Тиигхлэ, эмти түрхн алдг уга. Налжиг... Заһсна халхиг чаңһах кергтә!.. Хальмг трест ода ямр күчтә: ик-ик 5 завод — бәэрндән, 5 завод — теңгст, консерви нөг завод бас теңгст, үүрмг салг-малг болдгнь бас дала...

Заһсна халхин иргчнь гихлэ: Лаганд заһсна консерви комбинат,— комбинат!— бәрх зөв көөлдә-көөлдә бәэж правительствәс авчксн, таварлж биш, Жалыков, үкс гих кергтә. Күчтәд юмн болхми: жилдән 14 сай банк консерв кеж һарһх гисн... Ямаран, а?! Анастас Ивановичд ханхас биш, басл күчлвә. «Тодл, Жалыков, өгдгнь — өгчәнәвиди, болв сурхвиди!» гиснь, чеежәсм һархш. Нарком Микоян наадж келсн үг биш, тиигхлэ...»

Лаганд күртлән Жалыков зууран Хар һазриг эргәд, күчр оньглж шинжлнэ. Санань, баһ-саһ идгтә болхнь, хөөдән үвлзүлхәр седсн, болшго чигн, өнгөл уга. Эн цаарлад, Жилкт алдар гүүдж, теңгс көвән Күмин хулснд күрнә, таасна: «Үүл дегд өгтмлэд бәэхлэ, бод малыг тууһад авч ирәд, орулчкж чигн болжана. Хулсна бүчр мөлжсн бийнь — тежәл. Тиигчкәд, ямаран нигт — эвртә немр. Өлн малд сән немр гидг — бас эркн, хотас тату биш...»

Жалыков Лагаһар орж ирн, торхш, тустан заһсна завод тал адһна. Күрч ирн, таньдг эс таньдг болвчн улсла мендлэд, ю-күүһинь хэләһэд, ажглад, таасхинь — таасад, эс таассан — келәд йовад йовна. Өмнәснь кесг күн аашхиг үзнә. Тедн заагт нәрхн өндр һәрәнә Налж йилһрсн, хажудан йовх нутга комитетин даалһврта сөгләтрт заңжаһадл келәд йовна. Цуһар чигн күүндврт авлгдсн, Жалыковиг оньһжахмн уга. Эннь өмнәснь тосад: — Мендвт, үүрмүд!— гихәд оркна.

— Хохал!.. Хохал Манжиевич!— болж Налж уралан ишкәд, һаран өгнә.— Кезә ирвтә?

— Минь ода,— Жалыков күн болһнла мендлэд соньмсна:— Юунас ави зүткәд йовнта?

— Эднд,— Налж наадкс тал өргәрн заана,— өгх дутман мел баһдад, бас-бас гилдәд...

— Идх дутман дурнь мел өсәд йовдг темдгтә,— болж Жалыков мусхлзәна,— тегәд, ю ас гинә?

— Заһс бәрлһиг икдүлн гихлэ, флот мана муухн, ташр заво-

дын күчнь байджана,— гиж нутга комитетин даалһврта сеглэтр зовлнган келнэ,— трест болхла мел хумсан тээрэд...

— Өгхэс үлү, дөңнхэс нань яахмб?— Һэрэн Налж чанһрж йовна.— Таднас талдан кенд одна?.. Заводын күчиг немхэр ода мөңг һарһж болшго, комбинат бэрн гинэ бээж...

— Заһс бэрлһиг икдүлх гисн, теңгс көвөн үүрмүд, йир чик тоолвр,— болж Жалыков дөңнэ,— зуг шин флот аль завод икдүл гисн хажһр. Бээсэн олэлж, эвинь олж эдлэд, заһс бэрлһән хойр-һурвн чигн холвти, кен таднд бичэ гих? Кемер Налж Гаряевичд хавтхднь хойр-һурв сейнер йовсн болхла, учр ондан. Угалм... Жил йир күчр болжана, эврэн үзжәнэт, үүрмүд. Мал, күн уга түрн гижәнэ. Тер учрар заһс бэрлһән чанһатн гихэр. Трест чадсари дөң болх. Бас нег таднас сурхм: элэдэр өвс-тоос белдти гихэр...

— Бидн күрм дүңгэр бел кечксн...

— Уга, хээртэ үр,— гиж Жалыков даалһврта сеглэтрин ээм деернь һаран тэвнэ,— тана нутг наадксас зөвөр сэн бээдлд бээнэ. Өөртн теңгс, көвөн — көк хулсн... Хадситн, бел кеситн күн медж болшго, авад, талдан нутгудт чигн өгх учрх. Хэлэжәһэд, алж болшгоlm. Тим эсий?

— Тимнь — тим, Хохал Манджиевич,— гиж даалһврта сеглэтр саналдна,— хулсн дала, һар күрч өгчөхш, көлгн-күчн бас хэтэр.

— Би тана теңгс көвөг кевтнь гишц эргүв,— болж Жалыков келнэ,— хулсн эвртэ нигт... Муучлдж гилэ, бод малыг тууһад орулчкхла, доран үвлэд бээхм: идхнь — дала, немр күчтэ...

— Намий?— нутга комитетин даалһврта сеглэтр ормаһад одна. Тегэд, мана белдсиг авчкхар седжәхмта?

— Үвл меджәпэ, үвл...— Жалыков саналдна.— Налж Гаряевич, та эдниг ю-күүһәрнь бас чигн дөңнж үзтн, һанцхн эдниг чигн биш, Ижл көвөхниг бас. Ахрар келж, заһс бэрлһиг цуг халхарнь чанһаж эд-бод келһиг ясрулж, әмт теткхән ухалх кергтэ, саахн намд көдлмшчнр келсн — хальмг цэ хойр холван үнтәрж гинэ. Үнний?

— Үни.

— Намд юнгад эс келлэт? Тиигж болдви? Хальмг цэ гих нертэ болхас биш, энүг орс, хасг, манһд күртлән ууналм. Теегт, теңгст, халуид чигн, киитнд хальмг цэ эднэ эркн тежәлнь. Эн хамгиг цээлһэд, Микоянд сунһуг цокх кергтэ. Анастас Иванович медх, дөңнх. Иовий, бичти, би эврэн һар тэвнэв.— Жалыков түрүлсн, наадкснь дахлдсн, заводын директорин хорад орж ирэд суулдна. Удсн уга, бачм сунһуг йовад одна. Нөкөдүртнь, Жалыковиг заһсчир дунд бәәһә бәэтл, Москваһас хәрү ирснд хальмг цәәһин үн хасгдж, урдк кевәрн үлдж гисн зәңгд көдлмшч улс. хальмг, орс, манһд уга, цуһар байрлв. «Хохал меднә!.. Чадна!.. Жалыков бәә-

нм, маниг эс дөнхх били!..» гиж хоорндан хүүв келдж, бахтснь лавта.

...Намр ирэд, зөвэр серүтж одсн бийнь, хурин зүүлтэ юмн тас дуслхш. Һазр саак кевэрн, дегд үэл уга: харлад-борлад, шора-элсн. Эн жилнь им хоосн, урһц шатж одсн болвчн. хөөткән тоолх кергтәлм. Тегәд, намрин тәрәнә кәдлмшиг таһч цагтнь, ахр болзгт кех болж шунсн учрар колхозмуд һазран хаһлад, эд-бод кенәд, шаң өгйәһәр өгсн экиг цеврләд, бел кесн, нег атх чиги салһл уга тәрв. Зура давулж күцәгдв.

Дарунь киитрәд, сальки чаһһрад, адрхин на: нүцкн һазрин деерк элсн-шораг өргәд, хү болж хутхад, цоонгрулад, теңгрт күргсн, тернь будн кевтә бүтәд, тархан медхш. Бәәс гихлә, улм киитрәд, цуг хамг көрәд, һазр хар цод болсн — басл кецү.

Жалыков Ик-Цоохр эргәд, хәрж ирж йовна. Яшкулин ца, Шолда алдид, нег өвгәрг күн күцж ирнә. Машиһән зогсалһад, суулһна. Өвгн мендләд, бийнь зөвәр үргсәр ормаһад, овхаһад, күн болж машинд шинки суужаһнь ил.

— Көгшә, нег мөрнә юмн олдсн угайн, йовһар, ора шидр, ним салькид?..— гиж Хохал сурна.

— Ай, ода цагин мөрәр йовснд орхнь, эврә көләрн йовсн батта. Дәңглмүд, кү күргх биш, бийән әрә даажанм.

Жалыков ду һарсн уга. Өвгн улм цаарлжана:

— Зурһан көлтә зуд гиж келдг. Түүнә һурвнь нег жил дөтр учрна гидг, үзгдәд, сонсгдәд уга юмн.

— Һурвнь гиси?— Хохал ардан эргәд одна.

— Хагсу зуд, халун зуд,— өвгн хойр хурһан дарад оркв,— эг хойрнь хаврин тес, зуна дуусн һаньдглсн, ода хар зуд болжана, умш цасн уга, киитнь — модн хуһрм... Хээрхи, цаһан зуд деернь бичә болтха гиж, дү көвүн, зальврх кергтә. Делгү цасн уһад, һазриг бүтәчкхлә, деер цаһан, дор цаһан, хаалһ-хачр уга болад одхла, үүл түүнд. Белн өвсн, усан малдан күргж өгч ядад, малнь мәэртиә гидг...

— Тиим кезә болла?

— Сонсхас биш, үзәд угав,— гиж өвгн келнә,— кецү юмн гинәд келцхәдг билә.

Удсн уга, машин Яшкулин захар орад ирв. Өвгн бууһад, мендән келәд, йовад одв. Жалыков ардаснь кесгтән хәләж, келсннь сергәж санн, мел тиим ода учрсар саналдад, даарсар чичрәд авна: «Бичә үзгдтхә гихәс!..»

Нег өрүй Жалыков зөвәр эртхн сернә. Дүнхннь, өр цәәх болад уга, зуг гер дотр йос уга гегәрсн болад бәәнә. Босн бийәри йиринә терзүр гүүдг авъяста эн чочн тусчкад, ори деерәс өсрж бун, терз тал адһна. Хәләхнь, деер цаһан, дор цаһан, мел цәәж одж! Цасн басл зузанар унж, өвдгцә болхнь алдг уга. Терүн деерән ори шуурад, эндитенд ик-ик көр хурсн, йоста аюл болжаһинь

ил. «Цаһан зуд гидгнь эн жахан!» — гиһэд, одахн харһсн өвгнэ келсн тоотнь сананд орад ирнэ: «хаалһ-хачр уга болад одхла, үүл түүнд. Белн өвсн, усан малдан күргж өгч ядад, малнь мээртнэ гидг...»

Жалыков телефонур гүүһэд, цуг нутгуд дуудна. Удсн уга, түрүнлэнь эклэд күүндэд бээв. Иим йовдл һанцхн Элстд биш, цуг таһһчд, альднь чигн учрж. Эн нутга комитет болһнд, даалһврта сеглэтр болһнд бииднь, цуг эв-арһан, күчн-чидлэн үкс гиж олэлж, олна малыг теткх, харсж авх төр хайлтн, күцэтн гиж заана.

Дарунь партин таһһчин комитетин бюро хурад ирсн. Жалыков үүрмүдтэн «цаһан зуд» гидг юуһинь, яһдгинь, яахла сэн болхинь келж зөвчлнэ. ЦК-д, крайкомд цаг түдлго эн аюлын тускар зэнглх, дөң сурх болна. Зудас һархин төлө терүнлэ ноолдлһ һардх таһһчин штаб бүрдэгднэ. Энүг Жалыков бийнь һардна. Иим штабс болн мээртсн мал харсх шишлц багмүд нутг болһар эрк биш бүрдэх заавр өггднэ.

Тийгж «цаһан зудла» болсн ноолданд түрүн агчмаснь авн, цуг таһһчарн партийн болн советск органмуд толһачта, күчн-чидлэн негдүлж орлцв. «Мана эркн зөөр — мал. Малан харсж авхми!» — гисн дуудвр Хальмг теегэр тарж, күн болһнд күрсн, кенинь чигн төвкнүн суулһсн уга. Колхозникүд, көдлмшчир, нам һанцрсн крестьянмуд күртлэн бослдв. Цуг көлги-күчн, хурагдсн эдл-ууш, хот-хол, хоршагдсн мөнгн, эд-тавр чигн эн бачм төр күцэлһнд олэлгдв.

Деерэс ирсн зааврар, эврэ сэн седклэр чигн өөрхн бээх Ээдрхнэ күч-көлсчир му бишэр дөнгөн күргв. Машид, трактормуд, эмт һарһж өгсн деерэн, нутгудлаһан тасрхан уга залһлда бэржэхин төлө хойр радиостанцар теткв. Таһһчин штаб Элстд бэн гихлэ, хол, сэн залһлдан уга болсар Ээдрхнд бээж, эндэс цуг көдлмшиг һардх керг учрв. Балһсна Совет штабд онц гер һарһв.

Правительств, край чигн күчн-чидлэн, мөнг-тенгэн эрвлсн уга. Урднь хальмгуд сээтр үзэд уга самолет күртл тедн илгэсн. кеер, эжго эрм цаһан көдэд түржэх эмт, мал харсж авхд берк дөң болснь алдг уга.

Хальмг таһһчин партийн болн советск органмудын, цуг күч-көлсчирин, таһһчин штабин толһач Жалыковин бийиннь чигн күчэр, Советск правительствин болн хоша бээх балһсдын дөнгэр, цуг олна нй-негэр «цаһан зуд» диилгдв. Таһһчин эркн зөөр — мал нурһлж харсгдв. Болв аюлын үзүлсн һару гидг баһ биш болснь һуудлта.

Тинм күчр һарула харһсн төлөднь таһһчин колхозмудт мал-харан ясж автха гиж, правительств өгйө мөнг һарһж өгв. Малын хот урдаснь белдхд ик оньг тусхагдж, кемр аюл учрхла, олэлгдх көрн эрк биш бүрдэдг болх шиидвр, авгдв. Тер учрар өвсн-тоосна 10 баз, машиндэр өвс хадж хурах 10 станц (МСС) һарһгдв.

Кесн, күцэсн баһ биш, кех, күцэх түүнэс чигн хол даву. Шин, өмнхэс эрхн чинртэ тоот дор-дорас гишн нарад, эрх биш халхлхг некнэ. Тедн дундас нег төр йилһрэд, тонтаһад, ахлад йовна. Жил хооран хурагдсн XVI-ч съезд тэрэ эс тэрдг, оцл келн-улс бээх һазрмудын партийн организацст угатя, яду улсин бүрдэциг цуг халхар делгүүлж, кулакудыг шахлһан чанһахларн, эднэ дажргч авгинь шантрулж, хөрж йовтн гиж заала.

Жил эртсн, һучн негдгч жил өрэлдсн, Хальмгин күч-көлсч крестьянств колхозд өрдгн — орад, эс орсн — орн гижэх кемд кулакиг хөржэх кергтэ гисн баһджана. Тер учрар, энүг, эмт дажрж, хар көлсинь, улан цусинь ууж йовх сүл классиг уңгарнь кудх керг ахлсн бээһнэ. Тегэд, партин таңһчин комитетин бюро кулакудыг уга кеж, талын һазр орулж көөхмн гисн шиидвр һарһв. Терүг һардж, күцэх политтройк гиж үүдэсн, саак Жалыков ахлх болв. Нутгудар бас тиим юмс бүрдэгдв. Теднэ заавр, хэлэврт, таңһчас болн нам крайс чигн көөгдж нүүх кулакудын эдл-аху диглгдх болна. «Сээнэр, арднь орж, оньглж бүрткэд, тодрха тодиг кетн, — гиж Жалыков некнэ, — алдад орквзат. Зуг тиим юмнла харһшго улс орад оддм болвза. Хэлэти, дегд бичэ адһтн».

Жалыков, сээнэр меддгэрн, теңгс көвөхнэ кесн то-дигиг басл чигн нэрдүлж бүртксн, заагдсн нерн болһиг онц-онцднь ажглад, шуд чиннүрдсэр сууна. — Гем уга, — гиж таасна. — Иим кевэр цуг нутгуд кесн болхла, арһта, эндү һаршго.

Кулакудыг нүүлһх шиидвр барт һарм цацу нутг болһнур таңһчин комитетин шишлн элч йовулгдна. — Төр, үүрмүд, дегд нэрн, кавжрта, — гиж Хохал Манжиевич эдниг оньган, болһамжан икэр өгхинь некнэ, — ирн бийэри цуг хамгиг һартан авти, эндү-хажһр орад одсн болвза, хэлэти. Ахрар келхлэ, угатыр дажрдг класс болдгин уңгднь суух, уга кех улс тадн болжанат, тиигхлэ, эс зөвшөрхнь, бурушахнь чигн нарад бээх. Саглтн...

Теңгс көвөһэс ирсн зэңг йир сэн. Энд ээмг, хотн болһар олна хург хураһад, эмтнлэ зөвчлсн, эдн бииснь дөңнж, кулакудыг уга кех шиидврмүд һарһж. Эн көдлмшин гүргүд күч-көлсч крестьянствин политическ серлнь болн шунлтнь өөдлж, омгнь өссн дегд айта болна.

Социалистическ тосхлт ар һазрар тиим земгэ, сэн күцмжтэ йовхасн көлтэ Хальмг таңһчин һардврт делгү коллективизац келһиг ахр болэгт, цөөкн сар дотр төгсөж болх гисн иткл үүдэдг болна. Терүнэс иштэ таңһчин комитетин бюро эн төр хэләһэд, колхозмуд бүрдэлһнэ йовудыг улм чанһаж, арднь орад, делгү коллективизац келһиг мал өскдг нутгудар ирсн хавр күртл чилэх кергтэ гиж. Ташр тиигхлэри, тер нутгудар эзнэ гих мал үлдәһэд керг уга, цуһар, нег толһа күртлэн, колхозд орулгдж, олна болх зөвтэ гиж коммунистрт бюро заана.

Зуг эн адһмта шиидврин эндунь мел дарунь гилтэ илдж, муу-
һан күргнэ: әмт үргәнә, болх-болшго үг һарһна, нам зөвәр үүмүл-
нә. Генткн, жил чилхин өмн өргн дор, арвхн хонг һучн негдгчәс
үлдсн бээтл, «Правда» газетд «коллективизац келһнә хоосн про-
центин төлө көөлдлһн» гиһәд, статья һарад ирнә. Жалыков авад
умшн, шуд нүдн харһһурсн болад, чеежн хавчгһад, кинь давх-
цад одна. Хальмг таңһчд колхозмуд бүрдәлһнә кергт дәкн зүн
тал хажисн үүлин учр-утхинь илдкжәнә. Тер эндүһин һол учрн,
таңһчин комитетин бюро 1931 жилин августын доланд һарһсн
тогтаврин деер заагдсн хойр пункт гиж, «Правда» илдиь темдгл-
жәнә.

— Мел үнн!— гиж Хохал Манжиевич шүрүһәр босад, бүсән
ясна. Дарунь газетиг шүүрч авад, һарад одна. Тусн бээдг үүд
секәд орна. Стол һатц суусн Бурмистенко, бичжәсн цаасан хоо-
ран кен, босна.

— Хохал (Манджиевич, та биитн ирдгәрн...

— Умшлч, Михаил Алексеевич,— болж, Жалыков һартан йов-
сн «Правда» өгнә.— Чи ма хойриг чикәр чикдж...

— Чикдж гинтә?— Бурмистенко маасхлзад, газетиг авна. Кес-
гтән ду һархш, гүүлгәд умшад бәәнә. Жалыков энүг ю келхинь,
яхинь күләсн, адһажаш. Дүңихн, чиләһәд умшчкв, болн зөрм
һазринь дәкн давтж йовх кевтә, хэләцн деер, дор орад бәәнә.—
Тегәд, яхм гихәр?

— Ях билә, үр Бурмистенко, чиклх кергтә? Эндү мана, «эв-
рән унсн күүкд уульдм биш» гидг... Бюро хураһад, күүндвр ке-
хмн, шалһлтыг чик гиһәд, кех-күцәх тоотыг темдглх кергтә. Тинм
әсий?

— Зөвтә үг, Хохал Манджиевич,— гиж Бурмистенко гекнә,—
зуг дегд адһхм биш. Сәәнәр белдвр кенәд, юуг, альд, яһж чикл-
хән ухалж, темдглж авчкад, бюро хурахмн гиж санжанав.

— Терчн үнн,— Жалыков зөвшәрсәр бас гекнә,— би халун-
дан нам эндрин бнидн кехәр гүүдгм тер. Чик, белдјк авхмн...

Тер хосрнд ВЦИК-н Президиум Хальмг таңһчин күцәгч коми-
тетин тооца сонсна. Авсн тогтавртан эн: «Хальмг автономн таңһ-
чин Советмуд таңһчин эдл-ахуг социалистическ кевәр ондарул-
лһна хаалһд батар орж, эдл-ахун болн социальн-культурн тосхл-
тд зөвәр ик күцмжс бәрж» гиж өөдән үлнә.

Һазадын орн-нутгудын көдлмшч, крестьян улсин элчнр Аме-
рикәс, Германияс болн Моңһлас Хальмг таңһчур гиңчлж ирнә.
Эдн хальмгуд амаран бәәхинь, яһжахинь, ю кежәхинь цань уга
гидгәр соньмж, нөрдүлж шинжлнә. Һарад йовжаһад, таңһчин га-
зетмудт инјж бичнә: «Советин йосна цагт тәдн эдл-ахуһан болн
культуран яһж тосхжахитн үзж медхәр бидн ирләвидн. Тана кол-
хозмудт одад, онц көдлмшч болн крестьян улсла харһж күүрләд,
тадна культури болн социалистическ бәәдлә сулдаи күңц таһн-

лдх эл-арһта бэеввиди. Нарад йовжаһад, мана герчлхмдн, бидн тадна, көдлмшч боли крестьян улсин социализм тосхжах шуилтд йосар өврвиди. Тадн Советин йосна чик политикин нилчэр эдл-ахуһан боли культури кирцәһән земгә өөдлүлсиг эврән үзж мед-види». Энүгинь хальмг болһн умшж, омгнь өснө, байрнь немнө. Газетиг негнь негидән өгәд, умшснь эс умшсндан келәд, төр кел-днө, хуувлнә:

— Эдн худл бичшго, а?

— Эдниг угаһар эврән үзжәхшчи?

— Нүдән бүлтәһ, чикән сертәһ, үзүлсв, келсв!..

— Юуһинь, манахс, шуугнта? Ил юмн — илдән... Цааранднь үүһәс чигн сән болх. Терүнднь байрлхм.

1932 жилин январин 9-д таһһчин комитетин бюро деер «Правда» газетин бичсәр ик күүндвр һарна. Үүнә шалһлтыг чик гиж, заагдсн хамгиг, эндү-хажһриг уга кех гисн тодрха тогтавр авгд-на. Бюро төгсәд, орлцсн улс йовн гижәхнь, Жалыков келнә: — Эн эндүһән, үүрмүд, нууһад керг уга, илднь бичәд, күн болһнд күр-дгәр кех кергтә.

Цуһар чигн ормалдад одв. Бурмистенко бас алиц болсар Жалыков тал ширтсн, цаарандан юн гихинь, яахм тихинь медхәр, сонсхар седснь ил, күләжәнә. Жалыков зөвәр цуцрсар саналдч-кад келжәнә: — Миниһәр болхла, газетдән бидн шишлн статья барлж, хажһран заахмн. Нүр статья болхла, улм сән. Эмтнд эн-дүһин уршгинь илднь келхмн. Барун оппортунистическ хажилт кеж, колхозмуд һолж, һазалсн мет колхозн тосхлтд кегдж, кү-цәгдәд уга деегәр «зүн тал татж» һәрәднә гидг бас сән юмн биш. Хойрулн чигн икл му үндстә, нег ижл хорлтта болсар тедн боль-шевиствк чанһ серлтлә харһх зөвтә. Алькинь чигн йилһл уга клас-син хортнд туста болхас биш, манд, олна кергт дээсн. Минь нигәд бичти, редактор, бичә әәж әмәтн.

— Хохал Манджиевич, дегд шүрүн болх угайн? — гиж редак-тор сурна.

— Колхозникин һаза бәәсн мал булаж авхла, терүнд жөөлн бәәсний? — Жалыков гентки уурлсар хар күрнтәд, — кехдән эс әмәсн улс, келхдән юуһас әмәхви?

— Би Хохал Манджиевичин келсиг дөңижәнәв, тиигсн чик болх, — гиж Бурмистенко гекнә.

Дола-нәәм хонад, «Ленинский путь» газетд нүр статья һарад ирнә. Коммунистнр, партийн биш актив чигн, энүг өргәр умшж, өлнд цәәлһж өгнә. Күн болһн кергтә ашлвр кеж, дәкж тиим хаж-һр һарһшго болж, тодлна. Парть кениг чигн өөд өгшгог цуһар медж, итклинь немнә.

Колхозн тосхлтыг цааранднь делгүүлх кергт боли таһһчин күчн-чидл өөдлүлхд партин Центральн Комитетин һарһсн шин тогтавр берк нилчән күргв. Энүнд дуту-дунд, хажһр-эндү мел ил-

днь заагдв. Колхозникүдэс үкринь болн үүрмг малынь бас күчэр булаж авдг йовдл партин политиклэ тас ирлцжэхш, партин күсл колхозник болһиг эврэ үкртэ, үүрмг малта, шовудта кехд бээнэ гиж келгджэнэ.

ЦК-н тиим цээлһврэс иштэ партин танһчин комитет эдл-ахусин органмудт эн төриг эрк биш халһх даалһвр өгнэ. Нутгудар болн колхозмудар шишлж заавр одснд тави хонгин дунд колхозникүдэс авсн малан хэрү өгтн, тиигхлэрн, хошаһад үкр, таваһад хө, колхозд бээх өрк болһнд нег толһа көлглх мал өгтн гиж заагдна. Тер мет, мал уга колхозник бээхлэ, колхозар дамжулж мал авхднь нөкд болж, теднэн асрх өвс-тоос белдхднь орлцж дөнтн гив.

Партин болн правительствин килмжэр танһчин колхозникүдин мал-гер земгэ батрв. Жилин эргцд эднэ бийсинь бод малын то күсдундур холванд өсөд, 60 миң шаху күрв.

Жалыков ик стол һатц, ормдан сууна. Өмнөн кевтсн цаасдыг умшад, зэрминь хэрү тэвэд, зэрминь бийүрн өөрдүлж, бас чигн хэлэхэр йилһэд бээнэ. Негн деер торад: кулакиг класс кевэрнь уга кеж, колхозмудан болн совхозмудан батлж, теднэ эдл-аху болн бүрдэмж ясх кергт ода чигн зөвөр харшлт харһад, саг бээхиг, улм ю-күүһән чанһаж, хэлэж-харжахиг некнэ,— гиж Брузгулис үүнд сонсхжана.— Кү дажрхдан дурлдг, күүнэ көлс эдлхэр седдг хамгин үлдл цөн биш, хулха-худл элвг, хурл-хувргин үлмән баһ биш. Болв өдгэ кемд дегд ээмштгтэ гиснь — шовинистическ авг-бэрцин үлдл, тер мет националистическ бээрн ааль-жинил...

Одахн, урднь кулак йовсн Павленко, бийән дахсн өзднүдлән Немхагинка селэнд колхозин партячейкин сеглэтр үр Манджиковиг гүвдж. Ташр Сарпинск нутгас нөкд болж, тэрэ тэрлцхэр ирсн колхозникүдиг бас гүвдхэр, көөхэр седж. Эстохагинкд кулакудын үлдл әмт әэлһэд, зэрминь эвлэд, 34 тергн тәрх экн бээсиг хуваһад авчкж. Яшалтад хальмг күүкд улсин бригадмуд бүрдсн, земгэ шунж көдлжәсиг гелнгүд орлцад, нүл, килнц һарһжанат, зокал эвджәнәт, үүлән эдлхт гиж, харшлхан хәәж.

Тер бийнь угатя, яду улс негдж, колхоз болад, ондарад йовхд илднь харшлж әс чадхларн, хортн бас ондарна, дораһар, нуувчар хорлдг болна. Зәрм һазрмудар тедн колхозд орад, терүг дотраснь буурулхар седдг харһна, нам худл колхозмуд чигн бүрдәлднә. Келхд, Сарпинск нутга Уманцевд арв һар эдл-аху хоорндан негдсн болад, хамдан һазр эд-бод кех гисн, худл товариществ үүдәж. Энүг урднь кулак йовсн Пазухин ах дү хойр һартан авч, ик хорлт олна кергт үзүлжәж. Эдн ааль-жинил һарһад, шанд буудя орулж өгхд харшлад, бас чигн буру йовдл татад, тер тоотан дархин төлә «товариществәсн» угатя, яду улсиг көөһэд, зуг арһта, бәәхтә хамг орулж авдг сәнж. Эн жилә урһциг кевтнь хува-

һад авчкһн, күч-көлснә нег өдрт 12 килограмм буудя ирж. Тегәд, э" кулацк «товариществ» тарснь ил.

Ижл көвән нутга «Тег» колхозд цуг һардвр кулакин үлдл, хулхач, арсмч тоот болж. Тедн колхозин зөөриг тараһад, хулха-булала харһулж, угархднь күргж. Угатынриг, нам улан партизан йовсн улсиг, орулж авл уга, хальмг, орс, немш, маһд хамгиг хоорнднь цоклдулад, нег-неги талнь түкрәд, ни-неги болдгинь эвдж, колхозиг тиигж дотраснь буурулж. Партячейк, колхозин тиим һардврин үлмәнд орж, тер буру, хорлтта юмнд чик, партийн үинлһ өгл уга, нам теднә келсәр, заасар бәәдг сәнж. Колхозин залвр, партячейк бас, көөгдәд, тиим, йосн биш йовдл һарһ-жасн улс засглгдв.

Зәрм нутгудар классин ноолдан улм чинвртә болж, кулаку-дын үлдл бийинь дахсн наадк хортдла негдәд, партийн, советск, комсомольск көдләчирин, активистирин, ударникүдин әмнд чиги хорлдг харһна. Кулак йовсн Дубровин нөкдиртәһән «Улан малч» совхозд шунмһа комсомолец Бадмаевиг күчр зоваж алж. Дегд өшрсн көдлмшчнр анддыг хатха гиж некж. Сарпинск нутгт селәнә Советин ахлач, хөрн тавн минһнә тоод ирсн ленинградск көдл-мшч Воиновин әмнд хорлж. Кулакуд Сыромятников Кубанов хойр Ик Дөрвдт милиционер Болдановиг боли кесг активистнр алж...»

Жалыков цаасиг умшад төгскн, хооран кеһәд, хәрү оркв: — Тедн кедү чиги хорлхар седж, шүд хазвчи, олна кергт харшлж, кех-күцәхинь зогсаж чаддмн биш. Һарнь ахр!— Эи аралдад босн, терзүр одад, түлкәд секнә. Цааһас цевр, серүвцр аһар орад, чеежнь нам гиһәд, уудсн болад одна.— Хаалһар хурдлж йовх машинд ноха хуцсн мет юмн. Төгә дор оршго болхлһ, ноха бийнь әмән әрвлх зөвтә...

Хальмг таһнч болхла, өдр, жил ирвәс хүврәд, батрад, өнгәй соляд йовдгчи. Селәнә эдл-ахун халхд шаһна сектор — совхозмуд бас өсәд, өргжәд йовхнь алдг уга. Тәрәнә аһу таһнчд, хаана ца-гинәр дүнхнь, хойр үлү талаи холванд өсж. Өвс хадж белдх 25 станц (МСС) малыи хотын көрн хураж, хамгин эрки гисн төр хаһлх учр үүдәсн бәәнә. Эдл-ахусин күчн, чидлнь немәд йовна. Тәрә тәрдг «Комсомолец» совхоз түрүн жилдән тәвн трактор эдл-жәв. Бәәшнтин боли Сладковск МТС-т жирн трактор ирсн, көдл-жәнә. Идг хәәһәд, нүүлдәд йовдг уурхдан күрсн, таһнчин һурвна кесн хойр хүвнь бәәршәд, хотн-селән болж бүүрләд, колхоз, совхозд орж, шунж йовхнь лавта. Лаганд заһсна консерви ик комбинат тосхлһн эклчкһн, йовуднь темдгтә.

Социалистическ тосхлтд Советск Хальмгин бәрсн ним сән кү-цмжс партия таһнчин комитетин даалһврта сегләтр Жалыковиг боли цуг коммунистириг, күч-көлсчириг байрлулж, омгинь эднә немл уга бәәшго. Тегәд, Дора-Ижлин крайком, Хальмг таһнч тү-рүн тавн жилин эргид яһж көдлснә аш соңсх болснд Хохал Маи-

жиевич үүрмүдтөһөн, нег үлү, өөрхи нөкд Михаил Алексеевич Бурмистенкота хойрули, цуг кесн, күцэсэн күргж медүлх сапата, шунж белдв.

Крайком Жалыковин докладиг соңсад, Хальмг таңһчин күцмжсинь темдглж авсн тогтавртан:

«Кезэн-кезэнк хоцрлтасн — хаана колониальн капиталистическ йосна му үлдлэсн хетлж, терүг уга кех кергт бэргдсн күцмжсүр Хальмг таңһчиг зүг ленинск келн-эмтнэ политик, хамгин һол аэмшг гиж, цугаснь үлүркж, ээркж деерлкдг шовинизмлә болн бээрн национализмлә ноолдлһн авч ирснь алдг уга» гиж зааснь ончта.

Тийгж Советск Хальмгин күч-көлсчнр түрүн тавн жилин эргид таңһчин партийн комитетин һардврт күчр күнд, кецү хамгиг диилж, классин хортна гүрмтэ сөрлтиг кү цокж, эврәннь эндү, хажһран нуувр угаһар илдкж, нег мөслж чикләд, социалистическ тосхлтд эк татж, бат ул тэвснь лавта. Болв кегдх, күцэгдх дутман көдлмш йир баһрхш, мел немэд, улм нэрдэд, гүүдэд йовша. Тийгх дутман эн гүн медрл, сэн белдвр хээнэ. Терүг эс медхм биш, Жалыков сурһуль сурх седклд авлгдсн, сүл цагт йосар төр кедг болад ирв.

Тооцаһан өгэд, көдлмшнь зөвөр өөдөн үйлгдсн бийнь Жалыков эрк биш крайкомин даалһврта сеглэтрлэ харһх зөв сурна. Тернь маасхлзад, хойр һаран телнэ: — Хохал Манджиевич, дурта цагтан, өдр-сө гиж бичэ хэлэти,— болна,— үүдм тана өми секэтэ.

Жалыков нуувр угаһар үшнэн келнэ, сурһульд йовх седклэн дөннхиг ЦК-д күргж, зөв авч өгхиг сурна. Даалһврта сеглэтр босад, кесгтэн тагчг йовдцнжаһад, өөрнь ирэд, зерглэд сууна, өвдг деернь һаран тэвэд келнэ: — Зөв өгхм уга билэв, болв Мироньч сурла. «Жалыковин дүнгэ итклтэ көдлэч хээх кергтэ, зүг үүг сурһсн болхнь»,— гилэ. Тер учрар би чамаг дөннжэнэв, деер чигн мини келснэс һарх уга...

1933 жилин июлин 3-д таңһчйн комитетин пленум болон, кесг эркн, бачм төрмүд хэлэсн, тедн дотр Жалыковин эрлһ бас йовла. Эн партин таңһчин комитетин даалһврта сеглэтрин үүлэс сулдхад сурһульд йовултха гиж суржана. Пленум терүгинь дөннэд, кесн, күцэсн хамгинь темдглж, ханлт өргв. Дарунь удси уга, Хохал Манджиевич Жалыков ВКП(б)-н ЦК-д бээдг марксизм-ленинизмн ах курст сурх болад, Москва орад һарснь тер.

Нээмдгч бөлг

Жалыков ю кедг болвчн өрэл-дөрвнэ гидгиг меддг күн биш: бийән кевтнь, үлдл угаһар тер кергт нерэддгнь лавта. Ода эн сурһуль сурхар ирсн, басл чигн арднь орхар седнэ, зүг эвгэдсн болад, бийән эрэ дарж суусн, йосар муулян эдлхин нааһар бээнэ.

Тиигл уга яахмб? Энд тиим болж, тенд им болж гиж хээкрх-
днь — хээкрэд, эвлхднь — эвлэд, на-ца адһад, таһһчан эргэд,
Москва, Шарту, Ээдрх орад, иклэнь — ик кевэр, баһлань — баһ
кевэр күүрлэд, мел төгә деер тишң йовдг күн, иигэд, күн келсиг
хавлад, бичэд, көндрл уга доран сууна гидг, беркл юмн гихэс,
талдан үг олдхш.

Болв зан, дассн авъяс эмнлэ гидг. Жалыков бийән дотран
керлдэд хөрнә: «Чамаг партъ наадтха гиж йовулжйи? Ном дас-
хар ирсн болхла, дас!.. Соңс, бичә алд, бич!.. Дасх, соңсад, медэд
угачн, Жалыков, дала. Хойр жилд чамд, дотрчн күчәр тэвж өг-
хнь, хөөннь бийдчн эркн кергтә болхнь бас дала: партин тууж,
ленинизмн төрмүд, партийн тосхлт, политическ экономин ул, цуг
олна тууж, СССР-ин Конституц болн нань чигн. Тедниг эс медх-
лә, цааранднь әмтн дунд политическ көдлмш кеж, партийн даал-
һвр сәәнәр күцәхв гиж сансн — эндү...»

Минь терүгинь дахлдн, Шартуд болсн күүндвр, крайкомин
даалһврта сегләтр келсн тодлгдна: «Зөв өгхмн уга биләв, болв
Мироныч сурла. Жалыковин дүңгә итклтә көдләч хээх кергтә,
зуг үүг сурһсн болхнь...» — гилә.

Тегэд, жилин эклцәр болсн ЦК-н болн ЦКК-н негдсн Пленум
толһаднь орна. Эн түрүн тави жилин зураг болзгаснь урд күцәс-
нә аш диглж, хойрдгч тави жилин түрүнк жилин зураһар ик күү-
ндвр кесн болдг.

Сергей Миронович харһн: — Комиссар, менд! Кергчн яма-
ран? — гинә.

— Эн тави жил дотр Халымг таһһч... — гиләд, ямр кевәр өсж,
өргжж, ондарсинь келж өгсн...

— Ленинградын күцмж, үр Жалыков, бас күчтә! — болж Ки-
ров келснь сангдна.

— Сергей Миронович, би тапла зөвчлс гиләв. Тана селвг эрк
биш кергтә.

— Дарук завсрт минь үүнд харһий, а?

Завср болхиг зарлм цацу Жалыков адһж һарад, одак ормдан
ирәд зогсчкна. Удсн уга, Киров бас күрч ирнә.

— Нә, комиссар, келн бә, — гиләд, Хохалыг сүүвдәд, барун
эм деернь һаран тәвнә, — юн болв? Яһв?..

— Сергей Миронович, сурһульд йовхар седләв. Ода зөвән ке-
ләд сурхла, чик болхий? Мини белдвр гидгиг та эврән меднәт,
илднь келхлә, баһджана. Жирһл өдр ирвәс ондарад, улм ясрад
йовх дутман түүнә тэвжәх төрмүд улм гүүдәд...

— Чик тоолвр, комиссар! — Киров шуд байрлад одна. — Уга,
Жалыков, би чамд эс эндүрсән ода бас нег медүв. Эврән тиим
шиидвр авна гидг.. цагин неквр меднә гидг тер! Дор-дорас ши
төрмүд һарад, тедниг чикәр хаһлхин кергт, Хохал минь, медрл
кергтә. Медрл!..

Цагтан Хохал Жалыковиг, тоомсрта кедлмшчиг, дээнэ комиссариг, партийн кедлэчиг кенэр чигн сольж болшго билэ. Хаана йосиг хольв цокх, Советин йосиг батлх, харсх саамд цуг зүсн хортнла — цаһачудла, баячудла, бандитнрлэ, кулакудла ноолдж, тедниг кудх кемд, культуриг болн эрдм-сурһулиг делгрүлх, колхозмуд болн совхозмуд бүрдэх кергт нүүдг Хальмгт социалистическ промышленносрин ул тэвхд Жалыковас нань күн чадшгонь лавта. Ода цуг тер эклси, бүрдэсн хамгиг цааранднь улм делгрүлх, балһснд болн селэнд социалистическ кевэр аль-биисиг залх саамд теоретическ болн шишлң медрл мел керглгдэд йовхнь алдг уга. Тер учрар сурһуль сурнав гисичи би үнн седклэсн дөннж, чик гижэнэв. Тана крайкомин сеглэтрлэ харһнав, келнэв...

— Ханжанав танд, Сергей Миронович...

— Учр уга, Хохал Манджиевич, сурһулян төгскэд, теоретическ болн политическ гүн медрл авад оркхла, тер цагт бидн харһад бээхгов, а? — Киров инэмсглж, һаран өгэд, йовхар седжэнэ. — Бичэ геедр, зэнгэн өгн бэ, комиссар...

Тиигж сурһульд орсн Жалыковин цаг гидг басл шахр, өргэд келхнь, өөд өндэдг зав уга. Одр болһн лекцс болна, семинармудт орлцх кергтэ. Марксизм-ленинизм йосар зөвлжэнэ, партин болн орн-нутгин тууж дасхнь бас амр биш. Умшхнь, бичж авхнь дала, цугинь толһадан орулх, тодлх кергтэ. Юуг чигн болс-бүтсэрнь, өрэл-дөрвөнһэр эс кедг Жалыков сурһулиг бас хамгин эрки партийн даалһван гиж санснь лавта. Тиигхлэ, ямр цол, зав бээдмб?

Сурһуляси нег ирхлэнь, Екатерина Романовна үүд секж өгн йовж: — Манад гиич ирсн бээнэ, — гиж шимлднэ.

— Ямаран гиич? Кен? — Жалыков үкс адһад, ца хора тал күрэд шаһана. Бички Надяг өвр деерэн суулһад, кесг ю-бис келж аадрулсн Хомутниковиг ар нурһнась таньна. — Хээртэ үр, Василий Алексеевич! — гиж хээкрэд күзүднэ. — Олад ирвтэ!..

— Тадниг, Москва балһсна цутхлнд бээх, хайгтн темдгтэ улсиг биш, таборар нүүдг, ор-бээрн уга йовдг циигдүдиг эмтн хээһэд олналм! — Хомутников инэмсглэд, өвр деерэсн күүкиг буулһн, уралан ишкэд, Жалыковиг шуд күзүдэд теврв. Тернь бас сарвлзад теврлдсн, нег-негэн зөвэр үмгэд, базһсн бээлднэ. Дарунь салад, гиич ажглсар Хохалын өнг-зүсинь харвн бийэри, немнэ: — Сомаһад, чирэнь цээһэд, муурсн болад... яһсмб?

Екатерина Романовна залуһурн өөрдэд, хойр һаран ээм дее-ринь тэвэд, түшн дүүжлгдсэр бээнэ, хойр нүдинь хэлэн бээж, — студент күүг, тегэд, яһнат? — гинэ. — Нег үлү насчж ирчкэд сурхла...

— Ном күндржэхлэ, сэн, хотнь муудж бээдм болвза, а?

— Уга, — Жалыков үсэн хооран кеһэд ясна, — седклин зовлң тараһад бээнэ. Тенгс тег хойрм селгэдэр зүүднд орад, басл генүлнэ. Зэрмдэн нам хайчкад, зулх дурн күрнэ.

— Авчати энүгэсн!— Хомутников һуян ташад, элк хатад инэнэ:— Орһдул Жалыковиг бэрж авхар көөлдх юмн бичэ үзэгдгхэ!

Залу гергн хойр бас инэлднэ. Удсн уга ,эди цэ уухар суулдв. Хомутников шаазн авад, амндан кеһэд уга йовж, өмнөн бэрэд, хэлэн бөөж:

— Зандрад, деернь солн һарсн болад... Иим сээхн цэ чандгиг, Екатерина Романовна, кезэнь дассмта?— болна.

— Амтнь өнгэснь даву,— гиж Жалыков келнэ,— нег ааһ ууж зогсна гидг — берк...

— Болжл ода,— Екатерина Романовна залу талан хэлэн,— мууха намаг магтад ирвэ,— гинэ.

— Иим цээһин амтнь му болх зөв уга,— Хомутников цээг нег хойр сорн ,немнэ,— ум-м... кел суһлм!..

— Һазр, усн сангдад... Һанцхн хальмг цэ өдр болһн седклим аадрулна,— гиж Жалыков арһул келнэ.— Катюша түүг меднэ, эвинь олж амтлна.— Танһчин газетмүд бас зоогм болна, альд, юн болсинь, яһсинь келж өгнэ. Тегэд, келн бээти, Василий Алексеевич, зэңгин сээнэснь, соньнаснь. Лагана комбинатын тосхлт яһжана? Газетмүд кесгэс нааран юм бичхш...

— Терүнэнчн тосхлтыг адһах төр хэләһэд, правительств, нарком Микоян күсдундур сай һар арслн немр һарһж өгсн, тегэд, түрүн өрөлинь төгсөхд өөрдүлчксн бээнэ.

— А газетмүд тагчг...— болж Екатерина Романовна орлцв.

— Тингхлэ, Василий Алексеевич, көдлх эмт белдх кергтэ, олар сурһх,— гиж Жалыков келнэ,— эврэ специалистир угаһар юмн болшго.

— Негн олдх,— Екатерина Романовна инэмсглнэ,— ирх...

— Кен?— Хомутников ормаһад, Жалыков тал хэлэнэ.

— Уга, Хохал биш,— болж гергнь үгд орлцна,— мана көвүн, Ваня-Маца, Әддрхнд, заһсна институтд сурчана.

— Бас хойр көвүн орсн бээнэ, баһ,— гиж Жалыков саналд-на,— зун, миңһн чиги үлүдшго!

— Чи, тегэд, Хохал Манжиевич, чиләхлэри... бас ирхм болху-говч, а?

Жалыков башрдсар ээман хүмэд, маһдлсн болв: — ЦК мед-жәнэ, йов гисн талнь одхас биш, уга гидг — арһ уга, хәрх санан дала...

— Ода, Хохал Манжиевич, колхозмүд земгэ батрсн, олз-орунь өсэд, эмтн энүнэ ач-туст тавлад итксн... кениг чиги эвлх, түлкх керг уга, эврәннь төлэ көдлжәхән цуһар меднэ. Һидик аш зөвәр үзмжтэ болв. Терүнд чини тәвц, Хохал Манжиевич, баһ бишинь эмтн бас меднэ, келнэ. Танһч орн-нутгт буудя өгх зураһан земгэ давулж, 100 миңһ шаху центнер орулж өгнэ гидг — наадна юмн биш эсий?! Колхозникүдин болһсн нег өдрин үн ямаран өсвө ги-

нэч? Шунж кэдлдг нүүрлэчир болхла, олз-орудан күч күрч яд-
жана.

— Йир сэн,— гиж Жалыков байрлна.— Эмти түрсн-зүдсэн
мартж, байрта, бахта бээхлэ, түүнэс үлү манд юн кергтэ!

Бас чигн кесгтэн бээһэд, ю-кү келэд күүндэд, зөвэр болсн Хо-
мутников босна: — Нэ, ода йовнав, керг дала,— гинэ.— Таднид яһж
күрдмб гинэд, мел төр кеж йовсн, сансан күцэвүв. Бас чигн ирэ
бээхв, бичэ өөлтн...

— Уга, юн ө бээдмб?— болж Екатерина Романовна келнэ.

— Ханжанавидн, Василий Алексеевич,— гинэд Жалыков босна,
үдшэхэр седжэхнь ил,— иржэти, ик байрта, сэн зэнг авч иржэти...

Хомутников Надян толһаһинь илэд, Екатерина Романовнад
гекэд, һарад одна. Жалыков энүг дахлдад, бас һарна.

* * *

Екатерина Романовна күүкдтэһэн унтж одсн, Хохал һаицарн
сууна. Эдндэн шамин герл харшлх гинэд, газетэр хаац кесн,
манһдур өгх шүүвртэн белдвр кежэнэ: кесг ик-ик дегтрмүд сексн,
умшна чигн, бичнэ: даруһас чилэх бээдл уга. Радиог дууһинь
баһрулчкесн, келснь эрэ-эрэ сонсгдна.

Гентки уйдлһта, һашудсн айс асхрсн болад, толһаннь экэр
орад, келин тавг күртл күрч ирвлзүлсн болад одхла, Жалыков
ормаһад, умшж, бичжэсн хамган хооран кел, өлгэтэ радио тал
эргэд, чикэн өгнэ. «Правительственный сонсхвр,— гисн болад одв.
Тингх дутман эн нам киһһэн авхан уурч, оньглсн гүүж босад,
радио чачһаж өгнэ.— Декабри 1-д, 16 час 30 минутла Ленин-
град балһснд, Ленинградск Советин герт (урлд Смольнд), кэдл-
мшч классин хортд илгэсн алачин һарас, ВКП(б)-н Центральн
болн Ленинградск Комитетмүдин сөглэтр болн СССР-ин ЦИК-н
Президнумин член үр Сергей Миронович Киров хорв.

Хасн күн бэргдв. Кень йилһгджэнэ».

Жалыков хойр һарарн толһаһан бэрэд, икл зэвүрт тесж эс
ядсар түншэд босв: нүднь эргсн, чикнь шуугсн болад, зүркнь
менрэд, хатурад, толһань күндрэд, нам яахан олж яджахнь ил.
Радио болхла, саак кевэрн, уйдлһта, һашувр айсиг басл чигн
янзрулсн болна, тернь күүнэ цогид шигдэд, гүүдэд орсн болад
йовна. Хохал радио тал, эрст өлгэтэ хар тэрлкүр ширтсн, бас
ю келнэ, яһна гисн гентки: —Кен?! Яһад?!— гиж хээкрн арал-
дад, хойр нудрман өргж сөгсрнэ.— Яһснднь, а?!

Унтж кевтсн гергнь чочад серн, дегд ээхлэри, нөөрмү кевэрн
гүүж босад, залу талан адһна: — Хохал, яһвчи? Юн болва?

— Катюша, мана Мироновичиг.— Жалыков цааранднь келж
ядад, экрэд, һолан цокад уульи бээж, хойр нүдэн арчна. болв
нульмсн ца-цааһасн асхрад болхш.

— Хохал, Мироновичиг яһж?

— Алж...

— Кен?

— Хортн... Янж манахс алдсмб? Юнгад эс хэлэсмб?..

Радио уйдврта нашудсн айсан зогсав. Келжэнэ: «Дав зуур кегдсн йилһврн ашар болхла, үр Кировиг алсн андна нернь — Николаев, 1904 жил харсн, урднь РКИ-н церглэч бээж. Йилһвр бас чигн кегджэнэ».

— Миронович терүнд юн му кесмб? — болж Екатерина Романовна саналдад, нульмсан арчна. — Тиим күүнэ эмнд хорлна гидг!..

— Кировд цуг олн дуран өгч, альд йовб чигн, ю кеж йовб чигн күндлж, тоомсрлж: «Мана Мироныч!» гилддг бээсн.. Тернь, хортнд болхла; зүркиднь утх шааснас дор бээснь ил. Ямаран цевр, цаснас цаһан күн билэ! Келэд орксн үгнь итклтэ, тодрха, төв, седклнь гихлэ... өөрнь йовх үүрмүдт, кеж йовх кергтнь үлдл уга-һар нерэдгдсн... Хортндан болхла, шуд нүд сохрад бээдг...

— Тиим күүг хэлэх, эрвлх бээсн...

— Хэрнь, янж манахс алдад орксн болхви?

Өрүнднь, сурһульдан йовн йовж, зууран газетмүд авад хэлэхлэ, мел Кировин тускар:

«Партъд болн Советск Союзин кедлмшч класст учрсн күчр һундлас келтэ декабрин 2 өрүн Ленинград тал үүрмүд Сталин, Молотов, Ворошилов болн Жданов ирв».

«Правительственн комиссин сонсхвр: үр Кировин цогц тал орлһн декабрин 3-д асхар 9 час 30 минутла уурулгдхмн. Цогцинь Урицкин Бээшнгэс декабрин 3 асхн 10 часла авч һархмн. Москва тал Московск вокзалас һарч йовхмн. Цогцинь авч йовх хаалһин ут туршар кедлмшчнрин болн цергэ энгсин зерглэн зогсхмн. Заводмуд, фабрикуд үр Кировиг Москвад оршахд орлцх эврэ элчн-рэн кедлмшчнр дундас йовулх зөвтэ.

Бичэч Алексей Толстой нигж бичж: «Орс күүнд юн ирлцигү болна, тер тоотыг цугинь биидэн хурасн билэ. Ухата, холд, тодрха үздг серглн нүдтэ болдмн. Керг күцэлһнд беркл зөргтэ, йир олмһа, дадмг билэ. Кенэ төлө нигж, күчн-чидлэн эс эрвлдгэн эн медж, тедид мел цаһа сансн, седклэн өгсн, хортнла бэрлдх болхла, күчр түргн, нег мөслсн болдг билэ...»

Кировин цогциг Союзмудын Герин Колонн залд тэвсн, һурви өдрин дуусн Москва кевэри гишн ирэд-һарад, сольвлдад бээв. Жалыковин өрк-бүл бас дутсн уга.

Декабрин 6. Улан талви болн үүнэ шидрк уульнцс болн талви-це эмтнэ кэл дор хоталдсн болад бээпэ. Хотл балһснахн күсдун-дур сай, кесг арвад мицһн ленинградцир, деернь Томскас, Ээдрх-нэс, Бакуһас ирлдсн.. орсмуд, кавказцир, украинцир, белорус-смуд боли нашь чигн келн-эмтн... Уржумас — һарлдсн эгч-дунь, хамдан өссн-босснь, иньгүднь: революционн керг-төрт, гражданск

дээнэ һалвд хамдан орлцж, йовси улс, Кировин нөкдирнь болн сурһульчирнь... Ахрар келхлэ — дала!.. «Эднэ негнь би болжанав, Хальмг теегин болн Көк теңтсин үрн, нөкднь болн сурһульчнь», — гиж, Жалыков санси, бичкн күүкән һар деерән авси, гергн ик күүкн хойран өөрән дахулси, оln дунд зогсжана.

Кремлевск улан чолун эрст һарһси бичкн онһрхад, Кировиг жиндрлси үмстэ хээрцгиг, энкр үүрнь болн иньгнь Орджоникидзе эврэ һарарн тэвэд, дал-дал гиж чичржэх даларнь болхла, хойр һаран селн өргэд, нүдндән күргэд бээсэр болхла, Серго нульмсн-дан күч күрч яджахнь ил. Тегэд, Кремлевск эрст шин нерн бичгдси:

Сергей Миронович

Киров

1886—1934

гинһэд, холас йилһрж, седкл үүмүлж, зүрк менрүлэд, харм төрүлэд, халун нульмс асхрулад бээв.

Жалыков әмтн тарад, йовллад, Улан талви зөвэр зээрсн боллад бээсн бийнь, йовх санап уга, зогсад бээнэ. Толһаднь үр Мануильскин келси улм төөпрэд, онц үг болһнь ончрад, седклэ харһж авлад йовна: «Партин һардачир дунд үр Киров онц орм ээлжэлэ. Эн лавта марксистск-ленинск культурас, беркл политическ меркшлтэс болн большевистск тахшлтас нань цөн улст күртдг һара ховр билгтэ билэ».

— Минь эн үг болһна дор һаран тавх билэв! — гиж Жалыков бийнь бийдән келнэ. Бас нег Кремлевск эрс тал хэлэж, «Сергей Миронович Киров» гисиг үзн, цергэ йосар мегдәси болж зогсад, дотран андһарлв: «Мироныч, келсити, заасити кезэ чиги мартхм угав! Көтлэд гишц тана орулси хаалһас, Коммунистическ партин хаалһас, хажихм угав! Көгшәс келдгәр, хээртэ Сергей Миронович, амулцигн орид төртн, ардан үлдси манд итктн: кергити, үүлитн улм цаарлулж, коммунизмн хаалһар шунхвидн!»

Жалыков һурв гекэд, гергән, күүкдән дахулад эргэд һарна. Екатерина Романовна тагчг, дораһар нульмсан арчад, арһул үрвси, залуһиннь пурһнас хэләси йовна: «Дуртаһинь меддг билэв, болв үдү мет гиж, кен медлә?» — гиж санна.

Хальмг таңһч онц административн медл болснас нааран арви дөрви жил давси, арви тавдгч эклчкв. Эн өөниг угтж, таңһч эдл-ахун болн культурн тосхлтд ик күцмжс бәрж, ясрж батрсинь темдглж, үүнәси чиги даву чиртэ социалистическ государственн кемжәнд күрсинь тоолж, ВЦИК Хальмг Автономн Советск Социалистическ Республик бүрдэх болв.

Партин болн правительствин тиим өөдән килмжиг таңһч бүклдән, ик-баһ уга, хальмг, орс уга, цань уга гидгәр өөдән үнлж, байрлж тосв. Эдн энүг эврәннь шунһна күч-көлснд, социалисти-

ческ хуврлт кех ноолданд бэрсн диилвртэн, Төрскнэ өгчэх өөдэн ачлвр гиж тоолснь алдг уга.

Хальмг таңһчин арвн тавдгч өөнд нерэгдсн байрин хург Элстд, 1935 жилин ноябрин хойрт секгдх учрар терүнд орлцтха гисн үрвр Жалыковд ирсн болвчн, эн йовж чадсн уга: бийнь царцад, тас уга болсн, халу дөрөд, заратрулад, нам хойр-хурвн хонгт кевтүлэд авб. Арһан бархларн, йөрэлин сунһуг илгэчкэд, цуг байран тодрха кевэр илдкж бичсн, кен, ямаран зэңг, кезэ авч ир-хинь күлэх болв. Хомутниковин һарта үрвриг столасн һарһад, эргүлэд-дуһрулад, умшсн болжаһад, хэрү дүрсн уга, мел өмнэн тэвб: хааран эргвчн ил, кезэчн нүднэ харанд...

Екатерина Романовна залуһан тесж яджахинь үзэ, медэ бөөнэ. Зуг яһж нөкд болхан бийнь олж эс чадсн — түрнэ. Яахв гихлэрн, эн арһул саналдад, ду йир һархш. Тегэд, эн босад һарч одла — удсн уга, кесг газет бэрсн орад ирнэ.

— Дала юмн ирж, мэ,— гисн гергнь бийүрнь өөрдэд ирх хоорнд Жалыков ардан эргн, гүүж босад, деерк негинь шүүрэд авсн — тернь «Ленинский путь» болна. Газетиг делгэд, хэлэсн болжаһад:

— Катя!.. Катюша!.. — гиж Жалыков оркрад, доран кесг тогльсн, шуд ноһана туһлас тату биш гим.

— Юмб? Яһж?

— Яһж гисн?.. Цаачн Хальмг АССР тиж үүдж!.. Юуһинь меджэнчи? Таңһч биш, бүкл республик, орн-нутг, эврэ ЦИК-тэ, эврэ правительствтэ!.. Ямаран, а?..

— Сэн болхугов, Хохал. Би чамаг йөрөжәнэв.

— Би чамаг бас, Катюша,— гинэд, Жалыков гергән теврэд, хойр-хурв дуһрад авна.

— Нэ, болж иигэд...

Хохал гергән буулһад, стол тал сууһад умшна: — Хальмг ЦИК-н түрүн ахлачнь Василий Алексеевич Хомутников болж. Түрүн правительствиг Анжур Пүрвеев толһалж. Му залу биш, наснь баһ. сурһульнь сэн. Бийнь шулун-шудрмг, хурц-хурди, келтэ-амта. Баһдан баячудт ялч йовсн, Советин йосна нилчэр ном дасад, комсомольск, партийн көдлмшт йовад, зөвэр дамшлт авсн... Толһаннь ораһас авн көлиннь тавг күртлэн — мана!..

Партийн таңһчин комитет болн Хальмг АССР-ин ЦИК «Хальмгин цуг күч-көлсчнрүр» кесн дуудвртан: Советин йосн Хальмгт тогтснас наараң арвн тавн жил болж, хальмг улсин экономическ болн культурн хоцрлтыг уга кехин төлэ чинвртэ ноолда делг-рүлж, Хальмгт шин, социалистическ экономик болн культур үүдэж, үүнэ янзнь келн-эмтнэ, учр-утхнь социалистическ болдгар зүткж, бэрсн алдр күцмжсин жилмүд гижәнэ...

— Тернь, Хохал минь, мел лавта,— болж Екатерина Романовна эврәһән келнэ,— бидн эврәц тер хамгин герчньлм!..

Жалыковиг сурһульдaн нeг бээхнэ, нa-цa тeлeфoн тaл дууднa. «Муухa үргсн йовхмб? Хажуһаснэ хэлэхнэ, зулад һарн гисн гии-глг, шуд гөрөсн...— гиж, тeр санандaн авлгдсн Хохал ирж кeлсн күүкнэ арднэ дахсн йовнa.— Нааран күн дууддгo бээсн... Кeн болхви?»

Күүкиг дахад, рeктoрин хoрaһур oрaд ирхлэ, эзнэ уга болнa. Стол дeер кeвтсн тpyбкиг авад:

— Алло, Жалыков сонсжана,— гинэ.

— Мeндвт, Хохал Мaнджигeвич,— болж цааһас земгэ жөөлн, бoд гисн кeлтэ күн кeлнэ.— Би ЦК-н бүрдэмжин энгэс болдв. Таниг, Хохал Мaнджигeвич, үдин хөөн күрэд иртн гихэр. Һурвила чадхйта?

— Һурвила бидн шинкэн сулдхвиди.

— Тиигхлэ, Хохал Мaнджигeвич, дөрвилэ болхй?

— Болх,— гиж Жалыков хааран, кeнүр ирхинэ бичж авнa. Дарунэ күүндврэн төгсөн, гeрүрн жицнүлнэ. Невчк удадн гижэ-хэн, бачм кeрг харһсна тускар кeлчкэд, дуудж ирсн күүкнд хан-лтан өргэд, һарад oднa. «Хара дуудвр бишнэ алдг уга,— гиж толһаднэ эрлэнэ.— Oдa яахар бээхмб? Көдлмш гихлэ, дeгд эрт. Сурһуль төгсх болад уга, цаг oдaчн дaлa...»

Жалыков лекциг сонсна чигн, эс сонсна чигн, зэрмнэ чикнэ хажуһар йовад бээнэ, юнгад гихлэ толһаднэ нeгл сурвр «яахар бээхмб? Яһад дууджахмб» гисн, дoтpнэ ивржнсн болад, амр өг-хш, оньгинэ кeвтнэ эзлсн бээнэ. Тиигхлэ, ямаран лекц толһад oрдмб? Бoлвчн тeсэд сууһад, дигтэ Һурвила Жалыков сулднa. Һаза һарад, трамвайд суухар сeдчкэд сапна: «Йовһар йовс, цаг бээнэ, невчк сeргхв»,— гисн шудрад һарнa. Кeсгтэн йовад, нeг уулынцас талданур oрaд, дөтлэд, Хуучн талвнгар oрaд ирхлэ, өмннэ ол үзж, ол орж йовсн нoһан гeр өөдм дeер дүнгэсн, дeepк улан тугнэ дүмбр кeвэр дeлсн үзгднэ.

Мeл дигтэ дөрвн часла иртхэ гисн хoрaн үүд oлaд, apһул цoк-хлa, oртн, oртн гисн болад oдв. Тиигхлэнь, Жалыков үүдиг сe-кэд oрв. Стол һатц суусн баахавр залу адһж бoсaд, мaасхлэн йовж тoсaд, һаран өгв.

— Мeндвт, Хохал Мaнджигeвич, уралан һарад суутн.— Залу стул тал заана. Жалыков толһаһан гeкж, хансан мeдүлн, заасн oрдмнэ күрэд сууна.— Би Сeргeй Ивaһыч болдв, энгин толһачин дарукнэв. Шидрхн нааран ирлэв, сибирякв. Һэ, үгин заагт, сур-һуль яһжана, Хохал Мaнджигeвич?

— Сурх дутман гүүдэд, сур-дeес кeм дүнгэ.

— Намий?— Сeргeй Ивaнoвич инэмсглэд, oрдaн oдaд суу-нa.— Чидл үзүлхэр сeдни?

— Кeлхм биш,— гиж Жалыков йовулж өгнэ.— Юн чигн юмиг цагтнэ кeхлэ, сэн. Намла эдл, мeдэрж ирчкэд, мeдрл авхар сeд-сид чидл үзүлх биш, чoһрaлхap чигн авглa.

— Болв, Хохал Манджиевич, бийэн өгөд кeрг уга. Терүнэс болх хамгиг эврэнэн кeнэд авсн улст сурһульд зөвлж эс болх били.

— Манахс кeлдгэр, «барсин сүүлэс бичэ бэр, бэрсн хөөннь, бичэ тэв».

— Тэвхлэ, зуухар седхугов!

— Тер учрар, Сергей Иванович, таг атхчкад, тэвж өглго, бичк-бичкнэр нуһлад авч йовнав.

— Тингхлэ, Хохал Манджиевич, тапа дала дамшлт деер немгдсн медрл гидг... сэн, шимтэ һазрт тэргдсн эки кевтэ ямаран дүнгэ урһх, а? Ахрар кeлж, Хохал Манджиевич, минн дууддгм учрта. Таниг Анастас Иванович Микоян һардврас сурад, амр өгдг угачи. Кeмр таниг буру эс гихлэти, би Микоянд күргх даалһуртав. Таньдвт эсий?

— Таньна.

— Тегэд, зөв гижэнтэ?

— ЦК зөв гихлэ, коммунист Жалыков зөвл болжахугов, Сергей Иванович.

— Талдан хэрү бидн күлэж бээсн угавидн,— гинэд, Сергей Иванович дахулад һарв. Эдн удсн уга, Жалыковин медрг, кeсг ирчксн хораһар орж ирв. Микояна нөкд баахн залуд Сергей Иванович шимлдэд үг кeлсн болв, цаадкнь «медув» гисэр кeсг гекв.

— Нэ, Хохал Манджиевич, байрта харһий,— болад Сергей Иванович һаран өгв.— Танла таньлдсидан йосар байрлжанав. Кeмр кeрг харһхла, бичэ эмэти, жицнүлти, ирти...

Арднь Жалыков удан суусн уга. Кeсг цаасд бэрсн нег күн Микояна хораһас һарч ирм цацу эн орв. Анастас Иванович бийнь тосж апад, мeндлн, кeтлэд гишн авч ирэд суулһна. Бийнь өөрнь зерглэд сууна.

— Нэ, комиссар Джалыков, кeрг ямаран?— гинэ.— Сурһуль сурсн — кeдлснэс ямаран?

— Амр биш, Анастас Иванович.

— Комиссар гиснд өөлсн угайт, үр Джалыков?

— Уга, Анастас Иванович.

— Кировиг, Сергей Мироновичиг, дуражанав. Кeсг дэжж комиссар гиж нерэдсинь соңслав. Таниг таасдг билэ. Эх, уга, мана Мироныч, уга!.. Оршавртнь эс орлцвта?

Жалыков ду һарсн уга, арһул гекэд, саналдсн болв.

— Зуратн, тегэд, ямаран, комиссар?

— Сурһулян төгскхнь хэрх билэв, таңһчан орхар...— Жалыков адһж, бийэн чиклв.— Республикэн орх санатав.

— Тендти, минн медрсэр болхнь, болм дүнгэ сул кeдлмш угачи. Таниг баһ-саһ юмнд илгэж болшголм. Тегэд, би сурлав. ЦК-хи зөвэр мошкржаһад, бийсдмди кeргтэ гижэһэд, зөв өгв. Ташр тингхлэри, бийлэнь харһад, буру эс гихлэнь, ав гив.

Жалыков эс иткээр Микоян тал хэлэхэд инэмсглэнэ: — Лавта минн дур сунхар бээх болхлатн, Анастас Иванович, танас сурхм — Лагана комбинат тал намаг илгэти. — Эхн авгаснь авн эврэн көөлдж зөв авсн, эврэн тосхлтын күцэхэд, көдлх билэв. Терүнэс үлү көдлмш намд керго. Насн ирж йовна. Эрүл-мендм дала сэн биш, таңас нууж болшго, дегд уурта болув, эрв уга юмнд шуд бүтж однай.

Микоян шоглад, — уурта хамгар ус эс зөөдг били, комиссар? — гинэ. — Цуг келснэстн таасгдснь ор ланцхн: Лага орнав гиситн...

— Танд, Анастас Иванович, үнэр таасгдви?

— Юн таасгдсинь, комиссар, йилхх кергтэ. Илднь келхлэ, шуд Лага орнав гисн биш, заһсна халхд көдлх седклитн таасув. Насн иржэнэ гисн, миннхэр болхла, кергтэ үг биш. Ууртав гисн — бас. Невчк бийэн хөрх кергтэ, болснь тер. Комбинат гисн үр Джалыковд дегд баһ, — гинэ, Микоян Хохалын барун ээм деернь харан тэвнэ. — Энүн деер күнд ачлн кергтэ.

— Тегэд, Анастас Иванович, намаг яахар?

— Талдан һазрур йовулхар, Хохал Манджиевич.

— Талдан һазрад гисн? — Жалыков ормаһад одна, йосар үргжэхнь ил, хойр нүдэрн Микоян тал ширтсн теднь ю келхинь күлэж, һал аслдад бээнэ.

— Нег соньн һазр бээнэ, Хохал Манджиевич, — гиж Микоян келнэ, — өөрхн биш. Байн болчкад, сээхн, көдлмшнь гихлэ, кекх ханшго, кек дутман ца-цааһасн һарад, кү авлм. Тенд угань: заһсна халхиг сээнэр меддг, терүнд дурлдг, шулуун-шудрмг, ик дамшлтта, алькднь чигн чидх, итклтэ, зөргтэ, седвэртэ күн, коммунист, комиссар кергтэ. Тегэд, хээртэ Хохал Манджиевич, Центральн Комитетин болн правительствин нерн деерэс таниг Хол Дорд-үзг орх зөв өгтн гихэр.

— Хол Дорд-үзг гинтэ? — Жалыков босх бээдл һарад өндлэчкэд, хэрү сууна.

— Тенд Приморский трест гинэ, күчтэ юмн. Ода деерэн таһна Хальмг трестэс ядхдан арвн холван ик болх, хөөткинь — келэд керг уга! — Микоян барун харан өргэд, чанн гидгэр сажад оркна. — Тенгсин көвө көөһэд, үүрмг сав-санхин чидл күрсэр заһс шүүж, болс-бүтсэрнь эд-бод кедгиг, үр Жалыков, хайх кергтэ болжана. Улм гүүдэд, Берингов, Охотск, Японск тенгсмүдин, нам Номһн далан дала зөөрт күрх кергтэ. Ода Хол Дорд-үзг цуг заһсна арвн хувэс даву өгхш. Тернь дегд баһ: ядхдан дөрвнэ болдгар, нам өрөлд күргсн болхны!..

— Тер төлэд, Анастас Иванович, флот кергтэлм.

— Флот чигн, сав-санх цуһар ондарх, ик-ик кермс, тралмуд, күчтэ-күчтэ заводмуд... Тегэд, — Микоян Жалыковин ээм деернь харан тэвнэ, — үр Джалыков, танд икэр нээлжэнэвидн...

— Эндр нег келчклэв, бас нег давтхас биш, — гиж Жалыков

Микоян тал хэлэнэ,— Централын Комитетин болн правительствин нерн деерэс та, Политбюрон член, нарком суржах саамд, намд, партин эгл салдст, билэ гидг арн уга. Терүнэс давхла, энтн намд күндтэ даалһвр.

— Ханжанав, Хохал Манджиевич,— гиж Микоян келэд, дегд таасжахнь ил, чирәһэснь герл һарси бээнэ.

— Сурһулим чилэлһнт эсий?

Микоян пиш хаһрад инэлэ: — Әэчквт, комиссар?...

Жалыков, мел ода йов гишгоһинь медси, төвкнэд сурна:— Трест, Анастас Иванович, альд бээрлхмб?

— Трест Владивостокд, эдл-ахунь гихлэ, цуг тенгс көвөһөр...

— Кадрнь ямаран?

— Татухн,— Микоян гүүнэр саналдад авна,— итклтэ, керг-төр меддг нөкднр үлүдх уга. Тийгхлэ, Хохал Манджиевич, сээнэр ухалтн. Танд таныл, үэл, дамшлтта улс, заһсна тускиг меддг үүрмүд кергтэ болхла, бичэ эмәтн, келтн, өгнөв. Кенинь чигн бичэ бәртн гиж, Хальмг трестд заһнав. Үр Гаряев бийнь бас эн кергин ик чинринь медх. Нөкд болхаһ биш, харшлх уга.

— Сурж гилэ, оли кү сурхм угав...

— Болжана,— гиж Микоян босад, Жалыковд һарап өгв,— цаг одачн бээнэ,— бичэ адһтн, ухалтн, чиннүрдтн. Бийинтн келдгәр болхла, гилвслтн...

Жалыков алң болсар хэлэнэ, улаһад одна.

— Танахс, көк теңгсихн, үг деерэс келлэ,— болж Микоян инәмсглнэ.— Бас нег келситн намд таасгдв: «Биитн, үүрмүд, Көк теңгсин ар захар бээх цуг пролетарск хээснд чангдси күмб» гиситн. Тегэд чигн таниг олнас ончлад, көөлдэд йовдгм эн. — Итклдтн ханжанав, Анастас Иванович,— гиж Жалыков гекэд, пүднүрн хэлэнэ,— даалһвритн күцэхэс чидл-күчән эрвлхн угав...

— Мини танд эс маһдлдг, комиссар, Миронычин иткл. Тер эн тускд эндүрдг уга билэ. Тийгхлэ, бидн Кировин итклиг цеврэрл бәрх улсвидн. Тним эсий?

— Мел лавта.

— Ода деерән, Хохал Манджиевич, дегд икәр төр бичэ кетн, сурһулян ахлултн. Кемр керг харһад, сүв-селвг хээхлэ, мини үүдн тана өмн кезэчн секәтә.

Тегэд, медүв чигн гисәр, менд чигн келсәр Жалыков гекэд, һарад одв. Эн хәрж йовна, адһм угаһар, үрвэд, таварлси... Москва эргиднь әмтн чигн, машид чигн сольвлдад, дүүгэд, дүрклэд бээнэ. Зуг эн хамгар Хохал төр кеж йовхш. Үүнә толһань минь ода болси күүндвриг дотран хутхж семрэд, зәрминь улм цаарап дүрэд, зәрминь татад авч ирэд йовна. Заагарнь: «Катя яһна?.. Яах билэ, медх, зөвшәрх. Парть йов гихлэ, юн үг бээдмб?» гих. Удси уга, Хохал гериннь үүдәр ирэд орв.

Приморск захсна трест гинэд, Владивостокд темдгтэ юмн: чинрэри чигн, кемжэһэри чигн энүнлэ теслцхнь ховр. Үүнэ залв-рин ахлач Жалыковин сеглэтр күүкн Мотя көдлмштэн ирн, орман диглж ясжана. Гэнткн дотр үүдн делггдэд, цааһас Жалыков һарад ирв.

Мотя босад мөндлн: «Мууха күчр күмб? Кезэ амрдг болхви? Эмтн шинкн көдлмшт ирж йовхла, эн кехэн кечксн, хааран йовхар бээхнь кемжэнэ, хаалһд бедрчкж»,— гиж өврн бахтна.

Жалыков хэрүднь гекн бийэри, зогсад: — Би, Мотя, ахлгч комбинат орнав,— гинэ,— кезэ ирхэн меджэхшив. Цааран Находк чигн орж одхв. Сэн бээтн...

— Сэн, байрта йовти, Хохал Манджиевич.

Ахлач адһж һари, белн бээсн машинд сууһад, ардан үүд хаах хоорнд бийинь күн дуудсн болад одв. Тотхад хэлэхцэ — Мотя гүүһэд аашна. Һартнь нег цаасн цээнэ, терүгэри дайлсн йовна.

— Танд, Хохал Манджиевич, биидти,— гиж һолан цоксн, хамр амн хойрари дегц кийһэн авсн күүкн келэд, бичг өгнэ.— Кезэ таниг ирнэ гихв? Бачм чигн зэңг йовдг биз...

— Ханжанав, Мотя,— Жалыков байрлж гекэд, бичгиг авн, хэлэл уга хавтхлад оркна,— зууран умшнав...

Дарунь хар эмка удасн уга, пирстнур аваад күрч ирв. Жалыков машинһан хэрү йовулчкад, зогсад, энд-тендэн харвад авб. Өцклдүрк ик оштрмд көөгдж ирсн сав-санх гидг дала, харулмуднь шовлзад, нигт ө-шуһу болж үзгднэ. Бииснь, захсч хармуд, нег-негндэн шахлдсн, дольгана догшн домбрт биили гиж көшсн, арһаһан һарһж амрчах мет бээлднэ. Тедн заагт Хохалын көлглдг катер цээһэд, көдлмшч хармуд дуудас йилһрэд, нүһсд дунд орсн цаһан хун мет... Онһад хэлэхнь: урлданд орулхар тавлулжах мөри гихми — уудан кемлэд, доран бухад, жола сулдххиг мөрөдж, авч зулн гисн болна.

Жалыков катер деер һарч ирн, капитан моторист хойрла һар аваад мөндлв.

— Цуцрад, гөл болад, ялдаһад унсн эркнч кевтэ нигж номһрдв?— гинэ.— Өцклдүр өрклж-бэрклжэсн теңгс гихлэ, күн нам иткшго.

— Оштрмлсн теңгс, Хохал Манджиевич, кедү дүнгэ сүртэ, һээхмжтэ болвчн, нег сэнь, адрж-адрж, арһан бархларн, зогсдгнь,— капитан хавтхасн матьхр сурулта хар һанз һарһад, перн бээж, теңгсүр ширтсн бээнэ.

— Уга, капитан, оштрмд юн дала һээхмж бээдмб? Дольган дольга унад довтлхас талдан юмн уга. Кедү хорлтан күргдгинь келжэхшив. Дасмж болад бээсн күүнэ бийнь энүндчн дацдна.

— Хэлэхтн, Хохал Манджиевич, ямаран сээхн өрүнэ кем!—

Капитан һанзарн эргидән заһад авна.— Энтн оштрмин белг!.. Басл номһн, төвшүн, шуд таалсн мет...

— Чилгр өрүһәр мануртсн тенгсәс номһн, жөөлн юмн делкәд уга гһәд, чи ма хойрас урд келчксн үглм,— болж Жалыков инәһәд, капитана барун ээминь арһул цокна.— Әрә әмсхж, чичрсн-угань медгдл уга, мелмәжәх дольгана зо деер әрә гилвксн гегән; үрглсн болж үрвсн цах тер гегә шүүрсн кевтә уснд күрәд, хәрү өөдән һарад оддг; энд «шалд», тенд «шалд» гһәд, ик-ик заһсд тууляд, тер ормнь төгргләд-төгргләд далвлзәд йовдг; эргн шуд дотран кийһән авсар, төвкнүнәс талдан юм әс медсәр бәәнә гһдг... Тер хамгас, тегәд, юн сәәхн, тааста, энкр болх, капитан?

— Та, Хохал Манджиевич, шүлгч болвзат?

— Бас кен гихәр?— Жалыков ондарсн болад одна.— Белн болвта, моторист? Йовий!..

— Хааран?

— Ахлгч комбинат орхмн.

Удсн уга, цаһан катер «луг-луг» гһәд, көвәләд һарч йовна. Жалыков капитанла зергләд өрксн, ик дурнавинь авад, эргндән харвсн: энд-тенд харлад-харлад холдад һарчксн сав-санх үзсн бәәнә. «Оштрмас кәлтә хойр-һурвн өдрән геечксн заһсчнр ормдан шулуһар күрч, шуд утхад авх сана зүүсн, адһж йовхнь алдг уга»,— гиж ухална.

Ил тенгсүр һарад авчксн, хурдлх деерән һарчксн катер өмнән ус керчәд, ардан ик хаалһ татад лугшадл йовна. Жалыков дурнавив күзүнәсн авад, ормднь, хадасн деер өлгн, хавтхдан һаран дүрсн — хату цаасн харһад одна. «Бичг!» — гиж дотрнь төөнрәд, Мотя ардаснь көөлдж авч ирсинь тодлна. Һарһад авч ирн, секәд умшхла, Налж бичжәнә: «Холд, һазрин захд, Хальмг теегәсн салу йовх, мана хәәртә ах, Хохал Манжиевич, мендвт!» — Хохал умшчкад, тиим сәәхн седклднь ханад, нам хоолднь юмн тееглгдсн болад, уйдхдан күрәд одна. Цааранднь хәләхнь: өрк-бүл ямр бәәхинь, күн болһиг тус-тустнь сурсн, керг-төрин аш ямаран болсинь, юн сән, соньн хамг бәәхинь кевтнь медх саната соньмсжана. Тер тоотын хөөн эврә зәңг-зәәрт орсн, умшхнь, соньн, нам байр цальгрн гисн болад йовна.

«Байрарн танлаһан хувалцхар, Хохал Манжиевич,— гиж Налж бичжәнә.— Тана үүдәсн заһсна Хальмг трест зөвәр өсәд, өргжәд, көдлмшнь улм үзмжтә болад йовна. Стахановцнр йир элвг — миһн һарсн, үлгүр-үзмжнь улм икдәд, келәд керг уга. Көдлмш йир өргмжтә болв. Заһсна халх өөдән күцмж бәрсинь темдг-лж, намаг, Хальмг заһсна трестин залачиг, Күч-көлснә Улан Туг орденәр ачлв.

Мана Лаган яһж ондарва болһнат? Ик-ик, хойр-һурвн давхр гермүд дүңгәлдсн, ке бийнь: әмтнә то 10 миһн күрсн, хальмг,

орс, хасг семру, ах-дү мет ни-негн. Комбинат күшц төгсэд уга бийнь консервиг кеһэд һарһад, йовулад бээнэ.

Одахн, Хохал Манжиевич, мини жирһлд беркл байрта йовдл учрв. Намаг СССР-ин Деед Советин депутатд сунһв. Василий Алексеевич Хомутниковиг бас. Заһсч Нардан Очриг Лаганахн бас шиидв.

Болв, танас нуухм биш, эвго чигн юмн харһна. Кесг таньдг, меддг улсиг бэрчкск, хортн бээж гилднэ, ю-кунь сээтр медгдхш, зуг иткх дурн күрхш. Өөртн ямаран? Альд даргдж йовснь кем-жәнэ, акад авцта улс өөдлэд, шурд-шурд гилдэд, келхм биш. Нег юмн, Ик-Буһс талас чигн, бүрдәмжин энгиг һартан авчкск, өлкөдөдл бээнэ. Эн Василий Алексеевичэс му хээсн, бийән бәри гижәхинь Хомутников медэд, шуд орһад гишн Москва орсн, хар-слтын наркоматд күрэд, тенд цөрглжәнэ. Буденный, Городовиков эдн терүг харсж авснь ил. Эсклэ юн болх бээсинь меддг арһ уга. Ховч элмр, Хомутниковин ормд орх болсн, цуг хамгиг һартан авчкск бээнэ. СССР-н Деед Советин депутат, Хальмг ЦИК-н ахлач, гражданск дэәнэ герой Хомутниковар хорт кехәр седнэ гидг!..»

— Хомутниковар хорт кехәр седсн улс — бииснь хортн! — гилд, генткн Жалыковин амнас алдрад одв.

— Намд келвтэ? — Капитан катериг зала йовж, Хохал тал хэләнэ.

— Уга, — гиж Жалыков эмәһэд, халу дөрсн болад, халхнь татгдад одв.

— Хохал Манджиевич, комбинат, — гиж капитан залвр деерэс барун һаран авад, өмнән заав, — уухнас үрглжлэд күриһэд...

Жалыков «үзжәнэв» гисәр гекэд оркв. Болв бийнь Налжин тәвсн: «Өөртн ямаран?» гисн сурврт авлгдж, тер дотрнь доңһд-сн болад йовна. «Ямаран гихв чамд, Налж минь! Басл тиим... Зуг намд, шин ирсн, әмт сәәнәр эс меддг күүнд, кень бурута-зөвтә бээснь медгдхш. Келсиг иткхәс биш, нань арһ уга, — гиж толһаднь төөирнэ. — Болв маршал Блюхер хортн бээж гисиг иткхд дегд кецү, Налж минь...»

Тер хоорнд катер ирэд, комбинатын причал арһул түлкск болла — зогсад бәв. Хэләхнь, кесг улс тосад аашна, заагтнь директор Чонкуша Очр бас үзгднэ. Жалыков теднэ деегәр комбинатыг кевтнь гүүлгэд харвад оркна. «Цуг хамг орм-ормдан болсн болж медгднэ, хамхрха-эвдркә гих үзгдхш, — гиж дотран байрлана. — Оштрмд тарад одсн болвза гиж жиг-жиг йовсн... Гем уга болдг өнгтә. Сән!..»

Болвчн, бууж ирн, һар авад мөндлн йовж: — Нә, яһвта, үүрмүд? — гиж Жалыков сурна. — Оштрм мууһан күргсн угайи?

— Уга, Хохал Манжиевич, — болж Чонкушов хәрү өгнә. — Урдаснь белдвр кеһэд, ю-күүг холдулад, батлад оркск...

— Тер биший! — Жалыков таассар кесг гекэд авна. — Мини

келэд бээдг — тер. Дав деер на-ца гилдж сахньснд орхнь, урдаснь, адһм угаһар эвинь олад, хураһад, хучад бээхлэ, юн чигн манд харшлж чадшго. Эврэн эс медвтэ?..

— Санж-Һэрэн Бадм-Увш ирэд одсн, бас сэн гинэ,— болж Чонкушов келнэ,— оштрмд авгдсн угавидн гинэд, мана күн, эврлэд бээнэ.

— Намий?— Жалыков байрлжахнь ил, хойр нүднь гилвкэд, чирэнь тинисн, герл һарсн болад одна.— Бас яһва-кегвэ гиж төр кеж, нам күрс гиж йовлав. Тиигхлэ, одхшив, хэрү һарнав...

Комбинатыг эргэд, булң болһарнь гишң шаһасн Жалыков, диг-дараһинь чигн, кесн көдлмшинь, бэрсн үзмжинь чигн таассн, тегэд, үд зөвөр кецэчкснэ хөөн хэрү йовхар, Владивосток орхар бээнэ. Энүг Чонкуша Очр һарһж ирсн, мендлэд салн гижәнэ.

— Һэрэн Налжас бичг ирвэ,— болж Хохал келнэ.— Орден авч, СССР-ин Деед Советин депутатд сунһгдж. Керг-үүлнь йир сэн чигн. Лагана комбинат күцц тосхгдад уга бийнь, консервиг кеһэд һарһад бээдгчн. Дөрлдхм болвзач, а?

— Өрэл комбинатла яһж дөрлдхв? Күцэд, невчк дамшлт авад төлжтхэ, тиигхлэ, болжана.

— Эмт бэрэд бээнэ гиж... — Жалыков «яһна?» гисэр Чонкушовур хэлэв: тернь ду һарсн уга, нам кергтэн авсн болсн уга. Тиигхлэнь; Хохал цаарлж бас үг келсн уга.

— Нэ, Очр, менд бэ,— гиж Жалыков һаран өгэд, Чонкушовин барун һаринь чаңһ гидгэр атхсн, кесг сегсрэд авб.— Көдлмшән чаңһа, бас чигн шун. Ахлгч комбинат алькднь болвчн ахладл йовхиг мартхм биш.

— Маниг бас бичэ марттн,— болж Чонкушов маасхлэна.— Эмтн кергтэ!.. Кен чигн болг, илгэтн, эврэн сурһад, дасхад авх-видн..

Удсн уга, цаһан катер комбинатын причалас салад һарсн болла — эргж авад, ирсн мөртөн орсн, хурдлх деерән һарчксн йовна. Цах шовуд энүг үдшэж йовх мет энд-тенднь цервлдсн, дахад, нам хоцрх, үлдх бээдл уга. Жалыков ардан үлдсн комбинат тал хэләһэд, теңгст йовх сав-санхс һээхэд, ду һархш, тагчг йовна. Толһаднь: «Өөртн ямаран?» — гинэд, дэки ээриэ.— «Ямаран гихв чамд, Налж, көдлмшм гем уга. Хойр жил болж йовнав энд,— гиж, үүрләһән болн нөкдләһән күүндсн мет бээнэ.— Флот өсэд, өргжэд, теңгсэс давад, далаһур орчксн, заһсн гихлэ — дала!.. Күч күрч, эд-бод кехән келхмн. Бас чигн ю-күүг өргдүлж, улм цаарлж, теңгстнь чигн, даладнь, нег үлү, заһс аңлһһна дамшлт өөдлүлж, алькинь болвчн дасж, медж авх кергтэ. Тер төлэд эмтн кергтэ!.. Эмтн!..»

Һарн сууһад, харнһурж йовна. Алтн Өвр цека харлад, делвәһэд, ик тавгта усн кевтэ мелмлзсн болад бээнэ. Владивосток да-

ла шаман шатаһад оркв. Теднә герл негдж, үрглж ик һал болж, уухнас харгдсн үзгднә.

Катер гүүдлән арһулдад, ормдан ирәд зогсв. Жалыков капитан моторист хойрла мендләд, адһад бууна. «Трестәр орад һарс, бачм зәңг чигн бәэдг болх»,— гиж санна.

Генткн хойр баһхн залу өмннь теегләд зогсна:

— Джалыков?— гиж негнь сурна.

— Жалыков. Яһва? Юн болва?

— Дала юмн уга,— болж наадкнь келнә.— Зуг манла йовх болад бәэввт, ю-кү йилһх кергтә.

— Тадн, тегәд, кембт?

— Энкеведе...

* * *

Сүл долан хонг дотр Владивосток тал Элстәс хойр бичг ирсн бәәж. Тиигхләрн, хойрули чигн негл күүнлә— Хохал Манжиевич Жалыковла эрк биш залһлдата болна. Негинь, сүл ирсинь, һәрән Налж бичсиг бидн меднәвидн. Болв наадкинь, йосна халхар, нуувчар ирсинь медхәс эрт.

..Хавтха Шарин кәдлдг хораһур шиикисн-пиикисн Лиж орад ирнә. Ардан түшәд, суй кевтсн эзн өсрж босад, мендләд, һараснь кәтләд гишн тедүкн бәәсн хар диван деер суулһчкад, бийнь өөрнь зергләд оркна.

— Мини келсиг Лиж мартад уга эсйчи?— гиж Шар хоолдан шахж шимлднә. Хәләхнь, мел маасхлзад, инәг-инәг гиһәд бәәсн бийнь, хойр нүднь хорта моһан хәләцәс тату биш, ца-цааһан киит дөрәд, мөстн гисн болад бәәнә.— Үгән бат кеж авхмн, ам алдад, келәд оркдм болвзач...

Цаадкнь ду һархш, зуг «уга» гисн бәәдлтәһәр хавтхасн альчур һарһад, халцха толһаһан, күзүн күртлән, арчад бәәнә.

— Эдничн,— Шар өөдән хәләһәд, «деерксиг» гижәхнь ил,— цуһараһинь цокхмн!.. «Социализмүр бидн йовх дутм классин ноолдан орн-нутгт улм чаңһрад, хурцдад йовх»,— гиж Сталин бийнь келчксн... Тиигхлә, Лиж, мана мөрн гүн гижәнә. Негиднь терүг кемжәләд хәләсн, кәл-толһа уга одвш..— Шар һош-һош гиһәд инәнә. Лиж юуһинь эс медсәр хәләнә.— Алексеевичиг келнәв, ардан хәләл уга, зулад... Ормднь би сууһад авчкхла, тиим болхднь нам маһдлж бәәхшив, чи мини ормд ирн гижәнәч. Мана чидл улм немәд, күч авхнь алдг уга. Анжуринь авад унх кергтә. Тернь— мини... Чамд, Лиж, иим нег әвр даалһвр бәәнә: Жалыковд жахр хайх кергтә!..

— Тенд йовх күүг яһж кәндәхви?

— Цокхла, тенднь цокхмн, эсклә терчи нааран күрч ирхдән арашго. Ирж гилә, чи, маниг.. чикнәсмдн чирәд-чирәд, чиндһнәс дорар эс кехнь, а?

— Тегэд, яахм гихэр?

— Үг гнлг энлм!— болад, Шар дор ормасн босад, столурн одна. Нег хораһинь секэд, цаасд һарһад авад ирнэ.— Мэ, умш... Чини нер тэвдгм учрта. Яһвчн тенгс көвэд кесг жилдэн көдлж йовх, түүнэ тускар сонссчн баһ биш болх...

Лиж цасдыг умшад, хэрү өгнэ: — Мана негдгч Карповин нернд юнгад бичгджэхмб?

Хавтха Шар альви-дольгн хэлэцэр Лиж тал хэлэчкэд, хурһан шовалһад, гоглзулж йовна: — Мек мел түүнд бээнэ!— гинэ.— Карпов умшчкад, бийнь көөлдхм биш, тиигэн, Хол Дорд үзгүр йовултн гих... Онц күүнэс биш, обкомас одсн цаасн болж тер һархугов!..

Лиж алиц болсар, өврсэр ормаһад, махн толһаһарн нээхлэд авна: — Бас нег күн һар тэвхлэ, яах?— гинэ.

— Иткж болхмий?

— Мини келснэс һаршго.

— Тиигхлэ, Лиж, манһдур намд авад ир. Би эврэн негдгчд өгэд, эвинь олчксув. Болжани?..

Тегэд, үгцсн хойрин һарта цаасиг Хавтха Шар Карповин өмн авч ирэд тэвнэ. Тернь умшчкад, үг келхш, Шар тал хэлэнэ: «тиим болхий?» гисн сурвр хойр нүдиднь гүүдглсн бээнэ.

— Сээтр меджэхшив, болв ю-кү сонсж йовлав. Минийһэр болхла, ардаснь йовулчкхм, тенд негнднь һарһх эсйи?

Карпов зөвөр тулжаһад, карандаш авад: «Көдлжэх һазрурнь илгэтн»,— гиж деернь бичнэ. Шар авч һарн, торһахш, йовулад орксн, тер даруһ гилтэ бичг «тусх улсин» һарт орна. Цаадкснь, цагнь тиим бээснь лавта, яджах улс, амрад одна: белн хорт, троцкист, буржуазн националист, коллективизац келһнд харшлж йовсн кү теднд олж, бэрж авна гидг — ямаран юмн!..

Жалыковиг авч ирн, хойр залуһин негнь — ахлач болдг барата, келжэнэ: — Чи, Никола, келсиг алдл уга бичх болад бээвч. Алдл уга!..

— Болжана,— гиж наадкнь гекэд, стол һатц сууһад, цаас, карндаш белдэд, бедрж авчана.

Ахлач авцтань нааран-цааран йовдчнн бээж, кесг цаасдыг хэләһэд, семрсн болад, басл чигн арднь орж шинжлжэнэ.

Жалыков тагчг: эдниг ю сурхар, юуһарн йилһхэр бээхинь меджэхш, күләһэд сууна. Санамр бээнэ. Кесн гем, һарһсн хажһр, дарсн му бээхш — юунась эн ээж сүрдхв?

Йовдчнжасн мөшкэч Хохалын өмн ирэд зогсн, чочаһад:

— Троцкистск багд кезэ, альд орлат?— гинэ.— Илднь келтн, нууж эсв уга, манд цуһар темдгтэ. Медгджэни, Жалыков?

— Намаг троцкист гиж кен танд келвэ?

— Келсн, бичсн дала.— ах мөшкэч һартк цаасдан өргэд,— Элстэс ирсн, эндэс бас... Тер учрар, Жалыков, урдаснь танд кел-

чкхэр: үнэн келсн күүнд үкл уга. Тегэд, троцкист яһж болсан, келлэ, ямаран залһлда бэрдгэн келх кергтэ. Аальж — бийдтн му болх, эс келвэ гивээт. Бидн болхла, гемитн минь ним күртлнь илдкчкскн бээнэвидн,— гинэд, мөшкэч хумсан үзүлнэ,— болвчн бийэртн келүлж авхар.

— Тадн яһжаймта, үүрмүд? Кенэс, ю суржахан меджэнта?— гиж Жалыков алң болсар сурна.— Би троцкист улсин толһачнринь XV-ч партийн съезд деер партясн көөж һарһлцсн күн, эврэн яһад тиим болдмб?

— Соңсхд сээхн худл,— гинэд бичжэсн мөшкэч кер-кер инэнэ, өөдөн хэлэнэ.

— Худл гинтэ?!— Жалыков ууртан бүтэд, киилгиннь захиг шүрүһэр татад оркна: хойр товчнь тасрад одна. Бийнь босхар седж йовна.

— Бичэ бос!... Су!..— гинэд, ах мөшкэч чишкэд, көлөрн доран девсэд одна.— Су гихлэ!..

Жалыков чавкадсн мөшкэч тал хэлэн, мусхлзад авна.

— Энтн манар наадан кежэнэла,— гиж сууснь келнэ,— ирээжэхнь...

— Ирээдгинь үзүлэд бээхгов!— болж ахлачнь һордана.— Сурвртан хэрү күлэжэнэв, кел, Жалыков, соңсжанав!..

— Намд нань келдг юмн уга.

— Бээнэ!— Мөшкэч өөрдж ирэд, өмннь зогсад, нүдн талнь улм ширтнэ.— Буржуазн националистическ баг яһж бүрдэсэн келхм болвзат?

— Ямаран баг гинэ?

— Бас гөрдхэрий?

— Ю суржахтн намд медгдхш.

— Медгддг болдгар сурхугов,— гинэд, мөшкэч невчк тэвгдсн болад, һартк цаасдан хэлэн бээнэ.— Хөрдгч жил Чилгрт Хальмгин Негдгч съездт орлцлта?

— Орлцла.

— Чапчаев, Маслов ахта, бас кесг улсла, кеер мөрэр һарч үгцж, националистическ баг бүрдэсэн маниг медхш гинэдий?

Жалыков доран пиш хаһрад инэнэ, бийнь үг йир келхш.

Йовднжасн мөшкэч таг зогсад, шилвкэд одна:

— Манар наадан кежэхмчи? Зогсжа, инэх биш, ууляд, мээлэд бээдм болвзач!

— Болшго юм келхлэ, инэх биш, күн...— Жалыков усвксн нүдэн арчад, чирэһэн илэд авна.

— Болхиг тийгхлэ, кел. Сурврт хэрү өг...

— Лавта суржадм болхлатн, үүрмүд...

— Үүрмүдэн, арһулджа, үзхч, маниг бичэ көндэ,— гиж ах мөшкэч дэксн йовдннна.— Хэрүгичн күлэжэнэв.

— Бидн кеер һарч үгцсн — үнн,— болж Жалыков гскиэ —

Съездт орлцжах улс дунд комунистир баһ болсар биди цуһари, фракц кевэри, кеер һарч хооридан зөвчлэд, үгэн нөгдүлж, ямр төр тэвхэн, яах күртлэн батлж авдг билэвидн.

— Селэнд гер олддг уга били?

— Түүндтн бээсн һанцхн ик герт съезд хурагдсн, тиигхлэ, һань манд онцлдх ондан орм уга болсар, арһан бархларн, мөр унад, кеер һардг билэвидн.

— Чапчаев Маслов хойр талданар келсн, Жалыков маниг үгдэн орулж толһалж, националистическ баг үүдэлэ гисн... Тер яах?

— Тедн тиим юм келх зөв уга: худлнь ил. Би тиигхд нутга, дээнэ комиссар йовсн, яһж таңһч толһалжасн улс цуглулж, тедниг үгдэн орулдмб? Сурх болхла, орта, болм дүнгэ юм суртн.

— Чамаг ил гөрдх гиж сана билэвидн. Ямаран сээхн эвинь олж дальтржана, а?— гиһэд йовдндг залу суусн нөкд талан хэлэнэ.— Чамд сурвр бээни?

— Бээнэ,— гиж тернь Жалыковур ширтсн, чирэ-зүсинь шинжлж, инэмсглсн болжаһад, генткн чочаһад сурна:— Коллективизац келһнд зөрц хажһр һарһж, хорлтан күргж йовсан бас нуухарий?

— Зөрц һарһсн хажһр намд уга.

— Тиигхлэ, «Правда» газет худл бичсн болжана.

— «Правда» зөрц һарһсн хажһр бээхиг зааж, намаг гөмшөсн уга билэ.

— Партин таңһчин комитет толһалжах күн нег барун тал болад, нег зүн тал болад, хоориднь холькад-цокад бээхлэ, олна керг дор орхинь яһж эс медсмчи?

— Болж!.. Аман тат!.. — гисн Жалыков өсрэд босна.— Чамаг нусан идж йовх цагт би, комиссар Жалыков, хортна толһаг хулсна толһа мет чавчж йовлав. Советин йосна төлэ улан цусан, эмэн эрвллго ноолдж, цуг зүсн хортна һар бэрлдж, үкхдэн күрч йовсн би юнгад терүнд хорлхан хээдмб?..

— Намий?— Суусн мөшкэч наад бэрсэр элк хатна.— Орден авлав гиж юнгад эс келвчи?

— Орден авсм худл биш, келхэсн кенэс аэхв!

— Мел уурлхар седэд бээнэт, Жалыков, цуцржах кевтэт,— гиж ахлач авцтань сана зовсн болж маажна.— Йовад амртн ги хэр.— Бийнь үүднүр одад секн, цааһас кү дуудна. Буута харулч орж ирн, үүдн хоорнд зогсна. Мөшкэч Жалыков тал өргэри заана.— Авад, наадкан, йов, арвдгчд орулчк,— гинэ.

Тернь Жалыковиг авад һарв. Хойр мөшкэч сурлһана аш диглжэнэ.

— Одактн тас юм келсн угала,— болж суусн мөшкэч хойр һаран өргэд суняна.

— Келх гиж би нам нээлжэсн угав,— ахлач авцтань дэки нааран-цааран йовдннжана,— батл күн!..

— Батыг... батл кевэр батлх кергтэ.

— Батлж болжана,— гиж йовднндган зогсаж, цаадкнь келнэ.

— Троцкизм, национализм деернь бас невчк немхмн: урвачллһ болн саботаж...

— Урвачллһ гүнтэ?— суусн мөшкөч алң болсар босад, йосар өврчэнэ.

— Юунд нигтлэн сүрдвчи, Николая?— болж цаадкнь тачкнж инэнэ.— Хол Дорд-үзгиг мана орн-нутгас салһад, Японьд өгхэн хээһэд бээж гихлэ, үг бишйи?

— Үг болхларн — үг, зүг илдкх кергтэлм.

— Ямаран илдквр бээдмб? Деернь саботаж немхлэ, келхд, зөрц муухи савмудар эмтиг тецгсүр көөһэд, хар санад, хорлхар седэд йовж гихлэ...

— Тиигхлэ, троцкизм национализм хойрлаһан негдхлэрн, Жалыковиг жахрладл бээхгов!.. Мөлтүнэ гидг берк!..

* * *

Тегэд, 1938 жилин хаврин дунд сарил чилгчэр, Хохал Манжиевич Жалыковин баатр зүркнь цокдган уурв. Тер чинвртэ үүмэтэ, цагн шалтанла харһж, итклтэ гисн, үнн седклэн, эмэн, жирһлэн партидан нерэдсн кесг минһн үүрмүд мет Жалыков бас эмнэсн хайцв. «Алдр аавин» амнас нег алдрсн хажһр: «Социализмүр бидн йовх дутм классин ноолдан орн-нутгт улм чанһрад, хурцдад йовх»,— гичксьн, эднэ толһад хорлсьн алдг уга.

«Эн заавр түрүн болж 1937 жил, мана орн-нутгт социализм днилчксьнэ хөөн, дажргч классмуд болн теднэ экономическ көрң-гүднь уга кегдчксьнэ хөөн, советск оли-эмтн хооридан социальн-политическ ни-негн болчксна хөөн һарсмын» гиж, КПСС-н Туужд бичгдсн баанэ.

Тиим кецү эндүтэ төлөдөн хар саната, му ухата хамгт һардвр болж, «тер заавр социалистическ йос-ямиг күчр буру кевэр эвдхд болн дегд олар эмтиг цаажла харһулхд учр үүдэсинь» КПСС-н Центральн Комитет хөөннь бас илдклэ.

Болв кецү үүллэ харһж, эмнэсн хайцсн үүрмүдиг босхж авдг арһ угань ил. Мана парть цуг теднэ нериг харм төрж, йоснднь цеврлэд, орн-нутгтан, оли-эмтидөн туста, хээртэ улс бээсинь зааж, кеж, келж йовсн хамгинь сергэж, неринь мөнкүрүлж, бумб кеснь лавта.

Худл-ховар көл кеж, итклтэ үүрмүдин, сэн залусин мууд орсн элмрсиг парть бас илдкж, эс амраснь алдг уга. «Кесн гем эзэн темцдг» гидг үлгүр үнн төв бээсэн бас нег тийгж илдкв.

...Хавтха Шар «нөкднртәһән» улм чанһрад, Элстәр чигн, теегэр чигн шурд-шурд гилдсн, эмтн дегд сүрдхлэрн, шуд хумсан

зуусн мис кевтэ киинэн дотран гишн авсн бээдг болна. Тер хамг хоша бээх Ээдрхнд бас күрнэ. Новиков соңсчкад: «Василий Алексеевич Хомутниковиг, гражданск дээнэ баатриг, ЦИК-н ахлагчиг эврэ танһчасн һарад зулхд күргнэ гидг!.. Уй, кениг, кенэр сольна гидг энви?!» — гиж ууртан бүтэд, Элст дуудна.

Кесгтэн тагчг бээсн телефон генткн даржннад одна. Шүүрэд авхла, цааһас зөвөр бөдүвр дун һарад: — Карпов соңсжана, — гинэ. — Алло, алло...

— Мендвт, үр Карпов, — болж Иван Михайлович адһж хээкрнэ. — Таниг Ээдрхнэс дууджана. Новиков гидг күмб, заһсна халх энд толһалдв. Революцин өмн партыд орад, туугдж, сууж чигн йовлав. Сурхар бээхм танас, келсим оньглад соңсит гихэр.

— Келтн, келтн, үр Новиков, — гиж Карпов зөвшэрнэ. — Тана нернтн кемб?

— Иван Михайлович.

— Келтн, Иван Михайлович.

— Би нег цагт, хөрн хойрдгч жил билэ, Баһ Дөрвдэ мөрн цергэ сотиь толһалж йовад, Оки Шанунов гидг андна бандыг дарлав. Тедн дунд Шануновин эгчэснь һарсн арвн нээм-йис күрсн көвүн йовла. Икчүдинь бэрэд, көвүг икчүд дахад, тенж йовх гиһэд тэвчклэв. Тер, чиннэд бээхнь, өсэд, босад, нам өөдлэд, зөвөрт одсн зэңгтэ. Чилмр, чикдэн бэл уга, нам Хомутниковиг ховлад, бэрүлхэр седж. Ода ормднь орж гинэ. Тиигж өөдлдгэрн, йосн хортан, бандит йовсан, байн күүнэ көвүһэн нууһад, маниг меклсн. Ташр юн күүһинь кен чигн меджэхш гиж санамрлад, батрсар бээхнь алдг уга. Алло, соңсжанта?..

— Иван Михайлович, соңсжана таниг, келтн...

— Хомутниковиг... Хаана ширэ көм татлдсн, Үвлэ бээшн авхд орлцсн, революцин өмн партин член болсн, большевик Хомутниковиг, гражданск дээнэ баатриг... бандитэр сольна гидг... Таниг, тегэд, негн деернь һарһтха гихэр... Тертн Жалыковас му хээж гиж, бас соңсув. Хохал Манжиевичиг болхла, һарлдсн дууһасн давуһар меддв. Энүнэ төлэ эврэннь толһаһан дөш деер тэвхэсн арашгов: тедү дүңгэ цевр, чик, йоста коммунист болдгинь меддв. Хэрнь тер, үр Карпов. Медэтэ большевикин үгиг оньглтн гихэр. Биитн ЦК-д чигн күрхэсн ээшгов...

Карпов модар шуд толһадулсн кевтэ диинрж одсн, тагчг сууна, яахан медхш. Налжиг, Совнаркомин ахлагчиг, дуудад, селвлцн гихлэ, зэңг сүркэ болж генүлнэ. Иткн гихлэ — дегд күчр. Иткл уга бэн гихлэ — түүнэс чигн даву. Арһан бархларн, эн Москва дуудна, цуг соңссн хамган кевтнь ЦК-д күргнэ, яахв гинэ. Цаадкспь: эврэн ю чигн бичэ кетн, эс медсн болад бээтн гинэ, кү илгэх болна.

Новиков Элстүр ирн бийэрн, ЦК-н элчлэ болн Карповла үүнэ көдлдг хораднь харһна. Бас чигн тодрха кевэр Иван Михайло-

вич келж өгнэ. Тегэд, Хавтха Шариг Карпов телефоһар дуудна, орад ирит гинэ. Эдн Новиковиг дав зуур талдан, бичкн хора бээснд орулчкна.

Дарунь Шар орад ирнэ. Инэг-инэг гиж мендлэд, сун йовж: «кентн намаг керглвэ?» гисэр харвад авсн бийнь, хэлэцэн Карпов деер зогсана, ю келхинь күлэж, оньган өгсн бээнэ. Болв хажуһаснь ЦК-н күн генткн: — Та бандд йовлта?— гинэ.

— Банд гинтэ?— Чочн үргсн Шар өсрэд босна: чирэнь, чикнэ үзүр күртлэн, цусн улан болад, ирвлээд, шатад, зүркн халурхсн хөөнэ сүл кевтэ чичрэд одна.— Ямаран банд келитэ?..

— Шануновин... Тапа пайцхин...

— Уга, ю келжэхмта?— гиж Шар харан сажна.— Худл!.. Намд дурго улсин хов!.. Үлү үздгнь бээнэ, жидвтдгнь.. Теднэ ааль, мек!..

— Намий?— болж Карпов сурна.

— Шанунов минн садн болх зөв уга. Би Ик-Маллана болхла, тер — Ик-Бүһсин... Тер бандыг кевтнь тараж гиж соңслав. Тиигхд би сурһульд йовлав.

— Намий?— гинэд, хажудк хораһас Новиков һарад ирв.— Харһна гидг эн!..

— Уй, Цоохр Яван!..— Өври сүрдсн Шар доран сун, хойр һарарн толһаһан бәрсн, өмнк столан дерлэд унна: дал-ээмнь дагжад чичрэд бээнэ. Гентки өндөһэд, усвксн нүдән арчи бээж аралдад:— Үкэд уга билчи, Цоохр Яван?— гиж шугшж, һолан цокв...

Дор ормднь партин тайһчин комитетин бюро хурагдсн, терүн деер Хавтха Шар көдлмшәсн көөгдэд, партин зергләнәс һарһгдв. Тегэд, 1940 жилин мартын 12-т һарсн «Улан Хальмг» газет нүр статьядан иигж бичв: «Сүл цагла, кесг жилин эргид партиг меклэд, урдк бәәдлән дарад йовсн нег андн илдкгдв. Эн эцкнь кулак бәәсиг, эврән бандла залһлдата йовсиг, белоэмигрантын болн байһа күүкн гергнь бәәсиг нууһад йовж».

Тиигж ори-путг, оли-эмтн, алдрсн-мөлтрсн үлдл хортсан хораж, уралан йовх хаалһан цеврлж, герлтә иргчүрн шунсн, эргидкннь улм гегэрәд, сәәхрәд, жирһлнь улм ясрад, тэвкнүн дүрклжәх кем. Болв деед үзгт күрн маальг күч авчксн, терүнә шалтан Европ деегәр өлвкәд, чилгр кеминь бүркг кеж, ик хар үүлн болж хархлзад-бархлзад, мана Төрскнүр өөрдәд аашх цаг билә: улм зергләһән цеврлж батлж, көдлмшән чанһах, саг-серггән өөдлүлх кергтә болв.

СҮЛҮГ

Тиймд соньн күн билэ, мана Хохал Жалыков! Тийм бээснэ эрхн гисн, худл уга герчнь — Зергин Зерг Цаг. Өдр, жил орад-харх болһнла, энүнэ баатр дүр улм тодрхалж, большевикин халун зүрктэ, кедлмшчин чанһ харта; күнклин цецн толһата бээсинь сээхн илдкж, шуд алдр Ильичин заасн хаалһас мел эс хажидг бээсинь басл гидгэр үзүлнэ. Тегэд чигн эн эврәннь жирһлин агчм болһнд нег мөслсн хэлэцэн батлж, эрүн күсл, тоолвран ахлулж, цевр ухан, седклдэн авлгдж, итклэн улм лавлдг бээснь ил.

Тиймд кевәри мана Хохал Жалыков әмтнә тодлврт мөнкрәд үлдв. Энүнә нернь оln дунд келн болад, келснь, кеснь үлгүрт тохрж, бийнь оlnа дуунд орж, амн үгин билгәс чигн, дегтр-номин халхас чигн кесг үйин өргмж болад йовдгнь худл уга.

Оln-әмтидән тийгж келн болсн, орн-нутгиннь баатр болснь ик баһ уган дуринь ээлж мөнкрдг зөвтә. Хальмг улсин өнр үри, мана Хохал Жалыковин туск тодлврнь болж, һурвн дам орден зүүсн Хальмг Автономн Советск Республикнь дүрклж, энүнә хотл — Элстнь өдр ирвәс өсәд, сәәхрж, оln-әмтнә эдл-аху улм өргжәд, Советск Хальмгин нернь холд туурад; экономикнь боли культурнь делгрәдл йовна. Хохал Жалыковин нертә уульицс, совхоз, селән бәәнә. Тенд үүнә бумб тәвгдсн, неринь һарһж, дүринь үзүлж дүңгәнә.

1987 жил орн-нутг Хохал Жалыковин 100 жилә өөниг өргәр темдглж, байр-бахдан тохрав гих кергтә. Икчүд бийинь, кеж-келж йовсинь сергәж, кесг соньн хамгиг тодлж, баһчуд терүгинь үнн седкләсн соңсж, өргмжән чигн, өврмжән чигн кев.

Эн хальмг улсин алдр үрнә туск тодлвр һанцхн таһһднь чигн биш, делгүдән әмтнә оныг, дур ээлж, Ижлин амар болн тенгсин көвәһәр, Кавказар болн Хол Дорд үзгәр, нань чигн һазр-мудар келн болснь алдг уга. Хохал Жалыковин хәәртә неринь, үүнә керг-төринь амлж, эн итклтә большевик, йоста ленинец күүнә эрүн седклинь, аһу зүркинь темдглж, энүнә цацсн алдр революционн серлин экн урһмл болж шавшсн, һазр болһна тодлвр болж йовхнь алдг уга.

Тегәд чигн шүлгчин бичдг эн болхугов:

Хохал!.. Мана Хохал!.. —

Холас теегнь дурдна.

Хохал!.. Мана Хохал!.. —

Хоһр дольган шурдна.

Жалыково — Элст, 1981—1987 жж.

НАРГ

I ХҮВ

Дээнэ нэлвд

Негдгч бөлг

3

Хойрдгч бөлг

20

Һурвдгч бөлг

36

Дөрвдгч бөлг

54

Тавдгч бөлг

77

Зурһадгч бөлг

100

II ХҮВ

Төлжлтийн хаалһд

Негдгч бөлг

124

Хойрдгч бөлг

140

Һурвдгч бөлг

159

Дөрвдгч бөлг

182

Тавдгч бөлг

201

Зурһадгч бөлг

216

Доладгч бөлг

237

Нээмдгч бөлг

257

Сүл үг

280

Тимофей Отельданович Бембеев

У СИНЬ-МОРЯ

Книга вторая

Рецензенты:

канд. филологических наук Р. А. Джамбинова,
канд. ист. наук М. М. Батмаев

Редактор А. Ц. Бартунова

Художник В. И. Ургалулов

Художественный редактор С. Э. Котинов

Технический редактор К. П. Белова

Корректоры Т. О. Алубкаева, М. А. Чоянова

ИБ № 1131

Сдано в набор 18.07.89. Подписано в печать 27.09.89.
К 00922. Формат бумаги 60х84/16. Бумага типографская № 2.
Гарнитура литературная. Печать высокая. Усл. печ. л. 16,74.
Усл. кр.-отт. 17,20. Уч.-изд. л. 19,32. Тираж 1000 экз.
Заказ 16 54. Цена 1 руб. 40 коп.

Калмыцкое книжное издательство,
358000, г. Элиста, ул. Революционная, 8.
Республиканская типография Госкомиздата Калмыцкой АССР,
358000, г. Элиста, ул. Ленина, 245.

Бембеев Т. О.

Б 45 У Синь-моря: Роман. Книга вторая. — Элиста, Калмыцкое книжное издательство, 1989. — 280 с.

Вторая книга охватывает события с времен гражданской войны до начала Великой Отечественной войны. Организация рыбной промышленности, культтурм, коллективизация, индустриализация — все этапные события 20-х, 30-х годов Калмыкии сходятся к центральному образу — коммуниста Х. Джалыкова, прошедшего путь от рыбака до секретаря обкома ВКП(б).

**Б 4702240000—033
М126(03)—89 25—89**

ББК 84.3 Калм

Күндтә умшачнр!

1989 жылд

Хальмг дегтр һарһач

хальмгин

баатрлгч эпосин

550 жилин

өөнд белглж,

«Жаңһр» эпос

орс келәр

барлж һарһхмн.

Тиражнь 30000 экз.

Күндтә умшачнр!

1989 жылд

Хальмг дегтр һарһачд
бичэч Буджала Егорин

бичкдүдт

нерәдж бичсн

«Аю аавин дегтр»
барас һархмн.

Күндтә умшачнр!

1989 жылд

Хальмг дегтр һарһач

нертә бичэч

Г. Н. Троепольскин

олн умшачнрт темдгтә

«Белый Бим Черное Ухо»

гидг түүк барлхмн.